

CAMILLO
CAIETANO PA-
TRIARCHÆ ALE-
XANDRINO.

BENEDI-
CTVS PERERIVS

S. D.



RIA SVNT GE-
nera rerum, CAMIL-
LE Patriarcha illu-
strissime, in quarum
studio & obseruatio-
ne mortalium animi vesana quadam
libidine vel potius rabie noscendi quæ
futura sunt, fœdis & noxiis illuduntur
fallaciis, atque impiis erroribus illigan-
tur: Somnia, & natalitia Astrologorū
Prædicta, atque Artes Magica. Neque
verò earum rerum pestilens vis, priua-
tos tantum aut singulos homines, verū
A 2 etiam

etiam Principes ac Reges ipsasq; ciuitates & respublicas inuasit, infecit, ac perdidit. Ac licet has generis humani pestes omnibus ferè seculis tum sapientes viri firmissimis rationibus profligare, tum prudentes rerum publicarum rectorum ac principes seuerissimis damnatas edictis & atrocissimis poenis addictas, è societate hominum exterminare flagrantissimè cupiuerunt, obnixeq; cõtenderunt: perparũ tamen adhuc profectum est. Aded enim malum hoc in animis hominum haeret infixum, vt penitus extrahi vix queat, nec eius sanandi potens atq; efficax vllum iam remediũ inueniri posse credatur. Itaq; hic vsu venit, quod de mathematicis scitè quidam vereq; dixit: Genus hominum, inquit, potentibus infidũ, sperantibus fallax: quod in ciuitate nostra & vetabitur semper, & retinebitur. Sed nihilominus tamen mihi quidem valdè vtiliter ac salutariter fecisse visi sunt, quod doctis aduersus eas artes editis libris

Tacitus hi
storiarum
lib. I.

vanam & fallacem ac perniciosam & superstitiosam earum rerum observationem aperte demonstrarunt. Quorum ego prudens consilium, piumq; studiū, atq; vtilem conatū emulatus, tres aduersus eas artes libros confeci, vnum de Magia, alterū de observatione somniorum, tertium de diuinatione astrologica. Ac primus quidem liber planè nouus est fœtus, nunc primum lucem aspiciens: quæ reliquis autem duobus libris disputantur, ea ferè sunt in commentariis nostris partim in Daniele, partim in Genesim explicata. Sed quia non pauci eos commentarios non legēt, aut quod eos propter studiorum diuersitatem non inuat legere, aut quia non vacat propter occupationes, putavi impergratum plurimis facturum, si quò latius horum librorum pateat vtilitas, separatim eas disputationes, atq; vnū in volumen, idq; modicum inclusas, typis excudendas curarem: ratus scilicet fore, vt eas ipsas disputationes, tū pro-

pter exquisitam multisq₃ optatam eius
 modi rerum cognitionem, tum etiam
 propter paruitatem commoditatemq₃
 voluminis, & plures, & audiat atq₃ v-
 tilius legant. Has ego lucubratiunculas
 apparere volui sub tuo nomine CAMIL-
 LE Prasul ornatissime: quē omnes qui
 norunt, non possunt non amare propter
 singularem ingenii ac morum suauita-
 tem, & quod vera animi bona cum am-
 plissimis natura ac fortuna bonis ada-
 quasti, admirari & obseruare coguntur.
 video sanē perexiguum esse munus, nec
 dignū tuæ nobilitatis ac dignitatis am-
 plitudine: sed est tamen amoris & ob-
 seruantiæ plenissimum, & quanti ego te
 faciam, quantumq₃ Caietanam fami-
 liam colat societas nostra cer-
 tissimum testimo-
 nium.

—)(—

BENEDICTI

PERERIILIBER

PRIMVS QVI EST

DE MAGIA.

DUPLICEM esse Magiam hic liber ostendit, alteram quidem naturalem & veram, ex occultis rerum naturis & virtutibus profectam, intimamque ac præstantissimam Philosophiæ partem, & admirandorum effectricem operum, ab omniq; alienam superstitione, & à Dæmonum artificio ac maleficio puram, sed paucissimos tamen mortalium exploratè perceptam: Alteram verò (quæ vulgo iactatur & celebratur) ab omni ratione ac veritate vacuam, fallacem item & noxiam, demonumq; fraudibus & maleficiis implicatam, ob idq; meritò infamem & abominabilem, & è societate hominum exterminandam. Hinc præterea cognoscet lector quatenus utraq; Magia progredi, & qualia quantaue opera possit facere, & an mira quæ videtur facere posterior Magia, verè talia sint, qualia spectantibus videntur, an verò præstricta oculorum acie, spectantium fallant existimationem,

nec veram habeant earum rerum quas re-
 præsentant vim & naturam, sed nudas tan-
 tum atq; inanes earum rerum similitudi-
 nes & imagines ferant: Deniq; quæ viden-
 tur, & vulgò creduntur Magorum miracu-
 la, quibus rebus differant à veris miracu-
 lis. quibusue notis & signis facilè diiudica-
 ri & internosci queant. Libuit autem an-
 te ipsum operis vestibulum, velut in con-
 spectu lectoris ponere generales sententias
 & capita disputationum quæ tractantur,
 quò scilicet cupidius ille, huius libri lectio-
 nem audeat, & ex ipsa lectione eam capi-
 at vtilitatem, cuius ei afferendæ vtilitatis
 flagrans desiderium, nec dubia spes,
 ad huius nos voluminis scri-
 ptionem impu-
 lit.



INDEX CAPITVM ET DISPUTATIONVM

LIBRI PRIMI QVI

est de Magia.

P R I M A.

AN omnia quæ feruntur à Magis facta, sint vel ab illis, vel ab aliis conficta.

II. An omnes effectus Magia reueratiles sint, quales videntur.

III. An sit aliqua Magia naturalis & quæ, aut qualis ea sit & unde eam homines discant.

IV. An spiritus illi, quorum magisterio atq; artificio hominibus tradita.

V. An spiritus illi, quorum magisterio & auxilio mira faciunt Magi, sint boni an mali.

VI. Quæ opera admiranda possint Dæmones, aut per seipsos, aut per Magos facere.

VII. Quas res Dæmon nec per se, nec per Magos possit efficere.

VIII. An opera magorum sint verè miracula,

cula, & quemadmodum à veris miraculis differant, & inter nosci queant.

- IX. Quotuplex sit Magia, & primo de Magia astronomica.
- X. De arte Cabalistica.
- XI. De Necromantica, id est, mortuorum ex inferis ad viuorum conspectum & colloquia euocatione.
- XII. An per artem Magicam possit verum aurum fieri ab Alchymistis.
- XIII. De origine Magia, & his qui in ea clari ac nobiles fuerunt.
- XIV. An Magia studium & usus sit licitus.
- XV. De Magis Pharaonis, quorum mentio fit in libro Exodi: & qui nominatim fuerunt illi qui resistebant Moysi.
- XVI. An prodigia quae Magi Pharaonis fecerunt, reuera fuerint talia, qualia videbantur, nec ne.
- XVII. Qua ratione & artificio, prodigia illa fuerint à Magis facta.

CAPVT PRIMVM.

An quæ à Magis facta esse vel sermonibus vulgò feruntur, vel à scriptoribus mandata sunt literis, omnia sint fabulosa, ficta & falsa, an verò aliqua fuerint, vti narrantur, verè ab illis gesta.



ON EST DVBIUM
quin eorū quæ de Ma-
gis aut dicuntur aut scri-
buntur, quam plurima
sint ficta & falsa: nam
plerique hominum ni-

mis sunt creduli & superstitiosi, & rebus
admirandis facillè capiuntur, cum et-
iam docti viri Philosophi, vt inquit Aristo-
teles quoniam fabula cōtinet aliquid no-
uum & mirabile, fabulis oblectentur. Quis
enim non videt, quæ Ouidius narrat in li-
bris metamorphoseos, omnia ficta esse à
Poetis, sicut illa de Circe & Medea, &
de sociis Diomedis in aues conuersis quæ
longo post tempore circa templum Dio-
medis volitabant, de sociis Vlyssis, quos
Circe mutauit in bestias. de Arcadibus

*Arist. lib. 2
Metaphys.*

qui traiecto quodam stagno vertebantur in lupos, de socero Medæ quem illa à senectute iuventutem reuocauit, de draconibus, quibus simul iunctis Medea volauit per aera, & de aliis id genus fabulis, quas Poetæ cum ad oblectationem legentium, tum ad mysticam hominum eruditionem adinuenerunt? Negari tamen non potest multa miratu dignissima verè à Magis esse facta. Nam scriptura in Exodo commemorat opera Magorum Pharaonis, & I. Regum capite vigesimo octauo scribitur de Phittonis illa que suscitauit Samuelem, & Psalmo quinquagesimo septimo de venefico incantante sapienter aspidem, ob id obturantem aures suas: & Matthæi vigesimo quarto. *Surgent, inquit Dominus, pseudoprophetae, & dabunt signa & prodigia* non vti que alia arte quam magica. Ex historiis Ecclesiasticis notum est, quæ opera admiranda Simon Magus ediderit magicis incantationibus: quamobrem (vt fertur) à Romanis publicam statuum meruit hac in scriptione **SIMONI DEO SANCTO** vt narrat Iustinus martyr in Apologetico. Irenæus libro primo contra Valentinum. Tertullianus in Apologetico, Eusebius libro secundo historiae Ecclesiasticae. Propter quæ prodigia idem Simon tanta in admiratione

Exod. 7.

*Iustinus
martyr.*

Irenæus.

Tertull. a.

Eusebius.

miratione fuit apud Samaritas, vt quem-
admodum Lucas scribit in actis Apосто-
lorū capite octauo, de illo diceretur : *Hac
est virtus Dei qua vocatur magna*, Nar-
rat beatus Hieronymus in vita Hilario-
nis, cum quidam iuuenis virginem Deo
sacram ad turpes amores illicere nulla ra-
tione potuisset; eum ad magicas artes cō-
uersum, quas apud Memphin Ægypti di-
dicerat, adeò illis profecisse, vt virgo insano
illius iuuenis amore fureret. Porro quæ de
Strygibus vulgò circumferuntur, non sunt
in totum falsa, sed multa illis admiranda
accidere, qui ea compererunt, viri fide di-
gni, sicut Syluester in opere suo de Strygi-
bus, & Alphonfus de Castro in eo quod
scripsit de Punitione hæreticorum, non il-
le quidem tanquam dubia & incerta, sed
tanquam sibi notissima & exploratissima
tradiderunt.

Mira sunt quæ Philostratus in libris De
vita Apollonij memorat vel Brachmanas
Indorum, vel Gymnosophytas Æthiopū,
vel ipsum Apollonium gessisse. Tale est il-
lud quod is narrat libro tertio & capite ter-
tio, vidisse Appollonium apud Indos ge-
mina dolia, vnum imbrium, alterum ven-
torum; illud, cū nimia siccitate India
premebatur, apertum nebulas emittebat

*Mira ope-
ra Mago-
rū ex Phi-
lostrato.*

vniuersam illam terram humectantes: nimios autem imbres occlusum cohibebat: alterum ad apertum efflabat ventos regionem perflantes, quò salubrius esset cælum. Tale etiam est illud quod ab eodem proditur libro tertio, capite octauo, cum Apollonius cum Iarcha & alijs Brachmanis mensæ accubuisset, tripodes lapideos sua sponte fuisse motos, & ab æreis pincernis calices in gyrum circumlatos esse, certa mensura vinum & aquam miscentes & cyathos proferentes. Nec sileri debet quod Philostratus libro quarto, capite decimo sexto scribit de puella quæ tanquam mortua portabatur ad sepulchrum: cuius funeri occurrēs in via Apollonius, tanquam secretò quædam illi admurmurans & insusurrans, ad vitam & integram valetudinem reuocauit. Nec minus mirabile est quod idem auctor narrat libro sexto, capite tertio de statua Memnonis, quam cum radius solis circa eius exortum attingebat, & ad os eius perueniebat, statua more hominum loquebatur. His adde quod ab eodem memoratur eiusdem libri sexti capite quinto, iussu Vespesionis, qui princeps erat gymnosophistarum apud Æthiopes, vltimum quandam voce quidem clara & distincta, sed tenui admodum & quasi foeminea salutasse Apollonium. Sed illud
 mira-

miratu dignissimum , quod Philostratus tradit capite secundo, libri octaui, Appollonium cū esset in prætorio Domitiani Imperatoris, vt utebatur, ab eo condemnandus, repente ex omniū oculis euanuisse. Quamobrem tantò in honore fuit Apollonius apud posteros, vt eum Hierocles cum CHRISTO Domino nostro conferre ausus fuerit. Sed eius audaciam fregit , insaniamque coarguit Eusebius Cæsariensis: Alexander autem Mameas Imperator Romanorum in suo Larario imagines CHRISTI, Abrahæ & Apollonij habebat , quòd hos tres maximè omnium miraretur & coleret.

*Eusebius
in libro cō-
tra Hiero-
clem.*

VERVM , sicut à principio dixi , eorum quæ Magi fecisse dicuntur , quam plurima falsa sunt vel ab ipsis vel ab aliis conficta, & superstitiosis nimiumque credulis hominibus persuasa. Quis enim vera concedat quæ Maga illa apud Virgilium libro quarto Æneidos promississe dicitur :

*Hæc se carminibus promissit soluere
mentes*

*Quas velit , ast alijs duras immittere
curas,*

*Sistere aquam fluminis , & vertere sice-
raturo,*

Nocturno

Nocturnosque ciet manes , mugire vi-
debis

Sub pedibus terram, & descendere mon-
tibus ornos.

Quocirca Plinius nullam esse putauit
Plinio nul- Magiæ vim atque potestatem , & quæ d
la est Ma- Magis feruntur, omnia esse vana falsaque
gia. totamque Magiam reicit & damnat. N
libro 30. capite 2. Immensum , inquit , &
indubitatum exemplum est falsæ arti-
quam dereliquit Nero. Non enim ad
eam discendam Neroni defuit vel inge-
nium , vel diligentia , vel quælibet facul-
tas, nec studium , cum eius discendæ au-
dissimus esset : quin etiam ad eam do-
cendam Tyridates Armeniorum rex no-
bilissimos Magos secum ducens venit ad
eum, cænisque magicis eum inuitauit: sed
is regnum quidem à Nerone accepit, Ma-
giam autem quæ nulla est, docere eum nō
potuit. Proinde ita persuasum sit, intesta-
bilem, irritam, inanem esse, habentem ta-
men quasdam veritatis umbras, sed in his
venificas artes pellere, non magicas. Hæc
Plinius. Cui ut concedo plurima Mago-
rum esse vana & falsa ; ita esse talia omnia
non assentior. Esse autem pleraque Ma-
gorum promissa non solum inania & fal-
sa, sed etiam incredibilia & ridicula de-
monstrat Plinius libro vigesimo sexto ca-
pit. 4.

pit. 4. his exemplis; Magi aiunt Æthiopide herba amnes ac stagna ficcari: coniectu, taëtu, clausa omnia aperiri: Alchimenide coniecta in aciem hostium, trepidare agmina, ac terga vertere: Latacem dari solitam à Persarum rege Legatis, vt quocunque venissent, omnium rerum copia abundarent. Apud Democritum inuenitur compositio medicamenti, quo pulchri, bonique & fortunati gignantur liberi. Et libro vigesimo quinto capite nono. Circa herbam, inquit, quam nostri Verbenacam vocant, Magi mira insaniunt: hac perſuctos impetrare quæ velint, febres abigere, amicitias conciliare, nullique non morbo mederi. Lege apud Aul. Gellium libro decimo capite duodecimo, & apud Plinium libro vigesimo octauo capite primo, quæ fabulantur Magi de Chamalcon-
~~tradita~~ Democrito magicæ artis principe, qui, quo tempore Hippocrates medicinam, eodem magicas artes in Græcia celebrauit, hoc est, circa bellum Peloponnesiacum, anno post Romam conditam trecentesimo: vt auctor est Plinius lib. 30.

cap. I.

*Figmenta
Magorum
Plinio.*

*Aul. Gellius.
Plinius.*

CAPVT

CAPVT II.

*An omnes effectus Magia sint simulati
& tantum apparentes, hoc est, non
tales reuera quales videntur, an ve-
rò sint aliqui eius effectus etiam
veri & naturales, nempe ta-
les reuera quales vi-
dentur.*

NON NVLLOS effectus Magorū
naturales & veros esse, tum ex sa-
cris literis, tum ex alijs probatis hi-
storiis competum est. Nam opera Ma-
gorum Pharaonis vera fuisse, satis indicat
scriptura cap. 7. Exodi; itaque sentiunt O-
rigenes & Augustinus. Id quoque decla-
rat Samuel à Pitonissa suscitatus; quem
fuisse verum Samuelem, licet nonnulli in
dubium verterint, tamen auctor libri Ec-
clesiastici capite quadragesimo sexto nos
dubitare non sinit. Ad hæc Dominus no-
ster ait venturos pseudopphetas tem-
pore Antichristi, qui faciant prodigia &
Portenta magna: quæ San. Paulus vocat
mendacia, non quod omnia per se & sua
natura falsa; sed quòd fient ad persua-
dendum falsum, & ad decipiendos ho-
mines, & quòd putabuntur esse vera mi-
racula,

Matt. 24.

2. Theff. 2.

racula, hoc est, supernaturalia opere, cum non sint talia. Nónne DEVS Deuteronom. decimo tertio, denuntiat venturos pseudoprophetas prædicentes futurum aliquod portentum, quod ita veniet, vt ab illis fuerat prædictum? Dæmones item naturali solertia, quæ summa illis est, & scientia cunctarum rerum naturalium quam propter peccatum non amiserunt, denique longissimi temporis experientia qua pollent, occultas & admirandas rerum facultates & virtutes, ipsarumque rerum inter se vel sympathiam vel antipathiam, & quemadmodum inuicem applicari & temperari debeant, quò mirabiles & inusitados effectus producant, optimè norunt, & per Magos ministros suos præstare possunt. Atque hæc est doctrina B. Augustini in libro tertio, de Trinitate, capite septimo & octauo in libro Octoginta trium questionum. question 72. & in questione vigesimo secundo in Exodum, à Christianis Philosophis iuxta & Scholasticis Theologis recepta. Neque possumus negare (sunt enim multis Romanæ historiæ scriptoribus prodita) duarum Romanarum mulierum duo facta per quam memorabilia. Cum n. mater deorum ex Pessinũte Phrygiæ, naui aducheretur Romã sita dicitur hæsisse in Tiberi, vt non hominũ, nõ boum

boum vi moueri loco posset. Q. Claudia vestalis quò suam castitatem probaret, discinxit se, zonamque naui alligans, eam quo volebat, deduxit. Thucia quoque vestalis quò suam etiam probaret pudicitiam, aquam Tiberi haustam cribro tulit vsque ad capitolium, anno vrbs conditæ sexcentesimo nono, vt tradit Plinius li. 28 capit. 2. Nec possumus inficiari opera Magorum, homines faminasuè inflammari ad libidines, & ad amores ante exosos: cuius rei exemplum affert. S. Hieronymus in vita Hilarionis à nobis supra commemoratum. Quanquam duo illa quæ virgines illas vestales egisse diximus, putat S. Thomas in Quæstionibus de potentia, quæstion. 6. artic. 5. etiam ministerio bonorum Angelorum Deo sic volente, castitatis virtutem & præstantiam commendare & probare hominibus, fieri potuisse.

*Notabilis
sententia
B. Tho-
ma.*

CÆTERVM plurima magorum opera esse simulata, fallentia oculos spectantium, nudamque tantùm eorum quæ repræsentant imaginem, non autem veram naturam habentia, multi tradiderunt atque compererunt; & ego faciliè credo. Tales fuerunt (si tamen fuerunt) admirandæ metamorphoses, quas à Varrone proditas cōmemorat B. Augustin. libro decimo

mo quinto de Ciuitate Dei , cap. 17. & 18. de socijs Vlyſſis à Circe mutatis in varias beſtias, de ſocijs Diomedis in aues cōuerſis, de Arcadibus traiecto quodam ſtagno transformatis in Lupos, de ſtabulariis quibusdam mulieribus, quas narrat B. Auguſtinus ſuo tēpore in Italia viatores quibus caſeum dabant veneficiis imbutum, mutare ſolitas in iumenta, eorumq; opera ad portanda onera aliquandiu vſas, rursus in priſtinas hominum figuras reformaſſe.

Tale quoque fuit quod Philoſtratus li. 4. capite 5. tradit accidiffe Apollonio: erat enim quædam lamia quæ ſpeciem gerens pulchræ mulieris, ſimulabat ſe captam amore cuiusdam Menippi iuuenis formoſi, ei velle nubere. Die igitur nuptiis dicato mulier illa conuiuium apparauit lautiffimum, maxima auri, argenti, ornamentorum, omnis generis vini & dapum copia inſtructiſſimum, quō cūm ingreſſus eſſet Apollonius, ad eos qui aderant conuerſus, inquit: Tantali hortos videtis, qui ſicut Homerus ſcribit, apparebant eſſe aliquid, cūm nihil tamen eſſent: talem enim eſſe hunc omnē apparatus exiſtimare debetis: neq; enim quæ apparet materia, vlla ſubeſt, ſed materię duntaxat ſimulachrū eſt & imago. Hæc autem ſponſa, vna eſt e numero lamiarū, quas aliqui lar-

uas

uas aliqui lemures appellant. Sunt ad venerē propensæ, humanas carnes vehementer expetunt, venereorum cupidine allicientes eos quos cupiunt postea deuorare. Atque his dictis totus ille apparatus ex oculis omnium euanuit: & illa mulier sese Lamiam esse confessa est, & voluisse Menippum voluptatibus explere, ut eius postea corpus deuoraret: consueuisse enim pulchrorum iuuenum corporibus vesci, ubi ad summam sanguinis abundantiam peruenissent. Non sunt admodum dissimilia quæ 26. quæst. cap. 5. Episcopi, de nonnullis strygibus narrantur, quas dæmones delusa earum imaginatione credere faciebant, longa terrarum spacia per aëra equitando conficere, & cum Diana & Herodiade in amœnissimis locis iucundissimè epulari & ludere, cum neq; verè transferrentur, neque personis, quibus credebant, adessent, sed tantùm imaginationum ludificatione.

Hoc etiam euidentissimis rationibus probari potest. Magi enim promittunt se ex lapidibus vel lignis leones vel lupos subito producere posse; & nonnunquam in spectaculis ex terra faciunt subito existere leones vel lupos: constat autem eiusmodi animalia perfecta citra supernarutalem Dei potentiam nulla ratione gigni posse
nisi

nisi ex semine , nec ad iustam magnitudinem , nisi statis temporum interuallis peruenire posse. Dicuntur etiam mortui à Magis reuocati ad vitam , sicut traditum est de puella illa quam Appollonius reuiuiscere fecit , & de Alceste quondam ab Hercule ad vitam restituta. Plinius etiam lib. 7. c. 37. narrat Asclepiadem celeberrimum tempore Pompeij Magni medicum, quendam hominem mortuum è funere retulisse & seruasse. Non posse autem Magos verè mortuos ad vitam reuocare , ita concluditur : Si animus hominis est mortalis, non potest semel extinctus idem numero reuiuiscere, sin autem est, vti verè est, immortalis , non potest vllis hominum vel dæmonum artificijs , vel vllis naturalium agentum viribus rursus ad corpus suum animandum viuificandumque reuocari : nam cum sit immaterialis & incorporeus , est supra omnis naturæ corporeæ facultates ; nec vllius rei creatæ potestati subiacer. Necesse est igitur , resurrectiones mortuorum quæ à magis factæ narrantur , vel esse fabulosas , vel fuisse simulatas , & tantùm , in

*Nulla vi
Arte ma-
gica posse
mortuos re-
miniscere.*

speciem factas.

★★
*

CAPVT

CAPVT

III.

An sit aliqua Magia naturalis.

LI C E T iam vsus obtinuerit vt nomen Magiæ ferè in malam partem accipiat, pro ea nimirum arte quæ opera & adminiculo dæmonum res mirabiles vel facit vel facere simulat ; & Magi vulgo dicantur qui ex commercio quod habent cum dæmonibus, res stupendas efficiant veluti sunt præstigiatores, incantatores, Necromantici, & alij malefici homines : Attamen nec nomen Magiæ absolutè & præcisè sumptū hoc significat, nec à principio sic fuit vsurpatum, sed vniuersè pro quadam facultate, per quam homines efficiebant res inusitatas & admirandas ratione quadam occulta, & aliis hominibus incognita. Sic generaliter sumpta Magia dupliciter diuidi potest : altera enim est naturalis, altera non naturalis. Naturalem voco, quæ cognitione & applicatione quarundam regularium virtutum, quæ sunt in rebus naturalibus, quæq; latent ferè mortales, agentia & patiētia suo loco & tēpore,

pore, & sicut opus est inuicem componendo & temperando, effectus quosdam inusitados & admirandos, & quorum ratio videtur incomprehensibilis, moluntur. Magia autem non naturalis dicitur, quæ etiam mira efficit, verumtamen non vtens viribus agentium naturalium, sed sola dæmonum opera & ope. Naturalis autem Magia rursum triplex tradi potest: alia enim dici potest humana, quia humano stud. o & diligetia comparatur; altera Divina, quæ per reuelationem vel à Deo, vel ab Angelis bonis percipitur: Tertia, Dæmoniaca quam dæmones tradunt ijs hominibus, qui se illis impia societate & fœdere deuinxerunt.

Esse autem Magiam quandam naturalem, quæ est secretior quædam & abstrusior sapientiæ pars, & quæ occulta quædam cognitione & vsu quarundam rerum naturalium mira perficit, nullo modo videri doctis dubitandum est. Quis enim vel sanctus dumtaxat literis Philosophicis, nescit esse multas virtutes rerum naturalium reultas, mirabiliu. n rerum effectrices, quas si quis benè nosset, & ! vsum accodare sciret, haud dubie a posset efficit. Multa sunt naturæ incomprehensa adhuc rationis, &, (vt Plinij verbis) in naturæ maiestate penitus abdita.

B

Hæc,

*Triplex
Magia naturalis.*

Esse naturalem quandam Magiam.

Hæc, si quis hominum illis rebus naturalibus occultè vtens, faceret, Magus videretur, & non nisi auxilio dæmonum talia facere crederetur; cum tamen opera illa essent naturalia, & naturaliter causis naturalibus profecta. De miraculis naturæ integrum librum scripsit Aristoteles, qui inscribitur De Admirandis actionibus, quanquam eum nonnulli ascribunt Theophrasto. Plinius cum alijs libris multa, tum plurima secundo libro Naturalis historiæ prodidit, & Proclus libro De Sacrificio & Magia & beatus Augustinus libro vigesimo primo, De Civitate Dei capite quarto & quinto. Albertus Magnus libro. 2. Mineralium, Tractatu caput. 1. 11. & 12. & Fracastorius in lib. De Sympathia, & Ficinus libro quarto, Theologia Platonis, cap. 7. multa quæ eius generis sparsa leguntur in libris Cardani de similitudine & varietate rerum quorum hic nonnulla ex Plinio recensere libro secundum caput. 96. Iuxta Harpassi oppidum Asiaticæ cautes stat horrenda vno digito mobili eadem, si toto corpore impellatur, resistens. Duo sunt montes iuxta flumen Rhodanum, alteri natura est, vt ferrum omne attrahat, alteri, vt respuat; Itaque si sint calceamento, in altero auelli non possunt, in altero sisti. Et cap. 105. Hæc est

*Μίρακλ' ἢ
φύσις.*

tura Naphtæ circa Babyloniam perfluens bituminis liquidi modo, vt in eâ vndecunque visam protinus transfiliat ignis. Ita ferunt à Medea pellicem crematam, postquam sacrificatura ad aras accesserat, corona igne raptâ, & capite 103. In Nymphæo exit è petra flamma quæ pluuiis accenditur, & capite 103. In Dodone Iouis fons cùm sit gelidus, & immerfas faeces extinguat, si extinctæ admoueantur, accendit. In Illyriis supra fontem frigidum expansæ vestes accenduntur. Idem Plinius libro vltimo, capite quarto, Adamas (sic Græcè dictus, quòd nec ferro, nec igne dometur) hircino tamen rumpitur sanguine : & cum magnete lapide in tantum dissidet, vt iuxta positus ferum non patiatur abstrahi ; aut si admotus magnes apprehenderit, rapiat atque auferat. Verùm nihil esset mirabilius magnete, si vis eius non adeò nobis esset nota & explorata. Nam rationem cur ferum ad se trahat, & acum nauticam sua vi tactam eatenus agitet, quoad illa directo septentriones spectet, quis nobilium philosophorū nō diligentissimè inuestigauit ? quis autem adhuc comperit aut satis explicauit ? Sed omnia excedit miracula Echmeis pisciculus quem Latine vocant Remora *Remora* *piscis,* cui⁹ meminit Aristoteles li. 2. de Histo-

ria animalium cap. 14. sed Plinius libro 32. cap. 11. non solum ab antiquis de eo prodita, sed etiam sibi sui que temporis hominibus plane cognita & explorata tradens ait eum semipedalem esse, limaci magnæ similem, adhærentem que nauigiis licet ea sint ingentia cursuque incitatissimo ferantur, eorum tamen ita frenare impetum, ut stare cogat, non labore ullo, nec renitendo; nec aliter quam adhærendo. Fertur Actiaco bello tenuisse prætoriam nauem Antonij properantis circumire, & exhortari suos, donec iret in aliam. Ideoque cæsariana classis impetu maiore protinus venit. Tenuit etiam eius memoria Caij principis ab Astura Antium remigantis quinquiremē quadringentorum remigum viribus propulsam, eiusque adhærens gubernaculo: feruntque Cæsarem peculiariter miratum quomodo adhærens tenuisset, nec idem polleret in nauigium receptus. Haftenus ex Plinio. Nec modò quæ ratione carent, sed etiam homines mira edere & non cernentibus incredibilia cum alij testificati sunt, tum haud dubium relquit S. Augustinus multis certisque eius rei positis exemplis. Nouimus, inquit, lib. 14. de ciuitate Dei, cap. 13. hominū quorundam naturas multum cæteris dispares, & ipsarum raritate mirabiles, quædam ut volun-

de corpore suo facientium, quæ alij nullo modo possunt; & audita vix credunt. Sunt enim qui aures moueant, vel singulas vel ambas simul. Sunt qui totam cæsariem, capite immoto quantū capilli occupant, deponunt ad frontem, reuocantq; cū volunt. Sunt qui eorum quæ deuorauerūt, incredibiliter plurima & varia, paululū præcordiis contrectatis, quod placuerit, integerrimum proferunt. Nonnulli ab imo sine pudore vllō, ita numerosos pro arbitrio sonitus edunt, vt ex illa etiam parte cantare videantur. Ipse sum expertus sudare hominem solere cum vellet, notum est quosdam flere cū volunt, atque vbertim lachrymas fundere. Presbyter fuit quida nomine Restitutus in parœcia Calamensis Ecclesiæ, qui quibuscunque volebat, ita se auferebat à sensibus & iacebat simillimus mortuo, vt non solū vellicantes & pungentes minimè sentiret, sed aliquando etiam igne vreretur admoto, sine vllō doloris sensū: nec in eo vllus inueniebatur anhelitus. Hæc ibi Augustinus

Iam verò Sphæram illam quam tradit *Sphæra Archimedis.*
Cicero primo Tusculanarum disputationum, & secundo libro de Natura Deorum ab Archimede primū, & deinde à Possidonio factam, omnes cœlestium orbium conuersiones suis motibus clarissimè perfectis-

perfectissimeque representantem, quis humanum ac non potius diuinum aut demoniacum inuentum & opus credidisset? Huc etiam referri potest quod Albertus capite tertio libri sui De moribus Animalium commemorat, duos in Germania natos esse pueros, quorum altero iuxta domorum ostia incedente, omnia ostia versus latus sinistrum illius aperiebantur, tametsi clausa essent: idemque contingebat alteri puero illius fratri, versus latus eius dextrum; & hoc dicit vidisse multos, negatq; id referri posse alio, quam in proprietatem occultam quæ utrique in eorum ortu indita est à cælo: quanquam ego vereor ne illud non fuerit verum. aut si fuit, non puto id naturaliter sine interuentu & opera dæmonum fieri potuisse.

Si igitur tam mira sunt naturæ opera; *Quales* cur non sapiens reconditori naturalium rerum cognitione vsuq; præditus similia facere posset? Atque hæc est Magia naturalis. *Magi Persarum.*

Tales erant apud Persas Magi (ait Philo in libro, Quod omnis probus sit liber) naturæ scrutatores, præ veritatis cognoscendæ studio, qui per otium diuinas virtutes contemplantur clarius, & alios iisdem initiant mysteriis. Et in libro De specialibus legibus. Veram, inquit, Magiam, hoc est, Perspectiuam scientiam, per quam

Natu

Naturæ opera cernuntur clarius, vt honestam expetendamque, non plebeiij solum testantur; sed etiam Reges regum maximi, præsertim Persici, tam curiosi harum artium, vt regnare non liceat nisi familiariter cum Magis versato. B. Hieronymus exponens secundum Danielis caput: Magi, inquit, sunt, qui de singulis philosophantur, nec malefici sunt, sed Philosophi Chaldæorum, & ad artis huius scientiam reges quoque & principes eiusdem gentis omnia faciunt. Vnde & Magi in Saluatoris nostri natiuitate, primi ortum eius intellexerunt. Huius artis excellenti peritia, censet Philostratus Apollonium Tyaneum mira quæ de eo narrantur, effecisse, idemque sensu de illo Iustinus martyr in quæstionibus ad Orthodoxos, quæstione vigesima quarta ita scribens: Apollonius, vt vir naturalium potentiarum & diffensionum atque consensionum earum peritus, ex hac scientia mira faciebat, non auctoritate diuina. Hanc ob rem in omnibus indiguit assumptione idonearum materiarum, quæ eum adiuuarent ad id perficiendum quod efficiebatur. Et Apollonij quidem opera quoniam facta sunt ex scientia rerum naturalium ad corporalium actionum hominum, non evertit De⁹. Sic ibi Iustin⁹, hui⁹ Magiæ naturalis fiducia ausus

Matth. 2.

*Iustini
martyris
testimoniū
de Magia
Apollonij
Tyanci.*

est Archimedes admirandum illud theorema ponere.

Archimedis sciētia potentia. Q V A N T V M L I B E T onus quibuslibet viribus mouere : nec posuit in modo sed & apertissimè demonstrauit : & quia id regi Hieroni incredibile videbatur ,

speculationem illam ad praxim traduxit, ingentem nauem onerariam quam ingens hominum turba, vix maximo labore mouere poterat , hominibus multis ponderibusque impositis , procul ascidens, quieta impellens manu, vi quadam multifidæ machinæ, tranquillo quasi mari prolaberetur, ad se adduxit. Cumque Marcellus maximo exercitu terra marique Syracusas obsideret ; Archimedes ad vrbs propugnationem , mirabiles terribilesque omnis generis machinas telaque huius Magiæ naturalis scientia adinuenit , quibus tantas hostium strages passim edebat , ut Romani incredibili admiratione terroreque perculsi, dicerent se non contra homines , sed contra deos pugnare. Quid dicam de stupendo illo Architæ Pythagorici commento ? à quo plerique nobilium Græcorum tradunt , & apud Aul. Gellium libro decimo capite duodecimo Phavorinus Philosophus pro certo confirmat, simulachrum columbæ e ligno ratione quadam mechanica factum , volasse ; ita erat

Plutarch⁹ in Marcello.

Columba lignea volans.

erat scilicet libramētis suspensum, & aura spiritus inclusa atq; occulta concitum.

Hac etiam arte ferunt Albertum Magnū, *Caput æneum loquens.* caput æneum, quod maxima spectantium admiratione loqueretur, fabricasse.

Seuerinū etiam Boëtium, in epistola quadam siue à Cassiodoro, siue à Theorico ad eum scripta, dicitur, huius artis vi, *Mira opera Boëtij.* miracula fecisse, hoc est, vt metalla mugirent, æneus anguis sibilaret, aues simulatæ dul-

cissimè canerēt, homines ærei in aëre buccinarentur. Verū de his satis, illudque ratum & indubitatum sit, esse quandam Magiam naturalem, quam qui tenent (paucissimi autem benè tenent) possunt mira facere, quæ rude vulgus putat opera & auxilio dæmonum fieri: Tum quia opera illa sunt in vñtata; Tum quod secreta quadam ratione & aliis occulta fiant. Quamobrem plerique putant eiusmodi homines habere consortium cum dæmonibus, & non nisi eorum ope illa præstare. Talem de se fuisse hominum opinionem, quodam loco scribit Galenus, Boetius libro primo de consolatione, prosa quarta, queritur se, propter reconditoris Philosophiæ cognitionem, & quarundam rerū mirabilium effectiōem, tanquam magicis & maleficis artibus imbutum, fuisse accusatum & damnatum.

*Naturalis
Magia Sa-
lomons.*

3. Reg. 2.

MAGIÆ autem naturalis, non humano studio partæ, sed à Deo vel Angelis bonis acceptæ, manifestum est argumentum perfectissima rerum omnium naturalium scientia diuinitus infusâ Salomoni: per quam verisimile est, eum mira effecisse, aut certe si voluisset facere, potuisset. Iosephus certè libro octauo de Iudaicis antiquitatibus ait Salomonem instituisse occulta quædam remedia ad pellendos morbos & fugandos dæmones. Incantationes, inquit, composuit quibus morbi pellantur, & coniurationum modos reliquit scriptos, quibus ita fuganter dæmones, vt deinceps nunquam reueri audeant: atque id sanationis genus etiam suo tempore apud Iudæos in vsu esse; & se vidisse Eleazarum Iudæum, præsentè Vespasiano aliisque Principibus multos à dæmonibus vexatos, hac ratione liberafse. Modus curationis erat hic: ad moronaribus dæmoniâci annulo, sub cuius sigillo inclusa erat species cuiusdam radicis à Salomone indicatæ, ad eius olfactum, per nasum contrahebatur dæmonium, & collapsò mox homine, adiurabatur dæmonium ne amplius rediret, Salomonis mentione facta, & incarnationibus eius recitatis. Discessus autem dæmonis ab homine, illud erat indicium, quod iussu Eleazar

zari

zari egrediens, vas plenum aqua ibi positum, inuisibiliter euertebatur. Hæc ex Iosepho. Sed profectò illa ratio eiiciendi dæmonem, non ex Magia naturali, sed ex superstitiosa & Diaboli artificio composita proficiscebatur; nec eam credibile est institutam esse à Salomone, nisi forte postquam is D E I gratiam perdidit, in cultum idololatriæ prolapsus. Iuuenis etiam Tobias, mirabilem vim eius piscis quem in Tigri ceperat Angelo Raphaele docere, cognouit nam sic Tobias dixit Raphael (ut legitur capite septimo illius libri) *cordis eius particulam si super carbones ponas. fumus eius extricat omne genus damoniorum. siue à viro, siue à muliere, ita ut ultra non accedat ad eos: fel autem eius, valet ad ungendos oculos, in quibus fuerit albugo & sanabuntur.* Simili remedio piscis, Gregorius Turonensis Episcopus, cum puer esset, diuinitus admonitus, patrem suum à grauissimo morbo liberauit.

3. Regu. II.

N O N N V N Q V A M etiam Magiam naturalem discunt homines à dæmonibus. Sic enim Magos Pharaonis eam didicisse, certum est. Immò ferè, qui hanc Magiam tenent, cū sint homines minimè probi, & philosophiæ aliarumq; liberaliū doctrinarum rudes & imperiti, non dubium est, quin vel ipsi eam artem à dæmo-

nibus didicerunt , vel ab his quibus eam
dæmones tradiderunt. Vix enim vlli mor-
taliū , aut certè paucissimis , nec nisi ijs
qui acerrimo fuerint ingenio , & longin-
qui temporis diligenti obseruatione vti,
talis Magia naturalis contingere potest.

CAPVT IV.

*An sit aliqua Magia non naturalis, hoc
est, quæ non ad naturam, sed ad
dæmones necessariò referri
debeat.*

M VITA faciunt Magi , quæ nullo
modo effici possunt per causas natu-
rales , sed ea necessariò referri debent ad
aliquas substantias incorporeas , q̄ occul-
tè cum ipsis Magis & per ipsas operantur.
Magi enim nōnunquam faciunt statuas è
ligno vel alia materia factas, nullo extrin-
secus impellente, moueri ex se motu pro-
gressiuo & humano , quin etiam loqui
& respondere ad quæstiones de variis
rebus propositas : si id fieret naturaliter,
cum natura nunquam det operationem
aliquam , nisi dando formam , ex qua
illa

illa operatio procedit , supradictæ verò actiones, sint tantummodo animalium perfectorum , & quædam propriæ hominis, oporteret in illa statua productam fuisse animam sentientem perfectam, & animam rationalem. At nec huiusmodi animæ possunt esse subiectivè in tali materia, qualem habent illæ statuæ, quippe quæ carent vita & sensu, nec animalia perfecta possunt generari nisi ex semine à sui similibus, nec potest natura simul & generare animal perfectum , & perfectam illi magnitudinem dare : Necessè igitur est, prædictas operationes statuarum, non à natura, sed ab aliquo dæmone , qui intra illam statuam latet, proficisci. Deinde, Magi quædam manifestant occultissima , & quæ ratione humana nota eis esse non potuerant , veluti furtiva clam facta, thesauros alicubi reconditos, res quæ in remotissimis regionibus geruntur , quæ quisque olim vel dixit vel fecit , denique prædicunt quædam futura, hæc autem opera sunt mentis , & quidem sublimioris atque præstantioris, quam est humana. Præterea Magi cum volunt mira illa facere, certis quibusdam vestibus induuntur, ducunt quasdam lineas, describunt figuras, pingunt characteres , & aliæ quædam adhibent, quæ per se nec vim habent naturalem producendi illos effectus, nec præ

parandi materiam ad illos producendos, aut accipiendos: non igitur magi opera illa faciunt per causas naturales.

Adhæc, supra omnis naturæ corporea potestatem est illud quod nonnunquam faciunt magi, ut ad eorū præsentiam, & fores & alia loca quæ clausa sunt, repentinè patefiant, interdum etiam se vel alios repentinè ex hominū conspectu subducunt, quod de Apollonio Tyaneo memoriæ proditum est: is enim cum sisteretur in prætorio ante Domitianum Imperatorem, repentinè ex oculis omnium euauisse dicitur. His accedit quod Magi non faciunt hæc, nisi pronuntiando certas quasdam voces & verba in quibus totam illi, vel maximam vim artis magicæ ponunt, voces autem & verba, cum ex se non habeant aliam vim quam significandi, vel quodammodo afficiendi auditum, non possunt esse causa ut aliquid fiat, nisi dupliciter, vel ratione rerum quæ illis verbis dicuntur, quæ res intellectæ ab audientibus, eos variè afficiunt & mouent præsertim adiuncta decenti conuenientique actionis & pronuntiationis ratione, & hoc modo oratorū & concionatorū verba, mouere solent audiētes, sed hic modus mouēdi, non nisi ad audientes qui intelligunt, pertinere potest: vel mouēt verba, propter suauitatē modi, quo modulatē

*Quomodo
voces pos-
sunt esse
causa effi-
cientes ali-
quarum re-
rum.*

& artificiosè cum suauitate & dulcedine auditum afficiunt, qua ratione non solum homines, sed etiam animalia vocibus musicis variè affici & permoueri cernimus, neutrum autem horum reperitur in vocibus Magorum, non igitur per illas voces, tanquàm per causas naturales, illos suos effectus producant. Iam verò cum Magi ad faciendum quod volunt, adhibeant quasdam inuocationes, obtestationes, comminationes, sacrificia, prostrationes corporum, & alia eiusdem generis, quis non liquidò cernit hæc nō posse referri ad naturam corpoream, ratione & intelligentia carentem, sed ea naturæ alicui incorporeæ & intelligenti, cuius magi opem implorant, & sine cuius concursu, quod intendunt, efficere non possunt exhiberi.

Postremò, ne quis vel ambigendi vel cavillandi reliquus sit locus, illud meo iudicio omnem tollit dubitationem, quod non solum magi miranda illa opera per seipsum faciunt, sed quasi quædam dictata tradentes aliis, eadem per illos perficiunt: quin etiam vsu venit quosdam planè ignorantes, an illa essent vel à dæmone tradita, vel magicis prauitatibus infecta, fidem tamen habentes illis sibi dictatis, eisquæ vtentes, mira etiam fecisse, quod apertè demonstrat, facultatem eiusmodi res perficiendi non.

parandi materiam ad illos producendos, aut accipiendos: non igitur magi opera illa faciunt per causas naturales.

Adhæc, supra omnis naturæ corporeæ potestatem est illud quod nonnunquam faciunt magi, ut ad eorū præsentiam, & fores & alia loca quæ clausa sunt, repentinè patefiant, interdum etiam se vel alios repentinè ex hominū conspectu subducunt, quod de Apollonio Tyaneo memoriæ proditum est: is enim cum sisteretur in prætorio ante Domitianum Imperatorem, repentinè ex oculis omnium evanuisse dicitur. His accedit quod Magi non faciunt hæc, nisi pronuntiando certas quasdam voces & verba in quibus totam illi, vel maximam vim artis magicæ ponunt, voces autem & verba, cum ex se non habeant aliam vim quam significandi, vel quodammodo afficiendi auditum, non possunt esse causa ut aliquid fiat, nisi dupliciter, vel ratione rerum quæ illis verbis dicuntur, quæ res intellectæ ab audientibus, eos variè afficiunt & movent præsertim adiuncta decenti convenientique actionis & pronuntiationis ratione, & hoc modo oratorū & concionatorū verba, mouere solent audientes, sed hic modus mouendi, non nisi ad audientes qui intelligunt, pertinere potest: vel mouet verba, propter suauitatē modi, quo modulatur.

*Quomodo
voces pos-
sunt esse
causa effi-
cientes ali-
quarum re-
rum.*

& artificiosè cum suauitate & dulcedine auditum afficiunt, qua ratione non solum homines, sed etiam animalia vocibus musicis variè affici & permoueri cernimus, neutrum autem horum reperitur in vocibus Magorum, non igitur per illas voces, tanquàm per causas naturales, illos suos effectus producant. Iam verò cum Magi ad faciendum quod volunt, adhibeant quasdam inuocationes, obtestationes, comminationes, sacrificia, prostrationes corporum, & alia eiusdem generis, quis non liquidò cernit hæc nō posse referri ad naturā corpoream, ratione & intelligentia carentem, sed ea naturæ alicui incorporeæ & intelligenti, cuius magi opem implorant, & sine cuius concursu, quod intendunt, efficere non possunt exhiberi.

Postremò, ne quis vel ambigendi vel cavillandi reliquus sit locus, illud meo iudicio omnem tollit dubitationem, quod non solum magi miranda illa opera per seipsos faciunt, sed quasi quædam dictata tradentes aliis, eadem per illos perficiunt: quin etiam vsu venit quosdam planè ignorantes, an illa essent vel à dæmonetradita, vel magicis prauitatibus infecta, fidem tamen habentes illis sibi dictatis, eisque vtentes, mira etiam fecisse, quod apertè demonstrat, facultatem eiusmodi res perficiendi non

non esse naturalem. Nō me fugit, Petrum Apponensum, Cardanum, maximè verò Pomponatium in libro de incārationibus, eiusmodi opera Magorū, exclusis dæmonibus, ad solas causas naturales conatos esse referre, sed frustra & infelicitè. Verum eorum opinionem infra explicabimus & refellemus. Sciendum autem est, hanc nostrā sententiā quam hic docuimus & confirmauimus, ab omnibus Platoniceis fuisse probatam & litteris traditam, hoc enim sensit Plotinus, Porphyrius, Iamblicus, Proclus: hæc etiam fuit & Pythagoreorū doctrina, imò ante hos omnes idem in Pimandro sensit & docuit Mercurius Trismegistus.

CAPVT V.

An spiritus illi quorum opera & auxilio Magi mira faciunt, sint boni & mali.

SUBSTANTIAS incorporeas quæ fauent Magis, eosque iuuant, ad illa opera facienda, quæ non fiunt per causas naturales, sed excedunt naturæ corporeæ potestatem, non esse bonos Angelos, sed malos, quos trito iā vocabulo Dæmones appellamus, multis sanè firmis manifestisq; argumētis ostendi & concludi potest.

Primo,

Primo eiusmodi spiritus iubent se à Magis adorari tanquā deos, sibiq; sacrificia fieri, hoc autē est proprium dæmonū, qui honorem diuinitatis, quem à principio affectantes assequi non poterunt, decipiendis hominibus, aliquo modo obtinere cupiunt. Boni autem angeli, eiusmodi honores non solum non optant, sed etiam vehementer aduersantur. Vnde legimus in Apocalypsi, *Apoc. 19.* Angelū quendam prohibuisse ne Ioannes ipsum adoraret, dixisseq; : *vide ne feceris, conseruus enim tuus sum, &c. Deū adora.* Deinde Magi sunt homines flagitiosissimi, & artibus magicis abutuntur ad inferendum exitium aliis, hoc est, ad patranda adulteria, furta, homicidia, atq; adeo infanticidia : boni autem Angeli, nec maleficis hominibus fauent, & ab eiusmodi sceleribus abhorrent. Posthæc, Magi multa miscent mendacia multaq; fallacias, quibus homines circumueniunt, & decipiunt : ad quod Angeli boni cooperari non possunt. Præterea Magi inuocando eos quorum abutuntur opera, minantur illis quædam impossibilia nisi venerint : & cum venerint, *Quomodo Magi Da-* imperant illis, & cogunt ne inde discedāt, *monibus imperent.* hoc autem imperium non possunt habere homines in Angelos bonos : habent autem in Dæmones, vel quia superior dæmon, cum quo Magi habent societate, & foedus

Matth. 12.

Luc. 11.

fœdus fecerunt, cogit inferiores demones parere iussis Magorū, vel simulāt demones se cogi à Magis, cum tamē id voluntariē faciant, nec ab illis cogi queant, quo facilius decipiāt homines, tantam vim & auctoritatē Magorum admirātes, & illis fidē adhibentes. Quod autē Dominus noster argumentatur, se non eiicere dæmones potestate principis dæmonū, quia non potest Sathanas Satanā eiicere, alioqui regnū eius diuideretur, nec diu stare posset, intelligendū est de perfectā eiectione dæmonis ab homine, hoc est, tam ex corpore eius quā ex animo, vel de eiectione quæ proficiscitur ex odio dæmonis, & desiderio euertēdi imperium quod habet in homines. His adde, quia ut benē, inquit Euseb. lib. 5. De præparatione Euangelica cap. 7. vnde potuerunt Magi discere verba illa & ceteronias quibus dæmones aduocant, eosq; vel loco, vel annulo, vel vasi, vel statuē, vel aliis rebus ad esse cōgūt? Vnde scire quibus sacrificiis, libamentis aut suffimentis dæmones auertantur & fugentur, vel oblectentur & alliciantur? & alii quidem dæmones, aliis rebus, vnde: inquam homines hæc discere potuissent, nisi ab ipsis dæmonibus.

Quid quod non est credibile, hominē posse imperare Angelis bonis, eosq; vel reluctantes cogere & compellere ad aliquod faci-

faciendū, quod tamen Magos facere diser-
 tissimis verbis declarant Prophyrius Phi-
 losophus in epistola ad Anebonum Ægy-
 ptium, quam Eusebius lib. 5. de præpara-
 tione Euangelica cap. 6. scriptis suis inser-
 uit, ex ea verò nonnulla quæ ad rem præ-
 sentem maximè pertinent, hic adscribam.
 Proponit autem in ea epistola Porphyrius
 nonnullas dubitationes circa ea quæ Magi
 faciunt dæmones inuocando. Prima dubi-
 tatio est, Quomodo Magi inuocant & ob-
 secrant dæmones tanquam superiores, &
 eisdem tamen tanquam inferioribus im-
 perant, & quod volunt, facere eos cogunt.
 Secunda: Cur Dii Magorum iubent ho-
 mines esse iustos, ipsi autem à Magis iussi,
 multa patrant iniqua & flagitiosa. Tertia
 nolunt: illi exaudire Magū, qui non mul-
 tis diebus ante se abstinuerit à Venere ipsi
 tamen iussu Magorum illiciunt & incitant
 homines ad turpes & nefandas libidines.
 Quarta: volunt Magum inuocaturum
 ipsos, ante ab esu carniū abstinere, cum
 ipsi tamen nidore ac sanguine cætorum
 animalium maximè oblectentur. Quinta:
 ei, qui mortuū terigit, ad operationes Ma-
 gicas accedere nō licet, cum tamē mortu-
 is & cadaueribus animalium res magicæ
 ferè peragantur. Sexta: Magi minantur Soli
 & Lunæ, & diis cœlestibus, dicentes se con-
 cisu-

*Dubitatio
 nes nouem
 Porphyrii
 de iis qua
 faciūt aut
 dicunt Ma
 gi inuocan
 do Demo
 nes.*

cifuros cœlum & arcana Ifidis edicturos,
& Osiridos membra Typhoni tradituros,
nisi Dii adueniant & respondeant ipsis, ab
surdum tamen videtur, Deos quasi infan-
tes, eiusmodi fictis minis & terroribus cō-
moueri. Moueri autē eos istis minis, Che-
remon sacer scriba testatur, & hæc esse illa
inquit, quibus dæmones maxime cogun-
tur. Septima: preces autem & orationes,
quibus vtuntur Magi inuocantes suos De-
os, inanes & ridiculæ videntur? sic enim
eos compellāt: Tu, inquiunt, qui è limo e-
merfisti, qui sedes in loco, qui nauigio na-
uigas, qui singulis horis formam cōmutas,
& in singulis Zodiaci signis commutaris.
Atq; his precationibus & adiurationibus
aiunt Deum te hominis visui subicere.
Octaua: Quid sibi volunt verba illa bar-
bara, & nihil planè significantia, quibus
Magi vtuntur ad deos suos aduocādos? nā
si ad verborum significationem Dii respi-
ciunt, quacunque voce eadem res signifi-
cetur mouebuntur: non enim dii sunt Æ-
gyptii vel Scythæ, vel illis linguis vtuntur,
aut illas tantum norunt. Nona: cum dæ-
mones sint supra ordinem rerum sensibi-
lium, quomodo possunt rebus sensibilibus
vel allici, vel etiam cogi? quare aut Mago-
rum malignitate hæc omnia sunt excogi-
tata, qui nostras passionēs Deo attribere
auf

ausi sunt : aut aliter homines de Deo cogitant, quam rei veritas habeat. Hæc in illa epistola Prophyrius. Iamlicus autem, quem Simplicius & alii ob magnam peritiam rerum diuinarū, cum incredibili studio & religione coniunctam, diuum prænominare solent, in libro, quæ de mysteriis Ægyptiorum scripsit, ad supradictas omnes Porphyrii dubitationes respondere conatur : sed eiusmodi sunt omnia eius responsa, vt mihi quidem videantur esse magis incredibilia & absurda, maioribusque implicata difficultatibus, quam illæ ipsæ, quæ propositæ sunt dubitationes.

Sed quæret aliquis, cur Dæmones non nisi sub certis quibusdam cœli constellationibus, & non nisi certis quibusdam, vel lapidibus, vel herbis, vel figuris aut aliis signis adhibitis aduocentur à Magis, nec aliter opera magica fiant? Respondeo, id quidem facere dæmones varias ob causas. Primò vt inducant homines in eum errorem, vt credant esse aliquod numen & diuinitatem in stellis, easque pro Deo adorant & colant. Deinde, vt simulando per stellas multa maleficia, multaque incommoda & detrimenta inferri hominibus, infamant eas, & exosas reddant hominibus. Præterea, quia dæmones, cum non nisi per causas naturales operentur, animaduertūt
Notabilis dubitatio.
secun-

secundum certas aliquas constellationes, materiam circa quam operari volunt magis affici & præparari ad effectus illos accipiendos. Hinc ut, ut nonnunquam dæmones secundum incrementa Lunæ, maximè quosdam vexent, qui propterea vocantur Lunatici, quos Dominus sanasse dicitur in Euangelio Matthæi cap. 4. & 13. cum enim cerebrum hominis, auctore Aristotele, sit omnium corporis partium humidissimū, ideoque maxime subiiciatur potestati Lunæ, quæ magnam habet potentiam & vim commouendi humores, in cerebro autem perficiantur actiones interiorum sensuum hinc fit, ut dæmones secundum incrementa Lunæ, maximè perturbent phantasiam hominis, quia vident tunc cerebrum eius ad id esse magis præparatum. Porro dæmones, sicut dixit beatus Augustinus 21. de ciuitate Dei, cap. 6. alliciuntur herbis, lapidibus, animalibus, carminibus aliisque ceremoniis, non tanquam animalia cibis, sed ut spiritus signis, ea ratione, ut hæc illis exhibeantur in signum diuini honoris, cuius illi sunt cupidissimi. De hoc vide S.

Thomam prima parte.

quæstion. 115.

art. 5.

CAPVT VI.

*Quæ opera admiranda possint facere
dæmones vel per se ipsos, vel
per Magos.*

DVO sunt hic ponenda ex sacris literis satis manifesta, vnum est, dæmones per se ex vno loco in alium moueri, & quidē maxima celeritate. Legimus enim in libro Iob, Satan Deo interroganti vnde venerit, respondisse: *Circuiui terram & perambulauī eā*, & Dominus in Euāgelio ait quendam spiritum nequam egressum ab homine quem tenebat, perambulasse per loca arida & inaquosa, & iterum assumptis aliis septem spiritibus nequioribus se, ad eundū illum hominē reuertisse: & Petrus admonet fideles vt sobrii sint & vigilant quoniā aduersarius eorū diabolus tanquam leo rugiens circuit, quærens quē deuoret. Alterū quod hoc loco ponimus est dæmonem non solum posse mouere se ipsū, sed etiam alia corpora, ex vno loco in alium transferendo. Id quoq; ex sacris literis certum est: Dæmones enim per peccatum non perdiderunt dona naturalia: sicut igitur Angeli naturali vi mouent orbēs cœlestes, sic dæmones possunt mouere

Iob. i. & 2.

Matth. 12.

1. Pet. 5.

Dan. 14. re alia corpora : & sicut Angelus ille Prophetam Habacuch capillo capitis apprehensum, ex Iudæa, Babylonem vsq; transportauit, indeq; reportauit in Iudæam, ita posset dæmon idem facere, quin imò id eum fecisse certum est : legimus enim diabolum, Dominum nostrum tulisse in pinaculum templi, & in montem excelsum

Matth. 4. Nec hoc loco disputandum est, an talis virtus motiua dæmonis, sit distincta ab intellectu & voluntate eius : nam distinctam esse equidem arbitror, licet plerique negent. Verum eius quæstionis tractatio aliena est huic loco. Nec definitio nota quanta sit virtus motiua dæmonis, vel quot corpora aut quanta mouere queat & non amplius, id enim incognitum mortalibus puto, existimo tamen in dæmonibus superioribus maiorem esse hanc vim motiuā, inferioribus verò minorem : sicut enim eorum naturæ sunt vel perfectiores vel imperfectiores, ita quoq; eorum potentiæ sunt vel fortiores vel imbecilliores. Nam quia Angelus est terminatæ speciei & definitæ naturæ & perfectionis, ideo nec potest esse ubiq; locorum, neque potest quantacunque velocitate quantūlibet corpus mouere. Preterea sciendum est, duplicem esse dæmonum actionē, quæ à Philosophis vocatur transiens, alteram immediatam quæ immedia-

Duplex actio dæmonum transiens.

tè proficiscitur à dæmone, & hæc est motus
localis quo mouet corpora, nam sicut intel-
ligentiæ non per aliqua media instrumen-
ta, sed immediatè mouent orbes cœlestes,
sic dæmones immediatè possunt mouere
corpora secundum locū. Altera eorum o-
peratio transiens, est mediata, nempe quæ
motionem localem ab ipsis factam conse-
quitur: dæmones enim afferendo ex va-
riis locis & inuicem applicando causas
naturales & agentia inuicem & patientia
cōponendo, varios producūt effect⁹ qui ef-
fect⁹ immediatè quidē existūt ex causis na-
turalibus, mediatè verò dæmonibus qui
illas causas præsentēs fecerunt, & materiis
quæ ab illis aptæ sunt pati accommoda-
unt. His positis, quænam opera mira dæ-
mones possint facere, demonstramus.

Principio, per motum localem multa
possunt dæmones facere, quæ fidem exce-
dere videantur, quorum nonnulla hic sub-
iciam exempla. Primo possunt ignem ex
superiore aeris parte demittere, quo multa
consumant & perdant: possunt etiam im-
mittere vehementes & turbulentos, ven-
tos, qui magna diruant ædificia, sicut fecit
legitur aduersus Iob. *Cecidit (inquit scri Iob. 2.*
tura) ignis de cœlo & tactas oues pueros-
que consumpsit, & repentè ventus irruit à
regione deserti, & concussit quatuor angu-
los

*Opera quæ
possunt dæ-
mones face-
re.*

los domus qua corruēs oppressit liberos tuos
 & mortui sunt. Potest dæmon grauissimas
 tempestates & procellas in mari excitare
 vel aquas maris ab imo commouendo, ve-
 per concitatissimos ventos. Potest terram
 magnis motibus concutere, vel immitten-
 do vehementem aliquem spiritum in ca-
 uernas terræ, vel in illis inclusum vehemē-
 tissimè agitando. Sic fortasse fieri potuit,
 quod narrat Philostratus de duobus doliis
 quæ vidit Apollonius apud Indos, quæ a-
 perta, imbres & ventos emittebant, clausæ
 verò eadē cohibebant atq; compescebant.
 Secundò potest trāsferre ex vno loco in al-
 lium quantūuis remotū, vel homines, vel
 animalia, vel quęuis alia corpora. Sic dia-
 bolus Christum tulit in pinnaculū templi
 & in montem excelsum, & historia Eccle-
 siastica narrat, Simonē Magum à dæmonibus
 per aera euectum esse in cælum. In his-
 toriis etiam Gentiliū traditum est, non
 nunquam visos esse serpentes, dracones &
 homines per aera volantes, quin etiam Al-
 bertus tradit nonnunquam boues seu vi-
 tulos pluissē: quod hac ratione factum esse
 se existimādum est. Tertiò potest dæmon
 subito res præsentes è conspectu hominum
 subtrahere, atque ita reddere inuisibiles
 sicut Apollonius cum esset in conspectu Do-
 mitiani Imperatoris, repente ex oculis o-
 mnium

Matth. 4.

mnium excessit, & nisi volumus fabulam *Plato in 2. de recep.*
 fuisse id, quod de Gyge memorat Plato & *Cic. lib. 3. de offic.*
 Cicero, hac etiam ratione dicemus, Gyge
 cum volebat, potuisse latere oculos presen-
 tium & spectantium, idque fecisse, non vi
 & potestate eius annuli quem gestabat, vt *Statua*
 illi tradunt, sed potius dæmonum artificio *per se ince-*
 Quartò potest facere, vt statuz vel aliaz res *dentes.*
 inanimataz ambulent & incedant more
 hominum, dæmone illas mouente, & mo-
 tum moderante: sic factum est quod ex
 Philostrato supra commemorauimus, de
 tripodibus lapideis, & pincernis æreis qui
 apud Iarcham præsente Apollonio, in con-
 uiuiis per se mouebantur, & more famulo-
 rum ministrantium mensis, & pocula &
 fercula conuiuiis suo loco & tempore præ-
 bebant. Quintò: possunt facere, vt statuę, *Statua lo-*
 arbores, animalia loquātur more humano *quētes mo-*
 qua ratione fieri potuit, quod narrat Vale- *re huma-*
 rius Maximus lib. i. cap. vlt. de simulachro *no.*
 Iunonis Monetæ, quod Romani Veiis Ro-
 mam transferre religionis ergo cupiebant.
 Cum enim quidam militum per iocum
 interrogaret illud simulachrum an Ro-
 mam migrare vellet, velle se respondit:
 qua voce audita, lusus in admirationem &
 religionem versus est. Simulachrum etiam
 fortunæ muliebris, à matronis Romanis
 cum æde sua consecratum, bis locutū esse,

idem Valerius auctor est, his verbis, Ritè me matronæ vidistis, ritè me consecrastis. Et Caio Volūnio & Seruio Sulpitio Cōs. dicitur, bos humano sermone locutus, bello etiam Punico secundo fertur. Cneo Domitio, bouem dixisse: Cave tibi Roma. Huc quoque pertinet quod narrat Philostratus, cum Apollonius esset cum Gymnosophistis Æthiopum, quorum princeps erat Thespecion, eius tacito iussu, arborē vlmum humana voce Apollonium salutauisse. Nec putandum est vel leones, vel arbores, vel alias res inanimas modo hominum loqui posse, sed dæmonē esse qui sermones illos articulatos & humanis similes in aere formet iuxta, vel intra illa corpora: Sic Angelus qui occurrit Balaam ei mortem intentans, fecit vt eius asina loqueretur: nam etiam videmus esse quosdā qui per organa vel alia instrumenta musica, tanto artificio modificare ac temperare possint flatū quo illa pulsanur & resonāt, vt voces & cantus hominū emulari & reddere videantur. Sexto: possunt facere vt animalia mirabili quadam ratione se ipsa moueant, & quædam agant, quæ sine intelligentia & ratione, nec ea quidem, vulgari, sed admodum solerti & prudenti minime fieri posse videantur: tale est quod narrat Valerius lib. i. cap. 8. quod est de M

NUM. 22.

raculis, de serpente illo Æsculapii, quem
 Romani quasi volentem & intelligentem,
 & quædam rationis ac religionis, nec non
 diuinitatis cuiusdam signa dātem, Epidau-
 ro Romam aduexerunt, huius etiā generis
 est quod narrat Philostratus lib. 5. cap. 15.
 de leone quodam māfuetissimo, qui loro,
 veluti canis, in Ægypto per vrbes duceba-
 tur, contrectantibus se, non modò non no-
 cens, sed etiā blandiēs, qui ad genua A-
 pollonii modo suplicantium hominū hu-
 militer se abiecit: quem aspiciens Apollo-
 nius, ad eos qui aderant. Hic, inquit, leo
 me rogat vt vos doceā hominis animā il-
 lum habere: fuit enim hic quondā Ama-
 sis Ægyptii rex, quæ simul atq; dixit Apol-
 lonius, leo miserabiliter frēmes, lachryma-
 bilem rugitum edidit, tum dentibus in-
 frendens, cum plorare videretur, vbertim
 lachrymas fundebat. Hunc inquit Apollo-
 nius Leonem, censeo Leontopolim mittē-
 dum, & in templo collocandum: regem
 enim in regiam belluam conuersum, tan-
 quam, egenum mendicare indignum iudi-
 co. Hæc ille, quæ omnia arte magica A-
 pollonii & opera dæmonū facta sunt, quo
 facilius error Pythagoricus de transmigra-
 tione animarum humanarum in varia be-
 stiarum genera, hominibus persuaderetur.
 Septimo, quod in historiis Romanorum

*Fabula
 Leonis A-
 pollonii.*

legitur, & à nobis supra est commemoratum, Claudiam mulierem Vestalem, quæ suam pudicitiam probaret, nauim ita hærentem in Tiberi, vt multi eam homines loco mouere non possent, Zona sua quæ volebat, nullo labore traxisse: Et Tucciam item Vestalem, aquam Tiberi haustam, ad Capitolium vsque cribro tulisse: hæc inquam, facta sunt opera Dæmonis, qui & nauim occultè promouebat, & aquam ne per cribrum dilaberetur, suspensam tenebat. Octauò: potest facere, vt subito globus aliquis igneus vel flamma appareat, vel circum aliquem fulgeat, sicut Plinius lib. 2, cap. 107. Seruio Tullio dormienti, ex capite flammam emicuisse, & L. Martio in Hispania interemptis Scipionibus concionanti, & milites ad vltionem exhortanti, arsisse simili modo. Nonò, potest aquas fluminum dirimere & eas retro pellere, ita vt ex flumina retro fluere videantur: quod Plinius suo tempore accidisse scribit lib. 2. cap. 103. his verbis: Amnes retro fluere, & non infra vidit ætas Neronis principis annis super premis, sicut in rebus eius retulimus. Decimò, potest Dæmon varia corpora variè formata assumere, eaque mouere, ita vt homo vel Angelus, vel leo, aut aliud quodcunque animal videatur, idque facit vel ad exterrandos, vel ad decipiendos homines. L. Me-

Amnes retro fluētes.

gimus enim B. Antonio Dæmones in variis animalium formis, & quidem horribilibus ac terrificis, ad eum pertresfaciendum & à sancto proposito remouendum apparuisse. Sic accipiendum est quod scribit Valerius Maximus lib. i. cap. 8. Romanis apud lacum Rheginum pugnantibus cum acie Tusculanorum, Castorem & Pollucem Romanarum partium propugnatores, visos hostiles copias penitus fuisse, & Publ. Vatinio noctu urbem petenti, obuios esse factos duos iuuenes, excellenti forma, albis equis insidentes, nuntiantes illo ipso die Persam regem à Paulo fuisse captum: quod ita euenisse postea compertum est. Vndecimò, potest Dæmon repræsentare varias figuras cuiuslibet rei, vel auri, vel gemmarum, vel dapum, vel hominum. Nam sicut pictores sculptoresue ex materiis sibi subiectis, varias formas & figuras rerum effingunt, & interdum tales, ut veræ ac naturales videantur, sicut traditur de illis vuis à Zeuxide pictis, adeo *Plinius lib* perfectè naturales vvas reddentibus, ut eas *35. cap. 10.* ab auibus appetitas esse dicatur. Sic Dæmon ex aere condensato, vel alia quauis materia, cuiuslibet rei figuram effingere potest: cuius rei supra ex Philostrato exemplum posuimus, lamia cuiusdam quæ Menippo quæ decipere volebat, maximas

opes, pretiosa ornamenta, magnam copiam vini & epularum ostentabat, quæ Apollonius ostendit esse tantum inania simulachra & imagines earum rerum quæ videbantur. Duodecimò: possunt concitare & conturbare humores, vel spiritus qui sunt in corpore humano, disjungere etiam atque distrahere partium compages & connexiones, qua re gravissimos morbos & acerbissimos cruciatus efficiunt, sicut in iis qui à dæmonibus torquentur, cernere licet. Decimotertiò: possunt etiam spiritus animales, qui interiorum sensuum functionibus peragendis inseruiunt, ita mouere & conformare, ut res quasdam vel præteritas, vel præsentēs, vel futuras repræsentent: possunt etiam eosdem spiritus, in quibus insunt species rerum sensibilibus extrinsecus per sensus exteriores impressæ, usque ad ipsos sensus exteriores deuoluere, ita ut etiam qui vigilant, videantur sibi aliquid videre, audire & facere quod reuera non est: hoc enim videmus accidere phreneticis: quod igitur homini vi alicuius morbi contingit, dubitandum non est etiam id dæmonum artificio in homine effici posse. Decimoquartò, possunt dormientium phantasmata mouere & conformare ad repræsentandum aliqua futura quæ dæmones cognoscunt esse futura.

vt ita decipiant homines fidem habentes
somnia, & ex ipsis actiones humanas vel
suas, vel aliorum cognoscere vel dirigere
velint: atque hinc quidem ortum duxit
diuination per somnia, cuius diuinationis
exempla sunt quamplurima apud Valeri-
um Maximum lib. i. & apud Ciceronem
in libris de Diuinatione. Simili Dæmo-
num artificio, fidem & veritatem inuenit
apud Gentiles Augurum & Aruspicum
disciplina, quæ per volatū vel garritum aui-
um diuinans, vel per inspectionem exto-
rum animalium cæcorum, vel per electio-
nem sortium eiusmodi enim rebus Dæ-
mon se ingerit & immiscet, quo mentes
hominum superstitionibus imbuat, & va-
riis erroribus implicet. Nam quod in Ro-
manis historiis traditur, in victimæ opime
quam Iulius Cæsar immolauerat, extis nō
esse inuentum cor, & in aliis vel iecur, vel
principem aliam partem corporis non esse
reperitam, non alia ratione quam Dæmo-
nis occulta vi, partes illas ablatas esse cre-
dendum est. Decimoquintò: possunt Dæ-
mones sensus exteriores immutare & se-
ducere dupliciter. Primò extrinsecus, ob-
iiciendo sensibus varia sensibilia non vera,
hoc est, non talia qualia videntur, sed solas
eorum imagines & simulachra, vel intrin-
secus commouendo spiritus & humores,

C, quo-

quorum commotione etiam sensus exteriores variè afficiuntur & turbantur, ut nō rectè iudicent de suis obiectis, id quod cernimus sensibus exterioribus phreneticorum accidere. Decimosextò, possunt varias passiones vel amoris vel odii, vel timoris vehementer excitare in homine, idq; facere dupliciter, vel obiiiciendo species rerum, quæ ad tales passiones excitandas plurimum valent, vel interius mouendo phantasinata ad similes res præsentandas, vel agitando & accendēdo humores qui sunt harum passionum materia, nimirum vel sanguinem, vel atram aut flavam bilem. Atque hæc sunt & alia horum similia quæ dæmones per motum localem facere possunt, & interdum quidem faciunt: neque enim quæcumque possunt facere, licet eis facere, sed quantum eis per diuinam providentiam permissum est, habent enim potentiam à Deo restrictam & quasi ligatā, quam eis interdum laxare solet Deus, vel

Iob. 1. & 2. ad exercendos bonos, ut aduersus Iob, vel
3. Reg. 22. ad puniendos malos ut aduersus Achab
supra 18. & Prophetas eius, sicut enim Dæmones, permissu Dei, ingressi in porcos, præcipitarunt eos in mare: sic homines in omnia malorum tam culpæ, quam poenæ generæ deturbarēt, si eis Deus, quantā vellent potentie ac militie suæ exercendæ potestatem faceret.

Per

Për alteram porrò actionem Dæmonum, quę non est motus localis eorum, sed cum consequitur, hoc est, per actiones causarum naturalium, quas Dæmones inuicem applicarunt & temperarunt mira quoque Dæmones possunt efficere. Sunt enim singulares quædam virtutes occultę & ignotę hominibus, sunt, inquam, in certis quibusdam aquis, terris, succis, gemmis, lapidibus, herbis, lignis, animalibus, & in ipso hominis corpore mirabilium ac penè incredibilium operum effectrices: quarum rerum exempla, supra tractando tertiam quęstionem, nonnulla posuimus, sed plurima reperiuntur apud Solinum, Plinium & Albertum in libris de Mineralibus & Animalibus. Hę virtutes quibus in rebus naturalibus insint, vbi locorum lateant, quibus cum rebus componi & misceri ac temperari debeant, quo tempore tempestiuè & opportunè ad operandum adhiberi oporteat, notissimum est Dæmonibus, quas etiam vndecunque & quocunque voluerint, maximā facilitate, celeritateque clam homines transferre possunt. Huiusmodi autem effectus, quatuor ob causas sunt hominibus admodum mirabiles. Primò quia sunt noui & inusitati. Secundò quia modus quo Dæmon illos molitur, est occultus & inuisibilis.

quorum commotione etiam sensus exteriores variè afficiuntur & turbantur, vt nō rectè iudicent de suis obiectis, id quod ceterimus sensibus exterioribus phreneticorum accidere. Decimosextò, possunt varias passiones vel amoris vel odii, vel timoris vehementer excitare in homine, idq; facere dupliciter, vel obliendo species rerum, quæ ad tales passiones excitandas plurimum valent, vel interius mouendo phantasinata ad similes res præsentandas, vel agitando & accendēdo humores qui sunt harum passionum materia, nimirum vel sanguinem, vel atram aut flauam bilem. Atque hæc sunt & alia horum similia quæ dæmones per motum localem facere possunt, & interdum quidem faciunt: neque enim quæcumque possunt facere, licet eis facere, sed quantum eis per diuinam prouidentiam permissum est, habent enim potentiam à Deo restrictam & quasi ligatā, quam eis interdum laxare solet Deus, vel

Iob. 1. & 2. ad exercendos bonos, vt aduersus Iob, vel
3. Reg. 22. ad puniendos malos vt aduersus Achab
supra 18. & Prophetas eius, sicut enim Dæmones, permissu Dei, ingressi in porcos, præcipitarunt eos in mare: sic homines in omnia malorum tam culpæ, quam poenæ generadeturbaret, si eis Deus, quantā vellent potentie ac militie sue exercendę potestatem faceret.

Per

Per alteram porrò actionem Dæmonum, quæ non est motus localis eorum, sed eum consequitur, hoc est, per actiones causarum naturalium, quas Dæmones inuicem applicarunt & temperarunt mira quoque Dæmones possunt efficere. Sunt enim singulares quædam virtutes occultæ & ignotæ hominibus, sunt, in quam, in certis quibusdam aquis, terris, succis, gemmis, lapidibus, herbis, lignis, animalibus, & in ipso hominis corpore mirabilium ac penè incredibilium operum effectrices: quarum rerum exempla, supra tractando tertiam quæstionem, nonnulla posuimus, sed plurima reperiuntur apud Solinum, Plinium & Albertum in libris de Mineralibus & Animalibus. Hæ virtutes quibus in rebus naturalibus insint, vbi locorum lateant, quibus cum rebus componi & misceri ac temperari debeant, quo tempore tempestiuè & opportunè ad operandum adhiberi oporteat, notissimum est Dæmonibus, quas etiam vndecunque & quocunque voluerint, maximà facilitate, celeritateque clam homines transferre possunt. Huiusmodi autem effectus, quatuor ob causas sunt hominibus admodum mirabiles. Primò quia sunt noui & inusitati. Secundò quia modus quo Dæmon illos molitur, est occultus & inuisibilis.

bilis. Tertiò quia sicut homines variè temperando & accommodando res naturales possunt aliquos effectus producere, quos nunquam per se causas naturales produxissent, sicut patet in arborum insitionibus, in distillationibus aquarum, in ciborum & condimentorum confectionibus & in medicamentorum compositionibus, sic Dæmones, effectus aliquos singulares, per causas naturales possunt producere, quos ipsæ per se nunquam produxissent. Quartò quia vt inquit S. Thomas 3. libro aduersus Gentes, cap. 103. & prima parte, quæst. 110. art. 2. ad 3. cum Angeli vel dæmones adhibent causas naturales ad effectus aliquos procreandos, vtuntur eis tanquam instrumentis, non secus quam medicus vtitur herbis ad sanandum, ex instrumento autem procedit effectus non tantùm virtuti eius respondens, sed etiam ea superior & præstantior, nempe respondens virtuti principalis agentis à quo mouetur ad operandum illud instrumentum, què admodum securis non solum secat, sed etiam facit lectum vel mensam, vel hominis statuam, vt est instrumentum hominis ex arte operantis: & calor naturalis qui est in semine, vel in animali, non solum calefacit, rarefacit, aut segregat, sed etiam generat sanguinem carnes & ossa, in virtute ani-
mæ

mæ vel animalis cuius est instrumentum. Sic etiam causæ naturales interdum producunt effectus præstantiores suis ipsarū virtutibus, ex eo quod sunt instrumenta Angelorum vel Dæmonum à quibus mouentur & reguntur, Posset igitur Dæmon plurimos morbos arte medicinæ, quam homines callent incurabiles, magna, celeritate ac facilitate sanare: tum quia nouit optimè omnes morborum etiam abstrusorum causas & affectiones; tum quia scit omnia genera remediorū, & idoneam eorum applicationem; sed non omnes tamen posset sanare, quia sunt morbi aliqui simpliciter incurabiles.

CAPVT VII.

Quas res Dæmon nec per Magos, nec per se ipsum possit efficere.

PER motum localem, qui est immediata eius operatio transiens, multa non potest facere Dæmon. Primò enim, vt inquit S. Thomas in Quæstionibus de Potentia, quæst. 16. art. 8. Et 3. libro aduersum Gentes, cap. 108. non potest destruere aut subuertere ipsum vniuersum;

sunt enim Dæmones partes vniuersi, partem autem non habet vim atque potestatem in totum cuius est pars, & ut inquit Paulus ad Hebr. 2. *Non subiecit Deus Angelum orbem terra.* Nec possunt peruertere ordinem vniuersi, cum auctore Aristotele, bonum vniuersi sit ordo: Non possunt item perturbare, vel suis locis commouere principes partes mundi, ex quibus eius integritas coalescit. Non possunt sistere cælum vel motum eius in contrarias partes agere. Non possunt elementum aliquod ex vno loco in alienum transferre. Non possunt facere ut detur vacuum, cum vacuum tollat coniunctionem, connexionem atque subordinationem omnium partium vniuersi, in quo eius conseruatio atque gubernatio consistit. Dixi non posse Dæmonem eiusmodi res facere, vel simpliciter, vel secundum potentiam ordinariam eis à Deo concessam, & quam eis concedi poscit æquissima diuinæ providentiæ ratio. Et cum Dæmones habeant vim motiuam definitam, alij quidem maiorem alij verò minorem, non possunt quantumlibet corpus, quantalibet velocitate mouere, ne dum in instanti. Non possunt facere ut duo corpora sint simul in eodē loco vel vnū corpus in duobus locis simul, vel ut vnum penetret dimensiones

fiones alterius. Nec potest Dæmon distans à corpore, illud mouere secundum locum, quia mouens & mobile debent esse simul; alioqui posset mouere per vacuum, & per quantamcunque distantiam. Non potest transferre corpus de extremo ad extremum & non per medium.

Multa quoque sunt, quæ per alteram actionem Dæmonum quam mediatam diximus, cuiusmodi est naturalis alteratio, corruptio, generatio rerum naturalium, non possunt à Dæmonibus effici. Non enim potest Dæmon immediatè producere ullam formam substantialem vel accidentalem; cum enim sit incorporeus, non potest immediatè alterare materiam corporalem, vnde formæ naturales educuntur. Secundò, non potest aliquid creare ex nihilo, tum quia id requirit infinitam virtutem actiuam, qualem Deus solus habet, tum quia nec motus localis Dæmonis, nec operatio quam per causas naturales exercet, in nihilo recipi, aut circa nihil versari possunt. Tertiò, non potest ex quolibet facere quodlibet. Quartò, nec per quamlibet causam vel instrumentum potest quemlibet effectum producere: sicut medicus non potest per quamlibet medicinam, quemlibet morbum sanare, nec artifex per quæuis instrumenta, quodcunq;

cunq; voluerit opus perficere : atque hoc est quod Augustinus compluribus locis docet, nec Dæmones nec Angelos esse creatores rerum, nec posse transmutare formas rerum, nec materiam corporalem ad nutum illis obedire. Quintò, non possunt dæmones producere formas substantiales nõ præuiis alterationibus & præmissis dispositionib. Sextò, nec possunt eas in instanti aut quantumlibet paruo tempore producere. Septimò, non possunt quamlibet rem naturalem immediatè in quamlibet aliam transmutare, etiam adhibendo causas naturales. Octauò, non possunt animalia perfecta sine semine producere; quare si visi sunt vnquam vel ex lapidibus & lignis producere equos vel leones, vel ex nubibus pluuere vitulos, non est putandum sic eos fuisse generatos, sed vel aliunde inuisibiliter per Dæmones illuc translatos, vel non fuisse vera animalia, sed eorũ tantum imagines & simulchra cernentium oculos fallentia. Nono, nec potest animal producere subitò, secundũ perfectam magnitudinem & virtutem eius : denique quod superat vires agentium naturalium, quodq; naturali eorum dispositioni & ordini repugnat, & ad quod virtus agentium naturalium nullo modo se extendit, id fieri à Dæmone nequaquam potest. Decimò, non

non potest peruertere atque immutare ordinem qui est inter formas & disputationes rerum naturalium, vt possit posteriores inducere non inductis prioribus, aut extremas non inductis mediis. Vndecimò non potest mortuos ad vitam reuocare propter causam supradictā. Duodecimò, non potest impedire ne agens naturale habens omnia requisita ad agendum, non agat. Disputari posset hoc loco an vlla res naturalis habere possit vim in Dæmones, expellendo eos, vel etiam actiones impediendo, propter id quod dicitur in libro Tobia, cap. 6. & 8. de iecore cuiusdam piscis cuius fumo fugabātur Dæmones in perpetuum, & de melodia Dauidis qua expellebatur spiritus malus à Saule. Vide 1. Reg. cap. 16. & 4. Regum. cap. 3. Lyrarum & Burgensem super primum Regum, cap. 16 & ibidem Tostatum quæ 40. Vide Iosephum octauo Antiquitatum de radice Salomonis, cuius odoratu Dæmon exibat per nares eius hominis quem tenebat. Verum hac de re nostrum lector disputationem & sententiam reperiet in alio libro qui hunc proxime sequitur, & in quo eam quæstionem tractamus explanantes illa verba quæ sunt in Cantico trium puerorum: *Benedicite cete & omnia quæ mouentur in aquis, Domino.*

CAPVT VIII.

An opera Magorum sint vera miracula, & quomodo à veris miraculis differant ac dignoscantur.

AD MIRANDA Magorum opera non solum Ethnici, sed etiam nostri Theologi interdum vocant miracula, vel quia verorum miraculorum sunt simillima; vel æstimatione hominum, quod ea ipsi nec facere, nec quemadmodum facta sint intelligere possunt, non naturæ, sed diuinitatis opera existimantium. Et sanè nonnulla faciunt Magi in speciem non dissimilia eorum quæ faciunt sancti: namque Magi Pharaonis similiter vt Moses, virgas suas verterunt in serpentes, & aquam mutarunt in sanguinem; & magnam ranarum vim subito produxerunt. Sanant interdum Magi ægrotos, & Demones ex corporibus hominum eiiciunt. Nec tamen hæc operum similitudo facit vt Magorum opera vera sint miracula; alioquin miraculum non esset idoneum declarandæ probandæque Deitatis atque veritatis argumentum; quare ratio fidei & doctrinæ Christianæ quæ miraculis tanquam veris diuinæ potentiae sigillis obfignatur, & quasi quibusdam fulcris quodāmo-

modo sustinetur, omninò periret. Docere igitur cõuenit hoc loco, cur eiusmodi Magorum facta non sint miracula, & quibus rebus differant, quibusuè notis atque insignibus à veris miraculis internoscantur.

TRIPLICITER igitur potest intelligi aliquid esse miraculum. Primò simpliciter & absolutè, nempe comparatione cuiuslibet naturæ, hac significatione, nullũ planè est miraculum: nihil enim est, quod diuinæ potentix & sapientiæ comparatione, miraculum dici queat. Nam miraculum alicui dicitur, quod eius & facultatem & intelligentiam excedit: Deus autem nihil est quod admirari possit, quippe cum & causas omnium quæ fiunt, optimè nouerit, & ipse princeps causa sit efficiendi omnia. Nam qui per ludum & iocum (vt est in Prouerbiis Salomonis) ex nihilo mundum condidit, quid ei magnũ ne dum miraculum esse queat? cum vt est apud Esaïam cap. 40, & in libro Sapientiæ, cap. 9 Omnes gentes totusq; terrarum orbis apud ipsum sit tanquã gutta roris antelucani, & quasi puluis, & tanquam inane & nihil. Deindè potest appellari miraculũ respectu hominũ, qui, quæ sunt ipsis inusitata, & quorum causas ignorant, quoniã ea maximè admirãtur, dicũt miracula: qua

*Quid sit
miraculũ.*

Prou. 8.

*Tres gra-
dus vero-
rum mira-
culorum.*

qua ratione non modò Dæmonū & Magorum, sed etiam sapientum hominum iuuenta quædam noua, & artificiosa opera, qualia fuerunt illa Architzæ & Archimedis, quæ supra commemorauimus, miracula nominantur. Sed verè ac propriè miraculum dicitur opus, quod ideo verè ac meritò mirandum est, quia omnis naturæ creatæ vim atque potestatem excedit. Hoc autem multis modis potest euenire namque excessus naturæ creatæ, vel est in eo quod fit, quale nullo modo natura potest facere, cuiusmodi est, vt duo corpora simul sint in eodem loco, & se permeent, vel vt corpus humanū euadat immortale, impassibile & gloriosum: atque hæc tenent primum locum & gradum in miraculis. Vel excessus est non in eo quod fit, sed in eo vel ex quo vel in quo res fit, potest enim natura producere aurum vel arborem, sed non ex nihilo; potest dare vitam, sed non mortuo, potest item facultatem videndi largiri, sed non nato cæco & hæc secundum locum in miraculis tenent. Vel excessus nec est in eo quod fit, nec in eo ex quo aut in quo fit, sed vel in modo: vel in ordine, vel in alia quapiam circumstantia, aliisue rebus cum quibus omnibus naturaliter opus illud fit; Exempli causa, potest medicus sanare ægrotum, verum

verùm non subitò , nec absq; medicina :
 potest Magus vel Dæmon, vel etiam natura
 ex ligno producere serpentem , verùm
 non immediatè: atque hic est infimus mi-
 raculorum gradus & locus. Sed quia hæc
 breuiter diximus, vereor ne obscurè dicta
 sint; quare quò melius intelligantur, latius
 explicabuntur. Dæmonum & Magorum
 miracula non vera, differunt à veris mira-
 culis , quæ in scripturis & historiis Eccle-
 siasticis, à seruis Dei facta legim⁹, his quin-
 que modis ; Dignitate virtutis efficientis.
 Qualitate eorum qui faciunt , Diuersitate
 factorum , Modo faciendi , & Fine cuius
 gratia fiunt vera miracula , cum (vt supra
 diximus (omnis naturæ creatæ vim exu-
 perent, solius Dei potestate possunt effici :
 nam quamuis per Angelos vel seruos Dei
 fieri videantur, illi tamen non agunt virtu-
 te sua, sed Dei cuius sunt administri & tan-
 quam instrumenta. Magi autem opera sua
 faciunt, vel virtute quarundam rerum na-
 turalium quibus vtuntur occultè; vel ope-
 ra Dæmonum, qui clàm Magis auxilian-
 tur. Vera miracula licèt interdum faciant
 etiam homines mali; rarò tamen, nec nisi
 ad confirmationē veritatis, & diuinæ vir-
 tutis declarationē: ferè autē magi homines
 sunt flagitiosi & malefici , quos proinde
 diuinis humanisque legibus consulere &
 adire

*Quinque
 differentia
 verorum
 miraculo-
 rum à fal-
 sis & simu-
 latis.*

adire prohibentur. Quæ faciunt Magi, vel sunt tantum phantastica & simulata, & ideò nec diuturna; vel sunt pernicioſa, vel inutilia: vera autem miracula, sunt opera ſolida & vera, vtiliſſima hominibus, & non niſi magna aliqua neceſſitate, & vtilitate facta. Magi, opera ſua faciunt, vel per cauſas naturales, vel ope Dæmonum, vtuntur multis præſtigiis, menſaciis, ludificat onibus hominum, figuris, characteribus, verbis vel nihil, vel abſurda ſignificantibus, aliſque ſuperſtitioſis ceremoniis, miſcentque ſacra profanis: namque nonnulla verba ſacra uſurpant, adiunctis ſuperſtitionibus ſœdant & contaminant. Docent enim ea dici debere ſub certò quodam conſtellationum ſitu, certoque loco & tempore, toties ſigno crucis factò, tot candelis accenſis adhibitis, vel filis aut velis, aut chartis, quas vel pueri vel virgines tantum tetigerint; adhibent etiam quædam, quæ nihil prorsus ad effectum producendum pertinent, ſed ridiculam habent vanitatem, dicunt enim oportere tali hora & toties, & tali aqua lauare faciem, radere capillos; hac, vel illa veſte indui. Sed, quod impietatis pleniffimum eſt, ſanguinem ex humano corpore mittunt, eoque libamina quædam conſecrant, nomina quorundam dæmonum

uſur-

vsurpant, quibusdam animalibus familiariter vtuntur, & cum eius colloquuntur, Dæmonibus sacrificant, nomen & fidem CHRISTI abiurant, prohibent homines signare se signo crucis, & alia faciunt partim superstitiosa, partim ridicula, partim penitus execranda. Nihil tale sancti faciunt edendis miraculis, sed vel interiore vel etiam exteriori supplicatione & inuocatione diuinæ virtutis, vel facto signo crucis, vel aliquibus verbis sacris recitatis, miracula operantur. Ad extremum, cur vel Dæmones vel magi faciant illa sua miracula, non est obscurum; nimirum vel luctu, vel gloriæ & honoris cupiditate, sibi diuinum nomen & cultum aucupantes; vel vt veritatem peruertant & falsitatem hominibus persuadeant; vel ad patranda maleficia, veluti furta, adulteria, homicidia. Sancti autem faciunt miracula, non sua causa, cum & diuitias contemnant, & honores fugiant; sed DEVM honorent, Ecclesiam ædificent, hominesque non solum corpore, sed multò etiam magis animo iuuent. Qui igitur sanæ mentis est, & studiosus veritatis amatorque virtutis, non erit ei difficile vera miracula à falsis discernere: qui autem flagitiosè viuit, & CHRISTI doctrinam odit, nec studio veritatis, sed vanæ curiositatis cupiditate

ditate miracula quærit, is iusto Dei iudicio permittitur, ut quia veritati consentire & acquiescere noluit, circumueniatur mendaciis & falsis miraculis persuasus, perversam doctrinam falsaque dogmata, pijs verisque repudiatis, amplectatur. Hoc est enim quod docuit beatus Paulus in 2. epist. ad Thessalon. capit. 2. præmonens venturum Satanam vel Antichristum in omni virtute, in omni seductione iniquitatis; non quidem omnibus, sed ijs qui charitatem veritatis non receperunt, ut salvi fierent, his enim mittet Deus operationem erroris ut credant mendacio, & iudicentur omnes qui non crediderunt veritati, sed consenserunt iniquitati.

CAPUT IX.

Quotuplex sit Magia.

VARIAS Magiæ species, ne hanc artem in totum vel commendemus, vel damnandam execrandamque existimemus, & ne hoc institutæ tractationi desit, vel tantum indicare convenit. Ac primò, quam alij Magiæ varietatem traderint ostendemus. Plinius lib. 30. cap. 2. cōplures Magiæ species ab Osthane principe eius artis doctore traditas esse commemorat. Namque, ait, & ex aqua, & ex sparis, & ex aëre, & stellis, & lucernis ac

Varia species Magia.

pelui-

peluibus, securibusque & multis aliis modis, diuina promittit : præterea umbram, inferorumque colloquia. Hæc ibi Plinius. Sed Iamlicus in libro suo de Mysteriis Ægyptiorum, & Proclus in libro de Sacrificio & Magia, & Porphyrius in libro de Sacrificiis duplicem faciunt Magiam, sicut, etiam ex Prophætæ doctrina refert beatus Augustinus lib. 10. de Ciuitate Dei, capit. 9. Alteram vocant Theurgiam, nempe bonam & laudabilem, qua certis quibusdam hostiis & sacrificiis, munditia quadam animæ & corporis, aliisque sacris cæremoniis, bonos ac beneficos dæmones inuocant, quorum afflatu & auxilio, & occultis manifestant, & futura prænunciant, & mira edunt opera, quæ prædicti scriptores miris laudibus in cælum efferunt. Alteram appellant Goëtiā, & Necromantiam quæ mortuos excitat & consulit, & per eos responsa de rebus occultis vel futuris reddit. Dicitur Goëtia à planctu, quo circa mortuorum sepulchra eorum animæ ex inferis euocantur : Necromantia verò, quia sit diuinatione ex mortuis euocatis peracta. Suidas autē distinguit Magiam, quam ait Persarum esse inuentum, in Goëtiā, Magiam propriè dictā, & Pharmatiā. Magia, inquit, est inuocatio Dæmonum, scilicet beneficiorum ad aliquod bonum

D

con-

conficiendum: cuiusmodi; Apollonii Tyanei prædictiones fuerunt. Goëtia fit per coactionē & inuocationem mortuorum; sic, n. dicta est à planctu qui fit circa sepulchrum. Pharmatia verò fit, cum aliquid porrigitur alicui sumendum ore, q̃ mortem ei sit allaturum; vel vehementes aliquas perturbationes & mutationes, aut corporis aut animi in eo sit effecturū certis incantamentis præparatum. Hæc Suidas.

Nobis autem omnes Magiæ species hæc ratione & ordine distingui posse videntur. Magia, alia est Naturalis, quæ per res naturales singulari quorundam hominum artificio adhibitas mira facit: Altera est non naturalis, quæ Dæmonum inuocatione & ope vitur ad operandum. Hæc in Theurgiam & Goëtiam & Necromantiam, de quibus paulò ante diximus, rectè diuiditur. Nam si quæ sunt aliæ, ad has species commodè reuocantur. Illa, quam naturalem diximus, partim est physica cuius nomine medicinam etiam complectitur, quæ circa occultas rerum naturalium virtutes, rerum mirabilium effectrices versetur; partim est Mathematica; cuius excellenti peritia, quàm mira fecerint Architas & Archimedes, supra cōmemorauimus. Rursus Magia tam naturalis, quam non naturalis, bipartitò diuiditur: altera e-

nim habet veros & naturales effectus, altera simulatos tantū, nec tales reuera quales videntur: hanc vno vocabulo Prestigiatricem appellamus, suis enim prestigiis adeo præstringit & eludit sensus humanos, vt faciat videre quæ non sunt, & non videre quæ sunt; id quæ vel interuentu & adminiculo Dæmonum, vel operatione naturalium agentium, vel incredibili tractu atque agitatione manuum. Itaque qui edit panem, videtur farinam spuere: qui vinum bibit, per frontem aut iugulum id reijcere; videntur gladij vorari, ingens vis euomi acuum minorum, & zonularū quarum rerum circulatorum miri sunt artifices. Hæc diuiditur in Opticam, & Pharmaticam: illa, manuum, digitorum aliarumque partium corporis incredibili agilitate & motione, defixum in res obtutum spectantium frustratur, hæc collyriis, suffumigationibus, alligationibus, potionibusque sensus interiores & exteriores ita perturbat, vt secus quàm reuera est, iudicent de sensibilibus exterioribus. Vtitur etiam illa prior laminibus, annulis, imaginibus, speculis vario situ varioque modò positis & transpositis.

MAGIÆ porrò Naturali, quidam duas alias species adiungunt, alteram vocant Astronomicam, alteram Cabalisticam,

D 2

quæ

*ContraMa-
giam A-
stronomi-
cam.*

quæ an sint meræ nuge & quorundam ho-
minum commenta, an reuera aliquid so-
lidi habeant & præstent, nunc paucis di-
iudicandum est. Astronomicam appellans,
quæ certas quasdam imagines & figuras,
annulos, sigilla, statuas & alia quædam ho-
rum similia fabricatur, in quibus, eius cul-
tores & defensores affiunt, cœlestium
corporum virtutes & influxus recipi, re-
ceptosq; miros effectus præstare. Sed hæc
vana sunt, nec modò à christiana veritate,
& pietate, sed etiam à philosophica ratio-
ne & disciplina longè remota. Virtus enim
cœlestis per se vniuersalis est & indetermi-
nata ad hunc vel alium quemlibet effe-
ctum producendum; determinatur au-
tem per causas naturales particulares: Il-
læ autem imagines & figuræ astronomi-
cæ, non sunt causæ naturales, nec habent
vim, aut efficiendi quippiam, aut præpa-
randi materiam ad hunc vel illum effectum
recipiendum. Deinde cœlum naturaliter
operatur; illæ autem imagines sunt inge-
nio & artificio hominum inuentæ, & pro-
eorum arbitrio adhibitæ; non igitur per
illas, virtus cœlestis modificari aut deter-
minari potest. Postea, lignum quocunque
modo figuretur, non potest in se recipere
immediatè formam equi vel leonis; ne-
vitrum aut aurum formam plantæ: multo
igitur

igitur minus huiusmodi materiæ, propterea quod ab ipsis Astronomis variè figurerentur, idoneæ habiliſq; reddentur ad certas quasdam virtutes ſiderum recipiendas & ad aliquos mirabiles effectus producidos. Adhæc, quæ eſt naturalis conuenientia illarum Aſtronomicarum imaginũ cum cœlo? neque enim eſt vel ſecundum figuram, vel ſecundum naturam vel motum vel qualitates: quomodo igitur res naturales ſine ipsis figuris non ſunt idoneæ ad diuinos illos ſiderum influxus accipiendos, ſignatæ autem & adornatæ iſtis imaginibus, ſtatim ſunt idoneæ? His accedit, quod inſignia viſu effectũq; ſidera, ſi Mathematicis demonſtrationibus credimus, ampliora ſunt quam vniuerſa terra; quomodo igitur influxus illorũ ad vnã imaginunculã aſtronomiã reſtringitur, vt non etiam per alias res quamplurimas tali figura carentes diffundatur? Nullus igitur nouus effectus ab huiusmodi Magia aſtronomica proficiſcitur; & ſi quis fortè cernitur aliquando, is non earum imaginum aut ſiderum potentia, ſed occulta dæmonum opera, quò eiufmodi fraudibus mortales circũueniant, proficiſcitur.

★★
*

D ; CAPVT

De Magia Cabalistica.

SED venio ad Cabalisticam, quam philosophi quidam Iudæorum, & de nostris nonnulli vanitatis magis quàm veritatis studiosi, & res curiosas atque inauditas quàm veras & solidas discendi avidiores, affirmant scientiam esse Mosi primum à Deo in monte Syna traditam, deinde non quidem literarum monumentis, sed ore tenus à prioribus, per quandam veluti manuum traditionem, & receptionem posteris traditam, adhuc fuisse conservatam: ideoq; dictum esse Cabala, quod verbum Hebraicè idem sonat quod Latine recipio, nimirum eam posteriores à prioribus ore tenus auditione accipiebant, & animo memoriaq; custodiebant. quæ etiam ratione ferunt veteres, disciplinam Pythagoricam multis sæculis esse conservatam. Complectitur autem hæc Magia Cabalistica vniuersam Philosophiam, diuinam & humanam, nec non & naturalem: omniumq; rerum doctrinam mysticè ac symbolicè continet, non eam more aliarum humanarum disciplinarum, rationibus & argumentis disputationibusq; tractans, sed numeris, figuris, ac Symbolis: itaque in ea singulæ literæ, figuræ, nomina,

ele-

elementa, apices, lineæ, puncta, accentus, spiritus, & si quid aliud est minutius, profundissimam quandam & abditissimam ingentium rerum significatricem doctrinam habent. Hanc Magiam qui benè teneat, cum nihil non pollere aiunt, omnia scire, præscire, naturæ imperare, cunctasq; res ei obedire; hac Moisen prodigia illa fecisse in *Exo. 7. & seqq.* Ægypto & in deserto; hac Iosue, Eliam, Elifazum, Isaiam, Danielelem, Samuelem tot tantaq; fecisse miracula. Dicunt enim, *Gen. 2.* nomina quæ Deus per Adamum cunctis rebus secundum suas cuiusq; rei proprietates imposuit, fuisse Hebraica, quibus rerum omnium substantiæ, qualitates & proprietates exprimantur: quocirca his nominibus naturales res appellanti, confestim res omnes se illi subiiciunt, & eius obsequio se totas addicunt. Huius amentitiæ expers non fuit Wiclef, qui ut memorat Thomas Waldensis in opere suo de Sacramentalibus, dixit, in statu innocentie Adam imposuisse nomina animalibus secundum naturales eorum proprietates; quibus nominibus appellata ab homine, statim ei obediissent, eiusque omnia iussa fecissent: & huius rei reliquas remanere in exorcistis & incantatoribus, & ad id magnam vim habere voces hebræas. Cuius sententiæ doctam copiosamq;

refutationem lege apud ipsum VValden-
sem.

*Refellitur
Cabalista
in Ars.*

Verum adeò est inerudita, insulsa & ridicula hæc Cabalistarum opinio, ut nihil æquè minus sit quàm ulli hominum sanæ mentis aliquando eam probari & persuaderi potuisse, sed ita est profecto, sunt ingeniorum similiter ut hominum monstra quædam, & portentosa è quibus eiusmodi opinionum commenta & deliramenta proficiuntur. Principio, nonnè incredibile est, Solem & Lunam & cætera æstra, elementa, item & stipes cum ratione careant, diuinam illam vim quæ latet in vocibus hæbræis sentire, eaque sic affici & permoueri, ut homini pro eius arbitrio pareant? Sed esto, nouerint illam vim, vel omnes res naturales, vel certè animantes aut homines, num ideo eiusmodi nominum appellatione eas continuò moueri necesse est? Si quis mihi proponeret nomen, totam meam substantiam omnesque proprietates perfectissimè declarans, num eo nomine appellatus ab illo, cogeret eius imperio obsequi & quæcunque ille vellet, facere? Si reconditissimam illam vim & efficaciam vocum hæbræarum quam iactant Cabalistæ, paucissimi hominum intelligunt, nec nisi qui illa eadem ante sunt initiati, quomodo eam agnos-

cent

cent & sentient bruta, cæteraquæ non ratione modò sed etiam sensu carentia? Cur tribuunt tantam vim vocibus & characteribus hebrææ linguæ, quam omnium vetustissimam & primam ferunt, cum certè constet alios esse characteres hæbræos qui nunc extant, quàm qui olim fuerant ante captiuitatem Babylonicam? quod beatus Hieronymus in prologo galeato affirmatè scribit. Certum, inquit, est, Esdram post captam Hierosolymam, & restorationem templi sub Zorobabele, alias litteras reperisse, quibus nunc vtimur, cum ad illud vsq; tempus iidem Samaritanorum & Hebræorum characteres fuerunt. Nec verum est, in lingua hebræa reperiri voces quæ omnium rerum naturas, infimasque differentias & proprietates exprimant; nec in declarandis rebus vberior est aut significantior hebræa lingua quàm græca vel latina: nec vllum est nomen in vlla lingua, quod simul alicuius rei & substantiam & differentias atque proprietates tam genericas quàm specificas atque indiuiduales aperiat: nec in vocibus hebræis per se sumptis, plura maiorave latent mysteria, quàm vel in Græcis vel in Latinis. Legimus in scriptura, quomodo Moyses & Aaron per virgam eis à Deo traditam plurima maximaque fecerint prodigia. Legimus

Iosua. 10.

mus Iosue retinuisse cursum Solis & Lunæ, cum dixisset : *Sol contra Gabaon ne mouearis, & luna contra vallem Aialon. Stetitq; sol in medio cæli, & non festinauit occumbere spacio unius diei. Nec fuit antea & postea tam longa dies, obediens Domino voci hominis & pugnante pro Israel.* Narrantur etiam Samuelis, Eliæ, Elisæi & Danielis miracula, nec tamen usquam de istis Cabalisticis mysteriis vlla mentio aut verbum fit, si tanta est Cabalisticæ Magiæ vis & potestas, vt cœlis imperet, solem sistere aut retrocedere cogat, maria diuidat, flumina siccet, totamq; naturam commutet, & sibi ad nutum obedire faciat, cur isti sapientes Cabalistæ, eius artis peritissimi, talia nunquam patrarunt, vel etiam nunc patrare possunt? Certè Philosophi Iudæorum, qui sibi hanc sapientiam arrogant, si quid ea pollerent, ad excutiendum iugum durissimæ seruitutis, quo miseri iam mille & quingentis annis oppressi tenentur, vti debuissent.

CAPVT XI.

De Necromantia.

DE Necromantia non nihil dicamus, vt qualis quantaue sit eis vis, vel potius fraus & fallacia, ostendamus.

mus. Necromantici profitentur se animas mortuorum euocare posse ex ijsque cognoscere multa quæ sunt occultissima, vel etiam futura; animas autem mortuorum, præsertim eorum qui flagitiosè vixerunt, aut violenta morte de vita deturbati sunt, Magis eas inuocantibus adesse, respondere, multaque manifestare, docet Porphyrius lib. 2. De Abstinencia animalium, nam cum de prauis & fallacibus daemonibus dixisset, mox subdit hæc de animalibus: Tales, inquit, sunt & animæ mortuorum, quæ vitæ oppletæ è corpore migrarunt, conflantur enim etiam tunc iræ & concupiscentiæ perurbationibus, & in naturam conuersæ daemonum, similes illorum redduntur, noxiæ ad turbulentæ; in varias se vertunt formas, ac modò conspicuas se oculis præbent, modò recondunt, & ita eludunt aciem tum intuentium, tum etiam cogitantium. Et quodam alio loco: Praua, inquit, anima quæ corpus suum violenter reliquit, expoliata ad hoc ipsum deinde se admouet, ibique moras trahit. Vnde nonnunquam visæ sunt animæ lamentari: nam animæ carentium sepultura circa corpora immorantur, quibus malefici sæpius abutuntur ad ministeriū suum explendum, compellentes animas à positione corporis vel partis cuiusdam

*Prophyr^{us}
de reuoca-
tione ani-
marum ex
inferis.*

assumptione. Quocirca qui vaticinantium animalium insinuari sibi animas optant, præcipua illorum membra deglutientes, veluti ceruorum vel talparum, vel aliorum accipiunt, & ita præsentem sibi faciunt animam, Dei ritu vaticinantem: talis enim anima vnà cum sui corporis integra sumptione, in corpus humanum se penitus ingerit. Hæc Porphyrius.

*An fuerit
verus Sa-
mul qui
per Phyto-
nissam re-
presenta-
tus est Sau-
li.*

Magnam sanè huic arti fidem facere videtur, quod legitur primi libri Regum, capite vigesimo octauo Pythonissam rogatu regis Saulis, excitasse à mortuis animam Samuelis, fecisseque, vt Sauli de euentu impendentis belli consulenti, quæ mox ei euentura erant prænunciaret. Et quidem beatus Augustinus libro 2. ad quæstiones Simpliciani, respondens ad tertiam quæstionem, & in libro de octo Dulcitij quæstionibus, quæstione sexta disputat in vtramq; partem, an fuerit ille verus Samuel, an potius Dæmon specie & figura Samuelis; propensior tamen est ad credendum, illum non fuisse verum Samuelem, sed eius imaginem & simulachrum, arte diabolica formatum, & aspectui Saulis præsentatum: appellari autem in scriptura Samuelem, quòd illum habitu, specie & auctoritate repræsentaret. Non enim rarò in communi hominum loquendi con-

consuetudine, tum in sacris literis rerum imagines & simulachra, nominibus ipsarum rerum appellantur. Hoc idem citra dubitationem vllam traditur in libro secundo de mirabilibus sacrae scripturae, cap. 2. & in lib. quaestionum veteris & noui Testamenti quaest. 27. qui libri, nomine beati Augustini in eius Operibus numerantur. Tertullianus in lib. de Anima, non solum hoc probat, sed contrariam sententiam omnino improbat: nam loquens de Samuele, haec scribit: Ecce hodie eiusdem Simonis haereticos tanta praesumptio artis magicę extollit, vt etiam Prophetarum animas ab inferis mouere se spondeant: & credo, quia mendacio possunt, nec enim Pythonico tunc spiritui minus licuit animam Samuelem effingere, post Deum mortuos consulente Saule. Absit autem vt animam cuiusquam sancti, nedum Prophetę, a dæmonio credamus extractam, certi quod ipse Satanaz 2. Cor. 11. transfigureretur in angelum lucis, nedum in hominem lucis, etiam Deum se asseueraturus, signaque portentosiora editurus, ad euertendos, si fieri possit, electos. Hæc Tertullianus. Quibus verbis aliisque proximè consequentibus apertè docet non fuisse illum verum Samuelem. S. Thomas prima parte quaest. 89. art. 8. & secunda secundæ quaest. 95. art. 5. ad 2. & quaest. 174 art. 5. ad 4.

dubitanter de hoc loquitur, secutus nimirum Augustinum: idemque fit in Decretis 25. *Quaestione 5. cap. Nec mirum. Sed ut Lyrano & Tostato & ni fallor etiam, B. Augustino, lib. de cura pro mortuis agenda, cap. 15. Sic etiam mihi probabilius est, immò certum est, fuisse veram animam Samuelis quæ Sauli apparuit, exercente quidem Pythonissa artem suam magicam, sed non eius artis vi & potentia, sed Dei imperio ab inferis excitatam, quæ dispensatione diuina Pythonissam & Saulem latentem, ostendit se aspectibus iniqui regis, diuina eum sententia percussura, ut impius rex, quæ post mortem supplicia suæ impietati debita passurus erat, iam tum horribilissimo doloris sensu prægustaret. Nec ad hoc probandum aut persuadendum opus est testimonii vel argumentis, cum id in sacra scriptura perspicuè traditum sit. Nam in libro Ecclesiastici, cap 46. sic est: *Et post hoc dormiuit Samuel, & notum fecit regi, & ostendit illi finem viæ suæ, & exaltauit vocem illius de terra in prophetia, delere impietatem gentis.* Et sanè B. Augustinus libro illo de cura pro mortuis agenda, & S. Thomas secunda secundæ non obscure significant, si liber Ecclesiastici tanquam sacer & canonicus recipiatur necessariò sentiendum esse, verum Samuelem apparuisse Sauli*

Sauli. Loquuntur autem illi conditionaliter de auctoritate libri Ecclesiastici, non quod non cum pro sacro & canonico haberent, sed quia nec Hebræi eum recipiunt & reponunt in libros canonicos, & quidam Catholicorum olim, de eius auctoritate dubitarunt. Quare nobis ut de eius libri fide & auctoritate, sic nec de vero Samueie Sauli post mortem prophetante, dubitare licet. Nec obstat huic sententiæ, quod ille Samuel dixisse legitur Saul: *Cras tu & filii tui mecum eritis*, cum certum sit diuersas esse sedes post mortem, bonorum & impiorum, & in Euangelio legatur Abraham dixisse illi epuloni, inter se, & ipsum, maximum & intransibile chaos intercedere: hoc inquam, non obstat. Nam illa verba Samuelis, ut benè interpretatur S. Augustinus respondens ad tertiam quæstionem Simpliciani, non ad æqualitatem felicitatis, sed ad similem conditionem mortis referri debent: ut sit sensus, Cras & non amplius eris inter vivos, sed inter mortuos, inter quos ego sum, quin etiam & tunc, & usque ad Christi Domini resurrectionem, omnes tam boni quam mali, apud infetos, licet sedibus disclusi, detinebuntur.

Sed redeo ad Necromantiam, quæ olim multis locis & apud multas gentes celebratissima

Antiquus tissima fuit. Osthanes apud Plinium lib. 30.
Necroman cap. 2. huius artis nobilissimus professor,
ita usus. promittebat quorumlibet mortuorum ex-
 citationes & colloquia cum viuis: & sanè
 maioris est admirationis, quod extremo il-
 lo capite subdit Plinius: Adolescentibus
 nobis, inquit, visus Apion grammaticæ
 artis, prodit Cynocephalam herbam, quæ
 in Ægypto vocaretur Osyrites, diuinam
 non in viuos modo, sed etiam in mortuos
 habere potentiam, eaque se euocasse vim-
 bras ad percunctandum Homerum qua
 patria quibusque parentibus genitus esset.
 Cicero Asculanus in commentariis quos
 in sphaeram edidit, nominat librum qui o-
 lim extabat, & inscribebatur Scriptura
 Cham, opus magicæ ac maleficæ impie-
 ratis plenum, continens elementa & pra-
 xim Necromantiæ. Tertullianus lib. de A-
 nima, ubi de inferis & defunctorum euo-
 catione differit: Publica, inquit, iam litera-
 tura est, quæ animas etiam iusta ætate so-
 pitas, etiam proba morte disiunctas, &
 prompta humatione disunctas, euocatu-
 ram se ab inferorum incolatu pollicetur.
 Fuerunt quondam multa apud varias gen-
 tes loca, Necromantiæ usu nobilitata, ubi
 & à defunctis oracula & responsa peteba-
 tur. Homerus lib. 11. Odysseæ Cymmeri-
 cum oraculum ad Auernū Campaniæ la-

cum celebrat, quo Vlysses cōcessit, vt Thyresiam de reliquo itinere suo consuleret, cuius etiam meminit Strabo libro quinto Geographiæ. Tesprotium in Epiro Orpheus celebre fecit, in eo manes cantu permulcendo, & Euridicæ coniugi ad superos reditum impetrasse creditum fuit. Vnde Virgilius libro sexto *Æneidos*:

Si potuit manes accersere coniugis Orpheus,

Treicia fret⁹ cythara fidibusq; canoris.

Apud Lucanum Eriatore venefica Thesſia la mortuū euocat, qui Sex. Pompeio exitum Pharfalicæ pugnæ denunciaret. Phigaria Arcadiæ ciuitas, habuit huiusmodi Necromantas, à quibus occulta & futura sciscitari vſitatum fuit. B. Augustinus lib. 9. de ciuitate Dei, cap. 11. citat Apuleium affirmantem animas hominum demones esse, & ex hominibus fieri lares, si meriti boni sunt. Lemures autem aut laruas, si mali, qui nullis bonis sedibus in terra vagatione puniuntur, inane terculamentum bonis hominibus, cæterum noxium malis. Cum verò incertum est quæ cuiq; sortitio obuenerit, vtrum lar sit an larua, manes deos nominant, & fanis atque cæremoniis vulgo admittuntur, vt oracula reddant, vt in Bœotica Amphyaraus, in Africa Mopsus, in Ægypto Osiris, alius alibi gentium,
Æscu-

Æsculapius ubique Hæc ex Apuleio: quæ ibi August. verè grauitèrque refellit. Et apud Tertullianum in libro de Anima sic habes, Nosomanas propria oracula, apud parentum sepulchra mansitando capiare, Eraclides scribit. Celtas apud viro- rum fortium busta, eadem de causa obnoctare, Nicander affirmat.

*Confuta-
tur Necro-
mantia.*

Verum has omnes mortuorum, quæ arte Necromantica fiunt, apparitiones, vanas & fallaces esse, non est dubitandū: ple- rasq; enim ab ipsis Necromantis aliisue fi- ctas esse compertum est. Si quæ autè reue- ra contigerunt, in his existimandū est, non animas defunctorum apparuisse viuis, sed ipsos Dæmones tales se ostendisse Necro- mantis, vel eos consulentibus, tales, inquā, habitu, specie, ætate, voce & affectu, qua- les fuerant olim mortui, cum inter viuos versarentur. Hanc ego opinionem vt pro- culdubio veram putem, rationibus testimo- niisq; & experimentis adducor. Ratio nec obscura nec sanè infirma sit ea, qua S. Tho- mas prima parte quæst. 117. 4. art. hoc ipsum confirmat. Non potest, inquit, anima sepa- rata, naturali virtute sua, mouere aliquod corpus: cum enim sit naturalis forma hu- mani corporis, non habet vim mouendi secundum locum, nisi corpus quod infor- mat & viuificat: nam etiam cum est vnita

*Argumen-
tatio beati
Thomæ cō-
tra Necro-
mantiam.*

cor-

corpori, si sit aliquod membrum mortificatum, non obedit animę ad motũ locale. Quare animę defunctorum, nec assumere corpora, nec cū illis ad viuos venire possunt. Deinde, Necromantę non habent vim & imperium in animas defunctorum quę sunt in cœlo, nec quę sunt in purgatorio, non enim conuenit aut decet animas sanctorũ, impiis Necromantarum artibus subiaceere: neq; in animas quę sunt inferno, nam cū illuc sint à Deo tanquā in carcerem detrusę, vt æternas scelerum suorũ pœnas luant nulla inde vi possunt efferri, nec nisi Dei mandato egredi: non est autem credibile, Deũ id concessurum Necromantis, per quos dæmon satagit mortales decipere, & à veri Dei cultu auertere: sic enim Deus artem Necromantiam & per se infamem, & toties à se in sacris literis reprobata, extremoquę mortis supplicio condemnata, non solum honoraret, sed etiam fide cultuq; apud mortales dignam redderet. Profectò, si cui mortuorũ reditus ad viuos concedendus fuit, videbatur concedendus diuiti illi, cuius mentio sit apud Lucam cap. 16. qui obnixè rogabat Abrahā, vt de iis qui simul erant in inferno, aliquem mitteret ad amicos congratosque suos monendos, vt benè viuendò, diuitias, & perpetuas inferni pœnas euaderent,

nec tamen ei concessum est. Non inficior, animas quæ sunt in Purgatorio, nonnunquam apparuisse viuis: id enim B. Gregorius in quarto libro Dialogorum nonnullis & quidem certis probat exemplis. Nec equidem nego, etiam animas beatas vel Martyrum, vel aliorum Sanctorum, descendere in terras hominibus eorum auxilium implorantibus, opem & solatium laturas: id enim confirmat B. Augustinus in lib. de cura pro mortuis agenda, capite decimosexto exemplo B. Felicis Nolæ Episcopi, quem ciuibus suis Nolanis, cum à Barbaris oppugnarentur apparuisse & subuenisse, affirmat Augustinus, se non incertis rumoribus, sed certis testibus audiuisse: Hæc, inquam, non nego, sed aio animas mortuorum, cum apparent viuis, non id facere sua voluntate & arbitrari, nec naturali potestate, multoque minus vi & potentia artis Necromanticæ, sed id fieri singulari quodam Dei consilio, voluntate ac potestate. Nec animas defunctorum interesse rebus viuorum, minus est miraculum secundum B. Augustinum loco supra dicto, & secundum B. Thomam prima parte, quæst. 89. art. 8 ad 2. quam vel illuminatio cæci, vel alia quæ in magnis Dei miraculis numerantur. Adscribā hic in hanc sententiam B. Augustini verba ex eo loco quem

quem proximè iudicaui : verū ista, inquit, *Augustini*
 diuinitus exhibentur, longè aliter quam se *obseruāda*
 se habet vsitatus ordo, singulis creaturarū *sententia.*
 generibus attributus. Non enim ideo pu-
 tandum est viuorum rebus quoslibet in-
 teresse posse defunctos, quoniam quibus-
 dam sanandis vel adiuuandis Martyres ad-
 sunt: sed ideo potius intelligendum est per
 diuinam potentiam Martyres viuorum re-
 bus interesse, quoniam defuncti per natu-
 ram propriam, viuorum rebus interesse
 non possunt. Hæc Augustinus.

Sed audiamus Tertullianum qui in li-
 bro de Anima, vbi de inferis & animarum
 euocatione agit, hanc nostram sententiam
 grauissimis disertissimisque verbis compro-
 bavit: Necromantia, inquit, secunda est
 idololatria, in qua se dæmones perinde
 mortuos fingunt, quemadmodum in illa
 deos. Quid ni? cum & dii mortui sint? Ita
 que inuocantur quidem defuncti, sed dæ-
 mones operantur sub eorum obtentu.
 Hanc autem fallaciam Diaboli sub perso-
 nis defunctorum delitescentis (ni fallor)
 etiam rebus probamus, cum in exorcismis
 nostris, interdum Dæmon al. quem se ex
 hominibus affirmat, interdum gladiatorē
 vel bestiarium, sicut alibi Deum, nihil ma-
 gis curans quā hoc ipsum excludere quod
 prædicamus, ne credamus animas vniuer-
 sas

*Notabilis
 Tertullia-
 ni senten-
 tia.*

sas malorū ad nihilum redigi, vt & iudiciū
 & resurrectionis fidem turbent. Et tamen
 ille dæmon, postquam circumstantes cir-
 cumvenire tentauit, instantia diuinę gratię
 victus, id quod in vero est, inuitus confi-
 tetur: sic etiam in Necromantia quę iam
 quiescentes animas euellere ab inferis cre-
 ditur, & conspectui exhibere, non alia fal-
 lacię vis est, operatio planē, quia & phan-
 tasma præstatur, & corpus effingitur, nec
 magnum illi exteriores oculos circumue-
 nire, cui interiorem mentis aciē excęcare,
 per facile est. Nulli autem animę omninō
 inferos patere, satis Dominus in argumēto
 illo pauperis quiescētis & diuitis ingemi-
 scētis, ex persona Abrahę sanxit, nō posse
 relegari renunciatorē dispositionis infernę
 quod vel tunc licere potuisset & Moysi, &
 Prophetis crederetur. Sed etsi quasdam re-
 uocauit Dei virtus in documentum iuris
 sui, non ideo communicabitur fidei &
 audacię Magorum & fallacię somniorū
 & licentię poetarum: nam in hac mortuo-
 rum resurrectione qua Dei virtus in cor-
 pora animas repræsentat, solida & contre-
 stabili & satiata veritate præiudicatum est
 hanc esse formam veritatis, vt omnem
 mortuorum exhibitionem incorporalem
 præstigias iudices. Hęc Tertullianus. Si-
 mulant igitur Dæmones, animas defun-
 ctorum

Luc, 16.

Aorum secundum Augustinum & Chry- *Cur damo*
 sostomum, quorum testimonia loco supra *nes simu-*
 dicto memorat S. Thomas, quo facilius *lēt animas*
 errores Gentilium animis hominum inse- *de mortuo*
 rant ad eos decipiendos. Primum enim *rum.*
 sic Dæmon facilius homini quicquid vult
 persuadet : namque homines animabus
 defunctorum, vel parentum, vel cognato-
 rum, vel amicorum suorum quos diligunt,
 & à quibus se diligere non dubitant, libentius
 & promptius credunt, quam Dæmoni
 quem naturaliter horrent. Deinde, ita per-
 suadet hominibus, infernum non esse car-
 cerem perpetuum, ex quo non liceat ali-
 quando egredi : nec esse adeo graves &
 perpetuas inferni pœnas, sicut homines
 putant. Ad hæc sic facit, animas etiam
 post mortem habere corpora, & posse
 qualibet se in corpora induere, vel in que-
 libet hominum aut bestiarum corpora
 migrare : qua re concipitur error Pytha-
 goricus de transmigratione animarum,
 eoque concepto labascit fides & spes
 Christianæ resurrectionis. Præterea, hæc
 ratione faciunt Dæmones, & viui mortu-
 os vel tanquam terrificos & noxios sibi
 metuant, & variis superstitionibus placare
 sibiq; conciliare studeant, vel tanquam be-
 neficos sibiq; vel amicitia vel necessitudi-
 ne deunctos, nimium superstitiosè diligant
 &

*Varia species
Magiæ
secundum
Hugonem.*

& colant, vel tanquam animas hominum quorundam apud mortales, aut sapientia, aut fortitudine, aut potentia clarissimorum, non humanis modo, sed diuinis et honoribus prosequantur atq; venerentur.

Hugo sancti Victoris hb. 6. eruditionis Didascalice, cap. 5. numerosius & enucleatius eam de qua disputauimus, Magiæ varietatem enarrans, ad hunc modum scribit: Magiæ repertor primus creditur Zoroastes, rex Bactrianorum, quem nonnulli asserunt ipsum esse Cham filium Noe, sed nomine mutato, hunc postea Ninus rex Assyriorum bello victum interfecit, eiusque codices artibus maleficiorum plenos igne cremari fecit. Scribit autem Aristoteles de hoc ipso, quod vsque ad bis & voces centum millia versuum eius de arte magica ab ipso dictata, libri eius vsque ad posteritatis memoriam traduxerunt. Hanc artem postea Democritus ampliauit tempore quo Hippocrates in arte Medicinæ insignis habebatur. Magia in Philosophia non recipitur, sed est extrinsecus falsa, professio ne, omnis iniquitatis & malitiæ magistra, de vero mentiens: & veraciter ledens animos, seducit à religione diuina, culturam dæmonum suadet, morum corruptionem ingerit, & ad omne scelus ac nefas mentes sequacium impellit. Hæc generaliter accepta

pra, quinque cōplectitur genera maleficiorum : Manticem, quod sonat diuinationē, & mathematicā vanam, Sortilegia, Maleficia, Prestigia. Mantice autē quinque continet species sub se, primam, Necromantiā, quod interpretatur diuination in mortuis. *νεκρὸς* enim grēcè, id est, mortuus, Latinè, & *νεκρὸν* cadauer dicitur, vnde est diuination quæ fit per sacrificium sanguinis humani, quē dæmones sitiunt, & in eo delectantur effuso. Secunda, est Geomantia, id est, diuination in terra. Tertia, Hydromantia, id est, diuination in aqua. Quarta, est Aerimantia, id est, diuination in aere. Quinta, est diuination in igne, quæ dicitur Pyromantia. Varro enim quatuor dixit esse, in quibus diuination cōstaret, terram, aquam, aerem, ignem. Prima ergo, id est, Necromantia, ad infernum videtur pertinere, secunda ad terram, tertia ad aquam, quarta ad aerē, quinta ad ignē. Mathematica diuiditur in tres species in Aruspicinā in Augurium, in Horoscopiciā. Haruspices sunt dicti quasi horuspices, id est, horarū inspectores, qui obseruant tempora in rebus agendis, vel haruspices quasi haras inspiciētes, qui in exvis & fibris sacrificiorum futura considerant. Auguriū vel auspiciū, aliquando ad oculum pertinet : & dicitur auspiciū, quasi

E auspi-

auspiciū, quia in motu & volatu a
 um attenditur, aliquando ad aures p
 tinet, & tunc dicitur augurium, qu
 garritus aurium, quia aure perc
 tur. Horoscopia, quæ etiam Constell
 tio dicitur, est, quando in stellis facta hor
 num quærentur, sicut Genethliaci faciunt
 qui natiuitates obseruant, qui olim specia
 liter Magi nuncupabantur, de quibus
 Euangelio legimus Sortilegi sunt, qui sort
 tibus diuinationes quærent. Malefici sunt
 qui per incantationes demoniacas siue li
 gaturas, vel alia execrabilia remediorum
 genera cooperatione dæmonum atque in
 structu nefanda perficiunt. Præstigia sunt,
 quādo per phantasticas illusiones circa re
 rum immutationē sensibus humanis arte
 demoniaca illuditur, Sunt omnes simul v
 decim. Sub Mantice, quinque, id est, Ne
 cromantia, Geomantia, Hydromantia,
 Aerimantia, Pyromantia. Sub Mathematica,
 tres, Haruspicina, Auspiciū, Horo
 scopia. Postea tres alie, id est, Sortilegium,
 Maleficiū, præstigiū. Præstigia dicitur
 Mercurius primus inuenisse: Auguria Phry
 ges inuenerunt: Haruspicinam & sortile
 gia Tages primus Etruscus tradidit: Hy
 dromantia primum à Persis
 venit. Hactenus
 Hugo.

CAPVT XII.

*An per artem Magicam verum aurum
fieri possit ab Alchimi-
stis.*

SI verum & perfectum aurum ab Al-
schimistis potest effici, haud dubiè chy-
mica facultas vna de præcipuis magiæ
partibus censenda est, nimirum tale opus
Magiæ, tum propter vim & potentiam ar-
tis maximè admirandum esset: tum pro-
pter magnitudinem vrilitatis, optatissimū
atque gratissimum mortalibus accideret. *Scaliger cō-
tra Carda-
num exer-
citat. 327.*
Audiat lector quid eruditus vir Iulius Sca-
liger ea de re scriptum reliquerit. Tri-
plex est, inquit Magia, vna hic infima &
nostras, sanè & fœda & sordida cum canti-
unculis, cadaueribus, & fimbriis suspendio-
rum: quæ si quis atrectare audeat, et-
iam mereatur. Altera ex astris deducit vi-
res in specula, sigilla, annulos, tabellas:
Tertia diuina est. Nomen apud vulgus
odiosum fecit colluies impostorum. At *Smerdis*
magus apud Persas, nihil aliud quam sapi- *magus in-
uasit re-
gnum Per-
sarum.*
entē sonat: sed propter Smerdis proditio-
nem & perfidiā, nomen magorū infensum
diu fuit. Hæc magia Dominum Iesum

Herodotus fuisse promissum regem, cognouetunt M
l b. 3 c. 1u gi, qui ad eum adorandum longinquis è
stinus lib. 1 gionibus profecti sunt. E Syrorū libris he
Matth. 2. descripsimus. Aiunt Magiæ & transmuta
 toriæ artis vires, vias, & fines, esse perqu
 similes. Opus & finem Chimistarum, esse
 corpus in corpus. Opus & finem Magiæ,
 esse spiritum in corpore. Magi suas affe
 ctiones, violentias appellant, propterea
 quod vires suas supra eas quæ nature ordi
 ne fieri videntur, exercent. Chimistæ suū
 opus n ominant Fortitudinem: hoc enim
 significat decantatum illud, Elixir, in cuius
 fide omnem oppugnant naturam. Sic eo
 loco Scaliger. Ergo digna cū primis inqui
 sitione ac disputatione res est, vtrū nō mo
 do ex solis causis naturalibus, & in solis na
 turalibus locis, atq; ordine tantū modoq;
 naturali aurum generari queat, verū etiam
 per artificialem viā ac rationem, quam ia
 ctant Chimistæ, perfectū vsquequaq; au
 rum, & tale omnino quale est naturale,
 possit effici.

Duplex circa hanc quæstionem, Philo
 sophorum est sententia: multi negant, qui
 dam verò aiunt. Nos primo loco aliorum
 sententias enarrabimus ac perpendemus:
 extremo autē loco etiā quid sentiamus ip
 si, & similis verò iudicemus, breuissimè
 iudicabimus.

*Exponitur sententia eorum qui negāt
verum aurum posse fieri
ab Alchimistis.*

A Vicenna in quibusdam suis commentariis in libros Meteororum, vt refert Ægidius in 3. Quodlibeto, quæst. 8. de Alchimistico auro ita scripsit: sciant artifices Alchimie species metallorum mutari non posse, quamuis similia illis fieri possint, & quamuis Alchimista queant tingere ipsum æs colore quo volunt, donec sit multum simile auro, & abstergere immundicias plumbi, ita vt videatur argentum, semper tamen secundū substantiam manebunt æs & plumbum.

Auerroes in Paraphrasi super primum librum de generatione animalium, explanando primum caput, in eandem sententiam hæc scribit: Similiter etiam si datur aliquid artificiale valde simile naturali, tanta poterit esse similitudo, quod existimabitur esse idem specie, & si ars Alchimie habet esse, hoc est, quod potest fieri in ea. Et ibidem Auer. declarat sicut se habent mures ex putri materia, ad mures ex semine, inter eos enim est tanta similitudo, vt quāuis reuera inuicem differant specie, tamen

E 3 vulgo

Avicenna

Auerroes.

vulgo putentur, esse iusdem speciei, ita etiam aurum alchimisticum se habere ad verum & naturale aurum. Idem sensit Averroes, cuius verba paulò infra memorabuntur initio capitis proximè sequentis.

B. Thomas

S. Thomas in secunda secundæ conditionaliter loquēs de auro alchimico quæst. 77. art. 2. ad primum ait: Si aurum, quod fit ab Alchimistis, non sit verum & tale quale fit à natura, eius venditionem pro vero fraudulentam & iniustam esse, si autem fiat verum aurum ab Alchimistis, illicitè pro vero auro vendi posse, nihil enim prohibere artem utendo causis naturalibus naturales & veros effectus producere. Sed quid ipse simpliciter & absolutè sentiret de auro alchimico, satis perspicuè declaravit in 2. sent. dist. 7. quæst. 3. art. 1. ad quintum, ita scribens: Potest quidem ars virtute naturalium agentium aliquas formas substantiales inducere in materiam, sunt tamen quædam formæ quas nullo modo ars potest efficere, quod propria actiua & passiva earum non potest invenire atq; adhibere, sed benè aliquid simile illis efficere, sicut alchimiste faciūt aliquid simile auro quantū ad accidentia exteriora, sed tamen non faciunt verū aurum, quod forma substantialis auri non est per calorem ignis quo utuntur Alchimiste, sed per calorem

rem

rem solis in loco determinato, vbi viget virtus mineralis, & ideo tale aurum non habet operationem consequentē speciē, & similiter in alijs, quę eorū operatione fiunt.

Aegidius.

Aegidius in tertio Quodlibeto quæst. 3. affirmat Alchimistas posse quidem facere metallum aliquod quod tantum constet ex permixtione aliorum simplicium metallorum, cuiusmodi est electrum, quod dicitur constare ex tribus partibus auri & vna argenti, & quia sæpè in venis metallicis vnum metallum confunditur & permiscetur cum alio, Alchimista per actionem ignis segregando & separando aurum, quod erat permixtum cum alio metallo, videbitur de nouo facere aurū, tantū autē abest, vt possit verū aurū facere, vt ne simile quidem vero auro ita effici queat, vt nō possit aliquo modo dignosci & discerni. Porro existimat *Aegidius* aurum alchimisticum non posse sine peccato vendi pro auro naturali, non solum quia incertum pro certo & falsum pro vero venditur, sed etiam quia in medicinis adhibetur aurum ad confortandum cor, & morbos quosdā profligandos, maximum autem periculum esset, ne aurū alchimisticum propter diuersam rationē constitutionis, nimium laderet complexionem humani corporis, eique insigne aliquod detrimentum affer-

*Ægidius
negat au-
rum chimi-
cum licitè
vendi posse
pro vero.*

ret. Quod autem verum aurum confici n-
queat, Ægidius ita probat, vel potius de-
clarat. Cernimus in vno quoq; genere en-
tium, quædam illius generis esse perfecta
alia verò imperfecta, perfectiorū autem ge-
nerationem esse determinatam tam secun-
dum principium actiuū & secundū mate-
riam, quam secundum locū in quo fit: im-
perfectorum autē minimè: Exempli cau-
sa, in genere animalium, quæ sunt perfe-
ctiora, ita se habent natura, vt equus non
generetur nisi ab equo, & ex sanguine mē-
struo equæ, & intra matricem, at mures
possunt generari ex semine & siue semine,
intra matricem & extra. Idem perspicitur
in plantis, idemq; similiter contingit in e-
lementis, nam purus ignis elementaris, nec
generari, nec conseruari potest, nisi in suo
loco naturali, id est, in concauo Lunę, ergo
similiter etiam eueniet in metallis, quare
cum aurū sit perfectissimum omnium metal-
lorum, habebit determinatū agens & ma-
teriam, & locum naturalem, & propriam
venam quæ latet intra sinum & ventrem
terræ, extra quem locum, aurū nullo mo-
do confici possit. Neque valet illud, quod
posset afferri contra hoc quod diximus: ni-
mirum si mures qui sunt perfectiores auro
possunt generari extra matricem multo
magis aurum effici poterit extra suum lo-
cū

cum naturalem, & si serpentes fuerunt arte magica producti à Magis Pharaonis, vt *Exod. 7.*] legimus in Exodo, cur non etiam poterit effici verum aurum industria & beneficio artis? Hoc inquam non valet, nam eadem ratione probari posset, cum mus sit perfectior qualibet planta, & mus generari queat sine semine, quamlibet etiã plantam posse absq; semine procreari, quod falsum est: nihil ergo prohibet, quod est imperfectiùs alio simpliciter, esse perfectiùs illo secundum quid. Quamobrem quod aurum requirat determinatum locum suæ generationis, nō arguit ipsum simpliciter esse perfectiùs aliquo animali sed tantum secundum quid. Hęc ex Ægidio.

Conciliator in differentia 209. sic ait: *Cōciliator* Metallum non potest fieri per artem, & in aliud transmutari, cum ars solū faciat permutationem in accidentibus, non autem in substantia, vel fortasse si possibile est, tamen id est homini ignotum, vnde Commentator tertio, de anima ait, Dicitur de multis artificiis, quod videntur esse possibilia, sed sunt causarum ignotarum. vt v.g. Alchimia, etsi talis ars constituatur, fortasse hoc erit per accidens, & inspiratione diuina potius quam artis humanæ sapientia. Non enim (inquit Conciliator) ars eo peruenire potest, vt agentia & materiam, cum

tempore, modo, & aliis circumstantiis, sciat ita proportionare, vt inde nouum constituatur metallum. Quod si apparetur videatur, id erit, quia ars fallaciam eius humano ingenio nequit detegere. Vnde aurum arte constructum, vim non puto habere confortandi cor, sicut habet aurum à natura productum. Fideles mihi tamen experti, dicunt argentum decoctione per artem fieri verum, non tamen videtur apparere lucrari, probationibus omnibus quibus vtuntur, exploratum.

Quidam rerum metallicarum peritissimi, de quibus etiam subtiliter & accuratè scripserunt, dixerunt, primum atq; summum fundamentum, quo nititur ac sustentatur ars Alchimie nullum esse: quo licet intelligere, ipsam artem (si tamen ars dicenda est quæ in se nihil veri & certi habet) inanem & fallacem esse. Etenim Alchimistæ putant materiam omnium metallorum esse sulphur & argentum viuum, quamobrem profitentur se ex varia sulphuris & argenti viui inuicem permixtorum temperatione, posse quodlibet metallum efficere: in quo sanè vehementer falluntur. Nam si sulphur & argentum viuum est materia auri & argenti, ergo in venis in quibus generatur aurum & argentum, apparerent aliqua vestigia sulphuris & argenti viui, similiter

*Non esse
materiam
omniū me-
tallorū sul-
phur & ar-
gentū vi-
uum.*

liter etiam in venis sulphuris & argenti vi-
ui, reperirentur aliqua indicia auri vel ar-
genti, sed ipsi qui totam pene vitam curio-
sissimè lustrandis, & considerandis venis,
locisq; metallorum consumpserunt, nun-
quam tale aliquid reperire potuerunt, qua-
re falsa est opinio Alchimiatarum, & aurū
quod ab ipsis fit ex sulphure & argento vi-
uo, non est verum aurum: non enim, vt di-
ctum fuit, talis est materia veri & natura-
lis auri. Aurū autem quod fit ab Alchimi-
stis, licet simillimum videatur verò auro,
falsum tamen esse multis modis cognosci
& iudicari potest, nempe vel ex pōdere, vel
ex eo, quia non sustinet vim ignis, vel ex eo
quia iniectum in vrinam, amittit colorem
suum, vel quia non est ductile in tenuissi-
mas laminas, vel denique quia non habet
naturalis auri proprietates, quarum in pri-
mis illa commendatur, confortandi cor hu-
manum. Hæc illi.

Cardanus lib. 17. de subtilitate hæc scri-
bit: sunt verò chimica inuenta, vitrum du-
cere in longissimas lineas, tenax aut præ-
durum efficere posse. Vidi ego dudum
sphæram exigua ex vitro, quæ omni co-
natu illisà solo lapideo non comminueba-
tur, sed resiliebat ad trabes. Eiusdem fa-
cultatis chemicæ est, vitrum albis lineis in-
terstinguere, celare, in eo imagines falsas

Cardanus

*Inuēta &
opera artis
chemicæ.*

fabricare gemmas, purgare caphuram, metalla miscere, immutare, aut nobiliora imitari. Exempla veidò fallacis Alchimix vide apud eundem in 10. lib. De varietate rerum, cap. 51. Quo in loco etiā hæc subiungit: aurum & argentū facere, seu ex aliis metallis ea cōficere, aut gemmas factitate aut viles in nobiliores trāsmutare, nemo non optare debet vt sciat, at quid horū fieri possit, difficile scitu admodū est, & si hoc etiam sciuerimus, longè difficilior est scire. Quomodo fiat. Quæ autē ab Alchimistis fiunt, ea vel ad voluptatem pertinent, vel ad vsum, ad voluptatē sunt gemmæ & metalla nobiliora, ad vsum tincturæ, colores, materie vasorū & alia similia. Circa quolibet autem horum, tria excogitari possunt vel vt fiant, quod maximum est, vel vt purgentur, vel vt perficiantur. Horum primum, de metallis, adhuc sub iudice lis est an fieri possit, secundum & tertium, fermè inuētum est ad summam perfectionem, ac licet ars Chimica non faciat verum aurū, quatuor tamen præstat magnas

Utilitas artis chemicæ.

utilitates. Prima est, quia potest vnum metallum facere simillimum alii, vt ferrum æri, & æs auro & argento, idq; clarius apparet in gemmis. Secunda, cum id quod in aliquo potentia continetur, per vim ignis excitat, extrahit, & ad perfectionem perdu-

git.

cit. Tertia, cum ea quæ superflua sunt, vi sua absumendo detegit, vt cum ex calce alumen excipitur, quod non genitum est vi ignis, sed exceptum, ita quo vocant multiplicationem, cum ex terra ipsa quæ aliquid continet quod continetur, excipiunt. Quarta, Ars chimica vi ignis multas facere potest compositiones atque separationes, non minus viles & lucrosas ijs quæ ab Alchymistis tam anxie quærentur & ambitiosè promittuntur transmutationibus. Hæc Cardanus. Ex quibus verbis perspicitur eum arbitrari chemicam illam auri generationem, vel esse impossibilem, vel propemodùm impossibilem.

Declaratur opinio eorum qui defendunt Alchimiam.

ALBERTVS in libro suo 3. de Mineralibus, cap. 9. hanc de facultate *Opinio A-* Alchimie quæstionē pertractans, *uicenna.*

primùm exposuit sententiam Auicennæ quæ fuit hæc: sciant (inquit Auicenna) artifices alchimie species metallorum permutari non posse, quamuis aliquid illis simile fieri possit, quod enim differentia specifica aliquo tollatur ingenio, non credo possibile; sed expoliatio accidentium non est impossibilis, vel saltem diminutio non

*Sententia
Alberti
Magni.*

enim permutatur species metallorum, nisi prius in primam materiam metallicam reducantur, & sic iuamine artis deducantur in speciem metalli quod voluerit. Atque idem quoque sensisse ait Hassem Philosophum præcipuū in Physicis & in mathematicis, deinde Albertus subiungit ea quæ sequuntur: Oportet nos dicere, Alchimicos peritos non aliter operari quàm peritos medicos, qui per medicinas purgatiuas purgant materias corruptas & nocentes sanitati, & postea per remedia confortantia naturam, iuuant virtutem naturalium, vt digerendo, sanitatem inducant: quæ sanitas est effectus & naturæ & artis, sed illius effectiuè & principaliter, huius autem organicè & instrumentaliter: sic Alchimistæ primo benè purgantes materiam argenti viui & sulphuris insitam omnibus metallis, confortant; deinde deducunt virtutes elementares & cælestes tali materiæ inherentes ad proportionē mixtionis metalli quod intendunt inducere, & tunc ipsa natura operatur, & non ars nisi organicè iuuando & expoliendo vt diximus, vt sic verum aurum & argentum educare, & facere videntur: quod enim virtutes elementares & cœlestes faciunt in vasis naturalibus, hoc etiam faciunt in vasis artificialibus, si artificialia formantur
ad

ad modum vasorum naturalium : & quod facit natura calore solis & stellarum , hoc faciet ars calore ignis , dummodo sic contemperetur , vt non excedat virtutem semouentem & informantem quę est in metallis : huic enim celestis inest virtus , quę primo commiscuit eam , & hæc inclinatur ad hoc vel ad illud per artis iuuamen. Alchimia igitur per hunc modum procedit , id est corrumpons vnum , à sua specie remouendo , & cum iuuamine eorum , quę in materia insunt , alterius speciem inducendo , quare omnium operationum alchimarum melior est illa , quę procedit ex eisdem , ex quibus procedit natura ; sicut expurgatio ne sulphuris , per decoctionem & sublimationem & expurgationem argenti viui , horumque bona permixtione cum materia metalli , in his enim & ex virtutibus horum , omnis metalli species inducitur. Qui autem per alba albificant , & per citrina citrinant , manente specie prioris metalli in materia , procul dubio deceptores sunt , & verum aurum atque argentum non faciunt ; & hoc modo fere omnes vel in toto , vel in parte procedunt , propter quod ego experiri feci aurum alchimicum quod ad me delatū est , & postquam sex aut septem ignes sustinuit , tantem amplius ignitum consumi-

sumitur & perditur & quasi ad fecem reuertitur. Hæc Albertus. Ecce supradictis verbis Albertus, non solum docet verum aurum posse fieri per Alchimiam, sed etiam quis modus eius sic efficiendi sit possibilis, & quis impossibilis, manifestè declarat.

Quinque rationes pro Alchymistis. Quidam Ianus Lacinius, qui de facultate chimica in transmutandis metallis multa disputauit, eiusque disputationis summam memorat Cardanus loco supradicto, probat arte chimica posse confici verum aurum, his rationibus. Primò metalla sunt quædam pura & concocta, vt aurum & argentum: quædam cocta sed impura, vt æs, ac ferrum: quædam cruda & impura vt vtrumq; plumbum; sed impura repurgari, cruda concoqui possunt, igitur ex ære, ferre & plumbo, aurum & argentum fieri potest. Quod autem talia concoqui possint, demonstrat ex sententia Aristotelis 4. Meteororum vbi de concoctione agit. De purgatione dubium nō est, quippe cum proprium sit ignis separando purgare. Deinde propinquitas, paruumq; causarū discrimen, hoc idem suadet, cum ab ijsdem omnia fiant. Supponit autem omnia metalla constare sulphure & argento viuo; quæcunque verò similia sunt, facilè inuicem transmutantur, eoque

que magis, quod natura videtur semper perfectissimum intendere in omni genere, velut aurum, quæ igitur imperfecta sunt, artis beneficio perfici posse videntur, tum vt ad finem, tum vt ad motus ipsius perfectionem perducantur. Postea si ars auctore Arist. in 2. Phys. & 4. Meteororum est imitatrix naturæ, cum natura concoquendo purgandoque ex sulphure & argento viuo, aurum argentumque perficiat; cur non etiam idem simili ratione operans ars possit efficere? Adhæc ea dici debent secundum naturæ ordinem copulata & inuicem transmutabilia, quæ non habent omnino diuersas operationes sed easdem, in eo tantum differentes, quod quædam habent eas imminutas & imperfectas, velut fœtus, infantis comparatione, ouum pulli, aurelia papilionis. At plumbum, æs, ferrum, argentum, nullas habent operationes ab auro distinctas, sed quas illud habet, vtpote liquefcere, duci, graue esse, nitere, ignibus resistere, easdem habent hæc, sed vitiatas & imminutas; non enim ita splendent, non sunt adeo graua, minus resistant ignibus, non tota liquefcunt, non tam tenuiter ducuntur, igitur hæc dici debent aurum imperfectum, & beneficio artis perducì quæunt ad perfectionem auri. Atque hoc putat Cardanus esse maximū argu-

argumentum quod pro Alchimis afferripotest. Postremò, idem astruit exemplo ranarum, quæ statim, ob præparationem materiæ, ex puluere generantur. Sunt autem ranæ perfectiores auro, & vt animalia perfecta, non solum partium simularium compositione, sed etiam instrumentorum compositione indiguerunt. Auicennam quoque citat dicentem, vitulum in nubi- bus generatum seminiuum excidisse inter imbres. Generantur etiam ex iuuenulo strangulato apes, ex Basilisco scorpiones, ex elixatura Anatis sub dio expositæ bu- fones, ex Asinis vespæ, ex equis Scarabæi, ex mulis locustæ, aqua quibusdam in lo- cis conuertuntur in lapides: aër concus- sus inter duriora corpora, repentè transit ignem, fumus metallorum, præcipuè plū- bi, cogit argentum viuum, cortex mali pu- nici ferrum mutat in chalybem. Si igitur hæc tam admiranda & penè incredibilia fieri possunt, atque adeò quotidie fieri vi- demus, cur incredibile videatur, posse ab Alchimis verum aurum confici, Hæc il- le disputat pro Alchimis.

• *Antonius
Mirandu
lanus.*

ANTONIUS Mirandulanus, Philoso- phus nostræ memoriæ præstans, & in A- ristotelis doctrina excellenter versatus, in illo suo opere quod scripsit de Euerfione singularis certaminis lib. 19. sect. 7. hanc de Alchi-

Alchimistis sententiam pronuntiat. Dicitur veram esse Alchimistarum opinionem quod aurum possit fieri, & ab arte & à natura, quia transmutare possunt argentum viuum, & alia quæ ad id requiruntur, ita vt fiat eadem materia: sicut non solum à natura sed etiã ab arte animalia, vt scorpiones, generari possunt. Verum quia illud aurum fit rarissimè & cum maxima difficultate, multa enim quæ ad id concurrunt, facillimè impediri possunt, idcirco non videtur fieri posse, sed rei difficultas non arguit impossibilitatem. Non est autem danda opera illi arti, non quia non sit vera, sed quia tantæ est difficultatis, vt sit vtilius eam omittere quàm exercere: & multi quidem ditissimi ad magnã inopiam adducti sunt, propterea quod maximis sumptibus impensis, vel nunquam assecuti sunt quod hæc ars pollicetur, vel certè raro & parum, ita vt sumptus longè sit maior lucro, quare satius est aliis artibus certioribus operam dare, quæ maiori ex parte operam suam præstant, quàm huic quæ rarissimè propter res naturæ absconditas, finem suum assequitur. Hæc Mirandulanus.

*Explicatur breuiter opinio
auctoris.*

NOBIS

*Sententia
auctoris de
auro alchimico.*

NOBIS autem propositam quaestio-
nem philosophicè considerantibus
atq; perpendentibus, tria videntur
haec de re valdè probabilia dici & firmari
posse, vnum est, nullam esse rationem phi-
losophicam, vel necessariam, vel etiam ad-
modum probabilem, qua demonstraretur
rationem chemicam efficiendi verum au-
rum, esse impossibilem. Curenim pute-
tur impossibilis? An quia nihil eorum quæ
fiunt à natura potest fieri ab arte? at hoc in
generatione multorum animalium, alia-
rumq; rerum quæ opera & ministerio artis
non secus generantur quàm à sola natura,
falsum esse cognoscitur. An quia (vt vo-
lebat Ægydius) nihil eorum quæ sunt in
genere suo perfectissima, potest produci
nisi vno modò, id est, solùm ab agente suo
naturali? Verùm si Ægydius verisimili a-
liqua ratione hoc probaret, aliquantulum
fortasse valeret ad persuadendū: cùm au-
tem nullam huius rei probationem affe-
rat, qua facilitate ab eo id dicitur eadem
planè à nobis contemni ac reiici potest. An
denique quia aurum naturale generatur
virtute caloris cœlestis, aurum verò chimi-
cum efficitur à calore igneo, qui duo calo-
res cùm multum inter se differant, nō po-
terunt eundem effectum præstare? sed hæc
ratio dupliciter peccat. Primum enim fal-
sum

sum est calorem cœlestem & igneum specie inuicem distinguere: cùm enim ab eodem contrario, hoc est, à frigore similiter corumpantur, cùm ab eadem causâ interdû producantur nimirum à lumine, cùm se inuicem intendant atque augeant, cùm ad productionem ignis & mixtorum similiratione conducant, fieri non potest, vt earatione qua calores sunt, specie distinguantur inter se: differunt igitur ea re solum, quòd calor cœlestis propter ordinatum cœli motum, est valde temperatus & accommodatus ad generationem & conseruationem rerum sublunarium, quam ob causam appellatur salutaris & viuificus: calor autem igneus ex se non est temperatus, sed agit quantum potest agere, & res sibi subiectas tandem destruit atq; interimit, quocirca vocatur à Philosophis destructiuus & corruptiuus rerum. Verùm si hic calor aliunde corrigatur atque temperetur, nimirum vel à facultate animæ, vt in animalibus contingit, vel ab arte, vt sit in multis mixtis & medicamentis quæ à calore igneo, moderatione artis procreantur; efficietur profectò vt calor igneus talis prope modum euadat, qualis est cœlestis. Deinde, experientia manifestè ostendit quædam animalia similiter generari posse calore igneo atq; calore cœlesti. Nam apud

Calor cœlestis & elementaris non differunt specie.
Ægy-

*Animalia
generari
posse solo
calore i-
gnis, argu-
mentū lu-
lij Scalige-
ri.*

*Ex auri-
pigmento
teste Plinio
fieri verū
aurum.*

Ægyptios pulli calore igneo ex ouis ex-
cluduntur atque procreantur. Quam rem
Iulius Scaliger, vir propter excellentem o-
mnium disciplinarum eruditionem admi-
randus, in ijs quæ scripsit contra Carda-
num exercitatione 23; pulchrè describit h s
verbis; In Ægypto ad Cairum furnos cō-
struunt alij alio mult plici fornice impo-
sito: quorum tholi supremi medio, fora-
men est, per quod caloris vis, quæ immo-
dica possit officere, subit atque exhalat: in
imò ignem accendunt temperatum: Ouo-
rum multas centurias in fornicum superio-
re planitie disponunt: statutis diebus erū-
pit pullorum turba, quos illi non numero
sed mēsurā venales habent: modiolum
statuunt sine fundo: quem vt impleunt,
tollunt, neque hæc fabula est, sed fabulæ
ipsi qui negant. Hæc Scaliger. Caterū
posse ex alijs metallis verè aurum effici,
probari argumento & experimento posset
auripigmenti, ex quo perfectum aurū pos-
se fieri, testis ex Plinius, qui rem non pri-
cis temporibus sed sua ætate factam testa-
tamque commemorans, ita scribit lib. 33.
cap. 4. Aurum faciendi est etiam vna ra-
tio ex auripigmento quod in Syria foditur
pictoribus, in summa tellure, auri colore,
sed fragili lapidum specularium modo. In-
uitaueratque spes Caium principem aui-
dissimum auri, quamobrem iussit exco-

qui magnum pondus : & planè fecit aurum excellens, sed ita parui ponderis, vt detrimentum sentiret, illud propter auaritiā expertus, quanquam auripigmenti libræ 14. permutarentur : nec postea tentatum ab illo est. Sic Plinius.

ALTERVM verò, quod eadem de re probabilissimè potest asseri, illud est, chimicam rationem efficiendi verum aurum nō quidem physicè, sed moraliter vt aiunt, loquendo vel impossibilem, vel propemodum impossibilem videri, non propter vllam rationem philosophicam quæ adhuc ab illo sit allata, sicut ostensum est, sed propter ipsam experientiam quæ in rebus naturalibus, moralibus atque artificialibus summi argumenti firmissimæque rationis vim debet obtinere. Etenim cū plurimi in chemicæ facultatis tractatione & exercitatione diu multumque laborauerint, & in veri auri effectiōnem acerrimis studijs atq; incredibili cupiditate incubuerint, nemo tamen adhuc fuit præter vnum aut alterum probatis proditum historiis, quem liquidò constet verum aurum & omni ex parte probatum ac perfectum effecisse, Quòd si effectio auri per artem chemicam est possibilis, cur ea, cū tam diu & tam multum optata, quæsita, & procurata fuerit, nondum tamen reper

Cur nō videatur esse vera ars Alchimis.

ta & vſitata fuit ? nam quia poſſibilis eſt generatio animalium, medicamentorum, aliarumque multarum rerum non ſolum per naturam, ſed etiam per ſolertiam & induſtriam humanam, iam pridem inuentæ ſunt artes, quæ huiusmodi res & verè & facile poſſunt perficere ; cur igitur idem non contingit in auro chimico ? niſi quia vel talis modus efficiendi tale aurum ſimpliciter eſt impoſſibilis, vel ſi eſt poſſibilis, nondum tamen iſ eſt humano ingenio, & fortasſe non poteſt eſſe, exploratè perfectèque cognitus. Atque hoc argumentum ab experientia ductum, non ſolum apud Philoſophorum naturalem, qui nunquam à rebus ſenſatis experientiaque comprobatis, vel tranſuerſum (vt aiunt) digitum diſcedit, ſed etiam apud quemcunque hominem ſanæ mentis rectique iudicij plurimum valere debet. Quod ſi habent iſti, vt iactant, veram certamque artem faciendi aurum, cur ſibi primum non faciunt tantum auri, vt nullius egent, ſed bonis omnibus quæ parari auro poſſunt, abundant ? At enim videre licet iſtos, ſemper egentes & mendicos, qui que per vana promiſſa, alienis opibus exhauriendis, ſuam quòquomodo egeſtatem ſubleuare, ſuamque famem explere cupiant.

Ad extremum , illud non tantum probabiliter dici , sed etiam pro vero ceitoq; confirmari potest, artem chemicam , licet ea fortassis sit utilis in distillationibus & aliis rebus quas superius ex sententia Cardani memorauimus, tamē in eo quod spectat affectionem veri auri, quam illa proficitur atque in primis pollicetur vanam esse, noxiam ac perniciosā Reipublicæ. Primò, Quia aut nunquā, aut rarissimè præstat quod promittit, ex quo non semel factum est , vt multi ad extremam inopiam atque paupertatem redacti fuerint , vnde rectè quidam ait, Alchimyistas non efficere aurum sed absumere, non implere crumenas, sed magis deplere & exhaurire. Deinde, quia faciunt falsum aurum falsamq; monetam , atque gemmas pro veris passim distrahunt, atque viuunt, ex quo Respublica hominumq; societas magnum caperet detrimentum. Postremò, quia verum aurum non raro adhibetur in medicinis ad exhilarandum & roborandū cor, aurum autem chemicum cum vel non sit verum aurum , vel certè imperfectius sit auro naturali , vel non utiq; habebit eiusmodi proprietates , aut certè non ita vitales & salutare humano corpori , quare non sine discrimine salutis & periculo vitæ, in medicinis adhiberetur. Hæc igitur no-

*Non esse
permitten-
dum in Re-
publica v-
sum Alchi-
mia.*

bis visa sunt de chimica facultate efficiendi verum aurū probabiliter posse disputari.

CAPVT XIII.

De origine Magiæ & ijs qui in ea clari fuerunt.

*Philo de
origine Ma
giæ.*

ORIGINEM Magiæ, præsertim eius quam diximus non esse naturalem, variè tradunt scriptores. Philo libro De specialibus legibus censet ex vera & naturali Magia adulterata & corrupta natam esse fallacem & quæ vulgo propriè dicitur Magia, ita scribens: Ex hac adulterata & deprauata, descendunt quas proprio maxime vocabulo malas artes dicimus circulatorum ariolorumque studia, mulierum, mancipiorumque nequissimorum expiationes & frustrationes profitentium, mutationesque amoris in odium, aut ex aduerso in amorem odij, per quasdam passiones amatorias & incantamenta idonea: atque his dolis circumueniunt homines & ingentium malorum atque ruinarum sunt causæ, non priuatis modò hominibus aut familiis, sed ciuitatibus, regnis & prouinciis. Quamobrem huiusmodi artes, meritò lege Mosaica, grauissimis propositis pœnis prohibentur. Hec Philo. Verus tamen opinio est plurimorum scripto-
rum

rum probata consensu, principem huius
Magiæ, doctorem & quasi parentem fuisse
Zoroastrem, vel Persem, ut Plinius &
Diognes Laërtius vocant, vel Bactrianum,
ut Diodorus Siculus & alij nominant. Et
Plinius lib. 30. cap. 1. ita de eo scribit: Sine
dubio in Oriente orta est Magia, in Perside
à Zoroastre, ut inter auctores conuenit,
Eudoxus Zoroastrem hunc sex millibus
annorum ante Platonis mortem fuisse pro
didit; sic & Aristoteles; Hermippus, qui
de tota ea arte diligentissimè scripsit, & vi
cies, centum millia versuum à Zoroastre
condita, indicibus quoque voluminum e
ius positis explanauit, præceptorem à quo
institutus est Zoroaster, tradidit Azona
cem quinque millibus annorum priorem
bello Troiano. De quo Zoroastre mira a
liis locis scribit Plinius: Vnum enim eum
(inquit) mortalium eodem, quo natus est
die, nrisse, cerebrumque ita ei palpitasse,
ut impositam repelleret manum, futuræ
prælagio scientiæ, viginti annis in deserto
Magiæ vacantem, caeco vixisse ita tempe
rato, ut vetustatem non sentiret. Iustinus
quoque historicus libri 1. initio, inuentio
nem artis Magiæ facit Zoroastrem: idem
que sentit B. Augustinus lib. 21. De ciuita
te Dei, capite 14. Solum, inquit, Zoroa
strem quando natus est, ferunt resisse, nec

*Zoroastres
Magia pa
rens,*

Plin. lib. 7.

ei boni aliquid monstrosus ille risus portendit: nam magicarum artium fuisse perhibetur inuentor, quæ quidem illi nec ad præsentis vitæ vanam felicitatem contra suos inimicos prodesse potuerunt; à Nino quippe Assyriorum rege, cùm esset ipse rex Bactrianorum, bello superatus est. Suidas etiam ait, Magiam inuentum esse Persarum, apud quos Magi magnam fidem & auctoritatem habuerunt. Auctor Historiæ Scholasticæ enarrans historiam libri Geneseos, cap 39. Ninus, (inquit) vicit Cham qui adhuc vivebat & regnabat in Bactria, seu in Thracia, vt alij volunt, & vocabatur Zoroaster inuentor artis Magicæ, qui & hanc, & septem liberales artes in quatuordecim calumnis scripsit, septem æneis, & septem lateritiis, contra duplex orbis excidium quod timebatur, vñ per aquas, alterum per ignem. Ninus verò libros eius combussit, hinc etiam orta sunt idola. Hæc ille. Verùm de antiquitate Zoroastris nō conuenit inter scriptores: nam Eudoxus & Aristoteles, vt ex Plinio retulimus, volunt eum antiquiorem fuisse Platone, sex millibus annorum Hermippus autem vel (vt citat Laërtius) Hermodorus Platonius in libro De disciplinis facit eum quinque millibus annorum bello Troiano vetustiorē, & contrario autem

*Cham i.
dem qui
Zoroaster.*

Xantus Lydius, vt refert Laërtius, multò recentiorem eum facit, hoc est, sexcentis duntaxat annis ante Xerxis transitum in Græciam. Sed illi nimium multos computant annos, hic nimium paucos. Constat enim Zoroastrem fuisse tempore Nini primi Assyriorum regis, quo regnante natus est Abraam: ab ortu autem Abraæ, vsque ad primam Olympiadem fluxerunt anni mille centum septingenti & paulò amplius sexaginta: nam qui plures quam cæteri annos monarchiæ Assyriorum & Medeorum vsq; ad Cyrum attribuerunt, illi mille trecentos sexaginta, huic trecentos quinquaginta assignarunt. Cœpit autem Cyrus regnare initio quinquagesimæ quintæ Olympiadis: Secundum hanc igitur laxissimam computationem, à Nino & Zoroastro vsq; ad primam Olympiadem, numerantur anni mille quadringenti nonaginta quatuor. Bellum porro Troianum septem & quadringentis annis præcessit Olympiades: Xerxis transitus in Græciâ, in 75. excessus Platonis in 108. Olympiadem incurrit. Ex quo apparet multitudinem illam annorum, quam Eudoxus, Aristoteles & Hermippus tribuunt antiquitati Zoroastri, vel esse fabulosam, vel annos illos non quales nostri sunt, sed quales Ægyptij & Arcades habuerunt, hoc est,

*Laërtius
initio O-
peris.*

trimestres, esse censendos. Nec dissimile fuit eodē in loco plinij, quippe qui ait Mo- sem multis annorum millibus postero- rem fuisse Zoroastre, cū subtilissima Chro- nologiæ ratione compertum sit, paulò amplius sexcentis annis Mose priorem fu- isse Zoroastrem.

*Cassiani
de origine
Magiæ o-
pinio.*

Apud Cassianum Serenus abbas col- lat. 8. cap. 21. originem Magiæ & omnium maleficarum artium altius repetit, nimirū etiam ante diluuium, ex eo tempore quo filij Dei, vt scriptura narrat, permitti sunt filiabus hominum, ait enim, scientiam o- mnium rerum cœlestium & sublunarium quam Adam à Deo acceperat, tradidisse ipsum filio suo Seth, cuius semen eam ser- uauit incontaminatam, & donec diuisum à sacrilega propagine Cayn perdurauit, eam doctrinam ad Dei cultum, & ad uti- litatem vitæ communis exercuit: cum ve- rò fuisset impiæ generationi permixtum, ad res profanas atque noxias, quæ piè di- dicerat, instinctu Dæmonis deriuauit, cu- riosasque ex ea maleficiorum artes atque præstigias ac magicas superstitiones au- dacter instituit. Sed quomodo hæc curio- sa & malefica doctrina diluuiο non petie- rit, in causâ fuit Cham, vt antiquæ ferunt traditiones, qui superstitionibus & sacrilegis artibus fuit infectus, easque artes, cū

in ar-

in arcam, in quam cum Noë patre suo iustissimo, & sanctis fratribus ingressurus erat, inferre non auderet; diuersorum metallorum laminas, quæ scilicet aquarum non corrumpentur iniuria, & durissimis lapidibus, qui vim ignis non sentirent, insculpsit: quæ diluuiο peracto, eadem qua ille celauetat curiositate perquirens, sacrilegiorum ac perpetuæ nequitia seminariū transmisit in posteros. Hac itaq; ratione illa opinio vulgi qua creditur Angelos vel maleficia, vel diuersas artes hominibus tradidisse, in veritate completa est. Hactenus Abbas Serenus.

Sed mihi verius sentire videntur, qui *Prima origo Magicarum artium*
 Diabolum primum Magicarum artium auctorem & parentem faciunt, à quo mortales earum cognitionem acceperint, & vsum didicerint. Et sanè primum Magiæ *à Dæmone.*
 vsum & effectum memoria repetentibus, haud improbabili ter videri potest, Magiæ vsum vnà cum mundo cœpisse, & quidem in Paradiso, salua etiam tunc & integra illibataque hominis innocentia. Ibi enim Diabolus formam sibi inducens serpentis, vel occultè per verum & naturalem serpentem Euam alloquens, blandissimis deceptam promissis, ad vetitum pomum maximo sui suæq; totius humanæ sobolis exitio, edendū induxit. Nec mirū videri de-

bet si diabolus Magiæ auctorem facimus, cum ipse, ut apud Ioannem capite octauo Dominus noster dixit: *Homicida sit ab initio, & in veritate non steterit quia non est veritas in eo. Cum loquitur mendacium, ex proprijs loquitur, mendax est.*

Lactanti⁹.

pater mendacij Rectè igitur Lactantius libro secundo Diuinarum institutionum omnium maleficarum artium inuentores & magistros fuisse Dæmones, confirmat his verbis: Eorum inuenta sunt Astrologia & Aruspicina & Auguratio, & quæ dicuntur Oracula, & Necromantia & ars Magica, & quicquid præterea malorum exercent homines vel palam, vel occultè: quæ omnia per se falsa sunt, ut Sibylla Erythræa testatur. Hæc & alia multa in eandem sententiam ea loco Lactantius commemorat. Sed nemo grauius & elegantius omnes Magiæ species omnesque fallacias ex Dæmone profectas esse ostendit quàm Cyprianus in lib. de Idolorum vanitate: Nequissimi, inquit, spiritus, sub statuis ac imaginibus consecratis delitescunt, hi afflatu suo vatum pectora inspirant, extorū fibras animant, auiū volatus gubernant, sortes regunt, oracula efficiunt, falsa veris semper inuoluunt: nam & falluntur & fallunt, vitam turbant, somnos inquietant, irrepunt in corpora, mentes terrent, membra

**Praclara
Cypriani
sententia.**

bra distorquent, valetudinem frangunt, morbos laceſſunt, vt ad cultū ſui cogant, vt nidore altarium & rogis pecorum ſaginati, remiſſis quæ conſtrinxerant, curallē videantur. Hæc eſt de illis medela, cum illorum ceſſat iniuria; nec aliud illis ſtudiū eſt à Deo homines auocare, & ad ſuperſtitionem ſui, ab intellectu veræ religionis auertere: cū ſint ipſi pœnales, quærunt ſibi ad pœnam comites, quos ad crimen ſuum fecerint errore participes. Hi tamen adiurati per DEVM vnum à nobis, ſtatim cedunt & fatentur, & de obſeſſis corporibus exire coguntur. Videas illos noſtra voce & operatione, quaſi flagris cædi, igne torreri, eiulare, gemere, deprecari, vnde veniant, aut quando diſcedant, ipſi etiam qui ſe colant audientibus conſiteri, & vel exiunt ſtatim, vel euaneſcunt gradatim, prout fides patientis adiuuat, aut gratia curantis adſpirat. Hinc vulgus in odium noſtri nominis cogunt, vt nos odiſſe incipiant homines antequam noſſe, ne cognitos aut imitari poſſint, aut damnare non poſſint. Hæc Cyprianus.

Sed ne Chriſtianorum hominum duntaxat hæc videatur opinatio, excitabo etiam teſtes Philoſophos Græcorum, & quidem nobiliſſimos. Ariſtoteles in primo de Philoſophia libro, vt Laërtius initio

F 5 ſui

DE MAGIA
sui Operis memorat, Magos Ægyptiis antiquiores esse prodidit, duoque iuxta illos esse principia, bonum Dæmonem, & malum: alterum ex his Iouem & onomastidem, alterum Plutonium & Arimanium dici: quod Hermippus quoque in primo de Magis ait, atque Eudoxus & Theopompus, qui & reuicturos homines, iuxta Magorum sententias dicit, immortalesque futuros: & vniuersa illorum mysteria & effectus precationibus quibusdam constare. Ista Eudemus quoque Rhodius tradit. Hæc Lactantius. Verum nihil luculentius testimonio Porphyrij: quod libro 5. De præparatione Euangelica, cap. 7. his verbis refert Eusebius: Magicæ artis dii Genitilium & inuentores & doctores fuerunt. Vnde namque homines quibus rebus Dæmones colantur & cogantur, quam ab ipsis Dæmonibus discere potuissent; Neque putes id à nobis tantum dici: Porphyrius testis citetur, qui in libro De responsis sic ait: Non solum felicem conuersationem suam verum etiam quibus rebus gaudeant & quibus alligentur, Dij hominibus significauerunt. Adhæc quibus rebus cogantur, & quæ sibi afferenda sint, & quos dies vitare oporteat, figuras quoque ipsas simulachrorum quales esse debeant, & in quibus locis ipsi versentur, & omnino

Porphyrius.

nino nihil est, quod ab ipsis dijs homines non didicerint. Atque hæc Porphyrius ex variis Proserpinæ responsis demonstrat & confirmat. Quid ergo mirum, Magicæ artis & inuentionem & studiū & vsum fuisse antiquissimum? Certè nos supra à Mundi vsque primordiis, Magicæ originem repetiuimus, & liber Exodi satis clarè ostendit, iam tempore Moysis, hoc est, plusquam trecentis annis ante bellum Troianū, Magiam claram & celebrem fuisse, Magosq; magna apud eam gentem, & sapientiæ & diuinæ cuiusdam virtutis auctoritate & existimatione floruisse, vipote qui se Moysi opponere ausi fuerint similiter illi miraquadam operantes. Nec Deus per Moysen tam graues pœnas aduersus Magos constituisset, nec tam seuerè eorum consuetudinem & congressum Iudæis interdixisset, nisi iam tunc eorum ars, sicut hominibus exitiosa erat, sic nota & celebris fuisset. Porrò circa belli Troiani tempora claram fuisse Magicæ famam, non obscure indicat Homerus, præsertim in Vlyssis erroribus, adeò vt totum opus non aliunde constet. Siquidem Protea & Syrenum cantus apud eum, non aliter intelligi volunt; Circevtiq; & inferorū, euocatione hoc solū agi. Deinde apud Thessalas vrbes diu Magia, magna celebritate viguit. Orphe⁹ quo-

que magnam ei fidem & auctoritatem addit. Sed primus extat, ut inquit Plinius, de eo cōmentatus Osthanes Xerxem regem Persarum bello quod Græcis intulit, commitatus, qui velut semina artis portentosa sparsit, obiter infecto quocunque commeaueat mundo; & hic maximè ad rabiem, non auiditatem modo scientiæ eius Græcorum populos egit. Sed ante hunc, clarissimum in ea arte Pythagoræ nomen fuit. Is autem quem dixit Pythagoras, & post eum Empedocles, Democritus & Plato ad hanc discendam nauigare, exiliis verius, ut inquit Plinius, quàm peregrinationibus susceptis, hanc reuerti prædicauere, hic in arcanis habuere. Sed maximè omnium Democritus, & aliorum suisque editis de ea voluminibus, eodem tempore in Græcia, quo medicinam Hippocrates, hoc est, circa Peloponnesiacum Græciæ bellum, & annum Romæ conditæ trecentessimum, eam illustrauit. Multis post hos seculis, Apostolorum temporibus apud Brachamas Indorum Iarchas, & apud Gymnosophistas Æthiopum, Telsession Magiæ existimatione illustres fuerunt: quo tempore Simonem cognomento Magum, propter hanc artem multum claruisse, omnis loquitur Ecclesiastica historia. Is Apostolorum æmulus, non apud

Simon Magus.

Actor. 8.

Sama-

Samaritas modo, sed apud Romanorum quoque Principes, ad magicas eius præstigas attonitos, honores etiam diuinos obtinuit: ex quo velut parente, multiplex hæreticorū soboles prognata, & sub Christiano nomine magicas artes professā, religionem & disciplinā Christianam apud ignaros, infamem & odiosam fecit. Verum omnes ante se postque eius artis famæ celebres, longè superauit Apollonius Tyaneus, eius perdiscendæ studio totum penè orbem peruagatus, & cum iis cōgressus quicunque tunc in ea clari habebātur. Is Magiæ scientia tantam nominis claritatē gloriamque sibi comparauit, tantaque sui admiratione hominum animos impleuit, vt à multis eius sapientiam operaque æstimātimantibus, & viuus & mortuus quasi Deus haberetur. Taceo hic Plotinum, Porphyrium, Iamlichum, Proclum, Apuleium aliosque Pythagoricæ ac Platoniciæ sectæ plurimos, qui magiam & coluerunt studio fissimè, & pugnacissimè defenderunt, & tanquam inter omnes sapientiæ partes clarissimam, vtilissimamque, summis laudibus prædicauerunt. Sed quæret aliquis, quomodo Magia artium omnium vanissima & fraudulentissima, tantum in toto, terrarū orbe totque secularis valuit? Huic quæstioni respondens Plinius primo capite

Vnde tanta magi auctoritas

trice simi lib. Auctoritatē, inquit, ei maximā fuisse nemo miretur: quandoquidem sola artium, tres alias imperiosissimas humanę mētis complexa, in vnā se redegit. Nam primum de Medicina, nemo dubitat, ac specie salutari irrepsisse, velut altiore sanctioremq; quam medicinā: ita blandissimis desideratissimisque promissis, addidisse vires religionis, ad quas maximē etiam nūc caligat humanum genus. Atq; vt hoc quoq; suggererit, miscuisse artes mathematicas, nullo non auido futura de sese sciendi, atq; ea ē cęlo verissimē peti credente. Ita possessis hominum sensibus triplici vinculo, in tantum fastigium adoleuit, vt hodieque etiam in magna parte gentium preualeat, & in Oriente regum regibus imperet. Hęc Plinius.

Religio & disciplina Christi te- nebras Magicarum magiarum mundum dissipat.

Cæterum illud hoc loco magno nostro gaudio ingentiq; gloria Christianę religionis considerandum est, cum primum Euan- gelicę doctrinę lux mundo affulsit, omniū magicarum fraudum calliginem fuisse discussam atq; dissipatam. Simul enim fides Christi prædicata & recepta mundo fuit, omnis magicarum artium, oraculo: vt vaticinationem cæterarumq; diabolicarum fraudum vis cōcidit, defecit, euanuit. Post euangelium (inquit Tertullianus in libro de Idololatria) nusquam inuenies aut Sophistas,

phistas, aut Chaldaeos, aut incantatores, *Esa. 29.*
aut coniectores, aut magos, nisi planè pu- *1. Cor. 1.*
nitos. Vbi sapiens? vbi literator? vbi con- *Ibidem.*
quisitor huius æui, Nonne infatuauit De-
us sapientiam huius sæculi? Sic Tertullia-
nus. Atq; hæc ita fore, vti cernimus euenif-
se, multò antè Christus Dominus discipu-
los suos docuerat: nam apud Ioannē cap.
12. dixit: *Nunc iudicium est mundi, nunc*
princeps huius mundi euicietur foras: &
ego si exaltatus fuero à terra, omnia tra-
ham ad me ipsum: & apud Luc. cap 11. Cū
fortis armatus custodit atrium suum, in pace
sunt ea quæ possidet. Si autem fortior eo su-
peruenies vicerit eum, vniuersa eius arma
aufert in quibus confidebat & spolia distri-
buit. Quantū (inquit Eusebius lib. 1. De
præparatione euangelica, cap 2.) recepta
Christi fide mundus profecerit, ipsis ocu-
lis cernimus. Nō enim Persæ qui eū secuti
sunt, matres suas nefandis nuptiis cogno-
scunt: nō humanis vescuntur carnib⁹ Scytæ,
nec carissimos, falsa religione impulsos libe-
ros iugulāt: nō Massagetæ ac Derbices pro-
pinquos atq; affines suos senectute confe-
ctos immolāt, aut eorum carnes epulan-
tur: non Tybareni senes suos præcipitare,
Hyrcani rapaci auium generi, non Caspii
canibus proicere solent, quæ quidem an-
tea religiosissimè faciebant: nunc verò eu-
ange-

angelica virtute vndiq; hæc terra, fœda & immania flagitia explora sunt. Quis iam doctrinam Christianam amplexus, Deos putat aut inania & furda simulachra, aut maleficos Dæmones in eis habitantes, aut partes mundi quæ conspiciuntur, aut mortuorum vmbra, aut etiam animalium vel abiectissima & nocentissima? quibus tamen rebus vniuersæ penè gentes ante prædicationem Euangelii diuinos honores cultusque tribuebant. Non satis existimari potest, inquit Plinius l. b. 30. cap. 1. quantum Romanis debeatur, qui sustulere mōstra, in quibus hominem occidere religiosissimum erat, mandi etiam saluberrimū. Quis ergo satis æstimer, quantum debeat Christo, cum aliæ gentes, tum in primis & gens & vrbis Romana, cuius fidei ac doctrinæ beneficio, maximis est malis liberata, summisque beneficiis affecta, Roma enim (vt ait B. Leo sermone primo denatiuate Apostolorum Petri & Pauli) Deum suum ignorans, cum penè omnibus dominaretur gentibus, omnium gentium seruebat erroribus: & magnam sibi videbatur assumpsisse religionem, quia nullam respuebat falsitatem in qua diligentissima superstitione habebatur collectum, quicquid vsquam fuerat vanis erroribus institutum, vnde quantò est per diabolum tenacius

cuius illigata, tanto fuit per Christum mirabilius absoluta.

CAPVT XIV.

*An magia studium & vsus sit
licitus.*

DVplicem supra Magiam fecimus, vnam naturalem, alteram non naturalem. Naturalis cum sit doctrinæ Physicæ, Medicæ, ac Mathematicæ pars nobilissima, per se bona & honesta est, hominumque studio & cognitione dignissima. Fortassè autem eius studium & tractatio publica meritò prohiberi posset in Republica, videlicet, si timeretur ne ea in vulgus prodita multi (quæ est humani ingenii ad mala procliuitas) ad perniciem exitumque aliorum abuterentur. Nam licet medicina quoque abuti possint medici, & ob eandem causam etiam prohibenda videretur, attamen alia est ratio medicinæ alia Magiæ: nam medicina, & eius vsus est per se necessarius mortalibus, & abusus manifestior est, quam vt omninò celari queat, ideoque punitu ac emendatu faciliior. Magiæ verò, nec vsus societati hominum est per se necessarius, & est abusus occultus: latet enim per quas res & qualiter
Magia

Magia operetur. Quamobrem valde timēri potest, ne, quò est occultior in operādo, eò magis fiducia impunitatis, lubrica sit ad nocendum.

*De studio
Magia.*

Magia verò non naturalis, præsertim quæ commercio & scēdese inscio cum dæmone nititur, dupliciter addisci potest, vel speculatiuè tantum, vel etiam practicè, hoc est, vel noscendi tantum causa, vel etiam vtendi & exercendi. Nuda cognitio Magiæ per se mala non est: omnis enim cognitio veri bonum quoddam & perfectio est intellectus, si enim cognitio malorum bona non esset, Deus eam non haberet, atqui Deus omnium bonorū pariter atq; malorū scientiā perfectissimā habet si per se mala esset cognitio huius Magiæ, ergo nulli prorsus eā discere aut nosse liceret. Quomodo igitur Ecclesiæ Doctores & rectores, huius magiæ vanitates, fallacias, maleficia, impiasq; superstitiones detegere & confutare possent? quomodo probare, mira illa quæ faciunt magi, vel esse meras imposturas vel opera dæmonum, vel occultarum virtutum naturalium effecta? quomodo demonstrare nullum opus magorū verè posse dici miraculum? quomodo docere, Christi miracula multum differre ac præstare magorū miraculis, & magos virtute diuina operari, nec Christum eiusq; ser-

uos miracula magicis artibus edidisse? Atque hoc animo & consilio nonnullis magiæ studere concessum est. Nos Christiani (inquit Tertullianus lib. de Anima) fallacem magiam non sociâ conscientia, sed inimica scientia nouimus, nec inuitatoria operatione sed expugnatoria dominatione tractamus multiformem hanc lucem mentis humanæ, totius erroris artificem, salutis pariter, animæque vastatricem. Itaque mihi quidem videtur rectè dixisse Ioann. Picus Mirandulanus: Quo quis est magiæ peritior, eò clariùs eum cernere quantum inter magorum & Christi atque sanctorum miracula interfit. Sed studium eius potest tripliciter non esse bonum, vel si quis illud præferat studiis vtilioribus, & tantum propter inanem quandam curiositatem illud capeßat, vel si ad malè egendum id referre velit, vel si propter imbecillitatem mentis periculum sit, ne huius magiæ fraudibus, & superstitionibus circumueniatur. Merito igitur id studii publicè Christianis vetitum est, nec vlli nisi permissu rectorum Ecclesiæ conceditur.

Vsus autem huius Magiæ in totum damnatus est & vetitus, non solum lege diuina & magiæ.
Ecclesiastica, sed etiam ciuili, nec Christianorum tantum, sed etiam Gentilium. Non est autem vsus Magiæ licitus: aut enim ibi est

est peccatum infidelitatis, si quis dæmoni credens, tribuat ei diuinum numen: aut est peccatum idololatriæ, si oblationibus & sacrificiis cultum dæmonibus adhibeat aut saltem est peccatū inobedientiæ, quia tam Magus quam qui opera magi vtitur, facit contra prohibitionem diuinam & ecclesiasticam. Causa autem huius prohibitionis triplex est. Primò, quia is peccat in se ipsum, committens se in magnum discrimen, scilicet deceptum magicis fraudibus in graues errores labendi. Deinde iniuriam facit Ecclesiæ, cum Dæmone habens commercium & familiaritatem, qui est omninò præcisus ab Ecclesia ei que aduersarius. Postremò grauissimè Deum offendit, dum confugit ad Diaboli opem & auxilium, quasi non sit omnipotens & homini abundè prouidens & consulēs Deus Christianorum. Quam grauibz autem, & minacibus verbis Deus & vsum & studium huius Magiæ prohibeat, ex variis scripturæ locis liquido cernitur. In cap. 19. Leuitici sic habes: *Non augurabimini, nec obseruabitis somnia. Non declinetis ad Magos, nec ab ariolis aliquid sciscitemini, ut pollua mini per eos, & capite sequenti 20. Anima que declinauerit ad Magos & ariolos, ponam faciem meam contra eam, & interficiam illam de medio populi sui.* & cap. 18. Deut.

Magia vetita diuinis legibus

Deut. Non inueniatur in te qui sciscitetur ariolos. & obseruet somnia & auguria, nec sit maleficus nec incantator, neq; qui Pythones consulat, aut quærat à mortuis veritatem. Omnia enim hæc abominatur Dominus, & propter istiusmodi scelera delebit has gētes in introitu tuo. Et 4. lib. Reg. cap. 1. Ochoziæ regi Israel qui miserat nunciū ad consulendum Beelzebub Deum Accaron de ægritudine sua: Elias hæc renunciari iussit: Nunquid non est Deus in Israel, ut eatis ad consulendum Beelzebub Deum Accaron? Quamobrem hæc dicit Dominus, de lectulo super quem ascendisti, nō descendes, sed morte morieris. Et 1. lib. 2. Paralipomenon, cap. 33. inter alia scelera regis Manassis, hæc connumeratur: Observabat somnia, sciscitabatur auguria, maleficis artibus inserviebat, habebat secum magos & incantatores, multaq; mala operatus est coram Domino, ut irritaret eum. Cuius seuerissimi præcepti hanc rationem reddit Philo. in libro de specialibus legibus: Non finit noster legislator procrastinari veneficorum supplicia, sed absq; mora vult exigi: quod dilatio, noxiis opportunitatem peccandi præbeat, cæteris metum afferat, existimantibus, quicquid illorum vitæ accedit, suæ securitari decedere. Idcirco sicut viperas, scorpiones, aliasque veneno-

Egregia
Philonis sē
tentia.

nenosas bestiolas, priusquā mordeant aut
 laucient, aut etiam se commoucant, sine
 mora ad primum aspectū occidimus, prae-
 cauendo naturalem eorum malitiā prius-
 quam noceant: eodem modo eiusmodi
 homines plectendi sunt, qui magicis suis
 artificijs & maleficis attribus incautos ho-
 mines errore implicant, sed in graues cala-
 mitates intrudunt. Sic Philo. Quam essent
 autem hae artes magicæ, & Apostolis &
 nascentis Ecclesiæ Christianis abominabi-
 les & exosæ, vel vnus locus qui est in 19. ca-
 pite libri de Actis Apostolorū, apertissimè
 declarat, vbi sic legimus: *Multi ex his qui
 fuerāt curiosa sectati, contulerūt libros, &
 cōbusserunt coram omnibus.* Vt autem &
 multitudinem & pretium librorū intelli-
 gimus, subditur, eos quinquaginta dena-
 riorum millibus fuisse aestimatos, illos au-
 tē libros de rebus curiosis, Chrysostomus,
 Augustinus, Beda, Oecumenius aliq; de
 rebus magicis scriptos fuisse interpretatur.
 Restat vt de Magis Pharaonis, qui se oppo-
 fuerunt Mosi, nonnulla disputemus.

Exod 7.

De Magis Pharaonis, Exod. 7.

Sacra scriptura narrat Pharaonem ad-
 uersus Mosē iussisse accersiri sapien-
 tes

tes & maleficos, qui per incantatores Ægyptiacos & arcana quædam similia fecerunt tribus prioribus prodigiis à Mose factis: sapientes vocat vel Astrologos, vel Philosophos, præsertim magiæ naturalis peritos maleficos autem, qui magiam illam quã supra nominauimus, non naturalem, tenebant & exercebant. Itaque horum nomine significantur præstigiatores, Necromanici, & qui magicis artificiis abutuntur ad patranda scelera, velut adulteria, furta, homicidia, atque ob id dicuntur malefici, nam & faciunt mala, & malo modo, nimirum Dæmonum auxilio cum multis item fraudibus, mendaciis & hominum deceptionibus. Dicuntur autem, vt refert Iosephus libro secundo Antiquitatum, illi magi fuisse sacerdotes, apud Ægyptios enim tales erant existimatione omnis sapientiæ sacerdotes, quales apud Indos Brachmanes, apud Æthiopes Gymnosophistæ, apud Græcos Philosophi, & apud Iudæos Prophetæ. Dicit autem Scriptura, eos operari solitos per incantationes Ægyptiacas, & per quædam arcana: nam operabantur cantando quædam verba modo carminum: sed quia vel verba illa erant secreta, Onkelus vertit, susurrationses: vel modus quo operabantur, erat secretus & occultus, ideo vocantur arcana.

Dicun-

Dicuntur autē Ægyptiaca, non quod primum in Ægypto inuenta fuerint, sed quia verbis & ritibus Ægyptiacis constabant, vel quia non idem est genus & modus incantationum apud omnes gentes, sed alius alibi gentium. Septuaginta interpretes vocant Sophistas & Pharmacos, id est veneficos & incantatores, Onkelus Magos. Aquila vertit κρυφαῖς, id est, occultorum cognitores & patratores.

CAPVT XV.

*Qui fuerint illi Magi qui restiterunt
Mosi coram Pharaone.*

Scriptura neminem eorum nominatim appellat. Sed B. Paulus posterioris epistolæ ad Timotheum cap. 3. ait Ianne & mambre restitisse Mosi. Chrysostomus illum locum exponens ait, Paulum illorum duorum nomina comperta habuisse ex antiqua certa que Hebræorum traditione, vel ex Spiritus sancti reuelatione. Sic etiam Theodoretus & Theophylactus. Alii dicunt fuisse librum quendam apocryphum, qui inscribebatur liber Iannis & Mambres, ex quo lib. volunt Paulū transcripsisse illorum Magorum nomina. Quod probare videtur Origenes tracta-

tu 35. in Mattheum, vbi exponens verba illa Pauli, ait nomina illa Magorū non inueniri in scripturis publicis, sed in secreto quodā libro qui inscribitur. Libet Iannis & Mambres. Quapropter nonnulli epistolam illam Pauli reicere ausi sunt, tāquam apocryphis vtentem testimoniis: cum tamen, inquit Origenes, nemo adhuc, ausus sit reicere priorē epistolam ad Corinthios, in cuius capite 15. citatur sententia quādā ex Menandro Poeta. Haftenus ex Origine, à quo nō discrepat vulgò putatus, Ambrosius eundem illius epistolæ locum explanans, exemplum, inquit, hoc de apocryphis est: Iannes enim & Mambres fratres erant magi vel venefici Ægyptiorum, qui arte magiæ suæ, virtuti Dei, quæ per Mosē operabatur, emulatione, cōmentitia resistere se posse putabant. Sed cum Moyse virtus in operibus cresceret, humiles facti, cum dolore vulnerum fateri coacti sunt Deum in Mosē operari. Gelasius Papa distinct. 15. sancta Romana Ecclesia, hunc librum Iannes & Mambres inter apocryphos numerans, reprobabat. Horum etiam Magorum meminit Plinius lib. 30 cap. 1. & vocat Iamne & Iotape, falsò dicens eos fuisse Iudæos: sed in eo præterea fallitur, quod istos multis annorum millibus fuisse dicit post Zoroastrem, cum ex Iustini libro primo

Exod. 8.

mo constet Zoroastrem fuisse tempore Nini primi Assyriorum regis, quo regnante natus est Abraam, à cuius ortu usque ad tempus istorum prodigiorum, non nisi quingenti quinque anni fluxerunt, quin ab ipso diluvio non amplius septingentis nonaginta septem præterierunt. De his quoque Numerius Pythagoricus in 3 lib. de bono ita scribit: Iannes & Mambres, Ægyptii erant, magicis artibus adeò præpotentes, ut Musæon Iudeorum duci, viro Deo coniunctissimo, soli resistere posse à cunctis Ægyptiis iudicati sint: multas enim calamitates quas Musæus Ægypto intulit, solvere visum sunt. Hæc refert Eusebius lib. 9. de præparatione Euangelica, cap 3. Hos autem magos fratres fuisse, & Ambrosius loco supradicto affirmat, & ex narratione B. Macharii Palladius commemorat. Sed quia in Macharii Palladii mentionem incidimus, non alienum fuerit hoc loco quæ narrat Palladius vitam Macharii scribens de mirabili horum magorum sepulchro ab ipso Machario visa & comperta, & deinde narrata Palladio, hic adscribere. Dicebat Macharius Iannem & Mambræ fuisse fratres, propter magicæ artis excellentiam, maximam apud Pharaonem & Ægyptios tunc temporis habentes auctoritatem atque potestatem, quod dum viui essent, intra quandam Ægypti consuetudinem

Memorabilis historia

litudinē, in hortis quibusdam sepulchrum
 sibi construxerūt ex lapidibus quatuor pe-
 dum magnitudine, multumq; auri illic cō-
 diderunt, & omnis generis arbores planta-
 uerunt, & maximum aque puteum fode-
 runt, sperātes fore vt post suum obitum in
 illo paradiso deliciis fruerentur. Hic autē
 locus, vt communi illius religionis fama fe-
 rebatur, à dēmonibus tenebatur atq; custo-
 diebatur. Incessit Macharium cupido vi-
 sendi locum, profectusq; , cum iam propē
 accessisset, obuiam illi occurrerunt ad se-
 ptuaginta dēmones variis formis, alii cla-
 mantes, alii exilientes, alii magno cum fre-
 mitu in eum stridentes dentibus, alii figu-
 ra coruorum in eum inuolantium, quibus
 euanescentibus ingredienti iam in paradi-
 sum, occurrit Diabolus cum districta rom-
 pheā ei minitans: quem facto crucis signo
 repellens, ingressus est locum, omniaq;ue
 contemplatus, reperit cadum cneum, cate-
 na ferrea pendentem ex puteo, iam tēpore
 consumptam, & fructum malorum puni-
 corum, quę nihil intus habebant, fuerant
 enim arefacta sole, & plurima aurea do-
 naria. Hęc Palladius de sepul-
 chro horum magorum
 ex Macharii re-
 latione.

CAPVT XVI.

*An prodigia qua Magi illi fecerunt,
fuerint vera, an tantum
simulata.*

Magna quæstio est, variis scripto-
rum sententiis in vtramque par-
tem agitata, an serpentes illi seu
dracones, in quos scriptura narrat virgas à
magis proiectas, fuisse Ægyptiacis incan-
tationibus atq; arcanis conuersas, fuerint
veri & naturales serpentes, non minus
quam is in quem virga Aaron mutata fu-
it, an potius fuerint simulachra quædam
tantum & imagines serpentum qui à dz-
monibus, serpentum modo mouebantur.
Quod autem de serpentibus magorum di-
ximus, de aqua mutata in sanguinem, &
ranis productis itidem intelligi volumus.

*Exod. 7. &
8.*

*Prima opi-
nio, fuisse
veros ser-
pentes.*

Multi & graues scriptores existimarunt
serpentes illos fuisse naturales: hoc enim
docet Theodoretus in quæstionibus suis
in Exodū quæst. 18. idemq; apertius & co-
piosius B. Augustinus lib. 3. de Trinitate
cap. 7. & 8. in lib. octoginta trium quæstio-
num quæst. 79. quæ in hoc ferè secuti sunt
Theologi Scholastici. S. Thomas affirmat

iffimè hoc tradit in Commentariis super
24. caput Euangelii secundum Matthæū,
& prima parte quæst. 14. art 4. in eandē in-
clinat sententiam B. Bonauentura 2. sen-
tentiarum, distinct. 7. quæst. 2. Caietanus
adeò clarum id esse inquit in scriptura, vt
in dubiū minimè verti possit, hoc etiā sen-
tiūt Lyranus, Tostatus & Paulus Burgēsis,
& cōfirmari potest argumentis B. Thome
desumptis ex prima parte loco supra citato

Verum ex aduerso multo pluris & an-
tiquiores, nec minus doctrina & antiqui-
tate præstantes, prodigia illa magorum nō
fuisse veros & naturales effectus, sed tan-
tum simulatos, & apparentes, & artificio
quodam magico ac diabolico spectantiū
oculis imponentes, & senserunt, & scriptis
suis prodiderunt. Nam Iosephus lib. 2. An-
tiquitatum ait illos serpentes magorum
specie verorum serpentum reptasse, sed fu-
isse præstigias, veritatis specie hominibus
non admodum cautis imponentes. Simile
quippiam innuit Philo. lib. 1. de vita Mosis
hoc factum magorum enarrans. Iustinus
martyr in libro Responsionum ad quæstio-
nes Orthodoxorū, in responsione ad quæ-
stionem 26. Quæ, inquit, à Mose facta sunt
miracula, quia diuina virtute sunt edira,
facta sunt mutatione rei propositæ in na-
turam eius quod efficiebatur: at quæ à

*Altera opi-
nio non fu-
isse veros
serpentes.*

Magis, opera demonis sunt facta, spectantium oculis prestigias offundebant, ut qui si serpens non esset, eum videret quasi serpentem, & non sanguinem quasi sanguinem & non ranas quasi ranas, Tertul. in li. de anima: possunt inquit, & solent demones phantasmata prestare, & corpora fingere, quibus exteriores oculos circumueniant. Corpora enim videbatur Pharaoni & Aegyptiis magicarum virgarum dracones: sed Mosis veritas mendacium eorum denorauit. Gregor. Nissen. Qui ex virga Mosis, inquit, factus est serpens, vere animatus, magorum virgas reuera ligna, visus autem deceptione serpentes, facile denorauit. Grecus interpres, quem citat Catena in Exodum ait, illos serpentes magorum fuisse meras prestigias, nihil verorum serpentum preter speciem & imaginem habentes, hoc etiam super cap. 6. Exodi affirmat Rupertus, Rabanus & Hugo de S. Victore. Idem quoque satis indicat Ambrosius interpretans cap. 3. posterioris epistolae ad Timoth. Iannes, inquit, & Mambres virtute Dei quae per Mosem operabatur, commentitia amulatione resistere conati sunt. Eundem Pauli locum explanans B. Hieronymus: sicut, inquit, illi magi artis magicę prestigiis Mosis, sic non nulli argumentorum fallaciis, Christianae veritati ac simplicitati resistere, ac illudere conantur.

Neutra hæc opinio euidenter ex sacris li *Auſtoris*
 teris, aut humanis rationibus, vel probari *ſententia*
 vel reprobari poteſt: videtur tamē aliquan *ſuiſſe. ve-*
 do probabilior B. Auguſtini ſententia. Scri *ros illos*
 ptura enim Exod. 7. iſdē verbis eodemq; *magorum*
 modo narrat virgam Aaron verſam eſſe in *ſerpentes.*
 ſerpentes, & itē virgas magorum: ergo ſi
 ille Aaron fuit verus ſerpēs, pariter etiam
 ſerpentes magorum veri fuiſſe vidētur. Ibi
 dem quoq; dicitur virgam Aaron deuoraſſe
 ſe virgas magorum, hoc eſt, ſerpentem ex
 virga Aaron factum, deuoraſſe ſerpētes ex
 magorum virgis factos, non diceretur au-
 tem deuoraſſe illos, niſi fuiſſent veri ſerpē-
 tes. Deinde ſequenti cap. 8. traditur magos
 defeciſſe in tertio ſigno, nec potuiſſe produ-
 cere ciniphes: ex quo ſatis intelligitur, verē
 & non in ſpeciem tantum eos duo priora
 propria ſigna feciſſe. Moſes item detexiſ-
 ſet fallaciam, ſi non fuiſſent veri ſerpentes.
 Quid quod ſcriptura vocat ſimpliciter
 ſerpentes, & ex nulla circumſtantia narra-
 tionis colligi poteſt eos non fuiſſe ve-
 ros ſerpentes: nec repugnant fuiſ-
 ſe veros, ergo probabile
 valdē eſt veros & na-
 turales ſerpentes
 fuiſſe.

★

CAPVT XVII.

*Quomodo Magi fecerint illos
serpentes.*

Quatuor vel quinque modis cogitare possumus Magos fecisse serpentes, sanguinem, & ranas, duobus vel tribus in speciem tantum & simulatè, duobus aliis, verè. Primò enim species & phantasmata virgarum & serpentum, aquæ & sanguinis & ranarū quæ erant in phantasia, & imaginatrice facultate, dæmones commouendo & turbando spiritus in quibus erant illæ species, potuerunt facere, vt illæ species refluere ad sensum communem vel etiam ad sensum visus, verbi gratia, primò species virgæ mox ea sublata, species serpentis: ita vt videretur virga conuersa in serpentē. Vide hæc tractata apud S. Thomam prima parte, quæst. 114. & 111. artic. 3. & 4. idemq; in aliis fieri cernitur. Namq; in somno motu vaporum ascendentium in cerebrum, atq; descendentium, refluentibus speciebus rerum sensibilibus ad primum sensitiuum, dormientes videntur sibi & videre & audire: & vi morbi idè contingit phreneticis. Deinde potuit fieri vt demon virtute aliqua naturali occulta, spectan-

ſpectantium viſum ita inficeret vel turbar-
ret, vt viderentur eſſe quæ non erant, & nō
eſſe quæ aderant: quemadmodum ægro-
tus corrupto palato & guſtatu, dulces ci-
bos iudicat amaros. Tertio modo potue-
runt Dæmones virgas illas Magorum ſubi-
tò conuertere in ſerpentes, applicando il-
lis inuiſibiliter aliqua agentia naturalia no-
bis ignota, ſed ad producēdos ſerpētes po-
tentiffima & efficaciffima. Quartò modo
fieri potuit vt dæmones nō aduertentibus
qui ſpectabant, virgas à Magis proiec-
tas, ſubito è conſectu illorum clam auferrent,
& pro illis ſerpentes mole equales ipſis, vel
ante præparatos, vel aliunde tunc celerri-
mè aſportatos, intuentium oculis ſubiice-
rent, ita vt virgæ in ſerpentes videretur eſſe
converſæ. Potuit etiam quinto modo illud
fieri, vt dæmones virgas illas in modum &
formam ſerpentum figurarent, vel figuram
ſerpentum illis affingerent, & in illis mo-
tum qualis eſt verorum ſerpentum, ipſi ef-
ficerent.

Qui negant illos ſerpentes magorum,
 fuiſſe veros & naturales, eos neceſſe eſt ſe-
qui vel duos priores modos, vel certe quin-
tum modum. Sed contra priores duos mo-
dos illud pugnat, quod ſcriptura ait factos
eſſe ſerpentes, non igitur ſolum erant in
imaginatione vel aſpectu intuentium, ſed

extra quoq; erant serpentes: nō enim dixisset scriptura, magorum virgas verſas eſſe in serpentes. Contra quintum modum facit quod ſcriptura dicit, ſerpentem factum ab Aaron, deuoraſſe ſerpentes magorū: quomodo autem deuoreſſet illos, niſi fuiſſent veri ſerpentes. B. Auguſtinus, S. Thomas, Bonauentura, Caietanus & Burgenſis ſequuntur tertium modum, qui tamē ſicut nec Lyrano, nec Toſtato, ita nec mihi fit probabilis. Certum enim eſt, nec dæmones potuiſſe immediatē producere ſerpentes, ſed tantum adhibendo cauſas naturales eorū productrices. Certum etiam eſt, nullum agens naturale naturaliter operando poſſe ſubitō producere formam ex materia non ante diſpoſita & preparata. Certū etiam eſt diuerſas formas exigere diuerſas materiarum preparationes, & quo formę ſunt nobiliores, eō plures & operoſiores preparationes depoſcunt: maiorem enim preparatio fit materię ad formam mixti quam ad formam elementi, & maior ad formā animalis perfecti quam vel mixti inanimati vel plantę. His poſitis, quę ſecundum veram Philoſophiā negare non poſſunt, quęramus an dæmones produxerint illos ſerpentes immediatē ex virgis: at materia virgę eſt admodum remota & aliena recipiendę formę ſerpentis. Si dicant non immediatē ex virga

ga productos esse serpentes, sed variis trāsmutationibus prēmīssis, at tot & tam varię transmutationes subitò fieri non potuerūt statim enim atq; magi proiecerunt virgas, apparuerunt serpentes. Quid quod cum naturaliter producitur serpens, non statim producitur magnus, sed primò paruus, deinde paulatim acquirit iustam magnitudinem: at illi serpentes statim producti sunt magni, nimirum equales virgis magorum, non enim visum fuisset virgas mutatas esse in serpentes, nisi serpentes fuissent æquales virgis.

*Caletanus
refellit.*

Caletanus vt vim harum rationum ab ipso, vt arbitror, pręuisam effugeret, duo reperit effugia, alterum, est eo tempore quod effluxit, dum Pharaon vocauit magos, & ipsi ad eum adierunt, dæmones vltimam dispositionem pro forma serpentis induxisse in illas virgas, atq; ita cum proiectæ fuerūt statim potuisse produci serpentes. alterū est, licet agens naturale per se non possit ex virga, & subitò producere serpentem, tamē vt est instrumentum dæmonis, illud posse, sicut motus & lumen cæli multa producant quæ sunt ipso nobiliora, quatenus sunt instrumenta intelligentiæ mouentis. Sed contra primum effugium facit illud, quod sic non fuissent illæ virgæ, non enim potest manere forma virgæ cū vlti-

ultima & proxima dispositione materie
& forme serpentis, præterea dubium est an
illi serpentes seu ut alii vertunt dracones
potuerint aliter generari quam ex semine.
Secundum effugium nihil valet: nam licet
agens naturale ut est instrumentum vel ho-
minis vel Angeli, possit vel citius vel meli-
us aliquid facere, tamen non ob id potest
ex qualibet & in qualibet materia effectū
suum producere, nec potest posteriorem
formam inducere non inductis prioribus.
Posterior enim & nobilior forma, præsup-
ponit necessariò priores, & sicut inter for-
mas, ita inter earū dispositiōes, est ordo na-
turaliter immutabilis, ut nō possit esse po-
sterior in materia nisi antea fuerit prior.
Præterea verus sanguis naturaliter non
potest produci nisi in animalia, & per ca-
lorem animalis, & per certa instrumenta
quæ in solo sunt animali.

*Auctoris
sententia
quomodo
facta sit à
Magis illa
virgarū in
serpentes
mutatio.*

Restat igitur quartus modus supra ex-
positus, qui & Lyrano & Tostato mihi-
que fit verisimilior: nam secundum eum
modum defendimus fuisse veros serpen-
tes, atque ita euadimus difficultates obie-
ctas contra primum, secundum & quintū
modū: nec tamen dicimus eos productos
fuisse ex virgis, ne virgeamur illis rationib⁹
quibus tertius modus premitur. Unus tan-
tum scrupulus hæret, quomodo si non fue-
runt

runt serpentes producti ex virgis, dicantur virgæ conuersæ in serpentes? sed respondentum est, scripturam id dixisse nō quod ita fuerit secundum veritatem, sed quia ita videbatur & æstimabatur spectantium iudicio. Nam & hoc quoque dicere oportet eos qui negat illos fuisse veros serpentes; & Caietanum qui vult illas virgas habuisse vltimam dispositionem pro forma serpentis: sic enim non poterant esse veræ virgæ, vt ostendimus, sed secundum speciem tantum; quare secundum eum, nec Magi proiecerunt veras virgas, nec veræ virgæ sunt conuersæ in serpentes.

Sed dicet aliquis, cur permisit Deus vt Magi, qui contradicebant Mosi, prodigia facerent, cum ea res & diuinam virtutem quæ per Mosē operabatur, obscurare videretur, & Pharaonis animum magis in perfidia & inobedientia obfirmatum & obstinatum redderet? Ad hoc Chrysost. homil. 46. in Acta Apostolorum, ita respondet. Permisit Deus Magis aliquod aduersus Mosē, ne Magus putaretur esse Moses: Permisit illos docere omnes quantum Magia imponat sensibus: vltra autē non deceperunt, sed ipsi se victos confessi sunt: & non potest, inquit, sine certamine clara esse victoria, & quò potentior est hostis, eò illustriorem reddit eius gloriam à

*Cur Deus
sit passus
illa prodigia fieri à
Magis.*

Exod. 7.

quo se victum esse ipse confitetur : sicut Magi victos se à Mose confessi clariorem eius gloriam effecerunt. Theod. in quæstion. suis in Exod. quæstione decima octaua. Ne quis, inquit, suspicaretur Mo- sem arte magica mira illa fecisse ; permi- sit Deus Magos similia aliqua facere, vt quantum inter diuinam virtutem & ma- gicas operationes interesset, tum euiden- tia rerum, tum etiam Magorum confes- sione, clarissimè innotescerit. Mutat Aa- ron virgam in serpentem, mutant etiam Magi virgas suas in serpentes : sed serpens Aaron præualens, Magorum serpentes deuorauit. Mutant Magi aquam in san- guinem : sed non rursus possunt sangui- nem mutare in aquam, sicut fecit Moyses : producunt ranas, sed eas auferre sicut Mo- ses non possunt : & qui maiora animalia fecerunt, minora, id est, ciniphes, facere non potuerunt. Denique nec vlcera ipsi cauere, nec vlcerum dolorem quo vehementer afflictabantur mitigare, nedum auferre potuerunt. Quamobrem Mo- sem longè superiorem quàm ipsi essent, & diuinam virtutem quæ operabatur, arti- bus suis Magicis præstantiorem confessi dixerunt : *Digitus Dei est hic.*

Exod. 8.

Verum nos, qui hunc de Magia librum, vt perspicuitate orationis, & varietate, at-
que

que ordine disputationum , delectuque
probabiliorum sententiarum, firmiorum-
querationum ; sic breuitate (quæ ma-
gna est legendi discendi que illecebra) cõ-
mendatum lectori & probatum esse cu-
pimus , expositus iam quæ ad propositi à
nobis argumenti tractationem & ex-
plicationem pertinebant , hic
ei finem impona-
mus.



BENE

BENEDICTI PERERII

Liber Secundus,

qui est

*De observatione somnio-
rum.*



ON vnū est genus nec
vna somniorum ratio;
quocirca nec par est o-
mnium causa, vt æquē
omniavel approbari vel
improbari debeāt. Mul-

ta quidem somnia derident sacræ literæ,
alia, etiam damnant: quædam verò com-
mendant ac venerantur. Sunt enim plera-
que inania: nec pauca sunt naturalia, ex
certis naturæ causis perfecta. Sunt item a-
lia Dæmonis calliditate ac malitia morta-
libus iniecta: denique nonnulla diuinitus
hominibus data sunt. Diligens porrò so-
mniorum tractatio, pulcherrimam per se
ac iucundissimam parit cognitionem, &
ad obscuros diuinæ scripturæ complures
locos illustrandos valet plurimum: regen-
dæ verò ac moderandæ hominum vitæ v-
tilissima esse potest. Sed in primis ad re-
dar-

darguendam quorundam hominum in-
scitiam (veriùs dixerim , stoliditatem &
recordiam) qui minus curiosè & anxie ac
superstitiosè obseruant somnia , perma-
gno est adiumento. His ergo rebus addu-
ctus, de somniorum natura , varietate ac
veritate nonnullas quæstiones scitu ma-
ximè dignas atque viles hoc libro expli-
candas suscepi.

INDEX QVAESTIONVM
LIBRI SECVNDI QVI
DE SOMNIIS.

I.

Qvaestio : *An somnijs habenda sit fides.*

II. *De causis verorum somniorum.*

III. *Quibus signis dignosci queant som-
nia diuina à non diuinis.*

IV. *Cur Deus in somno arcana homines
doceat.*

V. *Cur à Deo somnia dentur indoctis
hominibus sepius quam sapien-
tibus.*

VI. *Cur diuina somnia nonnunquam sint
obscura & perplexa.*

VII. *An licitum sit homini Christiano
obseruare somnia.*

VIII. *Cuius hominis sit ritè interpreta-
ri somnia.*

IX.

- IX. *An in somno usus rationis & voluntatis liber esse queat.*
 X. *De somnio Salomonis, in quo domū sapientia à Deo promissum ei & tributum est.*

QVÆSTIO I.

An vlla somnijs habenda sit fides.

*Cice. in 2.
de Diuina
tione.*

*Omnia so-
mnia esse
vera.*

*Prothago-
ra et Stoico
rum opi-
nio.*

IN diuersa, vulgi ac sapientum super hac re distrahuntur sententiæ quamquam vno verbo ea quæstio possiter pedire facta somniorum distinctione: nōnullis enim somniis sine dubitatione fides habenda est: plerisq; tamen penitus deroganda. Nimirum, aut omnibus, aut nullis credere somniis, par est vecordia, vt videtur extremè vtrumque vel stoliditatis, vel contumaciæ. Sed profectò, vt scitum, & verum est illud Ciceronis dictū: nihil tam absurdè dici posse, vt non ab aliquo Philosophorum dicatur. Quid enim esse potest magis ἀλογον & ἀδύνατον, quàm omnia somnia vera & credenda esse arbitrari? Ecce tibi Prothagoras, vnus sanè ex illo prischorum philosophorum senatu, omnibus somniis fidem arrogat, magna aucto-
 ritate

ritate decernens, veritatem & falsitatem non ipsa natura rerum, sed sola existimatione hominum constare: hominem esse mensuram omnium & tale vnumquodq; esse, quale videtur homini, sine sobrio, siue vinolento, siue sano, siue insano, siue vigilant, siue dormienti. Affines huic errori fuere quidam Stoici, nimio plus superstitioni, ac penè fanatici philosophi: qui nulla reiciunt somnia, in omnib. esse rati vim significandi, ac denotandi aliquid. Existimari tamen aiunt, quædam somnia inania & falsa, quod sint admodum tenuiter expressa, ob idque obscura, & ad intelligendum difficilia: & quia propter ambiguitatem varias ad res videntur posse applicari, propterea nihil certum ex eorum obseruatione nobis constare: præsertim verò quod ad eorum somniorum vim discipiendam, par hominum solertia & sagacitas non facile inueniatur. Ex aduerso, his contraria sentientes Xenophanes Colophonius, vel ipsa vetustate memorabilis philosophus (nascentis enim in Græcia philosophiæ propemodum æqualis fuit) mollis item ac delicatæ Epicuræ disciplinæ sectatores, omnium somniorum fidem & auctoritatem sustulerunt. Non esse autem viliis credendum somniis, sic illi argumentabantur. Vna vis est eademque natura omnium somnio.

*Xenophanes
et Epicureorum
opinio omnia
somnia
esse vana.*

mniorum : par igitur credendi aut omnibus, aut nullis ratio esse debet, sed plerisque somniis non esse credendum, confessio est omnium : nihil ergo causæ est cur plerisque reiectis, aliquibus præcipuè credere debeamus. Adice, quòd si quædam somnia vera & certa sunt, aliquas esse certas ipsorum effectrices causas necesse est. At quas? naturam, inquiunt, & Deum. Sed natura quidē amica est ordinis & constantiæ; in somniis nullus ordo inest, sed plena temeritatis inconstantia. Dei autem maiestate alienum & indignum videtur, obire Deum lectos dormientium, concurrere grabatos, & stertentibus iniicere somnia, quæ illi expergiscentes, vel non recordentur, vel non intelligant, vel etiā contemnant, vel si curanda sibi putent, stulta impleti superstitione, dies noctesque animi pendeant, aut inani impendentium malorum metu perterriti, aut fallaci futurorum expectatione bonorum elati. At, quantò & ratione conuenientius, & Dei præstantia dignius, atque vtilitati hominū consultius fuisset, visa dare non sorditis & indoctis hominibus, sed optimis & sapientibus viris, non dormientibus, sed vigilantibus, nempe magis ad intelligēdum idoneis : nec per circuitionem, & anfractus, atque ænigmata, sed propriè, apertè, explicatè

catè significare Deum, quod ab homine vellet intelligi.

Hæc isti de somniis balbutiunt, in to- *Vera sen-*
tum, ea vel approbantes, vel damnantes; *tentia de*
videlicet per extrema, veritati deuia, inter- *somnijs.*
rantes. Sed vera sententia, quasi media in-

sistens via varia facit somniorum genera:
quorum plurima tanquam inania, ab om-

ni ratione vacua, nec vlla fide digna, pla-

nè abiudicat & reiecit. Hoc, cum luce So-

lis clarius sit, superuacaneum est argumē-

tari. Id enim quotidiana docet experien-

tia, totas quotidie noctes somniamus, quo-

tum igitur quodq; de tot somniis, verum

euadit? Euadit quidem aliquod nonnun-

quam verum, sed quia id rarissimè, ac sine

ratione vlla contingit, nihil afferri potest,

cur non casu & temerè accessisse credatur.

Idem quoque rat o ipsa fateri cogit. Nam

quæ alia est istiusmodi somniorum causa

nisi quia spiritus, sentienti animæ, præser-

*Pleraque
somnia es-
se vana.*

*Causa so-
mniorum.*

stationem, valdè incomposita, sæpè etiam
 turbulenta & distorta, denique talia, ut
 nullam vim significandi aliquid habere
 queant. Sic profectò sunt somnia, ut quæ
 in nubibus variè figurantur, vel animan-
 tium, vel aliarum rerum similitudines &
 imagines, quas cernimus brevissimo tem-
 pore in alias, atque alias commutari, &
 mox dissolui omnes, ac pepitus evanesce-
 re. Has imagines, qui certam ullius rei si-
 gnificationem facere putaret, obtusus &
 excors haberetur, at non minoris videtur
 inscitia, certas significandarum rerum no-
 tas, & signa eiusmodi somniis attribueret.
 Si ebriorum, phreneticorum, & insanorū
 visa negligimus, & pro nihilo ducimus, æ-
 què profectò ridenda, & contemnenda
 sunt somnia, quin eò magis, quod plerun-
 que magis ipsa sunt inordinata, confusa,
 & monstrosa. Facitè quidam, sed verè ta-
 men, dixit, si natura sic esset comparatū,
 ut ea dormientes agerent, quæ somniant,
 fore omninò necessarium, ut alligarentur,
 omnes, qui cubitum irent, quippe magis
 ridicula & absurda, magisque incredibi-
 lia, quàm illi faciant insani, facturos esse
 somniantes. Hanc quoque sententiam
 confirmat diuina scriptura, deridens leui-
 tatem & vanitatem eorum, qui somniis,
 hoc est, rebus futilissimis ac mendacissi-

*Testimo-
 nia diuina
 scriptura
 de vanita-
 te somnio-
 rum.*

mis credendo, dignos se præbent, qui omnium irrisione ludantur. Itaque in libro Ecclesiastæ capite quinto sic est: *Vbi multa sunt somnia, plurima sunt vanitates, & innumeri sermones.* In lib. item Ecclesiastici cap. 34. ita legimus. *Somnia extollunt imprudentes, quasi qui apprehendit umbram, & persequitur ventum, sic qui attendit ad insomnia, multos errare fecerunt somnia, & exciderunt sperantes in illis.* Denique cum scriptura vult significare aliquid vanum, instabile, fugax, & fallax, somniorum comparatione, ac similitudine persæpè declarat.

CÆTERVM, vt plurimùm somniis abesse veritatem, fidemq; non est negandum, ita quædam esse vera, & certa somnia, fatendum est. Nam si nullis in somnis, quidquam veri & certi esset, inscienter profectè, ac superstitiosè clarissimi medicorum, somnia, quæ frequenter egris contingunt ad eorum morbos diiudicandos curando, quæ tam subtiliter & curiosè obseruarent. Stulto item labore physiologi se fatigarent, somniorum causas, vires, ac significationes tanto studio, & diligentia venando ac speculando. Mendaces præterea essent tot superiorum temporum historiæ, clarissimis testatæ consignatæque monumentis, refertæque exemplis verorum

Multa somnia esse vera.

rorum somniorum, quæ ad verbum euen-
 rerum euentis mirificè cōuenerunt. Quod
 in sacris literis quot memorantur somnia,
 non vera & certa modò, sed etiam diuino-
 rum mysteriorum plenissima, Repetat me-
 moria lector somnia Abraæ, Abimelech
 Jacob, Laban, Ioseph, Pharaonis, Salomo-
 nis, regis Nabuchodonosor, Danielis
 Mardochei, Iudæ Machabæi: in nouo au-
 tē Testamento, somnia beati Ioseph, Ma-
 gorum, vxoris Pilati, deniq; somnium Do-
 mini, quod à Luca in lib. de Actis Apo-
 stolorum narratur. Hanc somniorum di-
 stinctionem, etiam Homerus Poëtico mo-
 do, fabularum integumentis velatam, si-
 gnificauit, dum duas finxit portas, vnā
 corneam per quam emitterentur ad ho-
 mines vera somnia: alteram eburneam,
 per quam ederentur falsa. Homerum imi-
 tatus, vt ferè solet, Virgilius libro 6. Ænei-
 dos, eandem sententiam expressit his ver-
 bis:

*Mach. 1.
 & 27.*

Act. 16.

*Homeri cō-
 mentū ad
 significan-
 dam vero-
 rum aut
 falsorū so-
 mniorū di-
 stinctio-
 nem.*

Odyss. 7.

*Sunt gemina somni porta, quarum al-
 tera fertur*

*Cornea, qua veris facilis datur exitus
 umbris,*

*Altera candenti perfecta nitens ele-
 phanto,*

*Sed falsa ad cælum mittunt informis
 manes.*

Cur autem poëta, veris somniis cor-
 eam portam, falsis eburneam assignaue- *Mac. lib. 1.*
 it, causam exponit Macrobius in eo *cap. 3.*
 commentario, quo somnium Scipionis
 explanauit.

QVÆSTIO II.

De causis verorum somniorum.

DICTVM est, alia esse somnia fal-
 sa, & alia vera: reiectis igitur fal-
 sis, vera contemlemur. Verum,
 quia quæ sint vera somnia, & quo insigni
 atque nota internoscantur à falsis, planè
 intelligi non potest, nisi verorum somnio-
 rum causas omnes rimemur, & aperiamus
 propterea quid ab aliis de huiusmodi cau-
 sis creditum & proditum sit, hoc loco do-
 cere conuenit. Hippocrates in lib. de In-
 somniis, duo statuit somniorum verorum
 genera; alterum nominat diuinum, alte-
 rum naturale. Diuina somnia, inquit à
 Deo mitti, & semper memorabiles ali-
 quos casus, insignesque vel ad lætitiā &
 tristitiā, vel ad fœlicitatem & miseriam,
 sine priuatam, sine publicam, euentus por-
 tendere, horum autem somniorum inter-
 pretationem, ex vatibus, rerumq; diuina-
 rum interpretibus petendam esse. Tale

*Varia de
 somniorū
 rim cau-
 sis, aucto-
 rum sensē-
 tia. Hippo-
 crates.*

H

fuisse

*Somnium
Cyri.*

fuisse dicitur somnium Cyri maioris, qui monarchiam Persarum condidit, ad cuius pedes dormientis, sol visus est, terque illo appetitus manibus, ter se conuoluens elapsus est. Quo somnio magi Persarum sapientes, significari responderunt, eum triginta annos, & ita sanè contigit, imperio potitutum. Naturalia somnia, ex causis ferè intra corpus dormientis latentibus existere putat Hippocrates, atque his somniis affectiones ipsius corporis aut bonas, aut malas, indicari, hoc est vel plenitudinem ac redundantiam vel contra modum atque inanitatem, vel aliquem eorum, qui sunt in corpore humorum, aut corruptum, aut suo loco motum, aut inordinatè & immoderatè agitatum. Horum verò somniorum obseruationem & coniectationem spectare ad medicum, eam ad dirigendas ordinandasque curationes permagni referte arbitratur. Plato in Cōuiuio, somnia vera & prænuntia futurorum

Plato.

*Dæmonū
natura &
mun⁹ secū
dum Pla-
tonem.*

à dæmonibus proficisci existimat: dæmones. n. esse medios inter Deum, qui est immortalis & incorporeus, atq; homines corruptos & mortales: quippe cū sint ipsi corporei, quales nos sumus, & immortales, qualis est Deus. Deum namq; censet Plato non imiscere se rebus humanis, ne proximè cum hominibus societatem al-

quam

m & consuetudinem habere, sed com-
 cia & colloquia inter De, hominesque
 vigilantibus ipsis, siue dormientibus,
 dæmones agitari & confici. Nimirum,
 nonum munus & officium esse inquit,
 es & vota hominum referre ad Deū,
 ei munera & auxilia deferre ad ho-
 es: per hos, vaticinia, incantationes,
 ia, omnisq; diuinandi ratio, & prodi-
 um effectio, ad homines peruenit Ita-
 dæmones esse Dei nuncios, interpre-
 & ministros. hominum verò esse
 si patronos, aduocatos, magistros, & vt
 tio Apulei verbo dicam salutigerulos.
 hæc non solius Platonis, sed ante Pla-
 em etiam Empedoclis & Phythagoræ *Aristota-*
 sententia: de qua & contra quā, in li. *les.*
 ciuitate Dei. ca. 20. & 21. & in li. 9. acu-
 octoq; disputat Aug. Aristoteles in li.
 o quem inscripsit de Diuinatione ex
 niis, ducta, negat vlla dari hominibus à
 o somnia. Vere autem somnia, inquit,
 esse naturalia quædam signa, & ex na-
 libus causis profecta, quæ scilicet pe-
 Philosophi & medici vtiliter obseruāt:
 esse quodammodo principia quædam
 ō, quæ postea vigilantes æturi sumus:
 nunquam enim in quiete quædā oc-
 unt, quæ videtur ad aliquid agendum
 e conducere, quibus post, somno ex-

Stoici.

citati ad benè agendum accommodatimur, & iuuamur. Stoici tres causas rerum somniorum constituunt. Primum Deum, qui cum sit rerum omnium sanctissimus & prouidentissimus, hominibus beneuolus ac beneficus, quo sit hominibus melior, dat ei somnia quæ sint ipsi futuro indicia, & eorum, quæ agenda ipsi candaque sunt, documenta. Alteram causam ponunt fatum, quo cuncta sunt uelut una quadam serie, nexuque colligata, quidem rerum omnium futurarum, tantum Stoici, & antecedentes causas, & præcurrentia signa, tum aliis in rebus, tum iam in ipsis somniis præmitti. Tertiã causam faciunt naturam animi nostri, quæ uicina est: animus, enim hominis, exterius sensibus per quietem consopitus, & omni actione vacantibus, ipseque neglectusque omnibus solutus ac liber, vegetior fit & habilior ad intelligendum, tunc etiam clarius præterita meminit, præsentia præsentit, futura prouidet. Porphyrius, veritas somniorum refert, partim ad innatas animis hominum notiones, & uelut infinitas rerum omnium notas, quas cetera uita detulit animus, ad hoc tempus ueniens sed eo vehementer oblectatus atque oppressus, non potest eas vigiliis sensibus cernere: in quiete uero,

*Porphyrius
quid de ueritate
somnia
senserit.*

ei apparent, atque innotescunt. Par-
 refert somnia ad dæmones: ad bonos
 dem bona, & veracia: ad malos autem,
 ua, fæda, & fallacia. Synesius multa dil-
 at de Spiritu phantastico, quod est ve-
 ulum animæ, eo namq; medio, ceu quo
 in vinculo, cū terrestri hoc corpore col-
 atur & copulatur: in quo item solutus
 pore animus, ex vno loco in aliū mo-
 ur, atq; in eo maleficiorum pœnas per-
 nit apud inferos, nec sine eo dum est in
 pore, quicquam potest intelligere. In
 ne porrò spiritum, omnium quæ sunt,
 erunt eruntq; simulachra imprimuntur,
 in eo lucent tanquam in speculo, præ-
 tium quidem rerum, clariora, præteri-
 um autem, quo sunt vetustiores minus
 spicua, minima verò futurarum, quæ
 licet nec sunt, nec fuerunt vnquam. Sed
 ia futuri effectus, in potestate causarū
 hibentur, quasdam habent prægressio-
 s, & præcursiones signorum, quæ hoc
 nus manifesta sunt, quo illa longiùs ab-
 nt, atque in hoc genere, ponenda censet
 omnia. Quapropter ferè obscuris imagi-
 bus & similitudinibus, res per somnia,
 nificantur, non æqualiter tamen, sed
 out varia est illius phantastici spiritus
 mperies & ratio, similiter vt in speculis,
 o varietate eorum materiæ aut figuræ,

*Synesius
 mira sed
 falsa tra-
 dit de spi-
 ritu phan-
 tastico.*

varia ex dissimiles redduntur imagin
Monet præterea Synesius non parum
ferre ad quæta & veracia in somno
percipienda, benè præparare hunc spiri
phantasticum, moderato nempe vi
honestis studiis, & actionibus, sedandi
animi perturbationibus. Pythagoras
teturus cubitum, cantu & sono lyra
mnium captabat, atq; hac ratione ad
na lætaque somnia accipienda, se ipse
parabat: ob eandemque causam, esu fa
suis interdicebat: quod haberet is cib
inflationem magnam, tranquillitati me
tis vera quærentis contrariam. Verùm
de spiritu phantastico à Synesio prod
nugæ sunt, & Pythagoreorum ac Platon
corum figmenta, vel ipsis poëtarum fabu
lis inania veritatis, atque incredib
lora.

*Mos Py-
thagora.*

*D. Gregor.
sex causas
somnia
tradit.*

Sed, vt aliquid etiam ex auctoribus
clesiasticis delibemus, beatus Gregorius
quarto libro Dialogorum cap. 48. sex ca
sas colligit somniorum: *Aut enim, inquit,
ex plenitudine, vel inanitate corporis som
nia existunt, aut ex antecedentibus dis
nis cogitationibus & curis: aut ex illu
ne demonis, aut ex cogitatione hominis
mul & illusione demonis, aut ex reuelati
ne Dei, aut deniq; ex cogitatione hominis
simul & reuelatione Dei.* Eisdem sex causis

as somniorū, cum idem Gregorius cōme-
 morasset in in li. 8. *Moralium*, cap. 13. mox
 eas aptis diuinæ scripturæ sententiis & ex-
 emplis illustrat atque confirmat. Duo, in-
 quit, prima, qua diximus somniorum gene-
 ra, omnes experimento cognoscimus: qua-
 tuor autem reliqua in sacris literis inueni-
 mus. Nisi enim somnia plerunque ab occul-
 to hoste per illusionem fierent, nequaquam
 scriptura dixisset, *Ecclesiast* 34. Multos er-
 rare fecerunt somnia, & illusiones vana,
 vel certè in *Leuit. cap. 19.* non esset scriptū,
 Non augurabimini, nec obseruabitis som-
 nia. Quibus verbis, cuius sint detestationis.
 ostenditur, qua augurijs coniunguntur. Rur-
 sus nisi aliquando ex cogitatione simul &
 illusionem procederent, Salomon minimè di-
 xisset *Eccles. s. capi.* multas curas sequuntur
 somnia. Et nisi aliquando somnia ex myste-
 rio reuelationis orirentur, Ioseph Geneseos
 1. praeferendum se fratribus, per somnium
 non videret, nec Maria sponsum, ut abla-
 to puero in Ægyptum fugeret, per somniū
 angelus admoneret. Rursum, nisi aliquan-
 do somnia ex cogitatione simul & reuela-
 tione procederent, nequaquam Daniel vi-
 sionem Nabuchodonosor edisserens, à ra-
 dice cogitationis inchoasset, dicens: Tu rex
 cogitare cœpisti in stratu tuo quid esset fu-
 turū post hac. Hæc ibi Greg. De causis igi-

Matth. 2.

Daniel. 2.

tur somniorum, sic ab aliis proditum est.

*Quatuor
causa ve
rorum so
mniorum.*

Ego causas somniorum, quæ ad significandum aliquid valent, & dignæ sunt observatione, diligenter scrutatus, eas ad quatuor præcipuas reuocari posse animaduerti.

*Prima cau
sa aliqua
corporis af
fectio.*

Prima causa continet aliquam corporis affectionem, quæ in ipso corpore præpollet, ac præualet, vt si flaua, vel atra bilis, pituitosusque humor, aut sanguis redundet, aliudque aliquid vitiatum & corruptum immoderatè iactetur in corpore. Galenus in libro de Præfagiis, quæ ducuntur ex somniis, narrat quendam somniasse alterum crus factum esse sibi lapideum, mox autem cepisse illum ea parte corporis fieri paralyticum. Præterea qui instante crisi sudaturi sunt, sæpè somniant se sudare, aut in balneo calidis aspergi aquis, aut in flumine lacuque natare. Illud quoque nonnunquam vsu venit, vt quod dormientes agimus; aut patimur, etiam somniamus, vt qui in somni sudant, aut febris corripiuntur, itidem se affici somniant. Proditum est à Plinio in libro septimo, capite quinquagesimo, P. Cornelium Ruffinum dormientem amisisse visum, idque cum sibi accideret, etiam ipsum somniasse.

*Secunda a
nimi ve-*

ALTERA causa somniorum spectat ad aliquem vehementem concitatumque animi

animi affectum & perturbationem, amo-
rem dico, spem, metumq; & odium. Nam
qui ardentem amant, frequenter amores
suos somniant: qui timent, minacibus &
terrificis in somno visis sæpè turbantur.
Huc etiam pertinet vetus consuetudo, &
vitæ, quam agimus, exercitatio. Piscator
enim ferè somniat maria, lacus, flumina,
retia, pisces: venator, nemora, saltus, mō-
tes, feraſque: miles turbarum sonitus, fra-
gores armorum, vulnera, sanguinem, cæ-
des. Lepidè quidam apud Theocritū pesca-
tor, *omnis*, inquit, *canis panes somniat*, &
ego pisces. Continet eadem hæc causâ an-
tecedentes vigilantium curas & sollicitudi-
nes, & quæcunque nos vehementer pre-
munt, & angunt: quarum rerum, sæpiſsi-
mè in somno, similia visâ contingunt.
Quamobrem in libro Ecclesiastæ, capit. 5.
scriptum est. *Multas curas sequuntur so-*
mnia. In hoc genere somniorum, equi-
dem reponerem somnium illud Anniba-
lis, & proditum, & creditum à multis. Ar-
debat Annibal insatiabili odio Romani
nominis, omniq; cupiditate perdendi
suæ ruiſ imperium Romanum flagrabat:
quò autem faciliùs id perficeret, bellum
ex Hispania transferre in Italiam cupie-
bat, arcem imperij Romam, petiturus. Cū
igitur variis super ea re cogitationibus ac

hemēs per-
turbatio.

Somnium
Annibalis
Italia va-
ſtitatē por-
tendens.

deliberationibus æstuarer, visum habuit in somno, mirè proposito suo, votoque respondens. Visus ipsi est iuuenis, specie supra humanam, qui se diceret à Ioue missum ducem ei ad inuadendam Italiam, iussitque ne respiceret, quid retrò & à tergo fieret. Pavidus primò Annibal, non est ausus oculos ab illo quodam deflectere. Sed, prout est humanum ingenium ad veritatem pronum, diu temperare oculis non quinit, respiciensque vidit, horrendum non visum modo, sed etiam dictu ostentum, belluam vastam & immanem, multis circumplacatam serpentibus, quacunque incedebat, omnia proterentem, atque peruerentem: cœlum item nigerrimis undequaque occæcatum nubibus, densosque ac fulguribus mixtos præcipitare nimbos. Attonito Annibali, percontantiq; ex illo suo duce, quid illud monstri & portenti esset, respondit ille, vastitatem esse Italiæ, pergeret ipso porrò ire, quò parabat nec præterea quicquam inquireret, fineretque in occulto esse fata. Atque hoc quidem somnium ex antegressis in vigilia Annibalis cogitationibus & curis exitit: sed eius tamen somnij veritatem, rei eventus satis superque comprobavit: plus enim mali Annibal Italiæ attulit, quàm illo fuerat viso præmonstratum.

Tertiam causam somniorum, ego potestati & calliditati dæmonis adiudico. Is enim multa dormientib inspirat, & suggerit somnia, semper insidiosè ac malitiosè, quo videlicet quacunque possit ratione incommodet, ac noceat homini. Esse autem quorundam somniorum dæmonem architectum, atque effectorem, eò liquet quod ex sacris literis planè intelligitur, observationem somniorum adeo exosam esse Deo, ut ea magorum, augurum, & incantatorum maleficiis aggregata, extremis damnetur suppliciis Nimirum non aliam ob causam, ut interpretatur beatus Gregorius in lib. 4. Dialogorum, cap. 48. nisi quia dæmon plerunque se somniis immiscet, implens noxia superstitione hominum animos, eosq; non tantum vanè deludens, sed etiam perniciosè decipiens. Hoc genere somniorum solitum esse olim dæmonem gentibus impietate cæcis multifariam illudere, constat argumento Æsculapij Serapidis, & Amphiarai: nam ut apud Philostratum, Pausaniam, & Strabonem scriptum est, templa eorum adeuntibus, qui variis morborum generibus afflictabatur, fama erat tres illos vulgò existimatos, quasi Deos singulorum morborum curationes per somnia præscribere consuevisse. Ex hoc genere fuisse reor

Tertia dæmonū calliditas.

Quadam sōnia mitti à dæmone.

*Somnium
Alexandri
Magni.*

nobile illud somnium Alexandri Magni, scriptorum, qui res eius prodiderunt, auctoritate, apud multos fidem promeritum. Cum enim in quodam prælio Ptolemæus, qui primus post Alexandrum Ægypti rex fuit, venenato telo ictus, summo cum dolore ex eo vulnere moreretur: affidens ei Alexander, somnoq; sopitus, vidit in quiete diaconem radiculam ore ferentem, simulque commonstrantem, quæ illa loco nasceretur, quæ scilicet præsentissimam vim haberet Ptolemæum multosque milites eodem teli genere vulneratos, protinus sanandi. Quæsitæ est herba, inuenta, adhibita, mox consecuto, qui promissus fuerat effectu. Sunt autem duo somniorum dæmonis præcipua genera, alterum pertinens ad occultarum rerum demonstrationem & significationem. Potest enim dæmon naturales effectus ex certis causis aliquando necessario prouenturos, potest quæcunque ipsemet postea factururus est, potest tam præsentia, quam præterita, quæ hominibus occulta sunt, cognoscere, & hominibus per somnium indicare. Alterum somnij genus vim habet concitandi perturbationes animi, agitatæ turbatisque, qui sunt in corpore humoribus & spiritibus, quò nimirum inflammentur homines, vel ad libidinem, vel ad odium

*Duo genera
somnia
dæmonis.*

odium & vindictam, vel alios prauos animi affectus.

Dupliciter porrò, & quidem satis probabiliter, coniectari potest, quæ somnia missa sint è dæmone: primò quidem, si frequenter accidant somnia significantia res futuras, aut occultas, quarum cognitio nō ad utilitatem, vel ipsius, vel aliorum, sed ad inanem curiosę scientiæ ostentationem, vel etiam ad aliquid mali faciendum conferat: eorum somniorum auctorem esse dæmonem, non temerè credetur: quippe qui ea ratione tentet animos hominum vana imbueri superstitione quin etiam crimine impietatis obstringere. Deinde, si sobriis, castis, & religiosis viris, tetra, obsæna, plenaq; crudelitatis, & impietatis somnia sæpenumerò contingant, ea proficisci à dæmone, non immeritò existimabitur. Dæmon enim conatur impuris somniis polluere ac scædare dormientium corpora, vt eius scæditatis, etiam animos expergiscentium, quodammodo participes faciat. Quod si ne hoc quidem assequi potest, illud saltem curat, vt pios homines talibus visis contristando, perturbando, & affligendo, ad orationem, ad charitatis officia, ad diuinorum sacramentorum perceptionē, segniores, frigidioresq; reddat. Cuius diabolicæ calliditatis & malitiæ, luculentissi-

*Quomodo
internosci
possint som
nia demo
num ab a
liis somniis*

num in vigesima secunda Collatione cap 6. Cassianus narrat exemplū. Verum hac de re Iustinus Martyr in responsione ad quæstionē vigesimā primā Orthodoxorum, disertè docteq; sententiam suam exposuit. Nam cum hæc sibi ab illis posita esset, quæstio, ad eam ipse quæstionem ita respondet, vt nos hic diximus. Restat quarta & vltima somniorum causa, quam diuinā ritè nominare possumus: cuius potissimū gratia omnis hæc nostra instituta est disputatio, huic enim, vel declarandæ, vel illustrandæ, adhuc prædicta deseruiunt. Somniorum autem, quæ à Deo missa sunt, exempla, passim in diuinis libris sunt obuia: nos supra ex sacris libris multa protulimus, pluraq; possent afferri, si quis omnia vellet colligere. Cæterum vt vis & natura diuinorum somniorum plenius planiusq; cognoscatur, quæstiones aliquot more scholastico, distinctè quidē, sed carptim, breuiterq; perstringam, multa etiam, breuitati seruiens, lectoris cogitationibus integra illibataque reseruabo.

*Quarta
causa som-
niorū diui-
na.*

QVÆSTIO III.

*Quibus signis cognosci queat, sit aliquod
somniaum à Deo missum,
necne.*

Dupli-

DVpliciter, prout nunc mihi, succur- *Duplex ra*
 nt, deprehendi potest quodnam à *tio cogno-*
 Deo sit missum somnium. Primò *scendi diui*

quidem, ex præstantia rerum, quæ per *na somnia*
 somnium significantur: nimirum, si ea per
 somnium innotescant homini, quorum
 certa cognitio, solius Dei concessu ac mu-
 nere potest homini contingere, huiusmo-
 di sunt, quæ vocantur in scholis Theologo-
 rum, futura contingentia, arcana item cor-
 dium, quæque intimis animorum inclusa
 recessibus, ab omni penitus mortalium in-
 telligentia oblitescunt, denique præcipua
 fidei nostræ mysteria, nulli, nisi Deo do-
 cente manifesta. Somniū igitur q̃ eiusmo-
 di rerū cognitionē & demonstrationē con-
 tinebit, diuinum esse existimari poterit.
 Deinde, hoc ipsum maximè declaratur
 interiori quadā animorū illuminatione,
 atq; cōmoratione qua Deus sic mentem illu-
 strat, sic voluntatem afficit, sic hominē de
 fide & auctoritate eius somni certioreē fa-
 cit, vt Deū esse ipsius auctorem, ita perspi-
 cuè agnoscat, & liquido iudicet, vt id sine
 dubitatione vlla credere, & velit, & debe-
 at. Huc spectat memorabilis illa in libro

4. Dialogorum. cap. 48. B. Gregor. sentētia. *Memorabi*
Sancti viri, ait Gregorius *inter illusiones*, *lis senten-*
atq; reuelatiōes, ipsas visionū voces & ima *tia D. Gre*
gines gory.

*Gines, quondam intimo sapore discernunt, ut sciant quid à bono spiritu percipiant, & quid ab illusione patiantur. Nam si erga hunc mens hominis cauta non esset, per deceptorem spiritum, multis se vanitatibus immergeret, qui nonnunquam solent multa vera predicere, ut ad extremum valeat animam ex una aliqua falsitate laqueare. Hactenus Gregorius: apud quem hanc ipsam sententiam, sed plenius ac luculentius tractatam, in lib. 8. Moralium, cap. 13. lector inueniet. Quemadmodum igitur naturale mentis nostræ lumen facit nos euidenter cernere veritatem primorum principiorum, eamque statim citra ullam argumentationem, assensu nostro complecti: sic nim somnia à Deo datis, lumen diuinum animis nostris affulgens, perficit, ut ea somnia, & vera & diuina esse intelligamus, certoque credamus. Rectè igitur illud traditur in libro Ecclesiast. cap. 34. *Nisi à Domino missa fuerit visitatio, ne des in somniis cor tuum.* ex quo significatur, nonnulla somnia dari hominibus à Deo, animos eorum mirabiliter visitante.*

Variis modis Deus afficit homines per somnia. Hæc autem Dei per somnia visitatio, sicut ex diuinis literis colligitur, multis & diuersis modis fieri solebat. Nonnunquam enim Deus per somnia turbabat, & terrebatur hominem, sicut de Abimelech, & Laban

bat narratur in libro Geneseos: *Terrebis me, inquit Iob. 17. per somnia, & per visiones, horrore cōcuties me.* Aliquando in somno hortatur & incitat hominem Deus ad magnum quidpiam & arduum subeundum, certam spem prosperi exitus præsignificando: velut in Gedeonis & Iudæ Machabæi somniis euenit. Sæpè monet & docet quid hominem agere, aut fugere oporteat: talia fuere beati Ioseph & Magorum somnia: huc spectant illa verba, quæ sunt in cap 33. libri Iob. *Quando homines dormiunt in lecto, tunc aperit aures viro-* 2. Mach. 11.
rum, & erudiens eos, instruit disciplina. Matth. 2.
 Quin etiam solebat olim Deus spiritum propheticum nonnullis in somno largiri: nam in lib. Numerorum, cap. 12. ait Deus *Si quis fuerit inter vos Propheta Domini, apparebo illi in visione, aut per somnium lo-*
quar ad illum. Et apud Ioelem in cap. 2. in 3. Reg. 3.
 ter alia spiritus sancti dona, numerantur somnia. Legimus etiam in 3 Reg Salomoni fuisse à Deo promissum in somno prudentiæ, & sapientiæ donū. Interdum quoque futura alicuius viri excellentia, dignitatis & gloriæ, præmonstrata est per somnium, id quod adolescenti Ioseph, & Machabæo accidisse legimus in sacris literis. *Genes. 37.*
Esth. 11.
 Quibusdam præterea in somno patefacta *Genes. 28.*
 sunt diuina mysteria, cuiusmodi fuit som- *Dan. 7.*
 nium

nium Iacob de illa mystica scala, & Danielis de regno Christi. Denique præsignificauit aliquando Deus, & prædocuit futuros rerum humanarum euentus: cuius generis fuere somnia Abraz. Genesis 15. Pharaonis: Genes. 41. & Nabuchodonosor, Danielis 2. & 4.

Variis modis diuina contingere somnia.

Genes. 15.

Daniel. 2.

Genes. 41.

Genes. 37.

Mattha. 1.

& 2.

Actor. 16.

Genes. 41.

Variis item modis diuina somnia hominibus contigerunt, interdum cum magna corporis & animi commotione & horrore, sicut accidit Abraz, & Nabuchodonosor. Nonnunquam datum est alicui somnium, sed non eius somnii intellectus, sicut in somniis Pharaonis & Nabuchodonosor animaduertere licet. Danieli tamen, ceterisque prophetis, simul cum somniis, intelligentia eorum diuinitus suggereretur. Quamquam duorum somniorum, quibus Ioseph supra fratres ipsius futura dignitas & potestas præsignabatur, nulli tunc datus est intellectus: sed postea ipso euentu, successuque rerum, veritas eorum somniorum cognita est, atque comprobata. Illa quoque in somniis diuinis varietas cernitur: alia enim clara sunt, & aperta, videnter res ipsas significantia, ut fuere somnia beati Ioseph, trium Magorum, & D. Pauli: alia vero sunt inuoluta & obscura, per varias similitudines rectè aliquid insinuantia, huiusmodi fuere somnia Pharaonis de septē spiciis

spicis & bobus, & Nabuchodonosor de sta-
tua & arbore, nec nō & pincernę, atq; pi-
storis ipsius Pharaonis. Adhęc, interdum vi-
detur in somno loqui cū homine, vel Deus
ipse, vt in somnio Iacob, & Salomonis, vel
angelus, vt in somniis beati Ioseph, vel ho-
mo aliquis, vt in somnio D. Pauli. Pręterea
sæpè Deus vltro mittit somnia, nonnun-
quam etiam rogatus, quemadmodum in-
terpretationē somnii, quod acciderat Na-
buchodonosor, Deus in quiete tradidit Da-
nieli, qui eam ab ipso vigilans intentissima
precatione postulauerat. Quin fuisse quō-
dam apud Hebręos admirabilem quandā
rationem & consuetudinem in rebus ma-
ximè dubiis atq; grauissimis, consulendi
Deum, vt quod verum esset, aut quod fa-
cto esset opus, per somnia indicaret, ex cap
28. primi libri Regum, intelligitur. Postre-
mò quędā somnia diuinitus data respon-
dent antecedentibus in vigilia hominū co-
gitationibus & curis, ad hoc genus referri
debet primum somniū Nabuchodonosor
à Daniele 2. cap. narratum, itemq; primum
beati Ioseph, quod in cap. 1. narrat D. Mat-
thęus, atq; illud Annibalis supra memora-
tum, illud quoque Scipionis Æmiliani,
à Cicerone, vel acutè confictū,
vel disertissimè nar-
ratum

*Daniel. 2.**Genes. 40.**Genes. 21.**3. Reg. 3.**Matth. 1.**2.**Act. 16.**Daniel. 2.*

QVÆSTIO IV.

Cur Deus in somno arcana sua hominibus reseret.

CVM animus hominis in somno, minime docilis, minimeque habilis ad percipiendas res diuinas esse videtur, dignum sanè videtur inquisitione, cur Deus per somnia & arcana suæ providentiæ, & mysteria rerum cælestium, non raro docere homines voluerit. At enim verò, multas eius rei, variasque causas afferre possumus. Primam causam tangit Hippocrates in principio libri de insomniis, animū hominibus in vigilia variis distingui occupationibus, grauib; distineri negotiis, curisque; distrahi: per sensus item exteriores euocari ad ea, quæ extra ipsum sunt, & per varia eorum sensuum spectacula diuagari, multiplicique rerum humanarum strepitu interpellari, & à sui, rerumque cælestium consideratione auocari, incertis præterea fluctuari deliberationibus, variisque studiis & affectibus æstare, qui non sinunt eū, quod verum & rectum est, id aut liquidò cernere, aut incorruptè iudicare. Contrà verò in quiete & somno, ab eiusmodi omnibus interpellationibus & impedimentis

VACU-

*Quinque
causa cur
dormienti
bus multa
diuinitus
reuelentur*

vacuus & liber animus, sibi totus præsens & præsto est, sibiq; attendit, in se suas omnes vires, atque facultates collectas & coniunctas habet, expeditus & acer ad intelligendum, atque omnium, quæ illi extrinsecus obiecta sint, amplissimè ac facillimè capax. Alteram eiusdem rei causam hanc ponere licet, quæ vigilantes, accipimus ea solemus subtiliter ratiocinando discutere & examinare, reuocare ad calculos, atque humanæ rationis trutina diligentur expendere: ad rationis enim normam exigimus omnia: cui si congruant, quæ nobis oblata sunt, à nobis approbantur, si discrepent, abiudicantur atque reiiciuntur. In somno autem res sibi obiectas animus hominis citra examen accipit, paratior, promptiorq; ad visis diuinitus datis credendum, atq; obsequendū. Constat autem inter omnes qui de rebus diuinis scripserunt, ad eas res non tantum intellectu, sed etiā affectu, & quodam animi quasi sensu, gustuq; percipiendas, satius esse agi & regi hominem extrinsecus, quam ipsum agere se & auditorem esse potius, quam arbitrum, & æstimatorem, denique simpliciter credere potius, quam causas credendi disquirere & expendere. Tertia causa ex Aristotelis libello, qui inscribitur de Diuinatione, quæ fit ex somniis, desumpta est: ait ille, *Quemcunque*

Habilior animus non solum in somno ad percipiendas diuinas reuelationes.

Aristotelo

motum,

*motū, quo animus dormientis extrinsecus
 pulsatur, & ciētur, quamuis leuē & exigū
 magnam tamen habere vim commouendi
 animum, vehementerq; in ipsum imprimi,
 atq; altē in eo inharere: id autem fieri pro-
 pter noctis silentium, & sensuum exteriorū
 vacationem & quietem, atq; omniū, qua
 animi intentionem remittere solent, vacu-
 itatē, tunc enim sensibus somno consopitis
 languenteq; corpore, qua extra sunt, nequa
 quam sentiuntur. Quapropter opportunis-
 simē Deus eo tempore docet hominem si-
 ne vlla eius perturbatione, sine aliorū ho-
 minum obseruatione, deniq; sine vllius rei
 interpellatione: præsertim autem, quia
 quo magis animus noster à sensuum con-
 sociatione, & corporis contagione abstra-
 hitur, tantò videtur effici vegetior, & actior
 ad res diuinas intelligendas. In somno au-
 tē, qui est imago quēdam & representatio
 mortis, videtur animus quodam modo se-
 iugari à consortio corporis, eiusq; vinculis,
 si non omninò, certē aliquatenus relaxari.
 Quartam causam esse arbitror, vt ea re o-
 stendatur, quanto sit Deus potentior, & ef-
 ficacior ad hominem docendum & erudi-
 dum, quam sit alius quiuis homo: quippe
 homo hominem docere, nisi vigilantē, au-
 dientem & attendentem non potest: Deus
 autem, etiam altissimē dormientem atque
 som-*

somniantem. Quo satis declarat se in omnes humani animi vires ac facultates summum imperium, & efficacitatem habere. Quintam causam equidē posuerim, ne videlicet quispiam existimaret, mortem auferre homini omnem scientiam: aut non esse aliam viā rationemq; comparandi scientiā, quam per sensum, discursumq; rationis, & ex antecedenti aliarum rerū cognitione. Auerroris quidem super libello Aristotelis de diuinatione per somnia, in commentario suo, non audet inficiari prophetiam posse homini accidere, vel in somno, vel per reuelationem, negat tamen ea ratione vel artes, vel sciētias speculatiuas posse illi contingere. *Vna* inquit, *est natura hominis: vnus igitur duntaxat erit intelligendi, & discendi modus, scilicet internū-tus sensibus, variis item praeceptis experimentis, diligentiq; ratiocinatione.* Nam si prater communē, & vsitatum discendi modū esset, hic alter per somnia, vel reuelationē, cum is multo sit facilior, atq; praestantior, ille alter quo difficilior & laboriosior est, eo magis fuisset superuacaneus, nō igitur datus esset homini. *DEVS* namque & natura nec frustra quicquam faciunt, & deus, quae possunt fieri quod melius & praestabilius est, nunquā non faciūt. Sic ille. Quae sanē argumentatio, non esset planē infir-

*Contra A
uerrorē,*

infirmam, si quisquam diceret, nemo tamen nostrum id dicit, modum illum discendo per somnia, vel per reuelationem, aut esse homini naturalem, aut esse frequentem vsitatum. Verum hæc Auarrois commenta, vt alia eiusdem, de scientia, potentia & prouidentia Dei, & humani animi natura, ex inscitia diuinarum rerum, & impietatis fonte redundantia, quam sint inrudita, obtusa, falsaque, satis liquet vel solis exemplis, quæ memorantur in sacris literis, Adam, Salomonis, Danielis, multorumque Prophetarum, quibus multarum rerum scientia subito data est à Deo: quia etiã Balseel, & Oliab, quos in libro Exodi proditum est, subito diuinitus edoctos, Mosaicum tabernaculum, simul cum omnibus eius instrumentis atque ornamentis summa arte perfecisse.

Gen. 2.

3. Reg. 3.

Exod. 3.

QVÆSTIO V.

Cur à Deo somnia dentur obscuris & indoctis hominibus, non autem sapientibus.

Error Aristotelis & Ciceronis.

VEL hac vna ratione Aristoteles & Cicero omnium somniorum, quæ diuina creduntur, fidem & auctoritatem eleuari, & eludi posse putauerunt.

Nam

Nam, si qua somnia inquirunt, darentur hominibus Deo, ea non obscuris & indoctis hominibus, sed viris sapientia prudentiaque praestantibus dari, par erat. In quo fefellit eos, quod distinctionem diuinorum somniorum, eorum dico quæ verè diuina sunt, ab illis, quæ non sunt, esse tamen falso putantur, planè ignorauerunt. Enim verò Dii gentium, quos fuisse dæmones nobis Christianis nequaquam dubium est, què admodum futuros rerum humanarum casus & euentus certò prouidere, ac scire non poterant, id enim solius Dei est, ita nec eos certis aut verbis, aut signis prædicere, ac præmonstrare poterant. Quapropter somnia, quibus præsignificabantur futura, non dabant viris doctis & prudentibus, videlicet ne illi eorum somniorum, vanitatem, ac falsitatem deprehendentes, auctoritatem ipsorum Deorum apud alios contererent, eorumque oracula tanquam diuinitatis vacua, & inania veritas, in publicum etiam vulgi ludibrio, & contemptui exponerent: dabant igitur somnia indoctis, & veri falsique discernendi imperitis, maximè verò superstitionibus, ob idque ad credendum quiduis, satis se paratis atque propensis. At verò somnia, quæ à vero Deo missa sunt, ea leuimus plerumque data viris sanctitate, ac

Cur dæmones somnia olim dare soliti fuerint nō doctis & prudentibus, sed imperitis, & contemptissimis hominibus.

sapientia eximiis, vt Abraę, Iacob, Salomni, & Danieli. Data sunt tamen etiam nõnulla viris non admodum doctis, sed pietatis tamen, ac innocentia præstantia clarissimis: excellens autem virtus & pietas dociliorem reddit hominis animum, aptioremq; ad rerum diuinarum perceptionem quam humana vel prudentia, vel sapiëntia. Qui enim mundana excellunt potentia vel sapientia, hi serè sunt aut impii aut superbi, aut turpissimis inquinati flagitiis: quæ res cælestibus doctrinis, diuinisq; illustrationibus, aditum ad animos hominũ, penitus occludunt. Nec me fugit, etiam quibusdam sceleratis atq; impiis hominibus, vt Pharaoni, & Nabuchodonosor, quædam diuinitus somnia contigisse, sed hæc illis, nec ipsorũ præcipuè causa, neq; cū intelligentia eorum somniorum data sunt: quo scilicet illi, eorum interpretationem, cum apud suos sapientes inuenire non possent: à veri Dei cultoribus eam petere cogerentur, atq; ea ratione verum Deum agnoscerent, ac venerarentur, eiusq; seruos in admiratione & honore haberent: id quod somnia Pharaonis & Nabuchodonosor à Iosepho & Daniele interpretata, manifestè declarāt.

Cur quædam somnia etiam impiis hominib. à Deo sint data.

QVÆSTIO VI.

*Cur diuina somnia nonnunquam sint
obscura & perplexa.*

Sed cur diuina somnia non semper sint
clara, & aperta, sed obscura, & perple-
xa, & aliarum rerum imaginibus, ac si-
militudinibus inumbrata, & offuscata, nec
illis tantum occulta, sed etiam iis, quibus
antur, minimè conspicua, causas rime-
mur & aperiamus. Dii Gentilium, hoc
est Dæmones, quia certam futuro rum e-
uentuum scientiam habere non poterant,
sed significanda futura, dabant illi quidem
non rarò somnia, sed obscura tamen, &
ambigua, quæque ad diuersos etiam con-
tarios euentus facillè detorqueri & appli-
cari possent: vt ad quodcunq; cecidisset,
omniū quadrare videretur. Quod si som-
nia euentis minimè responderent, id non
esset somniorum, sed interpretū inscitie
aut somnia propter obscuritatem & ambi-
guitatē non ritè essent interpretati, adscri-
beretur. At verò somnia, quorū auctore fū-
it Deū ex sacris literis cognouimus, sepe-
merò distinctè & explicatè tradita sunt,
alia legim⁹ fuisse Abimelech, Labā, Iudē

*Astutia
demonū in
dādis som-
niis futu-
ra signifi-
cantibus.*

*Quatuor Machabæi, Salomonis, beati Ioseph, & tri-
 causa cur um Magorum. Non est tamen negandum
 interdū di quædam somnia esse data rectè & obscu-
 uina som- rè, sed hominibus gentilibus : ad eum nē-
 nia sint pe finem, vt intelligentiam eorum somnio
 valde ob- rum, cum non ab aliis, quam à viris san-
 scura.*

ctis accipere possent, & ipsos Dei seruos honorarent, & summa Deum reuerentia, ac veneratione prosequerentur. Si quæ verò somnia etiam seruis Dei obscura data sunt, propterea id factum est, vt eorum sensum atque intellectum, summo illi studio, assiduis precib⁹, multisq; lachrymis à Deo flagitantes, tandē impetrarent, & propter difficultatem impetrandi, pluris facerent, & cariorē haberent. Denotatur præterea obscuritate somniorū, earum rerum, quæ significantur somniis, obscuritas. Adde quod per imagines, & similitudines, breuissimè plura & sublimiora mysteria significantur, quam si apertis & propriis fuissent expressa vocabulis. Nam quam multa, quam varia, quam profunda mysteria, vna illa statua Nabuchodonosor in quiete visa, adumbravit, quæ si fuissent propriis verbis efferenda, vix longissima oratione declarari potuissent. Denique Deus nonnunquam, somnia esse ad aliquod tempus occulta & incognita, quo ad nimirum ipso euentu, rerumque successu, eorum ve-

ritas agnoscat & comprobetur; quod in duobus illis Iosephi somniis, promotionē eius ad summam potentiam & dignitatem præsignantibus, liquidò cernitur.

QVÆSTIO VII.

*An licitum sit Christiano homini,
obseruare somnia.*

DVæ tanguntur his verbis difficultates, & prior quidem est, an sit fas Christianis, curiosè somnia obseruare: ad quam facilis est, & in promptu responsio. Etenim quædam somnia licitum est obseruare, quædam verò minimè. Principio, somnia quæ bonam, vel malam corporis affectionem aliquam, morbos quæ tam animi quam corporis significant, utiliter à medicis tam animi, quam corporis obseruantur & expenduntur. Tum, somnia, quæ nos crebrò infestant, territant, conturbant, & vexant, animaduertere quibus ex causis accidunt, vt vel noti effectus ignotas nobis causas scrutemur, ac teneamus: vel vt rationem aliquam ineamus tam à nobis molestiam depellendi, licitum est, & à sanctis viris sæpè vsurpatum. Leuimus enim apud Cassianum in collatio-

*Quatuor
genera sō-
niorū, sine
vitio pos-
sunt obser-
uari & cu-
rari.*

ne 22. veteres illos monachorum magistros & rectores, in perquirendis, & excutiendis quorundam somniorum causis, diligenter esse versatos. Postea obseruare somnia, quatenus in illis pernotescit homini veritas aliqua pertinens ad scientias speculatiuas, vel ad res gerendas conferens, nec vt superstitiosum, nec vt vanum damnari debet. Denique somnia quæ nos sæpè commouent & incitant ad flagitia, considerare num à dæmone nobis subiciantur, sicut contra, quibus ad bona prouocamur & instigamur, veluti ad cælibatum, largitionem eleemosynarum, & ingressum in religionem, ea ponderari num à Deo nobis missa sint, non est superstitiosi animi, sed religiosi, prudentis, ac salutis suæ satagentis, atque solliciti.

At verò, cuiuscunque somnii, quoquo modo nobis contingat, etiam si rarò, si temerè, si fortuitò eueniat, putare habendam esse rationem, curamque suscipiendam, stolidi hominis est, ne dicam stulti. Supra enim ostensum est, magnam partem somniorum nihil veri, & certi habere sed vanitatis, ac temeritatis, esse plenissimam. Præterea obseruare somnia, quæ esset in ipsis aliquid diuinum, scilicet quæ le Gentiles existimabant esse in garritu, velatu, cibatuque auium, & in exus animantium, atque ex illis prænosse, ac diuinari

velle futura, non modò non est licitum,
 sed est in scriptura grauissimè reprehē-
 sum damnatum, & interdictum; non mi-
 nus sanè quam magorum, & incantato-
 rum maleficia, quod ex capite 19. Leuit.
 ex 18. Deuter. ex 33. posterioris libri Para-
 lipomenon, aliisque sacrorum voluminũ
 locis perspicuè intelligitur. Et verò, scire
 velle futura, quæ Deus in sua solius pote-
 state posuit, arrogans & impia est curiosi-
 tas. Putare autem certa futurorum signa
 contineri in somniis, quæ nullam cum re-
 bus futuris connexionem & conuenien-
 tiam habent, fatuum est: parum dixi,
 planè impium, & stultum est: hoc enim
 arguit eiusmodi somniorum obseruato-
 res, stultis, impiis, & absurdis opinionibus
 esse infectos, atque deprauatos. Nam, vel
 isti putant res omnes futuras, ex naturali-
 bus causis pendere, & hoc falsum est: vel
 eas res quibuslibet somniis significari pos-
 se, quod planè stultum est: vel futura om-
 nia certò prouideri, & sciri à dæmone,
 quod est perquam impium: vel deniq; à
 Deo promiscuè, atque indiscretè per quæ-
 libet somnia, & quibuslibet hominibus,
 præmonstrari futura, quod esse absurdũ,
 nemo non videret. Ad extremum, tanti face-
 re somnia, & vsque ad eò pendere ex il-
 lis, vt ad eorum quasi normā dirigat quis

*Maiores va-
nitas est ob-
servantiū
somnia,
quā astra.*

omnem vitæ suæ rationem, & respectu habito ad somnia, actiones, & negotia, vel suscipiat, vel omittat, non modo præstantia hominis indignum est, sed olet etiam fatalem illam Stoicorum, toties in ecclesia damnatam, & à melioribus philosophis explosam reiectamque necessitatē. Quod si meritò vituperantur, & à sapientibus redarguuntur astrologi, qui res humanas ex astris, quasi suspensas & religatas omnino pendere arbitrantur: eò magis profectò, reprehendendi sunt superstitiosi somniorum observatores, quo magis astra dignitate naturæ, æquabilitate motus, constantia ordinis, amplitudine potestatis, & præstantia efficacitatis, somniis antecellunt.

QVÆSTIO VIII.

*Cuius hominis sit ritè interpreta-
ri somnia.*

AD posteriorem quæstionem, qua quæritur, cuius hominis sit bene interpretari somnia, hunc in modum respondemus. Somniorum quæ vim habent ad aliquid significandum, & observatione atque interpretatione digna sunt, ea non cuiusvis hominis est interpretari.

Tria

Tria enim huiusmodi somniorum genera distinguere possunt, nam multa sunt naturalia, quædam humana, nonnulla etiam diuina. Naturalium somniorum interpretatio, non est dubium, quin solertium & doctorum physicorum, ac medicorum sit propria: eorum maximè, qui norunt similitudines in somniis ostensas comparare inter se, & quarum rerum similitudines esse, & ex quibus causis proficisci soleant, discernere: similiter, ut qui figuras aliquas & imagines dilaceratas sumens in manus, earumque partes dissipatas, benè componens inuicem, apteque conformans, cuius rei fuerint similitudines, hominesue an equi, an aliarum rerum, acutè dispicit, vereque iudicat. Humanorum autem somniorum, ita erit quisque sagacissimus coniector, & idoneus, ac veridicus interpret, ut fuerit rerum humanarum peritissimus, & callidissimus, ingeniorum item, studiorum, morum, propensionum quæ in variis hominibus magnam quoque varietatem habent, exquisitam, multisque confirmatam experientis notitiam sit adeptus, quasi venas omnes rerum civilium & humanarum tenens. Cuius autem sit exponere diuina somnia, in promptu est intelligere: patet enim, neminem interpretari ea posse, nisi diuinitus afflatum & eruditum. *Nemo e-*

nim nouit, inquit Paulus primè ad Corint. secundo, *qua Dei sunt nisi spiritus Dei*. Præsertim verò cum diuinorum somniorum significationes, ex solius Dei consilio & uoluntate sint institutæ, ob idq; solius Dei reuelatione, notæ hominibus esse possint. Quocirca regem Nabuchodonosor somnii sui, quo maximè territus fuerat, sollicitum & anxium, quod eius somnii ratione ex nullo suorum sapientum cognoscere potuisset, sic affatus, est Daniel, *Mysterium, quod rex interrogat, magi, arioli, aruspices, & sapientes nequeunt indicare regi: sed est Deus in calis reuelans mysteria.*

Daniel. 2r.

Iamblici opinio, de tempore quo diuina somnia contingant hominibus reuelatur.

Iamblicus existimat diuina somnia ferè non contingere hominibus, nisi aut primo aut extremo somni tempore: uidelicet, quia tunc animus hominis aut nondum est cibi potusq; vaporibus occupatus, & oppressus: aut iam euanescente somno, vaporumque discussa caligine, ex illis sordibus emer-
sus animus purior & acrior est ad diuinas illustrationes accipiendas. Quapropter uates, ac somniorum interpretes, in more habebant, ex deferentibus ad ipsos somnia sciscitari, quo ea tempore ipsis contigisset: nam si profundo somno accidissent, ea planè abiiciebant. rati non esse consentaneum, animo tunc obruto & demerso, dari calidius somnia: sin autem somnia illis accidissent,

sent, exeunte somno, & animo ad suas functiones propè iam expergiscente, tunc ea somnia diuinitus missa Deoq; auctore digna iudicantes, ponderanda sibi & interpretanda suscipiebāt. Legendus etiam est Philostratus in cap. 14. lib. 2. de vita Apollonii. Veruntamen iam liti documenta ex superstitiosis Ægyptiorum sacerdotum observationibus vel vt dicam verius, figmentis, quoru fuit ille studiosissimus, exrompta sunt. Deus nempe, istiusmodi temporum legibus non est alligatus nec opportunitate temporum eget ad operandum, vbi cunq; enim vult, quando cunq;, & quibuscunq; vult, sua inspirat somnia: potest enim quouis tempore, imò etiam sine tempore, sedare subito agitationem humorum, tranquillare spiritum animalium iactationem, purgare phantasiam, mentem illustrare, animumq; ad percipienda diuina somnia idoneè conparare.

QVÆSTIO IX.

An in somno, liber vsus rationis, & voluntatis esse queat.

*Sapè in somnio liber
est ratio.
et vsus*

SÆPENVMERO in somniis, præsertim quæ doctis, prudētibus, & sanctis viris

contingunt, animus hominis, quod pertinet ad vsum rationis, & agitationem mentis, solutus, expeditus, ac liber est. Etenim nonnunquam ratio dormientis planè cognoscit res simplices, easque vel componit inuicem, vel disūgit, ratiocinatur, iudicat, miratur, noua quædam inuenit: quin etiam ad se ipse animus conuertitur, & ad suas actiones considerandas, & diiudicandas aciem suam, vimque; reflectit, cunctatur hæret, dubitat, secum ipse disceptat, an tunc homo dormiat, nec ne. Hæc autem liberū esse tunc rationis vsum, manifestè demon-

Nunquam strant. Non propterea tamen existiman-
in somno dum est, quia in somno interdum soluta
est perfect⁹ est vis rationis, esse itidem perfectum libe-
liberi arbitrii ri arbitrii vsum. Nam ad plenum & perfe-
trii vsus. ctum liberi arbitrii vsum opus est perfecta

hominis libertate, hoc est, solutione omnium sensuum, & potentiarum, ita vt sit ipse homo, qui tunc agat, nec aliundè agatur, sitque dominus, sui atque suarum omnium actionum, & in potestate eius sit tunc hoc vel illo modo agere, aut etiam nihil

agere: id quod in somno nequaquā
 euenit.

*

QVAE-

QVÆSTIO X.

*De somnio Salomonis , in quo donum
sapientia à Deo promissum ei, &
tributum est.*

CÆTERVM nonnihil habet diffi-
cultatis, quod legitur in 3. libro Re-
gum, cāp. 3. Deum in somno visum
esse Salomoni, iussisseq; , vt peteretur ab i-
pso quodcunque omnium maximè opta-
ret: ipsum autem petiisse sapientiam, &
prudentiam benè regendi populum, cui
præerat, posthabitis omnibus aliis bonis,
quæ tamen, principibus huius mundi, su-
per omnia, concupiscenda, & expetenda
videntur: eam porrò petitionem vsque a-
deo placuisse Deo, vt summam ei se datu-
rum sapientiam, & præterea quæ non po-
stulasset bona, cumulatissimè largiturum
polliceretur. Ex qua narratione ipsius scri-
pturæ, satis intelligi videtur, Salomonem
in illo somnio solutè ac liberè, non tan-
tùm ratione, sed etiam voluntate esse vi-
sum: neque enim illa eius petitio facta in
somnia, tantopere Deo placere, tantum-
quæ sapientiæ munus promereri potuis-
set, nisi esset ex libera voluntate profecta.
Hæc difficultas tribus modis posset discu- *Solutio tri-*
ui, ac dissolui. Nam primò quidem re *plex.*

sponderi posset, illam Salomonis in somno petitionem, placuisse Deo, non per se, sed propter antegressam eiusdem in vigilia similem quandam petitionem, ex qua scilicet illa in somno exitit. Salomon enim ardentissimè expetierat, & à Deo postulauerat donum sapientiæ, ac prudentiæ: hanc eius petitionem, Deus illo somnio declarauit fuisse sibi gratissimam, & optatam habituram effectum. Sed hæc fortasse cuiuspiam videbitur nonnihil dura, & cōtorta responsio. Quocirca subiiciam alterum responsum: posset enim dici, à principio fuisse illud quidem somnium, sed postea Deo mirabiliter operante, conuersum esse in ecstasim seu raptum qualis nempe diuò Paulo, & Prophetis sæpe contigit: in quo animus Salomonis, licet à corporis, & rerum externarum sensu abstractus, & similis dormientium esset, per Dei tamen potentiam factum est, ut solutus, & liber tunc fuerit ad exercendas actiones tum rationis, tum liberi arbitrij, ita ut liberè peteret à Deo Salomon quod vellet, & petendo, quæ grata erant Deo, ea quoque mereretur ab ipso consequi. Sed non placet hoc responsum. Mitto nunc examinare, an in raptu & ecstasi, perfectus liberi arbitrij vñs esse queat: tantum dico, huic responsio minimè suffragari diuinam scrip-

tu-

pturam, quippe, suprà dicto loco narratura visionem illam Salomonis, præfatur, Deum apparuisse Salomoni per somnium, & narrata iam visione, subiungit. *Igitur enigilauit Salomon, & intellexit, quod esset somnium.* quo perspicuè significatur, illam visionem nullatenus fuisse raptum, vel ecstasim, sed totam fuisse somnium, diuinũ tamen somnium, scilicet à Deo ad erudendum docendumq; Salomonem datum. Atq; duas hæc solutiones propositæ quæstiones tradit Diuus Thomas in 1. 2. quæstione 113. art. 3. ad 2.

Erit igitur nisi fallor, similis & propius vero tertium responsum, quod etiam Tostato super 3. cap. lib. 3. Regum, in quæst. 12. maximè probatum est. Dicimus, cum Salomon tunc verissimè dormierit, & illa eius visio fuerit somnium, quemadmodum scriptura testatur, hinc necessario effici, quicquid ibi factum esse dicitur, non reuera, sed per imaginariam tantum dormientis visionem esse factum. Videbatur igitur tunc sibi Salomon petere sapientiam à Deo videbatur etiam ei Deus petitionem ipsius approbare, cum reuera tamen nulla fuerit tunc petitio, nullum meritum Salomonis, nullum item responsum, nullumque Dei promissum. Cur igitur, inquires, somnium illud à Deo datum est

Salo-

Cur somnium illud datum fuerit Salomoni.

Salomoni? Videlicet, nisi mea errat coniectura, tres ob causas. Primò, vt intelligeretur omnium bonorum auctorem, & largitorem esse Deum, & ab eo esse omnia bona expedenda & postulanda. Deinde, vt manifestum fieret, quæ bonorum electio, & petitio, grata esset, & accepta Deo: ea nimirum, qua spiritualia bona corporalibus, cœlestia terrenis, denique ad communem aliorum vtilitatem & salutem pertinentia, inanibus & infructuosis præoptantur, atque præferuntur. Ad extremum, vt exemplo Salomonis appareret & extaret, quanta sit Dei benignitas & munificentia erga seruos suos, quorum optata & postulata non solum impleat, sed etiam longè superet, & abundanter excedat. Ecce Salomon solam à Deo sapientiam postulauerat, præ hac cæteris bonis, quæ hominibus pretiosissima, & charissima sunt, contemptis: cui tamen Deus, & sapientiam supra ipsius votum, & reliqua bona, præter votum ipsius, largissimè donauit. Verùm hæc nostra de somniis disputatio, hunc habeat terminum: vereor enim ne si longius producta sit, molesta & odiosa lectori esse incipiat. Quemadmodum enim somnus, quo ad quietus & placidus est, membra dulcissimè refouet ac recreat, viresque reficit, ac redintegrat, si tamen

tamen in eo nimis longa nimisque seria,
& graua contingant somnia, corpus pari-
ter atque animum languescit, & debili-
tat: sic omninò cauendum nobis fuit, ne
nostra hæc de somniis disputatio, præter
modum longa, gratiam perderet legen-
tium, & quam ex ipsa fortasse volupta-
tem ceperant, in fastidium odi-
umque conuerte-
ret.




BENE-

BENEDICTI PERERII LIBER TERTIVS,

Qui est

DE DIVINATIONE
ASTROLOGICA.



ANTEA est Astrologorum (qui vulgo Iudiciorij appellantur) vel impudentia, vel amencia, vt etiam sibi diuinā scripturam suffragari, suar-

que Astromantie fidem & auctoritatem firmare tacent. Etenim verba illa quæ dixit Deus creans luminaria cœli; *Et sint in signa & tempora, &c.* ad suam referunt diuinationem astrologicam, per quam ipsi profitentur ex obseruatione siderum futura rerum euenta posse prædici. Quocirca B. Salsius & Ambrosius alijq; permulti Patres in explanatione eorum verborum, benè longam & accuratam in refellendis istiusmodi Astrologorum prædictionibus orationem posuerunt. Quorum nos Patrum exemplis prouocati, & grauissimis Dei sententiis contra Astrologos multifariam

Genes. 2.

fariam in diuina scriptura proditis permoti, quin etiam iustissimo aduersus Astrologos odio, propter fraudulenta & pernicioſa eorum figmenta, incenſi librum hūc ad confutandas eorum prædictiones à nobis ſcriptum, gratum multis atque vtilem fore exiſtimauiſus. Scripſit aduerſus Astrologos copioſè quidem & eruditè Ioa. Picus Mirandulanus; ſed multos ab eius lectione deterret prolixitas operis. Nos, licet in prædiuitiis atque vberi verſemur argumento; eò tamen breues erimus, quod non omnia quæ diſputari poſſent, ſed aptiora duntaxat cauſæ ſimioraque tractabimus. Quinque autem erunt huius libri & diſputationis aduerſus Astrologos capita: Primò enim docebimus, ſacræ & Eccleſiaſticæ doctrinæ diuinationem Astrologicam eſſe contrariam: Tum oſtendemus, Astrologos eſſe rerum cœleſtium imperitos: Deinde, diuinatricem iſtam artem rectæ rationi ac philoſophiæ aduerſari demonſtrabimus: Adhæc, probabimus, aſtra non ſolùm non eſſe cauſas efficientes rerum futurarum, verùm nec eſſe certa ſigna quæ res futuras prænotent ac præmonſtrent: Ad extremum, cur nonnulla Astrologorum prædicta ſint vera, cauſas exponemus.

*

INDEX

INDEX DISPUTATIONVM QUÆ SINGVLIS

IN PRÆDICTIS CAPITIBUS explicantur.

CAPVT I.

1. **S**ententijs diuina scriptura; antiquis item Ecclesia institutis & exemplis, rationibus etiam theologicis refellitur Astrologi.
2. De vanitate oraculorum Apollinis.
3. Cur Damones prædicendo futura sapè fallant.
4. Non posse veritatem Christiana religionis coherere cū veritate Astrologia iudiciaria.
5. Quam seuerè olim Ecclesia in istiusmodi Astrologos animaduertit.
6. De multis perspicuè falsis & impijs Astrologorum sententijs.

CAPVT II.

7. Astrologos iudicarios esse rerum cælestium imperitos.
8. Aduersus fictitiā antiquitatem obseruati quā iactāt Astrologi.
9. De noua stellis quæ superioribus annis visa est.
10. Quam sit difficile aspectum siderū in ortu cuiusq; hominis exactè annotare.

CAPVT III.

11. *Probatur octo rationibus, non posse Astrologos ex arte & scientia sua p̄-
noscere ac predicere futura contin-
gentia.*
12. *Præter causas caelestes, necessariam esse
noticiam causarum particularium
ad prænoscentes earum effectus.*
13. *De simili ortu & dissimilibus euentis
Geminorum.*
14. *Pulcherrima disputatio Bardeſanis
aduersus Astrologos.*
15. *Vtrum sit facilius, diuinare quid fa-
cturus sit vir bonus, an vir im-
probus.*
16. *Quàm sit vana ac inutilis predictio A-
strologorum de aliquo, quod sit fu-
turus summus Pontifex.*
17. *Nullam posse esse scientiam vel artem
istius Astrologia.*
18. *Vanitas & falsitas multarum prædi-
ctionum astrologicarum*
19. *Errores Astrologorum in Chronolo-
gia.*
20. *Astrologiam iudiciariam omni tem-
pore à prudentibus & sapientibus
viris esse contemptam & dam-
natam.*
21. *Cui generi hominum arrideant præ-
dictio-*

214 DE DIVIN. ASTROLOGICA

- ditiones Astrologica, quas S. Ambrosius comparat telis araneorum.*
22. *Disputatur contra tria fundamenta Astrologiae iudiciaria.*
23. *Vtrum astra natalitia cuiusq. possint esse certa causa omnium quae ei eveniunt.*
24. *Vtrum sit plus momenti in conceptu, an in ortu hominis ad divinandum.*
25. *De vanitate Astrologorum divinationem suam extendentium etiam ad civitates, non solum ad homines.*
26. *Cur Astrologi non, ut de hominibus, sic etiam de stirpibus & alijs animalibus ex observatione astrorum vaticinentur.*
27. *De antiquitate istius Astrologiae apud Aegyptios & Chaldaeos.*

C A P V T IV.

28. *Vtrum astra si non sunt causa, saltem sint certa signa omnium futurorum.*
29. *Vtrum secundum Augustinum astra sint signa omnium rerum humanarum.*
30. *De natura & varietate signorum.*
31. *An cometa signa sint humanarum rerum.*
32. *An qui astra faciunt signa rerum futurarum, simul etiam necessario inducant & astruant Fatum.*

CAPVT

CAPVT V.

33. De quatuor causis propter quas euenit
ut nonnunquam Astrologi vera
pradicant.
34. Instinctu Damonum agi nonnūquam
homines ad diuinandum.
35. Quot modis Damon futura pranscat,
& hominibus pramonstrare soleat.
36. Quot modis & quàm grauiter pec-
cent, qui Damonum velistorū A-
strologorum opera vtuntur ad diui-
nandum.
37. Istiusmodi Astrologos ferè improbos &
flagitiosos esse.
38. De vsu sortium apud Antiquos ad di-
uinandum futura.
39. Permissa Dei, nimis cupidos sciendi
futura, laqueis Damonum irretiri,
& varijs ac perniciosis erroribus
implicari.
40. Multos diuinare futura, magis ex
prudencia & vsurerum humana-
rum, quàm ex arte astrologica.
41. Nimiam crudelitatem ac leuitatem
consulentium Astrologos, interdum
conducere ut eorum pradiſta vera
cadant.

216 DE DIVIN. ASTROLOGICA
DIVINATIONEM A-
strologicam diuina Scripturæ, discipli-
næ Ecclesiasticæ, ac doctrinæ Theo-
logicæ esse contra-
riam.

C A P V T I.

§. 1. *Sententijs diuina Scripturæ, an-
tiquis item Ecclesiæ institutis & ex-
emplis rationibus etiam Theologicis re-
felluntur Astrologi.*

CLAMAT multis in locis diuina Scri-
ptura certam futurarum rerum præ-
scientiam & prædictionem, non esse
hominum sed ne dæmonum quidem, ve-
rùm vnius Dei propriam. Quaproptera-
pud Isaiam cap. 41. ita scriptum est. *An-
nunciate quæ ventura sunt in futurum,
& sciemus quia dii estis vos: & cap. 44. E-
go sum Dominus irrita faciens signa diui-
norum, & harios in furorem vertens, cō-
uertens sapientes retrorsum, & scientiam
eorum stultam faciens: cap. autem 47. de-
ridens Deus Babylonios & Chaldaeos sy-
deralibus suis obseruationibus præfiden-
tes. Sta, inquit, cum incantatoribus tuis,
& cum multitudine maleficiorum tuorū,
in quibus laborasti ab adolescentia tua, si
foris*

fortè quid proſit tibi, aut ſi poſſit fieri fortior. Defeciſti multitudine conſiliorum tuorum: ſtent & ſaluent te Augures cœli, qui contemplabantur ſydera, & ſupputabant meſes, vt ex eis annuntiarent ventura tibi. Et paulò ante dixerat: *Sapientia tua & ſcientia tua, hac decepit te.* Hieremias quoque 10. monet Iudæos vt Astrologicas obſervationes pro nihilo ducant, nihil enim ſibi à ſtellis vel ſperandum vel timendum eſſe, ſic autem ait: *Iuxta vias gentium nolite diſcere, & à ſignis cœli nolite metuere qua timent gentes: quia leges populorum vana ſunt.* Salomon autem Eccleſiaſt. ca. 10. ſcientiam futurarum rerum denegat homini, *Ignorat homo*, ait ipſe, *quid ante ſe fuerit; & quid poſt ſe futurũ ſit quis poterit iudicare?* idem cap. 8. eiufdem lib. *Homo, inquit, ignorat præterita, & futura nullo ſcire poteſt nuncio.* Liquet igitur diuinationem astrologicam in ſacris literis contemni, derideri, ac reprobari.

Cum doctrina ſacrarum literarum, etiam iudicium Eccleſiæ, vt par erat, mirè congruit. Semper enim Eccleſia inde uſq; à primordiis ſuis, Iudiciarios Astrologos odit fugit, damnavit. Extant aduerſus ipſos plurima & ſeueriſſima decreta Eccleſiæ, quæ legere licet in ſecunda parte, Decretorum cap. 26. per primas quinque quæ-

*Decreta
Eccleſiæ cõ
tra Astro-
logos Iudi-
ciarios.*

stiones, & in Concilio Bracarenſi I. cap. 9.
Alexan- & 10. & in Toletano I. in aſſertione Fidei
der Papa. contra Priſcillianiſtas. Ferrur Alexander

Papa huius nominis III. quendam preſ-
 byterum qui ſemel duntaxat conſuluerat
 Astrologum de quodam furto in Eccleſia
 ſua factò, in vnum annum priuaſſe altaris
 miniſterio. Crebras item reperimus in ſcri-
 ptis ſanctorum Patrum aduerſus Astrolo-
 gos, quos illi nunc Chaldaeos vel Geneth-
 liacos, aliàs Mathematicos, aut Planeta-
 rios appellant; diſputationes, ex quibus
 apparet quam fuerit maioribus noſtris ge-
 nus hoc hominum exoſum & abomina-
 tum. Multa contra illos diſputat Baſilius

Baſilius,
Chryſoſto.

Grego. ho-
mil. 10. ſu-
per Euan.

Auguſtin.

Euſe. Caſ.

hom. 6. in Geneſim, Chryſoſtomus & Gre-
 gorius Magnus in cap. 2. Matth. ſed præter
 cæteros Auguſt. lib. 2. ſuper Geneſim ad li-
 teram cap. 17. li. etiam 2. de doctrina Chri-
 ſtiana cap. 21. & aliquot proximè ſequen-
 tibus capitibus, ſubtiliter tamen & copioſè
 primis aliquot capitib. li. 5. de ciuitate Dei.
 Eodem pertinet quæ contra Mathematici-
 cos in lib. 14. cap. 4. & in li. 6. ca. 9. de Præ-
 paratione Euan. argumentatur Euſebius.

Iuliani A-
poſtata ca-
lumnia.

Ridiculus fuit, vel potius amens Iulia-
 nus Apoſtata, qui in libris quos aduerſus
 Chriſtianos effutuuit, probare voluit, ex
 his quæ ſcripta ſunt in cap. 15. Gen. Abra-
 ham & Astrologiam & aruſpiciam co-

ſiſſe

luisse. Astrologiam quidem eius, significari putat illis verbis: *Eduxit Deus Abraam foras, & ait illi, Suspice cælum & numera stellas si potes: Sic erit sementuum.* Aruspicinæ verò scientiam eius, illis etiam verbis denotari ait, *Sume mihi vaccam triennem, & capram trimam, & arietē annorum trium, turturem quoq; & columbā. Qui tollens uniuersa hæc, deuifit ea per mediū, & utraq; partes contra se altrinsecus posuit: aues aut non diuifit. Descenderuntq; volucres sup cadauera, & abigebat eas Abraham.* Deinde, subiicitur prædicto peregrinationis & seruitutis posteriorū eius per *Iuliani A-*
quadringentos annos. Sed hūc Iuliani er *postata ca-*
rorem vel potius futorem, egregiè confu- *lumnia à*
tat Cyrillus extremo lib. 10. eius operis q *Cyrillo re-*
aduersus Iulianum edidit. Alij fidem huic *pulsa.*
vanissimæ, astrologiæ asserere & astruere
conantur ex illa stella quæ nato Christo *Matth. 2.*
apparuit, cui⁹ aspectu excitati tres illi Ma- *Chry. ho. 6*
gi, ductuq; ad adorandum Christū vene- *in Matth.*
rant. Sed istos manifestis argumētis Chry- *Grego. ho.*
ost. & Greg. in hom. super illud Euangeliū *10. in Euā.*
scriptis, redarguunt & conuincunt.

Cæterum, errorem Astrologorū etiam *Argumē-*
rationibus ex doctrina Theologica con- *tis ex sacra*
textis refutare possumus. Principiò, Nemo, Theologia
ut ait Paulus 1. Corinth. 2. nouit quæ sunt ductis, a-
hominis, nisi spiritus hominis; sed homo *strologica*

*diuinatione
refellitur.*

nescit quid ipsemet post multos annos aut etiam dies acturus sit : nam vt inquit Scriptura, Prouerb. cap, 27. *Ne glorieris in crastinum, ignorans quid superuentura pariat dies :* *¶* *Nō est via hominis in manu eius: homo enim proponit, Deus autem disponit.* Est namque non modò quorumlibet hominum, sed etiam Regum cor in manu, Dei, & flectit illud quocunque vult. Si igitur ipsemet homo nescit quid futuro tempore facturus sit, quanto minus id scire potest Astrologus? Deinde, ne ipse quidē diabolus certò potest nosse res futuras: si enim futura omnia dæmon sciret, nunquam profectò impulisset Iudæos ad crucifigendum & occidendum Christum Dominum quippe præuidisset per crucem & mortem Christi, imperium quod tam diu habuerat in homines, fore labefactandū & funditus euertendum, nec sanè dæmon tentaret & infestaret seruos Dei à quibus in tentatione vincitur, ne videlicet propter victoriam tentationum crescente Sanctorum gloria, magis ipse, quæ eius est superbia & inuidia, torqueretur.

§. 2. De vanitate oraculorum Apollinis.

Hoc etiam patet argumento oraculorum, quæ olim reddebant dæmones, cuiusmodi

iussmodi erant responsa & oracula Apollinis delphici quodam apud Græcos nobilissimi & clarissima; quæ ad diuinationem astrologicam pertinuisse, locuples auctor & testis est Porphyrius in libro de Oraculis (refert autem hoc Eusebius libro 6. de Præparatione Euangelica, cap. 1.) ibi tradit, quæcunque dii ceu fatis definita prædicunt, ea ipsos stellarum motu ita esse futura significare, id quod maximè Apollo multis responsis aperuit. In hisce autem oraculis & diuinationibus sæpè mentitū esse Apollinem, idem auctor est Porphyrius; exquisitam enim futurorum cognitionem ait nō hominibus modò, sed multis etiam deorum incomprehensibilem esse, vnde interrogati mentiuntur nonnūquam, sed non sponte: solent enim præmonere, se tunc vera respondere non posse, homines tamen ex amentia perseuerant vrgere & cogere eos vt respondeant. Apollo igitur delphicus, cum eiusmodi esset cœli & continentis affectio vt verum præuidere non posset, retine, dicebat per Vatem, vim istam, & potentia verba hæc ne proferas; falsa enim dicam, si coges. Et in alio responso, Nihil hodie, inquit Apollo, stellarum mihi via dicendum præstat. Deinde, concludens Porphyrius ait, Manifestum iam fecimus vnde falsitas ad

Porphyrius.

*Oenoma⁹
vehemens
& disertus
oraculorū
Apollinis
confuta-
tor.*

deorum oracula subrepat. Hæc ex libro Porphyrij de Oraculis, in lib. sexto de Præparatione Euangelica, cap. 4. Eusebius commemorat. Fuit autem olim quidam Oenomaus, vir apud Græcos tam philosophia quam eloquentia nobilis, qui responsis delphici Apollinis sæpè delusus atque deceptus, diligenter & curiosè collegit quamplurima eius oracula, eaque ut vana, futilia & falsa confutavit, ut refert Eusebius lib. 5. de Præparatione Euangelica. cap. 10.

§. 3. *Cur daemones prædicendo futura sæpè fallant.*

QVATVOR porrò ob causas usu venit in prænuntiando futura falli dæmonē. Primò, quia nimis asseueranter affirmat quæ pendent ex libero arbitrio hominis, quod cum sit admodum mutabile & ad omnia flexibile & planè liberum, nonnunquam extraordinaria quadam ratione operatur. Deinde, quod nos sæpè diuinitus incitati & adiuti Dei gratia, contra facinus quàm antea facere cogitabamus, & quàm nostro ingenio nostroque arbitratu facturi eramus. Fit etiam interdum, ut quod dæmon agere constituerat & prædixerat, prohibente impediēteque Deo, non possit exequi. Denique multa Deus solet aliquando præter communem ordinem

nem naturæ, præterque generalem suam & ordinariam providentiam agere. Atque his rebus crebrò dæmon in errorem inducitur. Quis ergo credet, Astrologos prædicendis futuris rebus veraces esse, cum in eo vel dæmon illi sæpè contingat? Sed quid ego de dæmonibus loquor? Theologi docent, ne ipsos quidem spiritus cælestes ac beatas mentes quæ liquidò certunt & clarissimè vident Deum, tenentq; perfectissimam cognitionem cælorum cunctarumque rerum naturalium, certò scire futura quæ nimirum pendent ex libro arbitrio, nisi earum rerum Deus singularem ipsis notitiam impertiat. Cuius autem amentia est, Astrologis tribuere quod nec Angelis nec beatis mentibus cōcessum est?

§. 4. *Non posse veritatem Christianæ religionis coherere cum veritate astrologiæ Iudiciariæ.*

SED illa in primis fortis est argumentatio. Si Christiana religio & disciplina vera est, ut est profectò verissima, non potest esse vera, nec Christianis probari potest illa opinio Astrologum, ut quam illa vanitatis, falsitatis & impietatis persæpè damnauit: sin autem falsa est doctrina Christiana, cū ipsa totum ferè orbem cō-

*Egregia
ratio ad-
uersus A-
strologia-
m,*

plexa sit, omnesque propemodum gentes suo imperio subiecerit, & plus mille quingentos annos vigeat & regnet in mundo, si omnia quæ apud homines fiunt ex cœlo proueniunt ac pendent, necesse est tantam hominū ad fidē Christi accipiendā tuendamq; propensionem tantumq; studiū, ex insigni aliqua & præpotenti constellatione prouenire: quare cœlum inclinaret & induceret homines ad malum. Si enim fides Christi esset falsa, magis profectò esset falsa & detestabilis quàm alia quælibet secta: ea namque docet de Deo & rebus diuinis, quæ si falsa sunt, nefariam sanè superstitionem & execrandam impietatem contineant necesse est. At verò, cum vita quæ ad normam fidei Christianæ agitur, sit optima & inculcata, nec laude tantum sed summa etiam admiratione dignissima, hinc necessariò efficeretur, ab eadem constellatione proficisci bonum & malum: malum quidem, propter falsitatem doctrinæ Christianæ; bonum autem propter vitæ quæ ad eius doctrinæ regulam informatur & dirigitur, probitatem atque præstantiam.

*Praclara
argumen-
tatio.*

Ad hæc, maxima probatio & confirmatio fidei nostræ & clarissimum diuinæ prouidentiae argumentum illud est, quæcunque circa Christum Dominum & eius
Eccle-

Ecclesiam euenerunt, ea multis antè sæculis fuisse per Prophetas , ad vnum omnia propriè, distinctè, explicateq; prædicta : si autè eiusmodi prædictio per Astrologiam fieri posset, rueret funditus & ad nihilū recideret firmissimū nostrę religionis fundamentum. Ne multa, istiusmodi Astrologorum doctrina veram Philosophiam moralem, nedum sacram Scripturam & Theologiam, quantum in ipsa est , planè peruerit, qui enim certum habet omnia pendere è cœlo , ob idq; cuncta hominum opera facta, casus & euenta ex cæli observatione præsentiri & prædici posse, huic quoque necessariò persuasum esse debet, materialem & mortalem esse animū nostrū, nullumq; esse liberum arbitrium, nec talem esse prouidentiam Dei, qualem Fides nostra prædicat ; mysteria item Christianę religionis pendere è cœlo, cunctaq; miracula tam in veteri quàm in nouo Testamento edita, licèt dicantur, vt re vera sunt, supernaturalia , ad cælestes nihilominus causas & virtutes reuocari. Huic quoque opinationi consequens est , neglectio & prætermisio bonorum operum, licentia omnium cupiditatum, quorumlibet flagitiorum excusatio, deniq; inutilitas atque crudelitas humanarum pariter atque diuinarum legum. Caictanus in Summula vbi

*Caictani
brenis sed*

*veracissime
morabilis
aduersus
prædictio-
nes astro-
logorum sen-*

agit de astrorum obseruatione, simillima docens eorum quæ diximus verè magis & doctè quàm eleganter & ornatè ita scribit, Astrorum obseruatio circa natiuitates hominum & occurrentia humana, tripliciter peccato subiici potest. Primò, si ea quæ fidei Christianæ mysteria sunt, tanquam subsint cœlestibus causis, habeantur: secundò, si futura contingentia quærantur vel habeantur vt certa ex cœlestibus causis: tertio, si electiones suas quis subiiciat cœlestibus causis tanquam legi illarum, ita vt vitam & actiones suas regulet secundum cœlos. Et quodlibet horum trium est ex suo genere peccatum mortale: quia primum est contra spiritualitatem Christianæ religionis, quæ super cœlos est, immutare potens etiam ipsos cœlorum cursus iuxta id quod scriptum est Psal. 148. Confessio eius super cœlum & terram: & hoc experientia testata est. Secundum verò, est contra veritatem doctrinæ Christianæ & liberi arbitrij, quo domini sumus nostrorum operum. Tertium est contra dignitatem gratiæ, legis diuinæ, ac humanę mētis qua super omnia corporalia sumus cōstituti. Et sicut erraremus subiiciendo nos passionibus iræ, odij, spei, timoris; ita quod haberemus impetus passionum pro lege: ita vilificamus nos, si inclinationes
cœlo-

celorum pro lege habeamus : corpora enim sunt, & per modum passionum inclinant nos. Hæc Caieranus.

In Actis autem Apostolorum cap. 19. refert Lucas, multos de his qui Ephesi cōcionibus & sermonibus B. Pauli. conuersi erant ad Christum, & curiosa prius fuerant sectati, attulisse libros suos, & coram omnibus combussisse : fuisse autem eos libros de rebus ad iudicariam Astrologiam pertinentibus, grauis auctor in Commentariis super Psalmos dixit Augustinus ; qui etiam Mathematicum quendam, hoc est, istam Astrologiam professum, postea pœnitentem professionis suæ, cupientemque reconciliari Ecclesiæ, nisi publica & solenni pœnitentia præmissa, non recepit. verum sententia Augustini, quod ea maxime attingit ad quod nunc agitur, totidem verbis hic ascribam. Post enarrationem igitur 61. Psalmi, cum Mathematicus ille veniam publicè petens coram sifteretur, hæc dixit Augustinus : Iste ex Christiano & fidei pœnitens redit, & ter ritus potestate Domini conuertitur ad misericordiam Domini : seductus enim ab inimico eum esset fidelis diu Mathematicus fuit, seductus seducens, deceptus decipiens, illexit, fefellit, multa mendacia locutus est contra Deum qui dedit hominib.

Notabilis oratio quæ habuit Augustinus in reconciliatione cuiusdam Mathematici cum Ecclesiâ.

potestatem faciendi q̄ bonū est, & non faciendi quod malum est. Iste dicebat quod adulterium non faciebat voluntas propria, sed Venus; & homicidium non faciebat voluntas propria, sed Mars: & iustum nō faciebat Deus, sed Iupiter: & alia multa facilega non parua. Quām multis eum putatis Christianis nummos abstulisse? Quām multi ab illo emerunt mendaciū? quibus dicebamus, Filij hominum vsquequo graui corde, vt quid diligitis vanitatem & quæritis mendacium? Modo sicut de illo credendum est, horruit mendaciū multorum hominum interitum: se aliquando à diabolo sensit illectum, conuertitur ad Deum pœnitens. Nostis in Actibus Apostolorum esse scriptum, capit. 19. quia multi perditī, id est, talium artium homines & doctrinarum nefariarū sectatores, omnes codices suos ad Apostolos attulerunt, & incensi sunt libri tam multi, vt pertineret ad scriptorem æstimationem eorum facere, & summam pretij conscribere. Hoc vtique propter gloriam Dei, ne tales etiam perditī desperarentur ab illo qui nouit quærere quod perierat. Perierat ergo iste, nunc quæsitus, inuentus, adductus est: porrat secum codices incendendos, per quos fuerat incendendus, vt illis in ignem missis, ipse in refrigeriū transferret.

Psal. 4.

siret. Ante Pascha enim coepit petere de Ecclesia Christi medicinam, sed quia talis est ars in qua exercitatus erat, quæ suspecta esset de mendacio atque fallacia, dilatus, ne tentaret, & aliquando tamen admissus est ne periculosius tentaretur. Hactenus Augustinus.

§. 5. *Quam seuerè olim Ecclesia in istiusmodi Astrologos animaduertit.*

Certè in primitiua Ecclesia istiusmodi astrologica non secus quam ars magica, reprobata, vetita & damnata erat. Narrat E. B. Epiphanius in lib. de mensuris & ponderibus, Aquilam Ponticum scripturæ interpretem ob eam maximè causam fuisse à Patribus ex ecclesia pulsum, quod natiuitatem obseruationibus ceterisque diuinationibus astrologicis studiose vacaret. Nō est pro de relictō habendum, cum sit admodū memorabile, quod Originem in Commentariis super Genesim de ista astrologia prodidisse, lib. 6. de præparatione Euāgelica, cap. 9. tradit Eusebius, sic enim scripsisse illum ait: non solum gentiles stellarum coniunctione atq; aspectu quæ in terris sunt, necessariò accidere credūtur, quam vim Fatū appellant, verum etiam multi ex fidelibus

B. Epiphanius.

*Origenis
egregia cō-
tra Astro-
logos dispo-
sitiō.*

conturbantur, impossibile aliter fieri credentes, quam stellarum cursus effecerit, unde sequitur nullam in nobis esse libertatem, nullam operationem nostram laudari aut vituperari iure posse, ita prædictum à Scripturis Dei iudicium quo alii ad æterna supplicia, alii ad eternam beatitudinem prædestinantur, falso fore præd caretur. Quid plura? ipsa quoq; fides & Saluatoris nostri aduentus, & omnis Prophetarum labor, ac Apostolorum in constituendis Ecclesiis prædicatio, inania erunt: nisi forte Christum quoq; quis audeat dicere, cælestium corporum vi coactum fecisse quæ fecit, passumq; fuisse quæ passus est, nec eius deitatis potentia sed stellarum virtute cuncta euenisse: his impiis verbis etiam illud conficitur, ut fideles fato ducti in Christum credant: deniq; , ut vel nullum sit boni & mali discriminẽ, vel etiam malorum auctor sit Deus: nullusq; hominum propter bene vel malè facta præmio aut pœna dignus censi debet, nec orationibus, votis, & Dei obsecrationibus locus aliquis relinquatur. Sic Origenes.

*Animad-
uersio in
Petrum de
Aliaco.*

Eat igitur, nunc Petrus de Aliaco, & istam Astrologiam amplexetur, exosculetur, præfracteq; defendat, atq; obnixè conetur eam cum philosophia, quin etiam (si Deo placet) cum Theologia consociare atque
coniu-

coniungere, scilicet falsitatem cum veritate, tenebras cum luce, dæmonem cum Deo, qui nec veritus est scripto prodere, diluvi-um Noeticum, & ortum Christi Domini, aliq; summa prodigia & miracula, etiam syderalis scientiæ peritia ex astrorum obseruatione prænosci ac prædici potuisse.

§. 6. *De multis perspicuè falsis & impiis Astrologorū sententiis.*

Sed quo manifestius appareat quam sit impia & execranda istorum doctrina, ponam hic paucas quasdam eorum sententias & decreta, è quibus iudicium fiet de illius artis impietate. Quidam istorum, ex Marte in nona cæli regione feliciter constituto, tantum præstari nobis contendūt, vt ab obsessis corporibus sola præsentia dæmones expellamus. Alii iactant se hac arte, de eius qui nascitur conscientia arcanis & secretis sine errore iudicatu-ros. Vulgatum quoque apud illos est, duos esse planetas auctores felicitatis humanæ, Venerem quidem præsentis, Iouem autem post hanc vitam futuræ. Maternus *Maternus* porro eiusmodi figmentorū & mendaciorum studiosissimus & curiosissimus, cum multa memoret, quæ à Saturno constituto in Leone accidūt hominib⁹ subdit eiusmodi

di homines longeuos fore, & post mortem animas eorum in cælum diis applicatas euolaturas. Saturnus enim, inquit, in Leone positus, animas eorum qui sic se habuerint in terra innumeris angustis liberatas, ad cælum & originis suę primordia reducet.

Albumazar.

*Petrus Ap-
ponensis.*

Denique Albumazar scribit, qui Luna Ioui coniuncta in capite Draconis, Deo supplicauerit, eū quicquid petierit à Deo, certissimè impetraturum id quod Petrus Apponensis expertum se esse confirmat, nam cum vigente illa coniunctione, scientiam rerum à Deo postulasset, ait se post eam diem, magnam sibi factam esse scientiæ accessionem, sensisse. Hęc autem & alia eorum similia, quam sunt nefaria, detestanda, & Christianæ religioni exitialia? quantumque valeant ad eleuandam, vel potius descendam fidem eorum quę diuina scriptura docet immediatè, supernaturaliter, ac miraculose fieri à Deo, nemo est tam hebes ingenio & tardus intelligentia, vt non clarissimè intelligat. Si quis autem hęc plenius atq; subtilius scire auet, legat quę in hac sententiam cam alibi, tum lib. 2. cap. 5. &

lib. 5. cap. 11. & inde vsque ad finem

cuius libri, Picus Mirandula-

nus diligenter &

copiosè tra-

ctat.

ASTRO-

ASTROLOGIAM IUDICIA-
riam à Philosophia redargui & conuin-
ci, primò quidem ea ratione, quod isti-
usmodi Astrologi caelestium re-
rū sint imperitissimi.

CAPVT II.

Diuinationem Astrologicam futi- *Multiplex*
lem esse nulloque nixam funda- *& praua-*
mento, Philosophus quidem ad *lida cōtra*
hunc modum argumentabitur, Astrologi *Astrologos*
nec certò sciunt omnes astrorum vires, de *ex Philoso-*
fluxus, & effectus, nec si eas res scirent, sa- *phia argu-*
tis id foret ad certam rerum futurarum *mentatio.*
præfensionem, ergo prædictiones astrolo-
gicas inanes & fallaces esse necesse est.
Duo in hac argumentatione sunt posita,
explicatius à nobis tractanda & confirmā-
da, alterum est, imperitos esse Astrologos
rerum caelestium, alterum verò est, vt ef-
sent illi peritissimi earum rerum, non pro-
pterea tamen posse eos futura omnia præ-
nosse, de priori autem dicamus prius.

§. 7. *Astrologos Iudiciarios esse rerum
caelestium imperitos.*

Esse

Esse igitur Iudicarios Astrologos syderalis doctrinæ ignaros, patet ex his quæ subiiciam. Principiò, valde arduum & operosum est, etiam quæ de cælo videntur minus difficilia magisque nobis obuia, perfectè cognoscere: veluti quæ sit cæli natura, magnitudo, numerus orbium, & inter eos ordo & differentia dignitatis, varietas motuum, denique astrorum numerus, eorumque inter se in magnitudine, luce, potestate, & effectu comparatiō, atque huius difficultatis facit clarissimum indicium tanta opinionum varietas, quam tam esse his de rebus inter maximos Philosophos cernimus. Aristoteles certè Philosophorum omnium facilè princeps, ingenuè fatetur se multarum rerum cœlestium non exquisitam scientiam, sed opinabilem & coniecturalem tantum notitiam tenere: Et quia manifestis certisque rationibus destituatur, cogi se non raro probabilibus duntaxat argumentis & coniecturis vti. Videre hæc licet apud ipsum Aristotelem in secundo libro de Cælo textu 17. 34. 60. & 61. hoc si est, quis crederet, Astrologis, quos solis luce clarius est nulla re comparandos esse maximis illis philosophis, quod est in cælo abstrusissimum, & iudicio summorum Philosophorum mortalibus incomprehensibile, veritatem di-

co rerum omnium futurarum, esse liquidò cognitam exploratèque perceptam? Deinde, rogemus istos Astrologos ut faciliores quasdam quæstiones de cælo nobis enodent: percunctemur ex ipsis, an cælum sit natura quædam simplex, an cõposita ex materia & forma, vtrum talis sit materia cæli qualis est rerum omnium sublunarium, an omninò diuersa, sitnè cælum animatum an inanimatum, num sua vi & à se moueatur an extrinsecus ab Angelo, vnde potissimum in cælis æstimari & iudicari debeat dignitatis eorum præstantia, quid causæ sit cur non omnes orbés vno motu circumagantur, sed alii vno tantum, alii pluribus, alii verò paucioribus: aperiant nobis quam habeant propriam vim & potentiam singulæ stellæ in elementa, metalla, stirpes, atque animantes, hæc, inquam, & alia horum similia sciscitemur ex istis Astrologis, profectò reperiemus ipsos doctrinæ harum rerum planè rudes & prorsus expertes. Qui sit igitur credibile, planiora hæc & apertiora ignorantibus, mortalium intelligentiæ remotissima & occultissima, esse comperta & explorata? Postea, doceant nos isti defluxus & effectus qui nunc ex variis astris dimanant ad diuersas & dissitas mundi regiones, sic enim fortasse credemus
illis

illis futuros syderum effectus prænuntian-
 tibus, quis enim nescit proclivius & pro-
 pensius esse præsentia nosse quam futura,
 præsertim mutabilia & quæ variè possunt
 contingere, ob idque incerta? Exponent
 item nobis occultas proprietates & vires
 quas habēt res sublunares, quas miramur
 magis quam intelligimus in multis lapidi-
 bus, herbis & animalibus, hæc enim cum
 proxima sit atque nobis coniuncta & cun-
 ctis penè sensibus nostris subiecta, & quæ
 quotidianis experimentis peruestigari &
 explorari possunt, planiorem intelligen-
 tiam & faciliorem habent explicationē:
 cognitio verò rerum cælestium maximi
 laboris & difficultatis est, cum tam longè
 distet à nobis cælum, nec alio quam uni-
 co oculorum sensu mortalibus pateat:
 quem tamen sæpè falli contingit propter
 tantam interualli longinquitatem, vel sum-
 mam vertiginis cæli velocitatem, vel pra-
 uam affectionem medii aut visus, vel pro-
 pter vitium astrolabii, tabularum & instru-
 mentorum astronomicorum. Atque hoc
 etiam apud sacras literas in cap. 9. lib. Sa-
 pientię testatum legimus: *Corpus inquit
 quod corrumpitur aggrauat animam, &
 terrena inhabitatio deprimit sensum mul-
 ta cogitantem. Et difficile aestimamus quæ
 in terra sunt, & quæ in prospectu sunt inue-*
 nimus

nimus cum labore, quæ autem in calis sunt
 quis inuestigabit? Sensus autem tuū quis
 sciet, nisi tu dederis sapientiā & miseris spi-
 ritum sanctum tuū de altissimis: Extremū
 autē huius sententię, omninò redarguit A-
 strologos, qui humana omnia euenta quo-
 rū multa ex secretissimo Dei cōsilio & vo-
 lūtatē pendēt, diuinare se posse profitētur.

§. 8. *Aduersus fictitiam antiquitatem
 observationum quam iactant
 Astrologi.*

Præterea, iactant Astrologi, habere se in-
 numerabilium annorū observationes re-
 rum euentis comprobatas, è quibus ars ip-
 sorum collecta & confecta sit: nam cum in
 omni præteriti temporis spatio, penè innu-
 merabiles res eodem modo euenirent, iis-
 dem signis antegressis, ars est effecta ea-
 dem sēpè animaduertendo, atque notan-
 do, quare Chaldæos fuerunt quadringen-
 ta septuaginta millia annorum, monumen-
 tis huiusmodi observationum astrologi-
 carum comprehēsa habuisse. Verum, hoc
 quam sit commentitium & improbabile,
 vel ex eo liquet quod Astrologi non potue-
 runt eiusmodi observationes & experien-
 tias, non dico millies vt ipsi iactitant, sed
 ac ter quidem bisue colligere & compara-
 re

re potuerunt, nam cæli facies, & omnium signorum cælestium positura quæ semel fuit, eadem omninò vel nunquam, vel non nisi post immensa annorum spatia redire potest: quippe octauus orbis in quo sunt inerrantes stellæ, non ante sex & triginta annorum millia circuitum suum ab soluit, quin doctissimi quidam Mathematici optimis rationibus probarunt, motus cæli esse inter se incommensurabiles, ob idque eandem cæli faciem, eundemque stellarum positum sæpius euenire non posse.

Phauorinus contra Astrologos

Hanc rationem Phauorinus philosophus apud Gellium lib. 14. cap. 1. paulò enucleatius, certè luculentius & elegantius tractat his verbis, Si Chaldæorum isto modo cœpta fieri obseruatio est, ut anim aduerteretur quo habitu, qua forma, quaque positura stellarum aliquis nascere tur: tum deinceps ab ineunte vita, fortuna eius & mores & ingenium & circumstantia rerum negotiorumque, & ad postremum finis etiam vitæ spectaretur, eaq; omnia, ut usu venerant, literis mandarentur: ac postea longis temporibus, cum ipse illæ eodem in loco eodemque habitu forent, eadem cæteris quoque euentura existimarentur qui eodem illo tempore nati fuissent: Si isto, inquit, modo obseruari cœptum

ceptum est, ex eaque observatione composita quædam disciplina est, nullo id pacto potest procedere, dicant enim quot tandem annis, vel potius quot sæculis orbis hic observationis perfici quiverit. Constare quippe inter Astrologos dicebat, stellas istas quas erraticas dicerent, quæ esse omnium rerum fatales dicerentur, infinito propè & innumerabili numero annorum ad eundem locum, cum eodem habitu simul omnes vnde profectæ sunt, regredi, vt neque vllus observationis tenor, neque memoria vlla, neque effigies literarum tanto ævo potuerint edurare, sic Phauorinus. Adhæc, licet Astrologi cognoscere possent singulares vires & defluxus cuiuslibet astri, separatim tamen, quam vim habeant sydera, cum defluxus diuersorum astrorum vnà coeunt & permiscuntur, vel in cælo vel in aere vel in terra vel etiam cum causis sublunaribus earumque actionibus, ab ipsis nequaquam sciri potest. Audiat lector Origenem, cuius ex Commentariis super Genesim, hanc Eusebius extremo libro sexto de Præparatione Euangelica citat sententiam: Quæ autem, inquit, commistione, compositione, ac temperie diuersorum aspectuum fieri asserunt, profecto concedunt nullo modo sciri posse. Quomodo enim quantum

dimi-

Origenes.

diminuatur de læsione maligni aspectui propter aspectum benigni syderis percipi-
es? & vtrum auferat malignus quod à be-
nigno conceditur, quoniam locum eius af-
pexerit, aut mutet, aut imminuat, aut mi-
stura quædam inde fiat, quis percipiet?
quæ omnia si quis altius inspiciat, facile
credat non posse ista humano ingenio pe-
nitius percipi. Vnde si quis harum rerum
periculum fecerit, videbit in pluribus erra-
re, quam veritatem consequi Genethlia-
cos. Quamobrem Esaïas etiam quasi hæc
omnibus impossibilia sint ad filiam Chal-
dæorum, qui maximè istud profitentur a-
it, *Ad sint & saluam te faciant Astrologi,*
et ali Augures annuncient tibi quid euentu-
rum sit. His enim verbis docemur, vel dili-
gentissimos in hac re Chaldæos, non pos-
se prædicere quæ velit vnicuique genti De-
us attribuere. Hactenus Origenes.

Isa. 47.

His accedit, multas esse stellas quæ vel
non clare cernuntur: vel etiam nullatenus
cernuntur: earum verò quæ cernuntur,
paucas sibi esse cognititas, permultas verò
necdum exploratas fatentur Astrologi.
qua ratione igitur ex paucis astris quorum
vires norunt tam confidenter prænunci-
ant futura, cum per aliorum syderum quæ
nesciunt influxus, notorum sibi syderum
effectus, aut impediri aut variari possint

ni

nisi forte aſtrorum quæ latent ipſos nullas eſſe vires nullosq; de fluxus, impudenter & abſurdè mentiantur. Certè conſtat inter Aſtrophologos numerari in octauo cælo mille præterq; viginti duas ſteſſas, quatum cum quælibet maior ſit terra, neceſſe eſt ingentè eſſe earum vim & potentiam, huiusmodi ſteſſarum, vel nullam vel præexiguam noti-
 tiam habent Aſtrophologi, quippe cum ars eorum iudiciaria ferè conſtet ex planetarum obſervationibus, in quibus tota propemodum verſatur & cõſumitur. Vidit hoc, quærat perſpicacia ingenii Seneca, & in lib. 2. Natural. quæſtionum, cap. 32. eleganter expoſuit. Quid eſt aliud, inquit, quod errore incutiat peritis natalium, quam quod paucis nos ſyderibus aſſignant, cum omnia quæ ſupra nos ſunt, partem ſibi noſtri vendicent? Submiſſiora forſitan in nos propius vim ſuam dirigunt, & ea quæ frequen-
 tius mota, aliter nos, aliter cætera anima-
 lia proſpiciunt, cæterum, & illa quæ aut immota ſunt, aut propter velocitatem vni-
 verſo mundo parem, immotis ſimi-

lia, non extra ius domini-

umq; noſtri ſunt.

Hæc Sene-

ca.

9. De noua stella, quæ superioribus
annis visa est.

Superioribus annis vidimus stellam no-
uam ante illud tempus nunquam in cælo
visam, & iudicio Astrologorum in eodem
loco, vbi stellæ fixæ lucent, positam: hæc
cum ad aliquod tempus conspicua fuisset,
repentè tota ex aspectu nostro discessit &
prorsus euauit, hanc stellam necesse est
vel in cælo esse generatam & postea corrup-
ptam, idemque in aliis sæpius euenire lon-
gis tamen temporum intervallis verisimi-
le est: vel esse supra septem planetas alia
sydera errantia quæ proprios quidem
meatus, sed nobis tamen ignotos habeant
vel denique quas nos in octauo orbe stel-
las inerrantes & infixas putamus, eas quo-
que proprios circuitus & motus agere, de
quo addubitasse olim Hipparchum nobi-
lissimum in astrologia virum, locuples au-
ctor & testis est Plinius in cap. 26. libror.
Hipparchus, inquit, nunquam satis lau-
datus nouam stellam & aliam in æuo suo
genitam deprehendit: eiusque motu qua-
die fulsit, ad dubitationem est adductus,
anne hoc sæpius fieret, mouerenturque &
ex quas putamus affixas. Quid quod per
magni ad artem suam referre censent A

Hipparch⁹

strolog⁹

astrologi, conuenientiam & discrepantiam
quæ est inter duos Zodiacos, alterum oc-
taui alterum noni cæli, exploratam habe-
re? quæ tamen ipsis nota esse non potest:
quippe cum nonum cælum omni stella lu-
ceque careat, nec aliud de ipso quam mo-
tus, isque ex motu octauæ cæli deprehendi
possit. Latet etiam Astrologos quemad-
modum isti duo Zodiaci se habuerint in
exordio mundi, quod tempus ab origine
mundi ad hanc diem exactum, certo te-
neri nequeat: nam ut annorum eius tem-
poris ratio aliqua iniri & numerus colligi
possit, dierum tamen & horarum non po-
test: quorum tamen subtilis & certa com-
putatio, isti doctrinæ Astrologicæ opus
est.

*Duplex
Zodiacus
apud astro-
logos.*

10. *Quam difficile sit, aspectum syde-
rum quævis cuiusque hominis ortu vi-
get annotare.*

Iam verò vix potest sine errore vilo no-
tari & cognosci positus astorum qui est in
eo momento quo quisque nascitur. Ere-
nim difficillimum est vel punctum tempo-
ris in quo quispiam oritur, vel in eo ipso
puncto aspectum syderum omnium qui
tunc viget, obseruare: sæpè namque cæli
& stellarum aspectum, nubila & crassiorū

vaporum interpositus, vel adimunt nobis, vel interturbant & infuscant & quod caput est, rapidissima cæli vertigo facit ut cœstellatio prius transuolet, quam à nobis propriè annotetur: quippe per singula ferè momenta, alia & alia cæli facies, & identidem diuersa astrorum positiua existit. Profitentur isti Astrologi se cuiusvis hominis euenta omnia prænunciare posse, dummodo sibi ortus eius certum tempus pernotescat: ad eiusmodi tempus subtiliter, & propriè, ita nimirum ut opus esset Astrologo, ferè nescitur. Nam ut dicatur, exempli causa, Petrum esse natum vigesimo ab hinc anno, die Septembris ultimo, hora noctis decima, vel ineunte vel media vel iam exeunte: at momentum illud, vel potius minimum illud tempus quo Petrus alio matris fuit & in lucem editus est, nec obstetrix, nec parentes seu cognati, subtilissimè annotatum & perspectum habent: qua tamen temporis illius subtilissima observatione & cognitione, ad diuinandum eget Astrologus.

B. Basilii Non possum facere, ut adscribere hoc
argumen- loco prætermittam verba Basilii quibus
tatio con- ipsa hæc ratio quam nos strictim attigimus
tra Astro- latius ab eo explicatur & acrius virgetur.
logos. Sic enim ille homil. 6. super Genesim scriptum reliquit, Genethliacæ artis inuentores

res cum in temporis amplo spatio cōplures figuras suā ipsorum scientiam fugere percepissent, in angustum admodum temporis contraxere mensuras, ut minutissimo quoq; & subitaneo articulo, quale est quod Apostolus dicit: *In momento temporis, in ictu oculi*, plurimum differentię sit inter natiuitatem & natiuitatem. Ut is quidem qui hoc in momento genitus est, futurus sit Rex ciuitatum, populorumque princeps, locupletissimus, prępotens: Is autem qui natus est temporis sequentis momento, pauper quidam sit futurus, aut mendicus circulator, vel pręstigiator, ex ostiis ostia permutans quotidiani consequendi causa victus, quamobrem eo orbe qui signifer appellatur duodecim in partes diuiso, cum in triginta dierum spatio partem Sol eius globi transeat duodecimam quem inerrantem appellant, triginta in portiones singulas illas duodecim partes secuerint, tum singulis portionibus illis in sexaginta minuta diuisis, minuta hæc singula rursum in alia sexaginta modo simili diuisere. Posito igitur enixu eorum qui in lucem eduntur, videamus, obsecro, si hanc exactissimam temporis diuisionem Auctores hi sibi valeant conseruare. Nam simul atque editus pusio est, mas an femella sit, obstetrix explorat: tum vagitum ex-

1. Cor. 15.

pectat infantis, nimirum indicium vitæ eius qui natus recens est. Quot hoc tempore vis sexagesima præterisse minuta? dicit obstetrix deinde Chaldæo partum qui editus est: quot minutissima momenta vis interea dum obstetrix loquitur prætercurisse? præsertim si forrè fortuna fuerit non in conclaui mulierum Chaldæus ille præsens, sed in ædium atrio, aut vestibulo, tempus horamque reponens. Et cum qui definiturus est diligenter tempus ac horam, exploratoria nimirum horarum percipere oporteat instrumenta, siue diurna sint siue nocturna: quot minutorum hoc quoque tempore, quæso, præteruolat præteritque examen? Compertam enim eam esse stellam qua tempus horaque sit exploranda, non solum quanta in parte sit duodecima, sed etiam quam iuxta duodecimæ portionem patris, in quotoque minuto 60. eorum, in quæ subdivisa sunt singula sexagesima illa prima, necesse est. Atque hanc tamen adeò tenuem subtilemque temporis inuentionem, quanquam attingere nequeunt, singulis in stellis errantibus faciendam esse necessariò dicunt, ut qualem ad cælo adfixas stellas ipsæ dispositionem habitudinemue haberent, qualisque ipsatum esset inter sese figura, cum in lucem ederetur foetus, compertum sit

tan:

tandem ac exploratam. Quæ cum ita sint, si fieri non potest ut tempus illud exactissimè quisquam attingat, variationeque vel breuissimi temporis fit ut tota via penitus aberretur, deridendi profectò non mediocriter esse videntur, tam ii, qui studio huius indulserunt artis, quam in ratione rerum nusquam esse constat, quam illi qui hiantes ab illorum ore pendent intenti: perinde quasi omnia illi scire possint quæ ipsis sunt euentura. Hactenus sunt quæ Basilius eo loco aduersus Astrologos disputat.

ETIAM SI ASTROLOGI
*summam rerum celestium cognitionē
 tenerent, non posse tamen eos fu-
 tura diuinare probatur
 octo rationi-
 bus.*

CAPVT III.

SEd concedamus Astrologis quod ipsi falsò & impudenter sibi arrogant, perfectam videlicet astrorum & cæli scientiam: hanc ipsam nunc contendo non posse certam futurarum rerum prædictionem & diuinationem efficere idque

L 4 mul-

11. Octo rationes quibus probatur ex cognitione astrorum etiā perfecta, nō posse diuinari omnia quæ futura sunt.

Prima ratio.

Prima ratio. Vera est & trita est in scholis illa Philosophorum sententia, sicut res se habet ad esse, ita quoque se habet ad cognitionē, hoc est, propter quas causas quæque res fit & est, per eas cognosci debet, si quidem perfectam eius rei scientiam adipisci volumus, ad generationem autem futurorum effectuum particularium, non modo concurrit cælum sed etiam causa particularis: est enim cælum causa vniuersalis, quo fit ut eius vis & efficientia sit etiam vniuersalis & indeterminata ad producendum quoslibet effectus particulares: determinatur autem vis cæli per causas particulares, quamobrem verissimum est illud quod dixit Aristoteles, Sol & homo generant hominem, quin effectus particularis, licet quod attinet ad eorum effectiōnem & conseruationem, maximè pendent ex causis vniuersalibus, tamen quod pertinet ad propriam cuiusq; eorum naturam & ad naturales proprietates, tam específicas quam individuales, magis particularem causam æmulantur atq; imitantur.

12. Pra-

12 *Præter causas cælestes, necessariam esse notitiam causarum particularium ad prænosceudos earum effectus.*

Sicut ad

Cum igitur præter causas cælestes, ad producendos effectus futuros opus sit etiam causa particulari efficiente, & materia idoneè præparata, quorum si desit alterutrum, prorsus nullus futurus est effectus, ex his necessariò concluditur, ad prænotationem futurorum effectuum, cælestium causarum notitiam non esse satis. Atque hoc etiam quotidianis & manifestis experimentis constat, cernimus enim agricolas eodem tempore & sub eodem siderum aspectu varia seminum genera in terram iacere, ex quibus tamen diuersa nascuntur: quæ sanè diuersitas non ad causas cælestes, sed ad diuersas tantum species & vires seminum referri potest. Ad hanc eandem sententiam, in libro secundo de Genesi ad literam, cap. 17. ita scribit Augustinus: Cum multa corpora diuersorum generum, vel animalium, vel herbarum & arborum, vno simul puncto temporis seminantur, vnoque puncto temporis innumerabiliter multa nascantur, non tantum diuersis sed etiam iisdem terrarum lo-

*generatio-
nem rerū
futurarū
non tantū
concurrere,
calum.*

cis, tantæ sunt varietates in progressibus, in actibus, & passionibus eorum, vt verè isti (sicut dicitur) perdant sidera, si ista cōsiderent. Quid autem insulsius & hebetius, quam cum istis rebus conuincuntur, dicere ad solos homines sibi subiiciendos fatalem stellarum pertinere rationem? sic Augustinus: cuius extremum dictum paulò vberius tractat apud Gellium libro 14. capite primo. Phauorinus: Si vitæ, inquit, mortisq̃ue hominem rerumq̃ue humanarum omnium tempus & ratio, & causa in cēlo, & apud stellas foret, quid de muscis aut vermiculis aut echinis, multisq̃ue aliis minutissimis terræ marisq̃ue animantibus dicerent? an ista quoque iisdem quibus homines legibus nascerentur, iisdemq̃ue itidem extinguerentur? vt aut ranunculis quoque & culicibus nascendi fata sint de cælestium syderum motibus attributa, aut si id non putarent, nulla ratio videretur cur ea syderum vis in hominibus valeret, si deficeret in cæteris.

13. De simili ortu & dissimilibus euentis Geminorum.

*Secunda
ratio.*

Secunda ratio. Si vera esset istiusmodi Astrologorum doctrina, necesse esset geminos qui vno tempore concepti & nati sunt simillimos omninò fore: quod falsum esse satis

satis perspicuum est, nam vt cæteram eorum dissimilitudinem taceam, euenit non nunquam vt alter sit mas, alter verò femina. Cicero quidem in altero libro de Diuinatione, Proclum & Euristhenem reges Lacedæmoniorum fratresque geminos commemorat, quorum tamen & exitus vitæ dissimilis, & gloria rerum gestarum dispar fuit. Verum, in sacris literis luculentissimū eius rei habemus exemplum: Iacob enim & Esau eodem concubitu, vt inquit Paulus Roman. 9. sati eodemque tempore nati, dissimillimis tamen ingeniis, studiis, moribus, & euentis fuerunt. Nec verò firmum est illud præsidium in quod refugunt Astrologi, cum hoc argumento virgetur, videlicet breuissimam illam moram quæ inter geminorum ortus intercedit, licet ea nobis perexigua videatur, in cælo tamen, ob eius vastitatem & rapidissimam conuersionem, esse admodum insignem magnamq; facere variationem. Hoc Nigidius Figulus declarabat exemplo rotæ quæ incitatissimè contortam, cum bis eodē loco signare atramēto vel percutere summa celeritate conatus esset, cessante ipsius rotæ circumactione, reperta sunt duo illa loca ab ipso percussa vel signata, haud paruo inter se interuallo disiuncta. Hoc, inquam, præsidium & refugiū infirmum est, parūq;

*Similitudo
Nigidii
figuli.*

tutum Astrologis. Etenim, licet in ortu Ge-
minorum aliqua fuerit mora, in eorū ta-
men conspectu prorsus nulla fuit. Deinde,
si tam breui variatur ratio constellationis
sub qua quisq; nascitur, erit profecto pro-
prium tempus ortus quibuslibet Astrolo-
gis in comprehensibile. Denique, valebit
hoc loco aduersus Astrologos argumenta-

*B. Gregori-
us hom 10.
super Eua-
gel.*

tio illa beati Gregorii: Si propterea Iacob
& Esau non censentur nati sub eadem cō-
stellatione, quod non simul nati sunt, sed
vnus post alterum, ob eandem profecto
causam iudicandum erit, nullum hominū
sub eadem constellatione totum nasci.
non enim totus simul ex utero procedit,
sed particulatim & membratim: primò
enim effert caput, tum collum, deinde pe-
ctus, postremo pedes. Iacob enim proxi-
mè natus est post Esau manu plantam pe-
dis eius tenens, perinde quasi, sicut inquit

Augustin⁹

Augustinus lib. 2. de Genesi ad literam, ca-
pite 17 vnus infans instar duorum vel du-
plo longior nascere ur.

*Phauori-
nus apud
Aulū G II
lib 14 c. I.*

Verum, hanc rationem admodum di-
sertè Phauorinus aduersus Chaldæos dis-
putans, exequutus est. Atque id velim et-
iam, inquit, vt respondeant, si tam paruū
atque rapidum est momentum temporis
in quo homo nascens Faci accipit, vt in eo-
dem illo puncto sub illo circulo cæli, plu-
res

res simul ad eandem competentiam nasci non queant: & si idcirco Gemini quoque non eadem vitæ sorte sunt, quoniam non eodem temporis puncto editi sunt: peto, inquit, respondeant, cursum illum temporis transuolantis qui vix cogitatione animi comprehendi potest, quonam pacto aut consulto assequi queant, aut ipsi perspicere & deprehendere; cum in tam percipiti dierum noctiumque vertigine, minima momenta ingentes facere dicant mutationes? Sic Phaulonius. Ipsum hoc argumentum de Geminis diligenter & subtiliter pertractat Augustinus libro 5. de Ciu. Dei *Augustin⁹* primis aliquot capitibus, atque in 2. libro de Doctrina Christiana, cap. 22. & verò, maximum facessit negotium Astrologis: si enim tam breui temporis momento mutantur omnia, ut non diuersa modo, sed etiam aduersa plerumque eueniant, quis de nato puero possit quicquam certi prædicere, cum illud temporis punctum quo vel conceptus vel natus est, ita uti est, nemini possit esse cognitum? Itaque, ut magna in homines vi & potestate pollerent astra, quid ea tamen in singulorum hominum generatione & ortu efficere, incomperum esset nobis: quippe cum aspectus cæli & positus astrarum qui est tempore quo quisque nascitur certo deprehendi nequeat.

incitatissimus enim cœli & astrorum motus , tarditatem nostræ considerationis & observationis præteruolat & antevortit.

*Tertiara-
tio.*

TERTIARATIO. Missos nunc facio Geminos , quorum interruptus partus aliquam præbuit latebram Astrologis , consideremus in præsentia quamplurimos prorsus eodem tempore, & in eadem regione , eodemque syderum aspectu & positura, ex diuersis tamē parentibus progeneratos : de istis non potest Astrologus ex observatione syderum , non eadem euenta prænunciare, cum simul concepti & nati fuerint, & sub eadem constellatione. At longè secus esse , quotidiana demonstrat experientia , quam multi enim toto orbe simul & generantur in utero , & in lucem eduntur , quorum deinde maxima est ingeniorum , studiorum , morum, religionis, casuum, denique vitæ ac mortis euentorum dissimilitudo ? Omnium Romanorum qui Cannensi pugna quamplurimi cæsi sunt ab Annibale, idem fuit vitæ exitus & interitus : quis autem existimet, eodem illos omnes stellarum aspectu, posituque fuisse natos? Idem dico de tot milibus Turcarum qui nauali pugna ab hinc octo & decem annos, memorabili ad immortalitatem victoria, à Christiana classe pro-

profligati, & internecone deleti sunt: quorum omnium eandem fuisse rationem ortus, eandemque in generatione eorum viguisse cœli constellationem, stultum est dicere. An quo tempore natus est Homerus, Hippocrates, Aristoteles, & Alexander Magnus, non eodem quoque alios complures natos esse putabimus? at quis, illorum similis adhuc extitit? Phauorinus sic argumentationem hanc contexebat, Quàm multi homines vtriusque sexus, omnium ætatum diuersis stellarum motibus in vitam editi, regionibus sub quibus geniti sunt longè distantibus, omnes tamen isti, aut hiantibus terris, aut labentibus tectis, aut oppidorum expugnationibus, aut eadem in navi fluctu obruti, eodemque genere mortis, eodemque ictu temporis intereant? Quod scilicet nunquam euenerit, si momenta nascendi singulis attributa, suas vnumquodque leges haberent. Quod si quædam in hominum morte atque vita etiam diuersis temporibus editorum, per stellarum pares quosdam postea conuentus, paria nonnulla & consimilia posse dicuntur obtingere; cur non aliquando possint omnia quoque paria vsum venire, vt existant per huiusmodi stellarum concursiones & similitudines, Socrates simul & Antisthenes, & Platonēs multi, gene-

*Phauorin⁹
apud Aulū
Gelliū lib.
14. cap. 1.*

genere, forma, ingenio, moribus, vita omni & morte pari? quod nequaquam, inquit, prorsus fieri potest. Non igitur hac causa Chaldaei probè vti queunt aduersus hominum impares ortus, interitus pares. Hæc Phauoninus.

§. 14. *Pulcherrima disputatio Bardefanis aduersus Astrologos.*

*Quarta
ratio.*

QVARTA Ratio. Bardefanes Syrus in doctrina rerum cælestium excellenter versatus, in eo dialogo, quem rogatu amicorum de Fato & aduersus Chaldaeos cōscripsit, futilissimas esse Astrologorū observationes, & rarò non eminentiores eorum prædictiones, ad hunc ferè modum (vt memorat Eufèbius lib. 6. de Præparatione Euangelica, cap 8.) demonstrabat: Apud Seris lex est prohibens occidere, fornicari, & adorare simulachra: vnde in illa regione nullum templum conspicitur, nulla mulier meretrix, nulla adultera, nemo fur, nemo homicida: nec voluntatem alicuius illorum ardentissima stella Martis in medio cœli constituta ad eandem hominis coëgit; nec Venus Marti coniuncta vt alienam quispiam sollicitaret vxorem potuit efficere. Atqui, singulis etiam apud eos diebus in medium cœli Martem perue-

peruenire necesse est, & in tanta regione singulis horis nasci homines non est negandum. Apud Indos autem & Bactros, multa millia hominum sunt qui Brachmanes appellantur: hi tam traditione Patrum quàm legibus nec simulachra colunt, nec animatum aliquid comedunt, vinum aut cereuisiam nunquam bibunt, ab omni demum malignitate absunt, soli Deo attendentes. At verò, ceteri omnes Indi in eadem ipsa regione adulteriis, cæde, temulentia, simulachriorum cultu inuoluuntur; inueniunturq; ibi nōnulli, immo verò gens quædam Indorum est in eodem climate habitans, qui homines venantes atq; sacrificantes deuorant: nec vlli planetarum quos felices ac bonos appellant, à cæde ac sceleribus istis eos prohibent: nec maligni, Brachmanas pellicere ad malefaciendum potuerunt. Apud Persas lex erat, filias, sorores, matres quoque ipsas in matrimonium ducere, nec in Perside solùm, verum etiam quicumq; Persarum ad alia climata orbis à patria exiuerunt, nefanda hæc diligenter matrimonia celebrarunt; quos, aliæ gentes hoc scelus abominatæ, Magusæos appellant. Suntq; usq; ad hodiernum diem in media Ægypto, Phrygia, Galatiaq; plurimi Magusæi successione patrum, eisdem sceleribus cōtami-

taminati. Nec dicere possumus in terminis
 & domo Saturni, cum Saturno ipso in na-
 tiuitatibus omnium. Marte aspiciente Ve-
 nerem fuisse. Amazones viros non habent
 sed tempore veris fines suos egredientes
 cum vicinis conueniunt. Vnde omnes na-
 turali lege eodem tempore pariunt, mascu-
 lisque interfectis solas feminas alunt, bel-
 licosaque omnes similiter sunt, magnam
 exercitationis bellicae curam gerentes. Stul-
 tum autem est opinari, omnes istiusmodi
 foeminas prorsus iisdem natalitiis astris es-
 se genitas. Fit hoc confirmatius argumen-
 to exemploque Iudaeorum, qui vbicunq;
 terrarum & gentium sint nati aut versen-
 tur, inuiolabili obseruatione & infantes
 suos octauo die circumcidunt, & omnem
 diem sabbathi feriatum festumque reli-
 giosissimè agunt. Non sunt autem Iudaei
 omnes sub eadem constellatione procrea-
 ti, nec eos à patriis legibus & institutis vl-
 la vis & potentia coelestium corporum ab-
 strahere potest. Sed quid dicemus de Chri-
 stianis? qui innumerabiles toto orbe spar-
 si, idem vitae genus atque doctrinae custo-
 diunt, nec à disciplina quam ipsis Christus
 Dominus tradidit, vel promissis vllis, vel
 minis aut suppliciis vel latum vnguem a-
 moueri possunt, an dicturi sunt, Christia-
 nos omnes eodem astro esse natos? Sed
 illud

illud maximum est argumentum, qui ante susceptam Christi disciplinam patrias leges & instituta studiosissime acerrimeq; tenebant, eos postea factos Christianos, illis desertis abiectisq;, longè diuersam vitam agere, diuersos re, & diuersissimam religionē & doctrinā colere. Itaq; nec multas Parthi Christiani ducūt vxores, nec Medicis mortuos obiciūt, nec Indi mortuos suos cremāt, nec Persę cū sororibus aut cum filiabus nefario matrimonio miscentur, nec Ægyptij Apin, aut canem aut hircum, aut felem colunt, sed vbicunq; sunt, eisdem legibus, morib. & institutis viuunt. Quid plura? singulis horis apud omnes gentes homines nascuntur: vbiq; autem leges atque mores propter liberam hominis potestatem præualere videmus. Nec natalitia sydera colentes Seras ad homicidium cōpellunt, aut Brachmanas ad elum carniū; nec Persas à sceleratis nuptiis remouent, nec Medos prohibent vita defunctos canib. exponere; nec Parthos multas ducere vxores. Singulæ namq; gentes, vt volunt & quando volunt, libertate sua vtuntur, legibus, moribusq; obediētes. Hæc genus sunt quæ ex disputatione Barthesanis aduersus Astrologos commemoranda hoc loco censuimus.

Quin-

QUINTA RATIO, Stantelibero
Quintara arbitrio hominis & immortalitate animi
tio. nostri, ars ista nullo modo stare potest: Si
 autem ea stet, illa funditus conuere neces-
 se est, quo intelligere licet qualis istius-
 modi ars existimanda sit, quæ nisi pes-
 fundata & obtrita, sublataque nostro-
 rum animorum libertate atque immorta-
 litate, nihil progredi, nec vlllo modo con-
 sistere queat, Quod autem si animus no-
 ster immortalis & in agendo liber sit diui-
 natio astrologica nulla esse possit, his ar-
 gumentis concluditur. Primò, Astrologi
 profitentur se futuras hominum actiones
 euentuq; ex suæ artis obseruationibus præ-
 sentire & prænuntiare posse, hoc autē fal-
 sum est, futura enim quæ ex libera homi-
 nis voluntate proficisci debent, nullo mo-
 do possunt esse nota Astrologis, nam vel
 cognoscerent futura in se ipsis, quod fieri
 non potest, quippe, quæ futura sunt, non-
 dum per se actu sunt, quod autem non est,
 prout non est, non intelligitur, sed prout
 aliquo modo est, nimirum potestate in suis
 causis. Nec prænosci queunt futura in ipso-
 rum causis quæ tres sunt, Deus, cœlum
 voluntas humana, quæ autē ex Dei pro-
 posito, consilio & absoluta voluntate eue-
 ntura sunt, ea nulli mortalium vel ex cœlo
 vel alia quacunque ratione, nisi cui Deus
 ea vo-

ea voluerit aperire, cognita esse possunt. *Quis enim, inquit Scriptura, cognouit sensum Domini? aut quis consiliarius eius fuit?* & vt scriptum est in 9. capite libri Sapientiae: *Qua in prospectu sunt, inuenimus cum labore: qua autem in calis sunt, quis inuestigabit? sensum autem tuum quis sciet, nisi tu dederis sapientiam, & miseris Spiritum sanctum tuum de altissimis?* Ex cœlo autem, futura quæ pendent ex voluntate hominis non possunt cognosci; tum quia cœlum est causa vniuersalis, quare futuri effectus particulares non nisi vniuersaliter & indeterminatè in cœlo contineri & cognosci possunt: tum etiam quia cœlum est causa corporalis & materialis, quare animus noster qui per se incorporeus & exers materiæ est liberque in agendo, cœli efficientiæ ac operationi directè & necessariò minimè subiacebit. Voluntas porò humana quæ ex proxima causa humanarum actionum, respectu futurorum quæ ex ipsa proficisci debent, per se indifferens & indeterminata est: multa enim acturi sumus, de quibus nihil dum cogitauimus, nedum deliberauimus: quomodo igitur causa indeterminata & indifferens potest definitam certamque futuri effectus cognitionem parere? Confirmatur hoc: exteriores actiones hominis pendent ex interiori-

Rom 11. &
Isa. 40.

terioribus, ex deliberatione dico & electione: non potest igitur futura hominis actio exterior prænosci, nisi cognita sit futura voluntatis electio unde illa proficisci debet: at futura hominis electio non potest alteri homini esse cognita, si enim propositum animi & deliberationem quam quis in præsens habet mente conceptam, nemo alius scire potest, quanto minus scire poterit consilium, propositum, & voluntatem alterius hominis, quæ multos post annos futura est?

15. *Vtrum sit facilius, diuinare quid
facturus sit vir bonus, an vir
improbus.*

Hominē, DEINDE aut consideratur homo ut
ut opera- viuit & operatur secundum rationem, aut
tur secun- secundum sensum & appetitum: si secun-
dum ratio- dum rationem, sic homo non pendet ex
nem non è lo, est enim mens & ratio expers materia
cælo, nec & incorporea nullum autem corpus per
alia ex se agere potest in id quod est incorporeum
causa vlla ratio item libera est, suarumque actio-
prater Deū num domina, & suo arbitratu ac volunta-
per se ac ne te potest ad hoc vel illud agendum se ipsa
cessario pē applicare, nā quāuis vel à cælo, vel ex na-
dere. turali constitutione & temperatione su-
corporis, vel à diabolo, vel aliunde insti-
getur ad malè agendum; potest ea tamen
reni

reniti, & vi sua omnes instinctus, impulsus, & irritamenta extrinsecus ei obiecta, comprimere & irrita facere; quin etiam contra quàm incitatur agere. Hoc manifestum fit vel vnus Socratis exemplo, qui ex naturali corporis affectione & comparatione, & bardus & mulierosus erat; sed eiusmodi vitiosas naturæ propensiones, adeo animi robore & diligentia magnitudine emendauit, vt omnium sui temporis prudentissimus & continentissimus sit habitus. Homo autem viuens secundum sensum & appetitum carnalem, tam variabilem & incertam vitam agit, vt qualis futurus sit, nullo modo prædici queat. Quamobrem Salomon (quod est in 30. capite libri Prouerbiorū) dixit: Alia quædam sibi esse cognitu difficilia; illud autem esse prorsus ignotum qualis sit via adolescentis in adolescentia sua. Est enim *Quàm sit instabilis* ea ætas adeò lubrica ad quodlibet vitium, *vita & a-* adeò mollis & flexibilis in omnes partes, *etiones ho-* adeò vagans & errans per omnia & nulla *minis vi-* re diu perseverans; vt nulla certa ra- *uentis non* tione modoque regi & duci, sed quo- *secundum* nunque impellit cupiditas, illuc incon- *rationem,* sultè & temerè rapi videatur, quo fit, vt *sed secun-* facilius sit diuinare quid acturus sit qui vi- *dum sen-* dit secundum rationem & virtutē, quàm *sum.* quid sit acturus qui rationis virtutū regulā & le-

& lege posthabita, suas duntaxat cupiditates sectatur. Sic etiam facilius est divina-re quid facturus sit Rex qui secundum re-ctam rationem iustasque leges imperat, quàm quid facturus sit Tyrannus, qui omnia pro suo commodo & libidine admi-nistrat. Qua ratione igitur Astrologi cer-ta scientia consequi possunt ea quæ nihil ratum, firmum, fixumque & certum ha-bent?

*Pulchrum
dilemma
aduersus
Astrolo-
gos.*

*Si Astrolo-
gorum pra-
dictiones
vera & cer-
ta essent p-
fecto inuti-
les & odio-
sa essent ho-
minibus.*

Adhæc, aut istud Fatum cœleste & po-tentia syderum potest ab homine impedi-ri ita ut effectus eius non eueniat, aut nul-lo modo impediri potest: Si potest impe-diri & non euenire, ergo sicut effectus est incertus, ita prædictio eius certa esse non potest. Si non potest impediri, ergo nul-lum est liberum arbitrium; & ex eo confi-citur animum nostrum esse materiale, atq; mortale, utpote syderum potestati ne-cessario subiectum. Nec verò si ita res haberet, quicquam prodesse homini-bus prædictiones Astrologorum: quide-ri in iuaret nosse tanto ante futura, si e-nullo modo declinari & caueri possunt quin, ut ego censeo, plus mali quàm boni afferrent nobis, quos necesse esset nō solum praesentibus malis torqueri, sed etiam tam longinqua & ineuitabili eorum ex-pectatione acerbissimè cruciari. Prob-

oc intellexit Seneca, licet non minorem
uam Astrologi syderibus in homines vim
potentiam tribueret: in libro enim de-
mo tertio epistolarum, octogesima no-
a epistola ita scripsit: Venio nunc ad il-
m qui caelestium notitia gloriatur.

*Frigida Saturni quo sese stella re-
ceptet,*

*Quos ignis caeli Cyllenius erret in
orbes.*

Hoc scire, quid proderit? vt sollicitus
n, cum Saturnus & Mars ex contrario
bunt, aut cum Mercurius vespertinum
ciet occasum vidente Saturno. Potius
edicam, vbicunque sunt ista, propitia
e nec posse mutari. Agit illa continuus
do Fatorum, & ineuitabilis cursus. Per
tas vices remeant, effectus rerum om-
am aut mouent sydera, aut norant: sed
e quicquid euenit faciunt, quid immu-
olis rei notitia proficiet? siue signifi-
at, quid refert providere, quod effuge-
non possis? scias ista, nescias, fient. Hac
neca. Sed vide quam argute ac philoso-
cè hanc ipsam sententiam breuissimis
clusit Phauorinus: Aut aduersa, inquit,
entura dicunt, aut prospera. Si dicunt
espera & fallunt, miser fies frustra expe-
ndo. Si aduersa dicunt & mentionur,
er fies frustra timendo. Si vera respon-

*Phauorin⁹
apud Au-
lum Gelli-
um lib. 14.
cap. 1.*

M dent,

dent, eaque sunt non prospera, iam inde ex animo miser fies antequam è Fato fias. Si felicia promittunt, eaq; euentura sunt tum planè duo erunt incommoda; & expectatio te spe suspensum fatigabit, & futurum gaudij fructum spes tibi iam deflorabit. Nullo igitur pacto vtendum est istiusmodi hominibus res futuras praesagientibus. Sic Phauorinus

16. *Quàm sit vana ac futilis praedictio Astrologorum de aliquo, quod futurus summus Pontifex.*

VERVM, illud maximè arguit praedictionum astrologicarum vanitatem: et nimis audent etiam Astrologi praedicere, promittere, aliquem futurum verbi gratia summum Pontificem; atqui prouectio licuius ad summum Pontificatum, non ipsius vel alterius vnius hominis voluntate aut potestate pender, sed ex voluntate atque suffragiis plurimorum Cardinalium quorum munus est creare summum Pontificem. Quapropter vt certò praenunciari possit, Petrum, verbi causa, fore Papam non satis est nosse compositionem astrorum quæ in cælo fuit nascente Petro, simul etiam opus esset, Astrologo per

atos & cognitos esse omnes syderum po-
 situs & constellationes, sub quibus nati
 sunt quorumque voluntatum & suffra-
 giorum concensus ad creandum illum Pa-
 tram futurus est necessarius. Quare, si ve-
 rum est quod narrat in Augusto Sueto-
 rius, Nigidium Figulum in eiusmodi a-
 strologia nobilissimum apud Romanos,
 accepta hora partus Augusti, obseruat
 que natalitii eius astris, exclamasse, Do-
 minum orbis esse natum, profecto existi-
 mandum est id eum nec scienter, nec cer-
 taliqua ratione, sed temerè ac fortuitò
 dixisse, & casu factum esse ut ita contige-
 rit sicut ille prædixerat. Promotio namq;
 Augusti per multos honorum gradus ad
 principatum usque principatum & Monar-
 chiam, ex multorum hominum studio,
 sollicitudine, & opera pendeat ut ad tantum Au-
 gusti dominatum & imperium certò præ-
 sciendum atque prænunciandum, solius
 Augusti generationis & ortus consideratio
 sufficiens esse nequaquam potuerit, neque e-
 nim natalitia Augusti sydera vim ullam ha-
 bere potuerunt in eos, qui fuere Augusti
 suffragatores adiutoresque ad consequen-
 dum principatum, scilicet multi eorum
 ante compluribus annis, vel ante vel post

Augustum nati fue-

rant.

M 2

17. Nul

*Inanis præ-
 dictio Ni-
 gidii Figu-
 li de futu-
 ro Augusti
 dominatu.*

17. Nullam posse esse scientiam vel artem istius Astrologiæ.

SEXTA RATIO. Omnis Scientia, & ars versatur in ijs rebus quæ aut semper, aut certe frequenter ita contingunt vt ab eo docentur : quæ autem extra hæc sunt & rarissimè accidunt, ea quia nihil habent fixum & certum, propterea nullam possunt scientiam vel artem efficere. Cum igitur prædictiones Astrologorum sæpe sint falsæ, nec nisi per quam rationem veridicæ sint, satis liquet eas non ex arte aliqua & certis observationibus proficisci, sed inscienter & inconsultè ac temere ab illis effutiri. Quamobrem Phauorinus identidem commonebat, vt cauerent homines ne quæ ipsius Chaldæi ad faciendam fidem irreperirent, quòd viderentur quædam interdum vera effutire aut spargere. Non enim comprehensa, aiebat, neque definita, neque percepta dicunt, sed lubrica atque ambigua coniectatione nitentes, inter falsam atque veram pedetentim quasi per tenebras ingredientiæ eunt : & aut multa tentando incidunt repentè imprudentes in veritatem, aut ipsorum qui eos consulunt, multa credulitate ducente perueniunt callide ad ea quæ vera sunt : & idcirco videntur in præteritis rebus quàm futuris, veritate

Sexta ratio

Ars & scientia in his versantur quæ semper aut plurimum eveniunt quæ aliis non est Astromantia.

Phauorinus apud Aulum Gellium li 4. ca. 1.

facilius imitari. Ista tamen omnia quæ aut
temerè aut astutè vera dicunt, præ cæte-
ris, inquit, quæ mentiuntur, pars ea non
si. millefima. Hæc Phauorinus apud Gel- *M. Tulli*⁹.
lium. Sed audi quid in eandem sententiam
libro secundo de Divinatione scriptum sit
apud Ciceronem. Quid plura, inquit? quo
die refelluntur Chaldæi, quàm multa e-
go Pompeio, quàm multa Crasso, quàm
multa huic ipsi Cæsari à Chaldæis dicta
nemi, neminem eorum nisi senectute,
nisi domini, nisi cū claritate esse moriturū:
mihi per mirum videatur, quenquam
tate qui etiam nunc credat his quorum
dicta quotidie videat re & eventis re-
li. Seneca in eo libello cui⁹ inscriptio est:
udus in mortem Claudij Cæsaris, initio
roducit Mercurium apud Parcas mor- *Seneca*
m; Claudij procurantem; & ut obiter
aldæorum illudat vanitati, inter alias
ones quibus conatur Mercurius Parcas
ducere ad necem Claudij, hanc affert,
ories videlicet miseri Chaldæi mentiā-
br: Patere inquit, Mathematicos aliquā-
verum dicere, qui illum postquam prin-
erit factus est, omnibus annis, omnibus
mibus efferunt. Prædicebant enim illi
hematici Claudium singulis annis &
entibus moriturum: quod etiam nostri
atque poris Astrologis contingit, à quibus
fa

Ambrosi⁹. mortes summorum Pontificum in singulos atque adeò menses prænuntiari audimus, & ridemus, Beatus Ambrosius libro quarto, in Hexameron, cap. 7. Cum, inquit, ante dies paucos esset sermo de pluvia, quæ fore utilis diceretur, ait quidam. Ecce Neomenia dabit eam, & quam cupidi essemus imbrium, tamen eiusmodi assertiones veras esse nolebam. Denique delectatus sum quod nullus imber effusus est, donec precibus Ecclesiæ datus manifestaret non de initiis Lunæ sperandum se, sed de providentia & misericordia Creatoris; quo exemplo & vanitas astrologiæ confutata est, & efficacia Christianæ pietatis usque religiosarum precum re comprobata.

18. *Vanitas & falsitas multarum prædictionum Astrologicarum.*

Albumazar.

ALBUMAZAR princeps huiusce perstitionis astrologicæ, ex observationibus & præceptis huius artis, prædixit Christianam legem duraturam non plus annorum mille quadringentos sexaginta, sed brevius habet, quod post id temporis, exacti anni centum viginti octo falsam esse

*Abraam
Iudæus.*

prædictionem apertè demonstrant. Abraam Iudæus prænunciauit ex observatione astro-

astrologicis, expectatum à Iudeis Messiam
venturum anno post Domini nostri ortum
millesimo quadringentesimo sexagesimo
quarto; quod nimirum tum futura esset
eadem astrorum compositio, quæ fuerat
olim cum Moses ex Ægypto populū He-
braeorum eduxit: cuius prædictionis va-
ritatem dies ipsa redarhuit. Petrus de A- *Petrus de*
Aliaco scriptum reliquit, quo anno genera- *Aliaco.*
le Concilium celebratum est Constantiæ
ad tollendum schisma quod multos an-
nos affligerat Ecclesiam, prædixisse Astro-
logos eius temporis nullam fore in Eccle-
sia pacem & concordiam sed habitu cœli
& conformatione astrorum præsignificari
maximas fore dissensiones ingenti cum
religionis Christianæ detrimēto & exitio.
Atqui, per illud Concilium Constantien-
se, diuturnum illud & perniciosum schis-
ma eo anno extinctum est, pace ac tran-
quillitate Ecclesiæ reddita, qui euērus pla-
nè contrarius prædictionibus Astrologo-
rum, sanè multum mouere debuerat Pe-
trum Aliacensem, ut is nullam deinceps
Astrologiæ fidem haberet: præsertim
quod, cum ipsemet vel suis deceptus obser-
uationibus, vel alienis occupatus & cir-
cumuentus opinionibus, veritus fuerit ne
illud tam graue & odiosum schisma breui
Antichristum mundo pateret.

19. *Errores Astrologorum in Chronologia.**Albumazar.*

ALBUMAZAR istorum Astrologorum coryphæus, nescio quas Saturni revolutiones dilaudat: affirmat enim, quoties Saturnus denas sui orbis conuersione perfecit, hoc est, expletis annis trecentis semper magnas quasdam res & admodum insignes euenire. Post Alexandrum enim inquit, annis trecentis apparuit Arelas filius Bel qui Persas contriuit: & proximo post transactis aliis trecentis annis apparuit Iesus magister & dux Christianorum.

Aliquot errata circa Chronologiam Albumazaris.

O turpem *ὀντισυψησία*, O incredibile rerum inscitiam, nam nec tunc fuit iste filius Bel qui Persas fregerit & afflixerit, & Christus Dominus noster non sexcentis annis post Alexandrum ut iste mentitur sed trecentis duntaxat & viginti annis post Alexandri mortem natus est. Quanquam quis miretur in hoc lapsum Albumazarum, cum tam insigniter errauerit in Ptolomæo Mathematico, quem facit vnum de Ptolomæis Ægypti regibus qui post Alexandrum Magnum Ægyptiis imperauit cum in confesso sit, nec Ptolomæum Mathematicum fuisse regem, & cum Hadriano Imperatore floruisse, nouissimo Ptolomæorum Ægypti regum plus centum

sex

sexaginta annis posteriorem. Iactant item Astrologi, nullam fuisse apud homines vilo tēpore mutationem legum, nullus Prophetæ nobilis aduentū, nullam nouæ religionis introductionem, nullam magnorū regnorum conuersionem, deniq; nullū insignem & memorabilem casum aut euentum, quin magna aliqua coniunctio syderum, præcipuè verò Saturni & Iouis præceserit. Hæc, inquiunt, constellatio nascentē orbem initiauit: illa præparauit diluuium: alia Abraam vel Mosē genuit: illa Iesu aduentum prænuntianit: alia Mahumeti legem antecessit, quæ quàm sint futilia, commentitia & erroris plena, vel vno hoc argumento constare potest.

Petrus Aliacensis istiusmodi figmentis stultissimè credens ac vanissimè gaudens, in lib. suo de Concordia historiæ & astrologiæ, ad id quod ex sensu Astrologorum proximè docuimus probandum, hoc quasi fundamentum supponit: Ab initio mundi vsque ad diluuium fluxisse annos bis mille ducentos quadraginta duos: à diluuiio autem ad CHRISTI DOMINI aduentum & ortum, ter mille centum & duos annos hoc posito, probare nititur quicquid in orbe terrarum valde memorandum & insigne quocunque tempore acciderit, eodem tempore magnam aliquam

Quā multa peccauerit contra veram Chronographiam. Petrus Aliacensis in suis rationibus Astrologicis.

constellationem in cœlo apparuisse. At enimuero, cum perspicuè falsa sit computatio annorum qua velut fundamento illorum ratio & doctrina fulcitur, nonne cōsequens est quæ ducuntur & pendent ex illa computatione esse falsa? Etenim ab Adamo ad diluuium, non plus mille sexcentos quinquaginta sex annos præterisse constat ex sacris literis; pauciores nempe quàm illi numerant, annis probè sexcentis: quo fit vt constellationem, quam aiunt isti fuisse in exordio mundi, sexcentis annis mundum præcessisse necesse sit. Deinde tempus quod inter diluuium interfuit & Christi Domini aduentum, ne numerum quidem bis mille quadringentorum annorum impleuit. Ex quo efficitur vt coniectio astrorum quam aiunt ducentis annis antegressam diluuium, non nisi sexcentis octoginta quatuor annis post diluuium potuerit existere. Præterea, dicunt quartam coniunctionem maximam fuisse annis nongentis quadraginta duobus post diluuium, sexdecim nimirum annis ante natum Abraam: quem tamen liquet ex sacra Chronologia, ducentis nonaginta duobus annis natum esse post diluuium, quare necesse est, quartam illam coniunctionem sexcentis triginta annis post Abraz ortum contigisse. A hæc, no-

tariunt

tarunt illi sextam coniunctionē magnam ducentos viginti quinque annos fuisse ante Christum, nimirum falso: nituntur enim supradicta computatione annorum à diluvio ad Christi aduentum, quam nos mendosam esse ostendimus, quin, si veram sequamur Chronologiam, necesse esset sextam illam coniunctionem sexcentis fermè annis post Christi Domini ortū contigisse. Postremò, quàm fuerit Petrus Aliacensis veræ Christianæ Chronographiæ rudis & prorsus expers, vel hoc vno indicio manifestum esse potest: affirmat anno ab ortu Christi septingentesimo, ad quod tempus septimam coniunctionem magnam refert, natam esse in Ecclesia pestem Hæreticorū, maximè verò eam quæ fuit Arrianorum, quorum tamen hæresis circa annum Domini trecesimum exorta, ante sexcentimum extincta est, Quis igitur tam multas istorum prædictiones nixas mendacissimis Chronologiis, inanes & mendaces esse dubitet?

• Sed quid ego falsarum prædictionum exempla colligo, quorum plena est & historia omnium temporum, & referta vita communis? Equidem reor, quàm difficile est prædictiones aliquas Astrologorum de futuris rerum humanarum euentis, etiā casu ac fortuito, veras inuenire; tam facile

reperiri posse innumera eorum prædicta
 perspicue falsa, & rebus ipsis euentisque
Lepidū Ca confutata. Scitè dixit Cato mirari se quod
tonis dictū non rideret Aruspex, Aruspicem cum vi-
ut refert disset: quota enim quæq; res euenit præ-
Cic. lib. 2. dicta ab his? aut si euenit quippiam, quid
de Diuina afferri potest cur non casu id euenerit?
tionē in A Quod de Aruspici. bus Cato dixit, id pro-
*stroligos*fectò per quam bellè quadrat in Astrolo-
*belle com-*gos: ut nimirum videri debeat, cum men-
petens. daci homini ne verumquidem dicenti cre-
 dere soleamus, quo modo illis, si vel vnum
 eorum prædictum verum euasit, simplici-
 ter credamus; & non ex multis potius fal-
 sis vni fidem derogemus, quàm ex vno
 quod casu verum euenit velimus innume-
 rabilia falsa confirmare. Verùm dicet ali-
 quis, Astrologos nonnunquam esse veridi-
 cos, & ea prædicere quæ rei confirmet eue-
 tus, prædicunt sanè; sed inconsultè, insci-
 enter, temerè, quis enim est qui totā diem
 iaculans, non aliquando collimet? Vens-
 simè dici potest de Astrologis, quod olim
 dixit quidam de oraculis Apollinis; quæ
 vera fuissent memoria teneri & prædicari,
 quæ autem falsa, neminem recordari, aut
 taceri ab omnibus, nam qui veritatem il-
 lorum oraculorum defendebant, pauca
 quædam vera crebro sermone vsurpabant,
 pleraq; falsa silentio premebant, qui autē
 omnia

Notet hoc
Lector.

omnia contemnebant, nec vera nec falsa curabant. Sed causas cur prædicta Chaldeorum sæpè vera esse videantur, extrema hac disputatione aperiemus.

20. *Astromãtia omni tēpore à viris sapientibus, & prudentibus esse contemptam & damnatam.*

Septima ratio. Si hæc diuinatrix astro- *Septima*
logia vera esset & certa, siue dubitatione *ratio.*
vlla pars esset philosophiæ omnium nobilissima & hominibus optatissima atq; honoratissima: tum propter materiæ quam tractat, cælum dico & sidera, dignitatem atque præstantiam: tum propter futurarum rerum, potissimè autem vitæ hominum & mortis casuum & euentorum prænotionem, quas res noscendi avidissimi sunt & curiosissimi mortales, at cum ea doctrina omni tempore à præstantissimis quibusque Philosophis, quinetiam Astrologis contempta, denisa & damnata fuerit, maximum profecto argumentum est, eam futilem & inanem, & ab omni ratione, fide ac probabilitate vacuum ab illis esse iudicatam. Xenophon in libro de dictis Socratis, *Xenophon.*
quod etiam refert Eusebius lib. 14. de præ- *Socrates.*
paratione evangelica, capite. 4. tradit So-

Pythagoras.

Democritus.

Plato.

Aristoteles.

cratem dicere solitum, cognitionem futurarum rerum quæ in potestate Dei sunt non esse hominibus eas res cognoscere, nec Deo gratum esse si quæ ille occultavit, ea mortales velint nimis studiosè curiosoque rimari. Pythagoras, Democritus & Plato longissimis peregrinationibus susceptis, Persarum magos, sapientes Chaldaeorum, Ægyptiorumq; sacerdotes adierunt, à quibus occultiora quædam vel ad disciplinas mathematicas, vel ad religionem cultumque deorum pertinentia cognouerunt, diuinitatricem autem astrologiam, vel discere ab illis neglexerunt, vel si eam quoque didicerunt, certè nunquā eos esse ipsos, ex eorū scriptis manifestè perspicitur.

Aristoteles, qui vir & quantus? quàm solers, quam subtilis & copiosus in doctrina rerum cœlestium? quam cum aliquot libris diligenter explicuerit, nusquam tamen de istiusmodi Astrologia verbum vllum fecit. Cum autem in libris Meteororum, & de Partibus atque Generatione animalium, præsertim autem in libro Problematum, multarum rerum obscurarum & admirabilium causas perquirat, ad nullius quæstionis enodationem vel admirandi cuiusquam effectus explicationem, istius astrologiæ opera & præsidio est usus. Quin, multa sunt eius scriptis quæ istam

Sententia Aristotelis, qua Aristoteles.

Astro-

Astrologorum doctrinam omnino conuel-
lant; veluti est illud, Futurorum contin- *tiam è me*
gentium non esse certam & definitam *dio tollūt.*
veritatem: Quæ per accidens, quæque ra-
rò vel ad vtrumlibet contingunt, non pos-
se scientia comprehendì: Versari in rebus
humanis casum & fortunam quæ fugiant
certam hominis intelligentiam: Particu-
larium & corruptibilem effectuum cau-
sas proximas & proprias esse particulares
atque corruptibiles, ob idque ad perfe-
ctam eorum cognitionem non satis esse
cœlestes & vniuersales causas contempla-
ri: Cœlum non aliter agere in ea quæ sunt
infra lunam, nisi per motum & lumen.
Nec vsquam ferè indicauit Aristoteles
præter solem & lunam, vim & efficientiam
aliorum syderum, illud quoque docuit de-
cretis Astrologorum valde contrarium,
cœlestia signa etiam corporeorum & sen-
sibilium effectuum, per alias causas aueriri
& impediri posse.

Cicero libro 2. de Diuinatione, laudat
Eudoxum ætate Platonis & Aristotelis *Eudoxus,*
principem Astrologorum: item Panaxiū *Panaxius*
Stoicum, Archelaum etiam & Cassan- *Auicenna*
drum, ac Scylacem Halicarnasseum, A-
strologorū sui temporis nobilissimo, qui
totam hanc rationē Astrologiæ repudia-
rūt. Auicenna qui post Hippocratē & Gale-
num

num principatum medicinæ obtinet, libro ultimo primæ Philosophiæ negat Astrologis esse credendum in diuinatione futurorum, quia ipsi nec puncta cælestia teneant neque naturas rerum inferiorum planè necessarias ad faciendum iudicium de rebus futuris, perspectas habeant, neque nitantur demonstrationibus sed probationibus

Ptolomæus oratoris & poeticis Ptolomæus, quem isti huius artis principem & ducem sequi se dicunt, in lib. I. de Iudiciis, cap. 2. Non est, inquit putandum, omnia à supernis causis directò deriuari necessitate quadam inuolabili, vt nulla alia vis quin ita operentur, obistere valeat. Idem tractatu suo quem vulgo appellant Centiloquium, hoc est, Centum sententiarum, prima eius sententia sic habet. Soli numine diuino afflati prædicunt futura particularia. Quinta verò sententia huiusmodi est. Po est is qui sciens est, multos stellarum effectus auertere quando naturam earum nouerit, ac se ipsum ante illorum euentum ritè præparauit, vnde manuit illa multorum sermonibus trita sententia, Sapiens dominabitur astris. *Porphyrus* in libro de Oraculis confessus est, exquisitam rerum futurarum scientiam ex inspectione syderum, non mortalibus modò, sed multis etiam deorum esse incomprehensibilem. Idem in vi-

ta Plotini scribit, eum cum in ista astrologia satis multum temporis, studii & operæ posuisset, deprehendisse tandem, Astrologorum iudiciis & diuinationi futurarum rerum non esse credendum, eamque diuinationem tum sermonibus tum scriptis cōfutauisse, quod manifestum est cuius legenti eius libros de Fato & de Prouidentia maximè verò eum, qui inscriptus est, An stellæ aliquid agent.

Plotinus.

21. *Cui generi hominum pradictiones Astrologorum arrideant & probentur, quas S. Ambrosius comparat telis araneorum.*

Si hæc porrò Astrologia vera esset & certa, plurimum sanè adiuventi afferret, pro diuinatione futurorum, ad bene regendam & administrandam rempublicam, ob eamque causam magno in honore & gloria fuissent Astrologi apud Reges & rerum publicarum principes: at contra prorsus euenit, nam seuerissimis multorum Principum decretis & edictis explosam & damnatam & grauissimis suppliciis addictam eam artem inuenimus. Quoties Astrologi seu Chaldaei Roma eiectioni sunt principe Tiberio, Vitellio, Diocletiano, Constantino, Theodosio,

Professores diuinandi futura ex astris, publicis multorum principum decretis esse ciuitatibus eiectiones.

fio, Valentiniano, præsertim autem Iustini-
 niano, quibus huius artis studium & exer-
 citatio, non solum ut inanis & veritatis ex-
 pers iudicata est, sed etiam ut ciuitatibus
 & societati hominum noxia & pestilens,
 semper visa est detestabilis? Sed quid atti-
 net in re manifesta, quæ turbam testium
 non desiderat, longiorem orationem po-
 nere? Audeo dicere, post hominum me-
 moriam vix fuisse quenquam villo tempo-
 re vel magnitudine ingenij, vel præstantia
 doctrinæ, vel prudentiæ ciuilibus excellentia,
 vel eximia morum integritate, vel deni-
 que insigni aliquo nobilem ac memora-
 bilem virum, qui natalitia Chaldæorum
 prædicta non quasi meras nugas & quis-
 quillas flocci fecerit, penitusque contem-
 pserit. Vulgus modo stolidum, ad intel-
 ligendum hebes, infirmum ad iudican-
 dum, facile credulum, & noua mira-
 que audiendi & noscendi curiosum, istis nuga-
 toribus & aures & fidem libenter adhibet.
 Gaudent etiam hisce commentis leuissi-
 ma quædam ingenia lucri magis quàm ve-
 ritatis cupida, in republica literarum tur-
 bulenta ac seditiosa, & sapientiæ optima-
 tibus semper infensa, rerumque vtilium &
 aliis notarum fastidiosa, nouarum autem
 & ignotarum, atque adeo etiam incom-
 prehensibilium auidissima: denique qui-
 bus

*Cui generi
 hominum
 prædictio-
 nes Astro-
 logorum ar-
 rideant &
 probentur.*

bus non tam cordi & curæ est vera nosse
quàm videri vulgo ea ipsa scire quæ sum-
mi philosophiæ antistites nescire se confi-
tentur.

Hanc rationem egregio Sa. Ambrosij
dicto concludam. Ita scribit Ambrosius
libro 4. in Hexameron, cap. 4. Sapientia
Chaldæorum telæ aranæ comparatur, in
quam si culex aut musca inciderit, exuere
se non potest: si verò validiorum animan-
tium vllum genus incurrisse visum est, per-
transiit, & casses rupit, infirmos atque
inanes laqueos dissipavit. Talia sunt retia
Chaldæorum, ut in his infirmi hæreant,
validiores sensu, offensionem habere non
possint. Itaque vos qui validiores estis, cū
videritis Mathematicos, dicite: Telam a-
ranei texunt quæ nec vsum aliquem po-
test habere, nec vincula, si tu non quasi
culex aut musca lapsu tuæ infirmitatis in-
curras, sed quasi passer aut columba casses
invalidos præpetis volatus celeritate dis-
solvas.

22. Disputatur contra tria fundamē- ta Astrologiæ Iudicariæ.

OCTAVA Ratio, Fundamenta & firma-
menta huius artis, aut nulla sunt aut certa
infirm-

*S Ambro-
sij prædi-
ctiones A-
strologorū.
comparat
telæ ara-
neæ.
OCTAVA R-
tio.*

infirmissima & fragilissima : hæc igitur ars nulla ratione firma & stabili utitur ad divinandum , quamobrem nullam quoque apud homines auctoritatē, fidem, ac probabilitatem habere debet. Primum fundamentum istius doctrinæ est, astra habere qualitates omnes elementorum, partim enim esse frigida , partim humida & sicca, si non formaliter saltem virtualiter, hoc est si non actu saltem effectu , si non in se habendo eas qualitates, certe habendo facultates earum qualitatum effectrices : Saturnum aiunt esse frigidum, Martem siccum, Lunam humidam. Verum hoc , & ratio confutat & experientia. Ratio quidem, quoniam sicut astra omnia sunt lucida & ex se lucem fundunt, ita quoque calida esse omnia & calefacere necesse est: lux enim non sicut omnis per se calefacit , ita frigidificare aut per se humectare vel exsiccare potest. Stemus decretis Astrologorum aientium, ut Lunam, itidem cætera sidera luce à sole mutata fulgere. Si igitur omnium astrorum una est eademque lucis origo & ratio, qui potest esse tam multiplex , dissimilis atque discrepans ratio & potestas agendi? Experientia item hoc ipsum redarguit: in plenilunio enim , cum est lumen Lunæ plenissimum, noctes quoque Aristotele & experientia teste , calidiores existunt.

Sed

Aristoteles.

Sed Astrologi præter lucem, alias in cælo & syderibus vires atque facultates, & à luce & inter se multum diuersas, mirandorumque operum causas, quas influentias appellant, commenti sunt. Nouitium sanè inuentum, nulli veterum vel Philosophorum vel Astrologorum vnquam probatum: ac si licet ex eorum scriptis coniecturam facere, ne notū quidem illis. Postquam verò à recentioribus Astrologis influentiæ inuentæ, & palam probatæ, ab aliis quoque doceri & defendi cœptæ sunt, quis ex Lycæo paulò grauior & probatior Philosophus non eas repudiauit atque dānauit? Festiuè quidam Asylum ignorantix eas appellauit: at influētias enim quasi ad vnicū perfugiū sese recipiunt, & hanc se in latebram coniiciunt, quicunq; mirabilium effectuum proprias & naturales causas, vulgaribus ingeniis nec in Philosophia exercitatis occultas, solerter inuestigare ac reperire non possunt. Et verò si admittitur influentiæ, vix dici potest quanto perè debilitetur robur Philosophiæ, detrazatur eius dignitas, auctoritas eleuetur, minuatur existimatio, denique studium eius apud homines cultusque languescat. Quid enim attinet in occultis rerum causis perquirendis & erudiendis præclara ingenia Philosophorum tanto studio & co-

*Non esse
ponēdas in
cælo influ-
entias.*

natu

natu laborare, cum in procliu sit, cuiuslibet effectus ex cælestibus influentiis rationem petere & asserere? quis enim effectus est, cuius naturalis & vera causa paulò obscurior & abstrusior est, quem non per istiusmodi influentias nullone negotio ceat explicare? Cur magnes ferum ad se rapit? confestim respondebitur, quia propria eius influentia cælestis eam illi virtutem indidit. Vnde Remora tantulus piscis vim habet sistendi incitatissimum nauigium? in promptu est responsio, nimirum à cælesti quadam influentia, quæ tanta pisciculum illū vi ac potestate roborauit. Quid moror? nullum erit problema, nihil in natura rerum adeò reconditum & ab intelligentia nostra remotum, denique nihil de his quorum peruestigatio summorum Philosophorum ingenia fatigauit & torfit, quod non quouis è circulo Astrologorum & indoctorum hominum vno verbo, scilicet per istas influentias expedire queat.

Argumentatio contra influentias.

Verum labor equidem longius: reuertar igitur ad propositum. Si Saturnus quia lucidus est per lucem calefacit, quomodo idem per influentiam frigefacit? nonne absurdum est in eodem astro duas esse facultates, vnā calefaciendi, alteram frigefaciendi, non diuersas modò sed etiam aduersas & contrarias? cernimus ita esse natu-

natura comparatum, ut omnibus in rebus in quibus duæ insunt differentiaë vel proprietates (ut more philosophico loquar) vna generalis & quæ vni rei communis est cum aliis multis, altera specialis & propria eius rei (cuiusmodi sunt in homine sentientem esse & rationalē) ut semper differentia & proprietas specialis, nobilior & perfectior sit generali, ut quæ illam contrahit & determinat, nouæ perfectionis gratum & rationem ipsi adiungens: sicut patet in prædicto exemplo hominis, in quo rationale nobilius est quàm sentiens. At contra omninò se habet res in hac mirabili Astrologorum doctrina. Etenim docent ipsi, in Saturno, exempli causa, duas esse proprietates seu facultates agendi, vnā generalem & communem ei cum omnibus astris quæ est vis illuminandi & per illuminationem calefaciendi: alteram specialem & propriam Saturni, quæ ratione differt ab aliis astris, quæ est facultas frigefaciendi, vel aliqua alia vis alicuius influentiæ. Certum autem est, lucem cœlestem multo nobiliorem esse quacunque alia qualitate cœlesti, & facultatem calefaciendi præstantiorem esse facultate refrigerandi. Præterea, duas esse in te quapiam facultates & proprietates ei rei naturales, quarum altera, ut diximus, sit

gene.

generalis, altera particularis, inter se con-
 trarias, quales sunt in Saturno secundum
 istos potestas calēfaciendi per lucem & re-
 frigerandi per influentiam, nec fert natura
 rerum, & id fieri non posse ratio ipsa decer-
 nit. Nam vt in corpore multiformi & quod
 Græci vocant Heterogeneum, secundum
 diuersas partes inesse queāt contrarię qua-
 litates & facultates, quemadmodum con-
 tingit corpori humano in cerebro & in cor-
 de, id tamen conuenire non potest in a-
 strum Saturni quod est secundum omnes
 partes vnius formæ ac naturæ: neq; enim
 vna pars eius habet lucem, altera verò in-
 fluentiam, sed vt totum est prædictum luce,
 ita conuenit in eo toto esse influentiam.
 Ne multa (non enim consentaneum est a-
 lieno loco de Influentis aduersus Astro-
 logos subtiliter disputare) satis argumen-
 ti est ad tollendas influētias omnium quæ
 in natura rerum efficiuntur, tamen si noua
 singularia, & mirabilia videantur, veras
 naturales & proprias causas, atque ratio-
 nes ex duobus principiis cælestibus quæ
 omnibus sunt conspicua & experimentis
 quotidianis explorata, motum dico & lu-
 cem, plenè cumulate quæ ac probabilissimè
 peti & duci posse. Figuras porro & effigies
 stellarum quas designant Astrologi in Zo-
 diaco, similitudinem reddentes quorun-
 dam

dam animalium vel hominum, magnam vim habere in ortu cuiusque censent Astrologi cum tamen per se ac natura sua non sint tales, sed sola eorum imaginatione constant, ab ipsis eo modo confictæ & figuratæ: possent enim fingi etiam ad similitudinem aliorum animalium, domuum, turrium, mensarum aliarumque rerum, quare valde frivolum & ridiculum, in eiusmodi figuris quicquam momenti ad divinandum esse positum existimare.

23. *Vtrum astra natalitia cuiusquam possint esse certæ causæ omnium quæ ei euentura sunt.*

SECUNDUM fundamentum Astrologorum est, natalitia cuiusque astra esse observanda: ex his enim omnes vitæ casus & euentus prævideri & prænotari posse. Sed quis non videt fundamentum hoc esse infirmissimum? cur enim Astrologi non potius observent tempus, & cæli atque syderum statum quo quisque in utero conceptus, formatus & animatus est? cum in eo solus momenti esse videatur ad divinandum: quippe tunc primum existit homo, & tunc primum vis cœlestis in homine recipitur & imprimitur: Etenim, ante ortum per novem menses quisque fuit in utero, po-

*Alterum
Astroman-
tia funda-
mentum.
Quæ ina-
ne sit, na-
talitia cu-
iusque ho-
minis astra
observare
ad divinā-
dum.*

potestati & actioni cœlorum subiectus. Cur item non considerant Astrologi alias constellationes & defluxus cœlestes qui contingunt homini sæpius post ortum? Cum plerunque vsu veniat, vt illæ virtutes cœlestes insigniores sint effectu, & valentiores ad immutandum hominē, quàm quæ tempore ortus eius fuerunt: effectum enim illum & defluxum astrorum nascenti homini impressum, necesse est variari commutata sæpius humani corporis temperatione, vel ob alias potentes constellationes, vel ob educationem, vel ob variam viuendi consuetudinem & rationem, vel ob leges patrias ad quarum nor-

An aliquid primigenia materia hominis maneat per totam vitam. mam cogitur quisque vitam, mores, studia, & actiones confirmare. Quid quod fortasse nihil illius materiæ primigeniæ quam quisque in ortu habuit, reliquum sit in extrema ætate? hoc enim visum est & multis & magnis Philosophis: nec S. Thomas in 1. par. quæstione vltima art.

S. Thomas 1. abnuere videtur. Quo concesso, vis illius primi defluxus & effectus cœlestis in ortu hominis ei indita & impressa, necessariò tandem euanesceat tota, nisi fingat quispiam eiusmodi virtutem cœlestem migrare ex subiecto in subiectum, tanquam ex domo in domum mutando domicilia: aut cum præsentit interitum suum, aliam

pro

pro se sui similem & quasi vicariam virtutem substituere.

24. *Vtrum sit plus momenti in conceptu hominis, quàm in eius ortu, ad diuinandum.*

PLV S autem esse ponderis, aut certe non minus, in conceptu hominis quàm in ortu, magister istorum Ptolemæus loquens testis est. Is enim in tertio Apotelesmatum ita scribit: Cum principiū temporale hominis aliquod statuatur, quidem natura & per se illud erit principium, cum semen vtero genitali admittitur; potentia verò & secundum accidens cum hora partus infans egreditur. Qui igitur horam admitti seminis vel casu vel observatione deprehendit, illam sequi potius debet in proprietatibus corporis & animi dignoscendis, cōsiderando quæ sint eo tempore stellarum configurationes, cum enim semel à principio semen ex ambientis aëris affectione, certa qualitate disponitur, licet per consequentis conformationis tempora varietur, quoniam tamen propriam cognatamque materiam naturaliter sibi asciscit, magis etiam primæ suæ qualitatis dispositioni assimilabitur. Hæc inibi Ptolemæus. Quibus verbis non obscure do-

Ptolemæus.

cer, primum & naturale atque efficacissimum hominis principiū, esse seminis admissionem hominisque conceptum; atque huic principio potissimè insistendum & inhaerendum esse ad prænoscendas hominū affectiones & euentus, tam qui ad corpus quàm qui ad animam pertinent. Sed quia benè nouerat Ptolemæus, punctum illud temporis vel admissi seminis, vel conceptus, vix cognosci posse ab Astrologis, ne illorum iudicia & diuinationes quas ipsi ducunt ex ortu hominis infirmare videretur, mox subiecit, Qui autem horam ignorant principij seminalis, eos necesse est sequi principium natiuitatis. Haly nobilis Astrologus in eo libro quem scripsit de Electionibus, ingenuè fatetur, efficaciam decernendi Fatum hominis esse in hora conceptionis: sed quia hæc nescitur ab Astrologis propterea eos ad horam natiuitatis confugisse. Quin cum Astrologi premuntur argumento Geminorum, quorum idem sit ortus, dispar tamen euentus & exitus est, respondere solent diuersitatem euentuum qui sunt in Geminis, ex diuersitate conceptus eorum esse profectam.

Haly.

25. *De vanitate Astrologorum diuinationem suam extendentium etiā ad ciuitates , non solum ad homines.*

SE D vide quousque progressa sit istorum audacia & impudentia : etiam vrbiū, non hominum modò , facta profitentur hac arte posse prænosci & prænunciari : obseruata enim astrorum compositione quæ fuit cum vrbes conderentur, posse earum casus euentusque omnes prospici ac prænolari. Fecit hoc in vrbe Roma rogatu Varronis, quidam Tarutius Mathematicus vt in Romulo tradit Plutarchus : quā historiam libro 2. de Diuinatione his verbis Cicero enarrat, Quidam L. Tarutius Firmanus familiaris noster , in primis Chaldæis rationibus eruditus, vrbis etiam nostræ natalem diem repetebat ab ijs Patribus, quibus eam à Romulo conditam accepimus ; Romanque , cum esset in iugo Luna natam esse dicebat , nec eius fata canere dubitabat. O vim maximam erroris, etiamné Urbis natalis dies ad vim stellarum & Lunæ pertinebat ? fac in puero referre , ex qua affectione cœli primū spiritum duxerit : num hoc in latere aut in cæmento ex quibus Vrbs effecta est, potuit valere ? Ita Cicero.

Tarutius Mathematicus omnium quatuor bi Roma cōtigerūt ad vim astro-rū sub qua ea vrbs à Romulo cōdita est referebat.

26. *Cur observatio astrologica non valeat aequè in stirpibus & animalibus, quàm in hominibus.*

VERVM, quærerem equidem ex istis Astromanticis, num velint eorum divinationem etiam in animantibus & stirpibus valere ut in homine? Si negent, prodent scilicet suam inscitiam; & suæ artis infirmitatem inanitatem atque fallaciam. Cur enim non æqualiter valeat in stirpibus atque in homine? immò cur non plus valeat? stirpes namq; multo magis quàm homo, à cælestium corporum potestate & efficientia naturali necessitate pendent. Et cum minus multa & varia atque incerta stirpibus quàm homini soleant accidere, facilior profectò esse deberet eorum divinatio, quæ stirpibus quàm quæ homini sunt euentura. Sin verò annuunt, similiter in stirpibus ut in hominibus valere astrologicam divinationē; amicè rogarem ipsos ut diligentissimè observarent statum cœli & astrozum eo videlicet tempore, quo vel prunus, vel cerasus, vel pyrus sereretur; aut cum sementis tritici fieret, & ex illa cœli observatione promerent etiam prognostica de illis arboribus, scilicet ut divinarent quantam illæ arbores prunorum, cerasorum, & pyrorum copiam essent latu-

ra: quantum item ex illa tritici semente spicarum, & in singulis spicis quantus granorum numerus esset prouenturus, hæc si negent à se posse prenosci, fateantur etiam necesse est, non posse ab ipsis futuros hominum casus euentusque præuideri.

27. *De antiquitate istius Astrologia apud Aegyptios & Chaldaeos.*

TERTIVM fundamentum eorundū Astrologorum est, artem hanc suam certissimis innumerabilium sæculorum experimentis, & constantissimis obseruationibus esse comprobatam, aiunt enim, hanc disciplinam profectam esse ab Aegyptiis & Babylonijs seu Chaldeis, mortalium omnium antiquissimis, tradit enim Aristoteles in libro 2. de Cœlo, textu 60. & extremo lib. 1. Meteororum. Aegyptios omnium hominum vetustissimos haberi: & in principio operis Metaphysicorum affirmat, Aegyptios omnium hominum vetustissimos mathematica studia tractare & colere cœpisse. Iactabant et olim Astrologi, Chaldaeos quadringenta & septuaginta annorum millia in periclitandis experiendisque pueris quicumque nascerentur, posuisse. Verum adeò in aperto & promptu sunt omnibus isto-

*Tertium
fundamen-
tum Astro-
mantia.*

Aristotel.

rum mendacia, ut à nobis ea vel confutari vel etiam indicari non sit opus. Etenim ab exordio mundi ad hanc diem, nec dum sex millia annorum effluxerunt. Ab origine verò gentis Chaldaæ, hoc est, post uersionem turris Babel, facta nempe linguarum diuisione, non sunt adhuc quatuor millia annorum completa. *Picus Mirandulanus* in cap. 2. libro. 12. Aduersus Astrologos, testes ad redarguendam Astrologorū mentitam vetustatem adhibet Hipparchum & Ptolemæum, principes sanè astronomiæ; qui ubi pro dogmate aliquo constituendo veterum observationes afferunt, nullas profectò afferunt vetustiores ijs, quæ sub Nabuchodonosore Chaldæorum rege apud Ægyptios & Babylonios fuere: ab initio autem imperij regis Nabuchodonosori ad præsentem annum qui ab ortu Domini nostri igitur millesimus quingentesimus octogesimus octauus, nō plus bis mille ducentos & triginta duos annos præterisse constat. Porro commentitiam Ægyptiacarum observationum antiquitatem, perbellè rider & redarguit *Augustinus* in cap. 40. lib. 18. de Ciuitate Dei: ita enim scribit: Frustrà vanissima præsumptione garrunt quidam dicentes, ex quo rationem syderum comprehendit Ægyptius amplius quàm centum annorum millia numerata.

*Picus my
randulan⁹*

Augustin⁹

merari. In quibus enim libris istum numerum collegerunt, qui non multum ante annorum duo millia literas magistra Iside didicerunt? non enim parvus auctor est in historia Varro qui hoc prodidit, sic Augustinus. Sed huic disputationi in qua octo *M. Varro.* rationibus probare volumus diuinationem astrologicam esse contrariam veræ philosophiæ, finem hoc loco statuemus.

NON MODO ASTRA NON
*esse causas, sed nec esse signa rerum
futurarum.*

CAPVT I..

BEATVS Augustinus lib. 5. de Ciuitate Dei, cap. 1. tradit fuisse opinionem quorundam non mediocriter doctorum hominum, quibus visum est non esse quidem astra causas humanorum euentuum, sed esse tamen eorum vera & certa signa.

28. *Vtrum astra, si non sunt causa saltem sint certa signa omnium futurorum.*

ORIGENES quidem certè in Tomis suis super Genesim, (sic enim memorat Eusebius libro 6. de Præparatione Euan-

N s geli.

gelica, cap. 9.) cum explanaret verba illa quæ sunt in primo capite lib. Geneseos. *Et erunt in signa*, è quibus videlicet verbis huius nostræ disputationis argumentum pertexuimus, prodidit astra esse à Deo posita in cœlo, vt per varios aspectus & coniunctiones præsignificarent quæ consequentibus temporibus tum vniuersè, tum sigillatim euentura essent, non tamen ea efficerent. Itaque cœlum esse dixit velut quendam librum in quo Deus depinxit atque descripsit quæcunque in toto mundani æui decursu, suo quæque tempore futura sunt. Ad hoc probandum, citat Origenes librum quendam cui titulus erat, Narratio Ioseph, olim apud multos in auctoritatem & fidem receptum : in quo Iacob Patriarcha inducitur filios suos alloquens hunc in modum, Legi, inquit, in tabulis cœli quæcunque contingent vobis & filiis vestris. Plotinus autem condiscipulus Origenis idem sensit, idque docet in libro qui inscriptus est, Vtrum stellæ aliquid agant in libro autem de Fato capit. 6. hunc prætere stellarum vsum esse tradit, vt qui illas suspiciant & quasi literas considerent, qui nimirum huiusmodi literaturam nouerunt, futura legant, ex ipsis figuris comparatione quadam analogica, eorum significationem & intellectum soler-

*Liber qui
inscribeba-
tur Narra-
tio Ioseph,
ab Orige-
ne citatus
Plotinus.*

solenter indagantes. Quin, Porphyrius affirmat, cum ipse de se interficiendo vehementer cogitaret, Plotinum hoc cælitus prouidisse, & tāto facinore eū prohibuisse.

Porphyri.

Hanc sententiam Iulius Sirenus libro 9. de Fato, capit. 35. minimè damnandam censet: & quo probabilem esse ostendat, aliquot ex diuina Scriptura productis sententiis, eam ornat atque confirmat. Hoc enim, inquit, non obscure indicat Esaias cum ait in capite 34. *Complicabuntur sicut liber cæli*: qua oratione significatur, cælos post diem iudicij conuoluendos esse atq; complicandos; quasi nunc cæli instar cuiusdam lib. sint explicati & aperti nobis, haud dubie ad legendum Eodem pertinet illud quod est in Psalmo 21. *Annunciabūt cæli iustitiam eius*, & in Psalmo 18. *Cæli enarrant gloriam Dei*, & quod est in primo cap. lib. Genesios de stellis, *Vt sit in signa*, & in Psal, 88. *Confitebuntur cali mirabilia tua Domine*. Nec ve ò, inquit Origenes, hæc opinatio tollit liberum hominis arbitrium, non magis profecto quam prædicta futurarum rerum à sanctis Prophetis edita, vel præscientia omnium rerum quæ est in Deo. Plotinus scientiā astrorū ea ratione vt astra signa sunt humanorū euentuū, cōtingere hōi aiebat vel singulari

Iulius Sirenus.

Origenes.

Plotinus.

quodam Dei munere, vel propter eximiā astrologiæ peritiā; ad eam enim comparandam, opus esse acerrima indagatione summaque solertia.

*Julius Si-
renus.*

Julius autem Sirenus ne Augustinum quidem ab hac opinione abhoruisse putat: quippe in 2. libro contra Manichæos, cap. 21 cum is ageret de hominibus, quorum dum sunt in corpore mortali occulta sunt corda, ita scribit: Neque enim in illis corporibus cœlestibus sic latere posse cogitationes credendum est, quemadmodum in his corporibus latent, sed sicut nonnulli motus animorum apparent in vultu, & maxime in oculis, sic in illa perspicuitate ac simplicitate cœlestium corporum omnes omnino motus animi latere non arbitror. Hæc ibi Augustinus.

29. Vtrum secundum Augustinum astra sint signa omnium rerum humanarum.

*Excutitur
locus Au-
gustini.*

VERVM, si quis locum hunc non prorsus inconsideratè legat, planè comperiet Augustinum per cœlestia corpora non intelligere orbes cœlestes, sed corpora beatorum hominum, post resurrectionem cœlesti gloria & immortalitate donari & ponere eū discrimen inter homines in hisce caducis corporibus viuentes, & eosdem post

post resurrectionem in glorificatis corporibus immortalem & beatam vitam agētes: quòd arcana cordium multiplici simulatione callidè tegant & occultent, ideoque sæpè alios fallant: in his verò manifesta erūt omnium corda omnibus, omnisque prorsus aberit simulatio, fictio atque deceptio. Atque hunc esse verborum Augustini germanum intellectum, ex proximè consequentibus eius verbis palàm est: hæc enim subtexit. Itaque illi merebuntur habitationem illam, & commutationem in angelicam formam, qui etiam in hac vita cum possint sub tunicis pelliceis occultare mendacia, oderunt tamen ea, & cauent flagrantissimo amore veritatis; & hoc solum tegunt quod ij qui audiunt ferre non possunt, sed nulla mentiuntur. Veniet enim tempus, vt nihil etiam contegatur, nihil est enim occultum quod non manifestabitur. sic Augustinus. Quare cum Augustinus satis explicatè & apertè loquatur de corporibus hominum glorificatis, non autem de cœlis vel astris; demiror sanè Iulium Sirenium tam incogitanter & oscitanter legisse hunc locum, vt propter eum maximè, Augustino affluerit huiusmodi sententiam, cuius nec vllum eo loci vestigiū apparet, & extat apud eundem in lib. de Ciuit. D E I copiosa & grauis confutatio.

30. De natura & varietate signorum.

*Astra non
esse certa
signare-
rum futu-
rarum.*

CÆTERVM, astra esse signa rerum futurarum, cenſeo equidem non ſolùm eſſe alienum à vera philoſophia, ſed etiam ſacris literis contrarium. Ac licet complures earum rationum quas ſuperiori capite tractauimus, etiã valeant ad hoc probandum; nouis tamen aliquot argumētis quæ propriè eiufmodi ſententiam refellāt, hoc loco vtendum eſt. Principio, quod eſt naturale ſignum alicuius rei, id vel eius rei cauſam vel effectum eſſe, vel vtrumq; ab eadem ſuperiori & communi cauſa proficiſci neceſſe eſt, nam quod, præter hæc quartum membrum fingi poſſet, videlicet, vt illud ſignum neceſſariò ſit coniunctum cum cauſa rei ab illo ſignificatæ, id non eſt diuerſum à tertio membro: talis enim connexio & coniunctio non aliter eſſe poteſt quam vt cauſa illa prius ex ſe pariatur id quod eſt ſignum: deinde id quod eſt ſignatum; aut vt idem quod cauſam excitat vel admouet ad agendum, ſimul etiam adhibeat & applicet id quod eſt ſignū ad præſignificandum: vtrumq; autem horum ad communem cauſam refertur. Hinc igitur argumentari licet ad hunc modum: Si cœli & ſydera ſunt ſigna omnium rerum
ſublu-

sublunarium, vel sunt earum rerum causa, sed hoc negat ista opinio: vel sunt effectus, quod nec illi dicent, nec ullus hominum sanæ mētis audebit dicere: aut, quod tantummodo reliquum est, tam cœlestia quàm sublunaria ab eadem superiori & communi causâ proueniunt: quemadmodum Iris signum est serenitatis, non quia sit eius causa vel effectus, sed quia eadem est communis vtriusque causa. At causam communem cœlestium corporum & sublunarium, necesse est esse vel corpoream vel incorpoream: corpoream quidem nullam, opinor, ponent isti, nullum enim corpus superius cœlis: relinquitur igitur ut omnia referant ad causam incorpoream, hoc est, vel Deum vel Angelos qui mouent cœlos: ita ut, dum Angeli cœlos mouent, in ipsorum cœlorum statu habituque, & in siderum posita & conformatione, quasi quibusdam suis nutibus, & tanquam notis atque signis inibi descriptis euentus rerum humanarum prænotent atque præmonstrent. At enim uero id mulus de causis non est credibile. Erenim qui sic opinantur, fateri eos oportet induci homines ab Angelis ad maxima scelera & execranda flagitia.

A D hoc, Philosophia docet, nec non Theologia idem tradit; Angelorū nullam esse

esse actionem quam vocant transcurrentem
 & quæ proximè ab ipsis provenit, aliam
 quam motum localem; nec Angelos posse
 quicquam proximè agere, præterquam
 movere motu locali. Angelos verò qui cir-
 cūvolant orbes cœlestes, non aliter cir-
 ca res sublunares operari censent Philoso-
 phi & Theologi, quàm per motum & lu-
 men cœli; nam influentias à lumine om-
 ninò diversis paulò superius sustulimus.
 Per motum autem & lumen cœli, omnes
 futuros effectus rerum sublunarium, clare
 distinctè certòq; præmonstrari, nemo di-
 ceret quæve similia & credibilia loqui velit.
 Deinde, cum eiusdem causæ duo effectus
 se inuicem necessariò indicant, ut ab ea-
 dem causa? sic eodem quoque modo ab il-
 la provenire debent: alioquin fieri non
 potest ut se inuicem certò indicent: à Deo
 autem & Angelis quæ in corporibus cœ-
 lestibus fiunt, ea necessariò & invariabili-
 ter se habent: quæ autem in his quæ sunt
 infra lunam, valde mutabiliter, & ut ita lo-
 quor, defectibiliter contingunt.

Hinc alia quoque subtexuntur argu-
 menta. Etenim, quomodo astra quæ sunt
 certo numero comprehensa, & semper ve-
 niusmodi & necessariò ac immutabiliter
 ita se habent, signa esse possunt omnium
 rerum futurarum, quæ propemodum infi-
 nitæ

nitæ sunt multitudine & varietate, & inter se plurimum differentes atque discrepantes? quomodo eadem syderum positura & conformatio, sub qua vel Gemini, vel alii quamplurimi eodem puncto temporis nascuntur, potest esse certum signum propriè & distinctè præsignificans tot tamq; varios ac dissimiles casus & euentus qui in illis cernuntur? quare, si astra sunt signa rerum futurarum, earundem quoq; causas esse fatendum est: quod si causas esse negamus, etiam signa esse negandum est.

31. *An Cometa signa sint humanarum rerum.*

D I C E S, cometas qui in sublimi aëre generantur, signa esse quæ insignes admodum casus futuros portendant, quorum tamen cometae nec causæ sint, nec effectus: quare idem quoque astris accidere respectu rerum sublunarium, non esse incredibile. At ego, cometas certa signa humanorum casuum & euentuum nunquā concedam, licet hoc tam vulgo persuasum sit, quā est à Sapientibus improbatum. Quod si hoc, cum vulgo consentiens opinarer, dicerem cometas à stellis rerum futurarum effectivis excitari, ut eas res antegressi præmonstrent. De stellis autem secus est, his enim nulla est corporea causa superior.

32. *An qui astra faciunt signa rerum
futurarum, simul etiam necessa-
riò inducant & astruant Fatum.*

S E D quid multis moror? coguntur
istius opinionis Auctores, quanquam
minimè velint, Fati necessitatem induce-
re: & sanè, magis etiam quàm qui stellæ
faciunt causas rerum sublunarium. Ete-
nim, ut stellæ causæ sint eorum quæ fiunt
infra lunam, non ideo tamen Fati necessi-
tas existet; quod enim illarum afflatu de-
fluxuq; in terris esset efficiendum, id pos-
set vel cōtrariis materiæ affectionibus, ve-
 obstantibus causis particularibus impedi-
ri. At si astra naturaliter futurarum rerum
signa sunt, omninò euenire necessarium
est quod ab illis significatur: alioquin es-
sent signa inania & fallacia. Et cum Deus
ea instituisset ad significandum, & in cæli
tanquam in quodam volumine ea descri-
psisset veluti notas futurarum rerum in-
dices; si euentus rerum cum illarum signi-
ficationibus non congruerent, vel Deus
earum auctor & institutor ignorans esse
futurorum euentuum, vel fallax. Deni-
que, si astra præsignificant quæ futura sunt
aut præmonstrant quæ facienda sunt

causæ

causis particularibus, non quidem omnibus sed aliquibus tantum. sed hoc improbabile est ac figmenti simile; cur enim stellæ prænotent futuros effectus aliquarum particularium causarum potius quàm aliarum, vel cur non similiter præmonstrent omnes, cum omnium similis ratio sit? aut stellæ præsignificent omnes futuros effectus causarum omnium particularium: hoc si est, nullæ profecto reliquæ fient causæ per quas quo minus eveniat quod à stellis præsignificatur, impediri & prohiberi queat. Ex quo sit necessariò, ut omnia quæ infra Lunam fiunt, immutabili necessitate Fati nexa vinculaque teneantur: quod nec istius sententiæ defensores sentiunt, & id sentire impium est.

Testimonium autem illud Esaie prædictum ex 34. capite, *Cæli sicut libri complicantur*: quod inter cætera Scripturæ testimonia paulò superius commemorata, solū habere aliquid difficultatis, & nō nihil negotij facessere videtur; variè interpretatum reperio: ita tamen, ut nulla interpretatio quæ modo vel probati sit Auctoris, vel sit ipsa probabilis, quicquam illi sententiæ suffragetur. Iustinus Martyr respondens ad quæstionem nonagesimam quartā Orthodoxorum, qua quærebatur quemadmodum intelligendum esset quod

*Explicatur textus
Isaia ex
ca 34.*

*Iustinus
Martyr.*

dicatur

*Psal 103.**Esai. 51.**iuxta 70.**Interpre-
tes.**Esai. 40.**iuxta 70.**Interpre-
tes.**B. Hieron.**B. Thom.**Lyranus.*

dicatur ab Esaia, fore ut cœlum aliquan-
do velut liber cōplicaretur, sic ait; Quem
admodum cœli creationem diuinæ liter-
per similitudinem conferunt aliquando
cum pellis extensione, dicentes: *Qui ex-
tendit cœlum sicut pellem*, aliquando cum
firmato fumo, *Cœlum*, inquit, *ceu fumum
firmatum est* aliquando cum rotunditate
camera, *Qui extendit*, inquit, *cœlum ve-
lut cameram*: Sic è diuerso, cœli dissolutio-
nem per comparisonem conferunt cum
aliis rebus, ut apud Esaia cum volumine
inuoluendo & implicando, sicut apud Da-
uidem Psalm. 101. cum vestimento vetera-
scente & commutante. Sic Iustinus. Hier-
onymus verò super illis verbis hæc scri-
bit, Considerandum, quod non dicimur
terire cœlos, sed replicari siue complicari
quasi librum; ut postquam omnia peccata
aperta fuerint & relecta, complicantur quæ
prius aperti fuerant, ut nequaquam ultra
scribantur in eis delicta multorum. In
Scriptura enim dicuntur cœli annunciat
iustitiam D E I, reuelare iram eius, & pro-
bare ac testificari hominum scelera.

Sanctus Thomas & Nicolaus de Lyra
aliter exponunt: Complicabuntur, in-
quiunt, cœli tanquam liber, hoc est, non
exercebunt ultra Ethnici astromantiam
suam; nec posthac ex astris diuinare aude-
bunt

unt euenta hominum, quasi legerent in
 sideribus descriptos casus & euentus fu-
 turos. Alii sic interpretantur: Non patebit
 amplius introitus in regnum cœlorum, sed
 anua cœlestis clausa erit. Sunt etiam qui
 explanant hoc modo, Ministerium & vsus
 cœlorum atque siderum exhibitus ho-
 mini ante diem iudicii, postea esse desinet:
 nam licet non prorsus interibunt cœli, alio
 tamen statu erunt, & quibus nunc fun-
 guntur ministeriis & obsequiis hominum
 causa, ab illis post diem iudicii quoquo
 modo vacabunt: quæ vocatio pulchrè de-
 claratur ab Isaia similitudine libri, quem
 posteaquam eo vsi sumus, nec amplius
 vobis vsui futurus est, complicare & clau-
 dere solemus.

Nec displicet mihi interpretatio eorum
 qui aiunt, illa similitudine declarari; tan-
 tam fore diuinæ iræ & vindictæ demon-
 strationem aduersus gentes, de quibus il-
 lic Esai. loquitur; tantam rerum omnium
 perturbationem & confusionem; tantam
 denique hominum tristitiam, dolorem &
 conflictationem; vt præ magnitudine me-
 moris atque doloris, & præ animi pertur-
 batione & oppressione, videantur homi-
 nibus cœlestia lumina restingui, stellæ de
 cœlo cadere, motusque earum conturba-
 ri, denique cœlum complicari & recedere,
 nam

nam quod hic dicitur complicari, in Apocalypsi dicitur, recedere vel abire, sic enim habes in cap. sexto, *Et cælum recessit sicut liber inuolutus.*

*Antiquus
mos He-
braorum
scribendi.*

Sed quo planior sit & facilior ad intelligendum etiam non valde doctis similitudo libri qua vsus est Esaias, sciendum est, apud Hebræos antiquitus libros sacros diuersa forma scribi & compingi solitos esse, quàm nunc scribuntur libri apud nos. Habebant enim vnum duntaxat solum siue membranam oblongam, quæ circa cylindrum siue axem ligneum circumplicabatur, instar lineæ telæ radio textorio circumuolutæ. Videbantur autem huiusmodi libri aliquam referre cœlorum similitudinem & imaginem; quia sicut axem illum ligneum qui in medio voluminis est, complures ipsius membranæ ceu spiræ, altera super alteram ambiunt & circumdant: ita hanc terram quæ medium totius vniuersi axem tenet, cœlestes orbes alter super alterum, collocati in orbem circumplectuntur. Verùm de testimonio Esaiæ satis dictum sit; cuius cum tam multæ ac variæ sint expositiones, nulla earum tamen mirificos istos astrorum Lectores, Interpretes, ac Vates adiuuat.

QVA RATIONE NON NVL-
li Astrologi multa vera præ-
dixerint.

CAPVT V.

RESTAT, quò tandem ad exitum
hæc disputatio finemque perducatur,
vt causas aperiamus, cur per-
multæ quorundam Astrologorum prædi-
ctiones veræ fuerunt, & cum rebus ipsi-
s æuentisque mirabiliter congruentes, hæc
nim quætionem, cum eius mentio supra
accidisset quo melius, commodiori scili-
cet loco tractari posset, in extremam hanc
disputationem reiecimus.

Licet igitur prædictiones Astrologo-
rum plerumque falsas esse verissimum sit, &
nobis supra satis explicatum; quoniam
amen & olim proditum est à multis, ho-
dieque admodum vulgare est, quinetiam à
grauibus viris, quibus non credere diffici-
le est, pro certo traditur, fuisse quosdam
Astrologos quorum pleræque omnes præ-
dictiones veræ fuerunt, vñ ipso euentuque
comprobata, & vix vnum aut alterum
de plurimis eorum prædictis secus eue-
nit, quàm illi prænunciauerant: age, nos
etiam

etiam hoc credere in animum inducamus, ne peruulgatæ hominum opinioni quasi publica fide & auctoritate confirmatæ, aduersari videamur. Concessa autem veritate huiusmodi prædictionum, causas eius disquiramus, videlicet qua ratione certò potuerint ab Astrologis futura prænunciari, quæ quod incerta sunt, vim & notionem humanæ intelligentiæ fugiunt. Non longum faciam: equidem asseueranter affirmo, si quæ prædictiones Astrologorum veræ fuerunt, earum veritatem non ex veritate firmitateq; artis astromanticæ quam nullam esse satis superq; ostensum est, sed aliis ex causis proficisci: quæ autem sint huiusmodi causæ, breuibus explicabo.

33. *Quatuor causa, propter quas nonnunquam prædicta Astrologorum vera canunt.*

34 *Instinctu demonum agi nonnunquam homines ad diuinandum.*

PRIMA CAUSA. Veritas istarum prædictionum nonnunquam prouenit ex pacto & societate quam iniuit Astrologus cum dæmone; vel ex occulto eius afflatu

& in-

& instinctu, quo etiam nescientes homines ad diuinandum instigantur. Hoc tradit Augustinus extremo cap. 7. libro 5. de Ciuitate Dei: Non immerito, inquit, creditur, cum Astiologi mirabiliter multa vera respondent, occulto instinctu fieri spirituum non bonorum, quorum cura est has falsas & noxias opiniones de Astralibus fatis, inserere humanis mentibus atque firmare, non horoscopi notati inspecti aliqua arte, quæ nulla est. Sic Augustinus.

35. *Quot modis Daemon futura, aut ipse præsentire, aut homini præmonstrare soleat.*

DÆMON autem suggerit homini quod ab eo diuinetur, vel palam se oculis eius aspectabilem & conspicuum offerens, eumq; futura humanis verbis prædocens: vel formatis in aëre vocibus præsignificantibus futura, citra ullam corporis speciem & figuram: vel immissa scriptura aliqua quæ futurarum rerum prædictiones contineat: vel dormienti per somnia aut vigilianti afficiendo & commouendo phantasmam, fingendoque phantasmata idonea ad repræsentandum id quod diuinandum est, atque incitando hominem ad prædicendum

O

cendum id quod repræsentant phantasmata. Scire autem potest dæmon futura quæ prædocet hominem, reuelatione Dei per bonos Angelos ei facta: nonnunquam enim Deus vel agendum aliquid vitur dæmonum ministerio. Solet etiam dæmon prænunciare homini futura quæ ipsemet postea facturus est: solet ob incomparabilem sui motus celeritatem quæ in longinquis locis remotisque mundi regionibus geruntur, ea ad homines qui longissimè absunt deferre. Potest i. e. dæmon ex clandestinis consiliis, verbis, scriptis, ex signis quæ in corpore tam exterius quàm interiorius apparent, occultas hominum cogitationes & deliberationes tam præsentis quàm futuri solertissimè coniectando, cognitæ habere. Idemque conficit ex præparatione causarum aliarumque rerum quæ ad gerendum aliquid debent concurrere. Denique, ob incredibilem subtilitatem & solertiam mentis, ob tantam tot millium annorum experientiam, propter perfectam rerum omnium naturalium absolutamque scientiam, callidissimus atque sagacissimus est ad præsentendum & prænosendum futura.

August.

Hoc ipsum quod hic docuimus, quia enucleatè aperteque tradit Augustinus in libro 2. de Genesi ad literam, cap. 17. libet
verba

verba eius adscribere, De fatis, inquit, syderum qualeslibet eorū argutias, & quasi de mathesi documentorum experimenta, quæ illi Apotelesmata vocant, omnino à nostræ fidei sanitate respuamus. Talibus enim disputationibus etiam orandi causas nobis auferre conantur, & impia peruersitate malis factis quæ rectissimè reprehenduntur, ingerunt, accusandum potius Deum auctorem syderum, quàm hominum scelera. Ideoque fatendum est, quando ab istis vera dicuntur, instinctu quodam occultissimo dici, quem nescientes humanæ mentes patiuntur. Quod cum ad decipiendos homines fit, spirituum seductorum operatio est: quibus quædam vera de temporalibus rebus nosse permittitur, partim quia subtilioris sensus acuminæ, partim quia corporibus subtilioribus vigent, partim experientia callidiore propter magnam longitudinem vitæ partim à sanctis Angelis, quod ipsi ab omnipotente Deo discunt etiam iussu eius sibi reuelantibus, qui merita humana occultissime iustitiæ sinceritate distribuit. Aliquando autem iidem nefandi spiritus etiam quæ ipsi facturi sunt, velut diuinando prædicunt. Quapropter bono Christiano, siue Mathematici, siue quilibet impiè diuinatium, maximè dicentes vera cauendi sunt,

ne consortio dæmoniorum animam deceptam , pacto quodam societatis irretiant. Hactenus sunt Augustini verba.

36 Quot modis & quàm grauitè peccent , quæ Demonum vel istorum Astrologorum opera videntur ad diuinandum.

CETERVM , grauiſſimo ſe obſtringuunt ſcelere , qui cunq; cupidi futura noſcendi conſulunt dæmones , vel Aſtologos dæmonum opera videntes ad diuinandum. Multis autem modis in eo ipſo peccari poteſt : primò ſi quis conſulat dæmonem de futuris , vel dæmonis diſcipulum Aſtologum , ratus eſſe dæmoni futura omnia exploratè percepta. Hoc enim cum vnus DEI proprium ſit noſſe futura , ſi quis eandem cognitionem etiam dæmoni tribueret, in pietatis & idololatriæ crimen eſſet. Deinde , ſi crimini vertitur cum excommunicato ab Eccleſia communio- nem & ſocietatem habere , quantum crimen erit cum diabolo acerrimo Dei & Eccleſiæ inimico & implacabili hominum hoſte, pacto & ſocietate coniunctum eſſe? & quem Deus ab omni ſocietate fidelium ablegauit ad inferas & tartarcas ſedes,

2121.

æternisq̃ue suppliciis mancipavit, eo & amico, & magistro atque doctore vti velle? Postea, qui dæmonis familiaritate vtitur in magnum certumq̃; periculum animam suam obicit, vtpote quam dæmon eiusmodi prædictionum illecebris circumvenire ac perdere vehementer cupit. Peccat enim gravissimè, quisquis Astrologos consulit, quo per illos aliorum hominum occulta peccata cognoscat. His accedit, immane flagitium esse, propterea dæmonem vel Astrologum consulere, vt eorum consilio vel auxilio magnum aliquod scelus perpetrari queat.

37 Istiusmodi Astrologos ferè improbos & flagitiosos esse.

Istos autem veridicos, vt ferunt Astrologos dæmonum esse familiares & discipulos, multa nec obscura sunt indicia: Primò, improbitas morum vitæq̃ue impunitas & sordes: Tum, contemptus omnium quæ ad Christianæ disciplinæ ac pietatis cultum exercitationemq̃ue pertinent: Postea, odisse lucem, fugitare conspectum congressumq̃ue hominum, rarò versari in publico, ferè in obscuro & abdito, proculq̃ue arbitris vivere: Ad hoc, de ipsorum fide ac religione, mala, nec sanè immerito

ac temerè, hominum existimatio: Deniq;
multi de istis capti à censoribus fidei no-
stræ, quos Inquisitores vocant, vel ultro
vel coacti, habita scilicet quæstione ad-
monisque cruciatibus, suam dæmone so-
cietatem & familiaritatem confessi sunt
verùm de prima causa satis.

August.

SECUNDA CAUSA. Astrologos
diuinare futura, nonnunquam accidit ex
occulta diuinæ prudenciæ dispositione quæ,
vt in 4. & 7. lib. Confessionum, inquit Au-
gustinus, cæcas & improbas mentes con-
sultorum aliquoties ignoto quodam in-
stinctu sic agit, vt nescientes proferant,
quæ consulentes vel ex eorum meritis vel
ex abyssu iusti iudicii Dei oporteat audire.

38. De usu sortium apud Antiquos ad prænoscenda futura.

Huc referre etiam conuenit sortes an-
tiquis vsitatas, quando videlicet versibus
alicuius poëtæ sortitò acceptis, quid eis fu-
turum portenderetur, inquirebant: quo
modo nonnunquam contingebant illis
carmina vel præsentibus, vel futuris, ne-
gotiis mirè congruentia: velut Alexandro
Seuero etiamnum adolescenti, nec impe-
rium speranti, dum Virgilianas sortes
scrutatur, versus ex libro *Æneidos* 6. exie-

re, qui futurum illi imperium præsignificabant his verbis.

Tu regere imperio populos Romane memento:

Ha tibi erunt artes, pacisque imponere morem,

Parcere subiectis, & debellare superbos.

Nec mirum ita evenire, Deo volente ideoque mentem mouente, linguam moderante, & sortes apud id quod præsignificari vult miscente ac temperante: qui non solum ex ore Balaam arioli & falsi vatis, sed etiam ex ore asinae qua ille a- Num. 23.
& 24.
riolus vehebatur, verissima futurorum edidit oracula.

39. *Permissu DEI, nimis cupidos sciendi futura, laqueis demonum irretiri, & variis ac perniciosis erroribus implicari.*

Non est hoc loco in præteritis reliquendum, quod valde sapienter & salutari- August.
ter monet Augustinus in lib. 2. de doctrina Christiana, cap. 22. & 23. ait enim permissu Dei nonnunquam vsu venire, ut demones vel per ipsos etiam homines multa vera prædicant, quod nonnulli eiusmodi diuinationum, etiam cum superstitione

atque impietate nimium studiosi atq; curiosi, noxia persuasione seducti, in maiora & magis execranda flagitia, ita se derelinqui à Deo promeriti præcedentibus suis peccatis prolabantur. Sed præstat hic Augustini verba subscribere. Hinc fit, inquit, ut occulto quodam iudicio diuino cupidi malarum rerum homines tradantur illudendi & decipiendi, pro meritis voluptatum suarum illudentibus eos atque decipientibus præuaricatoribus Angelis; quibus ista pars mundi infima secundum pulcherrimum ordinem rerum, diuinæ providentiæ lege subiecta est. Quibus illusionibus & deceptionibus euenit, ut istis superstitiosis & pernitiiosis diuinationum generibus, multa præterita & futura dicantur, nec aliter accidant quàm dicunt: multaque obseruantibus secundum obseruationes suas eueniant. quibus implicati curiosiores fiant & sese magis magisque inferant multiplicibus laqueis perniciosissimi erroris. Hoc genus fornicationis animę salubriter diuina Scriptura non tacuit, neque ab ea sic deterruit animam, ut propterea talia negaret esse sectanda, quia falsa dicuntur à professoribus eorum, *Sed etiam si dixerint vobis*, inquit, *& ita euenit, ne credatis eis*. Non enim quia imago Samuelis mortui Sauli regi vera prænunciavit

Deut 17.

1. Reg. 28.

nunciauit, propterea talia sacrilegia quibus imago illa præsentata est minus execranda sunt: aut quia in Actibus Apostolorum ventriloqua scœmina verum testimonium perhibuit Apostolis Domini; idcirco Paulus Apostolus pepercit illi spiritui, ac non potius illius dæmonii correptione atque exclusione mundauit. Omnes igitur artes huiusmodi vel nugatoriarum vel noxiarum superstitionis, ex quadam pestifera societate hominum ac dæmonum, quasi pacta infidelis & dolosæ amicitiarum constituta, penitus sunt repudianda & fugienda Christiano. Sic Augustinus. His causas adiungunt quidam alias duas, minus fortasse probabiles, non minus tamen frequentes vsuque compertas.

Actor. 16

40. Multos diuinare futura, magis ex prudentia & vsu rerum humanarum, quam ex arte astrologica.

TERTIA CAUSA. Non pauci diuinant non tam peritia artis astromanticæ quæ nulla est, quam singulari quadam sagacis ingenii solertia, & multiplici humanarum rerum peritia vsusque, & exquisita eorum hominum quibus diuina-

tio fit, negotiorum, morum, studiorum, & ingeniorum obseruatione atque notitia. Etenim quidam sunt qui perspectis quorundam hominum temperamentis & affectionibus corporum, studiis item, exercitationibus, institutis, familiaritatibus, denique virtutibus aut vitiis, multa euentura eis prouident, ipsisque magna asseueratione & auctoritate prænunciant ac plerunque diuinant. Ad hoc genus diuinationum pertinet, si quis principem tyrannicè tractantem ciues, & crudeli domatu prementem, à suis eum occisum iri prædixerit hominemque frequentissimum in furtis & rapinis, suspendio periturum, religionis contemptorem, falsæque doctrinæ profeminatorem contra veritatem fidei & Ecclesiæ Catholicæ auctoritatem, ignis supplicio mulctarum iri. Hoc genere diuinationis vsus est Annibal qui perspecta imperitia atque temeritate Terentij Varronis & C. Flamminij Romanorum Coss. & Imperatorum, Afriis victoriam, Romanis insignem cladem valde fidenter & asseueranter prædixit; eamque prædictionem mox certaminis exitus, plurimis Romanorum millibus interfectis, comprobauit.

*Diuinitio
Annibalis*

41. *Nimiam credulitatem ac leuitatem consulentium Astrologos, interdum conducere vt eorum prædicta vera cadant.*

QVARTA CAUSA. Non raro Astrologorum diuinitio vera existit ob stultam consulentium credulitatem : multi namque facillimè credant quæ dicuntur ipsis de rebus quas vel maximè optant, vel timent vehementer atque perhorrescunt. Solet enim eiusmodi credulitas instillare animis consulentium magnam spem rei bonæ à diuinis promissæ, vel ingentem metum iniicere tristium & acerborum casuum calamitatisque ab illis prænuanciata. Hi autem duo affectus animi, cum potentissimi sint ad afficiendum & commouendum hominem, crebrò efficiunt, ac certè multum proficiunt, vt humana negotia ad prædictos fines perducantur. Etenim vehemens quædam spes ardensque desiderium excitant atque incitant homines vt ad bona ipsis promissa sedulo se comparant, & omnibus suis opibus viribusque contendunt : quo fit, vt ob eam rem plerumque quò intendunt, optatorum suorum & aliorum promissorum compotes facti, perueniant. Ex aduerso autem metus, pavor, horrorque prædictorum malorum atque

O 6

cala-

calamitatum, sæpè faciunt homines cunctanter ac dubitanter aggredi negotia, timidè ac negligenter perlequi, & quocunque obiecto impedimento turpiter & infœliciter deferere, eaq; ratione in prænunciata ipsis mala delabi. Luculenta eius rei exempla reperimus in Romano exercitu,

T. Liuius. cui (vt scribit Liuius) cum auguria & auspicia secreto inspecta infaustum belli exitum minarentur auspices & duces ne militem in arma euntem funesto nuncio cōsternarent, versis in cōtrariam partem auspiciis omnia fausta & triumphalia portendi & à Diis promitti mentiti sunt, quomendacio vtiliter decepti milites, alacriter prælium inierunt, fortiter pugnarunt, & hostes quos auguria victores fore præmōstrabant, fœliciter vicerunt. Contra verò cum Nicias dux classis Atheniensium, incognita sibi lunæ defectione portendi ratus classis naufragium, si ea nocte portum egrederetur, cum stulto metu occupatus oppressusq; discessum differt; à Siracusanis cum tota classe captus est. Verùm ne disceptatio hæc longius quàm initio promissus, & quàm fert instituti nostri ratio

producatur, hic finem disputandi de diuinatione astrologica faciemus.

INDEX RE- RVM PRAECIPVA- RVM IN HOC LIBRO CONTENTARVM.

A.

A rchimedis sphaera, fol.	29
Archimedes scientia potentia	32
Actio Damenum est duplex	48
Appollonij fabula leonis,	53
Astronomica Magia quid sit.	76
Aurum chemicum non potest vendi pro vero.	103
Argentum vinum non est materia omnium metallorum sicut nec sulphur	106
Authoris sententia de auro alchimistico	116
Animalia generari possunt solo calore ignis	118
Auripigmentum est species veri auri. ibi.	
Alchimia ars cur non videatur esse vera	119
Alchimia usus non est permittendus in re- publica	121
An aliquid primigenia materia hominis maneant per totam vitam.	212
Annibalis somnium de vastatione Italia	177
Alexandri Magni somnium	186
Animus noster cur sit habilior in somno ad	
O 7 per-	

INDEX.

percipiendas reuelationes diuinas	189
<i>Argumenta S. Scriptura quibus Astrologica diuination refellitur</i>	219
<i>D. Augustini notabilis oratio in reconciliatione cum Ecclesia cuiusdam Mathematici</i>	227
<i>Ani aduersio in Petrum de Aliaco</i>	230
<i>Argumentatio valida contra Astrologos</i>	233
<i>Astrologorum pradictiones si essent vera, essent odiose hominibus</i>	265
<i>Astrologorum pradictiones cui generi hominum arrideant</i>	282
<i>Astrologorum fundamenta</i>	295
<i>Aristotelis sententia tollunt è medio Astro mantiam</i>	285
<i>B. Ambrosius comparat pradictiones astrologorum tela aranea</i>	283
<i>Astra non esse certa signa rerum futurarum</i>	301
<i>Annibalis diuination</i>	322
<i>Auctoris sententia quomodo facta sit à Magis Pharaonis virgarum in serpentes mutatio</i>	151.156
<i>Amnes retrofluentes</i>	54

B.

<i>Boetij opera mira</i>	33
<i>D. Basilij argumentatio contra Astrologos</i>	244
<i>Colum-</i>	

INDEX.

C.

<i>Columba lignea volans</i>	32
<i>Caput aneum loquens</i>	33
<i>Color caelestis & elementaris non differunt specie</i>	116
<i>Cham fuit idem qui Zoroastres</i>	144
<i>Cassiani opinio de origine Magia</i>	126
<i>Causa quinque cur dormientibus multa diuinitus reuelentur</i>	188
<i>Causa quatuor cur diuina somnia sint aliquando obscura.</i>	196
<i>Caietani sententia aduersus praelectiones astrologorum</i>	226
<i>Catonis dictum in Astrologos</i>	276

D.

<i>Damones cur simulent animas demortuorum.</i>	93
<i>Deus cur sit passus prodigia fieri à Magis</i>	157
<i>Damonum natura & munus secundum Platonem</i>	170
<i>Damones cur olim non doctis sed imperitis somnia dederint</i>	193
<i>Damonum astutia in dandis somniis</i>	195
<i>Deus varijs modis afficit homines per somnia</i>	196. 204
<i>Decreta contra Astrologos iudiciarios</i>	217
<i>Dilemma aliquod contra Astrologos</i>	265

E.

<i>Epicurorum opinio de somnijs.</i>	263
--------------------------------------	-----

D. Gre.

INDEX.

G.

D. Gregorius sex somniorum causas tradit 174

Eiusdem memorabilis sententia de somnijs 184

H.

Historia Iannis & Mambris Magorum Pharaonis 146

Homeri commentum pro distinctione verorum somniorum 168

Hebraorum antiquus mos scribendi 314

L.

Lamiarum ingenium & litido 22

Liberi arbitrij usus nunquam est perfectus in somno 204

M.

Magorum figmenta 17

Magorum opera mira 13

Magi Persarum quales 30

Magia naturalis 24

Magia naturalis triplex 25

Magi quomodo demonibus imperent 41

Magia varia species 72. 96

Magie usus 139

Magia vetita diuinis legibus *ibid.*

Magie unde tanta autoritas 133

Magie origo prima à Damone 127

Miraculum quid sit 67

Miraculorum verorum tres gradus 68

*Miraculorum verorum quinque differen-
tia*

INDEX.

tia à falsis & simulatis 69
Mortuos nulla vi magica posse reuiuiscere
 23

N.

Necromantia usus antiquus 88
Necromantia confutatio 90
Nicia ducis Atheniensium inscita exitia-
lis 324

O.

Opera quæ possunt daemones facere 50
Opiniones tres de serpentibus Magorū Pha-
raonis 148.149 151
Oenomaus confutator oraculorum Apol-
linis 222
Origenis disputatio contra Astrologos
 229

P.

Porphyrii dubitationes nouem, quomodo
Magi daemones inuocent 43
Philonis sententia de origine Magia 122
Porphyrius quid senserit de veritate som-
niorum 172
Pythagora mos & consuetudo 174
Petrus Aliacus plurimum peccauit contra
chronographiam. 273
Professores diuinandi futura, aliquando
fuisse eiectos è ciuitatibus 281

R.

Remora piscis 25
Refel-

INDEX.

<i>Refellitur ars Cabalistica tanquam in-</i>	
<i>nis</i>	70
<i>Rationes quinque pro Alchymistis</i>	112
<i>Religio & disciplina Christi tenebras Ma-</i>	
<i>gicarum artium è mundo discussit</i>	132
<i>Ratio cognoscendi somnia duplex</i>	183
<i>Ratio quadam contra Astromantiam</i>	223

S.

<i>Salomonis Magia naturalis</i>	34
<i>Statua per se incedentes</i>	51
<i>Statua loquentes more humano</i>	51
<i>Samuel an fuerit verus qui per Phytomif-</i>	
<i>sam representatus est Sauli</i>	84
<i>Smerdis Magus inuasit regnum Persarum</i>	99
<i>Sulphur non est materia metallorum om-</i>	
<i>nium</i>	106
<i>Somnia omnia esse vera Stoicorum & Phy-</i>	
<i>thagora opinio</i>	162
<i>Sententia quadam vera de somnijs</i>	165
<i>Somniorum causa</i>	164. 176 179. 182
<i>Sententia varia de causis somniorum</i>	169
<i>Somnium Cyri.</i>	170
<i>Synesijs mira sed falsa de spiritu phanta-</i>	
<i>stico tradit</i>	173
<i>Somnio-</i>	

INDEX

na	<i>Somniorum damonis duo genera</i>	
75		180
212	<i>Somnia quædam impijs hominibus data</i>	
44	<i>sunt à Deo</i>	194
	<i>Somniorum quatuor genera sine vitio pos-</i>	
	<i>sunt observari</i>	197
183	<i>Somnium Salomonis cur illi fuerit datum</i>	
		207

T.

	<i>B. Thoma sententia de operibus Maga-</i>	
	<i>rum</i>	20
	<i>B. Thoma argumentũ contra Necroman-</i>	
	<i>tiam</i>	90
	<i>Testimonia scriptura de somnijs</i>	227
	<i>B. Tertulliani sententia de Necromantia</i>	
		166

V.

	<i>Voces quomodo possint esse causa efficientes</i>	
	<i>rerum aliquarum</i>	38
	<i>Utilitates artis Chimica</i>	108
	<i>Vanitas maior eorum qui observant som-</i>	
	<i>nia, quàm æstra</i>	200
	<i>Vsue rationis sape est liber in somno</i>	
		204
	<i>Vita hominis est instabilis , qui non se-</i>	
		611-

INDEX

secundum rationem sed sensum vni
263

X.

Xenophanis & Epicuraorum opinio de so
mnijis 163

Z.

Zoroastres Magia parens 123
Zodiacus apud Astrologos duplex 243

F I N I S.

